


3 1761 07830197 5





Digitized by the Internet Archive
in 2010 with funding from
University of Toronto

(93)

MICHAELIS SZVORÉNYI

PAR. ET V. ARCHID. KARÁD. S. THEOL. DOCT. I.

COMITATUS SIMIGHIEN. TAB. IUD.

ASSESSORIS.

IUS PUBLICUM

COMMUNE, ET PARTICULARE

ECCLESIAE HUNGARICAE.

PARS GENERALIS.

WESZPRIMII,

TYRIS MICHAELIS SAMMER.

1803.

Sententia Censurae Regis.

Operose nimis, et multa eruditione conscriptum Ius publicum Ecclesiae Hungaricae cum voluptate legi, atque pro munere meo ad Typum subscripsi. - - -

Iosephus Beresevich m. p.
Revisor lib. et Canonicus Diakova-
riensis.



BX
1937
H9588

Reverendissimo Domino IOANNI
HORNYIK, Almae Cathedra-
lis Ecclesiae Wetzprimiensis
Canonico longaevam felicitatem !

Quod blattis, imò piperi devotas has-
ce chartas, ab interitu vindicaveris ;
quod TE solo minime contentus, ut
TUA quoque TECUM sacrata esse
Bono communi, palam doceres, mihi
neque cogitanti, sumtus typo neces-
sarios, tam promptus obtuleris, ut af-
firmares etiam, haud minore zelo TE
necessarium aes, quam me operam,
in opus hoc conferre : publicas hic
gratias reddo. Reddent alii fortas-
sis etiam ampliores, dum talia lege-
rint, quae libello hoc aeternis obruto
te-

tenebris, ignoravissent. Vale mi Domine Reverendissime, librique huius autorem, post viginti annorum labores literarios, bis mille, atque ducentarum Animarum cura spirituali penitus obrutum, tantoque sub onere fatiscentem, unus TU saltem gratiis fove.

*Devotissimum TIBI
operis autorem.*

Ecclesiastico lectori Hungarò salutem !

Post multa Historiarum ab aliis edita volumina, et compendia, me quoque in isto materiarum genere versatum fuisse non infelicer, testes habeo nonnullos Ecclesiae Hungaricae Praesules, a quibus, conscripta per me *Historia Religionis, et Ecclesiae Christianae*, mox, ut vidit publicam lucem, probata est, hodieque probatur, illo potissimum nomine, quod Ecclesiae Hungaricae res, oportune habeat intermixtas

tas. Illud etiam opus, quod sub titulo *Amoenitatum Historiae Ecclesiae Hungaricae*, postmodum vulgavi, plausum tulit sane multorum. Testantur id Literae Virorum eruditissimorum, quibus me honorare non sunt dedignati. Confido fore, uti eandem ob causam, istud *Iuris Publici Ecclesiastici communis, et particularis Ecclesiae Hungaricae* compendium, non sit ingratum; illis proculdubio, qui pro debito amoris in Patriam, domestica diligunt magis, quam aliena. Quisquis mea haec non obiter legerit, proprios ad fontes exacta sine mendo, reperiet, indignationemque videbit meruisse quosdam Iuris Ecclesiastici tractatores, qui anserum
in-

instar seqvuti alter alterum, lucubrationes suas impleverunt provocationibus erroneis, commemorando numeros capitulorum non exstantes, vel capitula proferendo, rem, de qua est sermo, nullo pacto tangentia: nec infrequenter, verba Legis aut corrupta, vel in alium detorta sensum, produxere. Absit a me tam grande literarium crimen. Propositum mihi praeterea est, dissimulandi quidem studiose prorsus nihil: at neque pronunciandi quicquam iis de rebus, quae salva integritate Fidei Catholicae, et caritatis Christianae, propugnantur ab illis, ab istis negantur. Fors oratio sibi non constans, displicebit. Sed mihi tacendum fuit,
cum

cum Evangelia , Patres Eccle-
siae , sacra Concilia , Leges Pá-
triae , Romani Praesules , et A-
postolici Reges , loquebantur. Va-
le mi lector ! meumque hunc la-
borem , nullo tibi debitum iure ,
gratus accepta.

Iuris Publici Ecclesiastici Communis, et Particularis Ecclesiae Hungaricae.

PARS GENERALIS.

CAPUT I.

De illis, penes quos est externum Ecclesiae Regimen.

	Pag.
§. I. C hristus novam societatem condidit.	1
§. II. Procurandae salutis aeternae causa.	3
§. III. Haec Societas dicitur Ecclesia	4
§. IV. Quae est visibilis.	5
§. V. Ac perpetua.	6
§. VI. Est in ea potestas ferendi Leges.	6
§. VII. De obiectis fini suo congruis.	8
§. VIII. Ad servandam unitatem fidei et caritatis.	9
§. IX. Sed non de temporalibus obiectis.	9
§. X. Item potestas iudicandi.	11
§. XI. Atque reos puniendi.	13
§. XII.	

	Pag.
§. XII. Spiritualibus poenis. - - - -	13
§. XIII. Legibus Ecclesiae debent obsequi fideles.	14
§. XIV. Post sufficientem promulgationem. -	15
§. XV. Et salvis cuiusque iuribus. - - -	16
§. XVI. E Legum complexu natum est Ius Eccle- siasticum. - - - - -	19
§. XVII. Divinum et humanum. - - -	19
§. XVIII. Publicum et Privatum. - - -	20
§. XIX. Commune et Particulare. - - -	20
§. XX. Illud ferendi non omnibus par potestas.	21
§. XXI. Nam datur Hierarchia Ministerii. -	23
§. XXII. Etiam ex institutione Ecclesiae. - -	24
§. XXIII. Item Hierarchia externae gubernationis.	25
§. XXIV. Etiam Ecclesiastici Iuris. - - -	25
§. XXV. Eminent in illa Pontifex Romanus. -	26
§. XXVI. Conservandae unitatis causa. - -	28
§. XXVII. Atque post Apostolos. - - -	30
§. XXVIII. Ceteri Episcopi. - - - -	33
§. XXIX. Regimen ergo Ecclesiae non est Mo- narchicum. - - - - -	35
§. XXX. Nec Democraticum. - - - -	35
§. XXXI. Neque Aristocraticum. - - -	36
§. XXXII. Sed Monarchico - Aristocraticum. -	36
§. XXXIII. In Hierarchia iuris Ecclesiastici sunt Cardinales. - - - - -	37
§. XXXIV. Quorum tituli enumerantur. - -	38
§. XXXV. Patriarchae. - - - -	40
§. XXXVI. Primates. - - - -	41
§. XXXVII. Primas Regni Hungariae. - -	42

	Pag.
§. XXXVIII. Metropolitani. - - - -	43
§. XXXIX. Metropolitanus Strigoniensis. - -	43
§. XL. Metropolitanus Colocensis. - - -	45
§. XLI. Pontificis Legati de latere. - - -	48
§. XLII. Legati Nati. - - - -	49
§. XLIII. Apud nos Strigoniensis. - - -	50
§. XLIV. Nuncii Apostolici. - - - -	51
§. XLV. Vicarii Apostolici. - - - -	52
§. XLVI. Coadiutores Episcoporum. - - -	53
§. XLVII. Archidiaconi. - - - -	55
§. XLVIII. Vicarii Generales, et Officiales Epi- scoporum. - - - -	56
§. XLIX. Capitula Cathedralia, et Collegiata.	57
§. L. Capitula Cathedralia Ecclesiae Hungaricae.	58
§. LI. Capitula Collegiata Ecclesiae Hungaricae.	62
§. LII. Vicarii Capitulares. - - - -	64
§. LIII. Vicarii foranei. - - - -	65
§. LIV. Decani rurales. - - - -	66
§. LV. Parochi. - - - -	67
§. LVI. Parochiarum Administratores. - -	69
§. LVII. Praelati Regulares. - - - -	70
§. LVIII. Abbates Commendatarii. - - -	73
§. LIX. Abbates et Praepositi Titulares. -	75
§. LX. Generales Ordinum. - - - -	78

CAPUT II.

De fontibus propriis Ecclesiastici Iuris.

§. LXI. Fontes cum Theologia communes. -	83
§. LXII. Religio Naturalis. - - - -	84
§. LXIII.	

	Pag.
§. LXIII. Revelata, contenta in Scripturis Sacris.	85
§. LXIV. Et in Sanctis Patribus. - - -	86
§. LXV. Concilia. - - - - -	88
§. LXVI. Generalia. - - - - -	90
§. LXVII. Utilia sunt. - - - - -	91
§. LXVIII. Et quandoque necessaria. - -	92
§. LXIX. Illuc Iure Divino pertinent Episcopi.	94
§. LXX. De Presbyteris quaeritur. - - -	95
§. LXXI. Sententiae negantis motiva. - -	98
§. LXXII. Quidam Clerici de more vocandi.	99
§. LXXIII. Episcopi omnes vocandi. - -	100
§. LXXIV. Ordinarie per Papam. - - -	100
§. LXXV. Demtis fors casibus quibusdam. -	101
§. LXXVI. Non sine Principum assensu. -	102
§. LXXVII. Praesidere Pontificis est. - -	106
§. LXXVIII. Perinde est per Legatos. - -	107
§. LXXIX. Etiam Principum, civili cum potestate.	108
§. LXXX. Plenus esto numerus. - - -	112
§. LXXXI. Seria veritatis indagatio. - -	116
§. LXXXII. Dicendi libertas. - - - -	117
§. LXXXIII. Ut sit autoritas plena. - -	120
§. LXXXIV. Et obliget post promulgationem.	121
§. LXXXV. Sed num ante Papae confirmationem?	123
§. LXXXVI. Aut hoc supra Papam est? - -	126
§. LXXXVII. Concilia Nationalia. - - -	130
§. LXXXVIII. Provincialia. - - - -	134
§. LXXXIX. Dioecesana. - - - - -	137
§. XC. Praeter Episcopum a quo cogenda?	140
§. XCI. Per quos habenda? - - - - -	142

§. XCII. Iuxta morem Ecclesiae Hungaricae.	-	146
§. XCIII. Omissis collectionibus variis.	-	149
§. XCIV. Trutinantur Canones Apostolici.	-	154
§. XCV. Collectio Isidori.	-	156
§. XCVI. Non genuina continet.	-	158
§. XCVII. Gratiani collectio.	-	160
§. XCVIII. Correctio, et autoritas.	-	163
§. XCIX. Paleae.	-	166
§. C. Collectio Gregorii noni.	-	166
§. CI. Sextus Decretalium.	-	169
§. CII. Constitutiones Clementinae.	-	172
§. CIII. Extravagantes Ioannis XXII. et Com- munes.	-	173
§. CIV. Septimus Decretalium.	-	174
§. CV. Institutiones Lancellotti.	-	175
§. CVI. Rubricae. Summariae. Glossae.	-	176
§. CVII. Corpus Iuris Canonici.	-	177
§. CVIII. Eius apud nos autoritas.	-	178
§. CIX. Ius novum Tridentinum.	-	180
§. CX. Iussa Pontificum.	-	182
§. CXI. Eorum autoritas in dogmaticis.	-	185
§. CXII. In disciplinaribus.	-	187
§. CXIII. Autoritas Bullarii.	-	188
§. CXIV. Rescripta Pontificum.	-	191
§. CXV. Vitiosa.	-	192
§. CXVI. Signa vitii.	-	194
§. CXVII. In materia iustitiae.	-	195
§. CXVIII. Vel gratiae Beneficialis.	-	196
§. CXIX. Vitiosa ex se.	-	197

	Pag.
§. CXX. Effectus Rescripti Iustitiae.	200
§. CXXI. Effectus Rescripti Gratiæ.	201
§. CXXII. Cessatio utriusque.	202
§. CXXIII. Privilegia.	203
§. CXXIV. Qvaliter acquiruntur?	205
§. CXXV. Quantum valent?	206
§. CXXVI. Qvot modis cessant?	207
§. CXXVII. Eorum confirmatio, et innovatio.	209
§. CXXVIII. Dispensatio.	211
§. CXXIX. Romanae Curiae autoritas.	212
§. CXXX. Consistorium Cardinalium.	214
§. CXXXI. Congregatio Status, et Consistorialis.	214
§. CXXXII. Congregatio Cardinalium.	215
§. CXXXIII. Congregatio Inquisitionis.	215
§. CXXXIV. Congregatio Iudicis.	216
§. CXXXV. Qvalificatio thesium.	217
§. CXXXVI. Congregatio super negotiis Episcoporum. et Regularium.	219
§. CXXXVII. Congregatio Sacrorum Rituum.	220
§. CXXXVIII. Congregatio Indulgentiarum.	220
§. CXXXIX. Congregatio Concilii Tridentini Interpretum.	221
§. CXL. Rota Romana.	222
§. CXLI. Signatura iustitiæ, et Signatura gratiæ.	223
§. CXLII. Dataria.	223
§. CXLIII. Poenitentiaria.	224
§. CXLIV. Cancellaria Romana.	225
§. CXLV. Secretaria Brevium.	226
§. CXLVI. Curiae Officiales.	227

	Pag.
§. CXLVII. Protonotarii Apostolici. - - -	227
§. CXLVIII. Notarii Publici. - - -	230
§. CXLIX. Episcoporum Literae Pastorales. - -	232
§. CL. Consuetudo ut Lex fiat. - - -	233
§. CLI. Requisite ex parte populi. - - -	235
§. CLII. Et ex parte Legislatoris. - - -	236
§. CLIII. Eius autoritas. - - -	237
§. CLIV. Et robur. - - -	238
§. CLV. Irrationabilis non valet. - - -	239
§. CLVI. Praejudicia et Stylus Curiae. - -	240
§. CLVII. Legis subiectum Legislator ipse. -	241
§. CLVIII. Legis particularis Subiectum. -	243
§. CLIX. Interpres Legis. - - -	244
§. CLX. Etiam doctorum sententiae. - - -	245
§. CLXI. Observando quaedam. - - -	246
§. CLXII. Lex desinit per se, vel auctoritatem.	247
§. CLXIII. Universalis quomodo? - - -	248
§. CLXIV. Utrumne Episcoporum auctoritate?	249

CAPUT III.

De fontibus remotioribus Ecclesiastici Iuris.

§. CLXV. Ecclesiastica potestas non pendet a Ci- vili. - - -	252
§. CLXVI. Nec Civilis ab illa. - - -	255
§. CLXVII. In profanis huic paret illa. - -	256
§. CLXVIII. Etiam quoad Bona temporalia. -	259
§. CLXIX. Hinc nexus Reipublicae utriusque.	262
§. CLXX. Et Civitatis in Ecclesiam influxus.	264
§. CLXXI. Protegendique obligatio. - - -	265

§. CLXXII.

	Pag.
§. CLXXII. Probante Sacra antiquitate. - - -	267
§. CLXXIII. Hinc Constitutiones Imperatorum circa Sacra. - - - - -	271
§. CLXXIV. Capitularia Regum Francorum. -	274
§. CLXXV. Multae Leges Hungaricae, - -	275
§. CLXXVI. A Clero noscendae. - - -	281
§. CLXXVII. Et Regum Decreta. - - -	282
§. CLXXVIII. Ceu Ecclesiae Hungaricae Patro- norum. - - - - -	283

IURIS PUBLICI ECCLE- SIASTICI

Communis et Particularis Eccl.
Hung.

PARS GENERALIS.

CAPUT I.

De illis, penes quos est externum Ec-
clesiae Regimen.

§ I.

Christus novam Societ. condidit.

Veteris Ecclesiae Iudaicae, quam nomina-
bant Synagogam, futuram aliquando abolitio-
nem, et institutionem alterius, praedixerant
Prophetae, Divino Spiritu impuls. a) No-
vae istius Ecclesiae conditor, Propheta futu-

A

rus

a) Osee III, 4. Malach. I. 11.

rus erat similis Moysi; b) qvi secundum caracteres ab iisdem Prophetis adductos, c) fuerat Jesus Nazareus, tempore Caesaris Augusti, in Bethlehem natus. Et vero, pro tali semet gessit ille, cum suscepto praedicationis munere, delegit praeterea viros XII. quos nominavit Apostolos; d) tum alios LXXII. quos dimisit binos in omnem Civitatem, quo erat ipse venturus: e) omnes, deū Legis, ac Religionis ab se revelatae futuros propagatores, atqve doctores. f) Praedicationibus addebat miracula, ut his multitudinem suae societati adgregaret. g) *Reapse sequebatur eum multitudo magna, quia videbant signa, quae faciebat super his, qui infirmabantur.* h) Tunc demum professus est, sibi non deesse oves, atqve se pastorem esse. i) Quapropter dubitari neqvit, novam fuisse conditam a Christo societatem, quae per omnem subinde

or.

- b) Deut. XVIII. 18. XXXIV. 10. c) Eorum loca produxit Obstraët de loc. Theol. dissert. I. quaest. 1. d) Luc. VI. 13. seqq. e) Luc. X. 1. f) Matth. XXVIII. 19. Marci XVI. 15. g) Matth. XI. 5. h) Joann. VI. 2. i) Joann. X. 7. 11. 14.

orbem ab Apostolis, horumque discipulis propagata, mox ab incunabulis, nomen societatis *Christianae*, ab auctore suo hoc modo compellatae, conseqvuta fuit, qvique hanc ingressi sunt, *Christiani* coeperunt nominari. k)

§. II.

Procurandae salutis aeternae causa.

Societatis hujus finem, ob quem coaluit, aeternam hominum salutem esse, autor eius aperte docuit. *Haec est autem* inquit, *voluntas Patris mei, qvi misit me: ut omnis qvi videt filium, et credit in eum, habeat vitam aeternam, et ego resuscitabo eum in novissimo die.* l) Et rursum: *Qvi crediderit, et baptisatus fuerit, salvus erit, qvi vero non crediderit, condemnabitur.* m) Atque hinc tota docuit sacra antiquitas, extra hanc societatem salvari neminem posse. Qva de re Theologi tractant. Qvibuscum nos oportet meminisse dicti huius Apostolici: *Unum*

A 2

cor-

k) Act. XI. 26. l) Joann. VI. 40. m) Marci XVI. 16.

corpus, et unus spiritus. . . . Unus Dominus, una fides, unum baptisma. n)

§. III.

Haec societas dicitur Ecclesia.

Societas Christiana, per antonomasiam *Ecclesia* vocatur, quamvis Graeca vox *Ecclisia*, evocationem significare possit, multitudinemque hominum, sive in malum, seu in bonum aliquod consentientium. o) Porro ex eo, quod sacra haec societas adpellata fuerit a S. Cypriano, *plebs sacerdoti adunata, et pastori suo grex adhaerens*; p) a S. Ambrosio, *Congregatio, quae in unum connexum corpus, atque compactum unitate fidei et caritatis, consurgit*; q) et a S. Augustino, *populus fidelis per universum orbem diffusus*: r) non inconcinne definiri potest *Ecclesia Christiana, coetus hominum, Christianae fidei societate coniunctorum, qui sub Romani Pontifi-*

n) Ephes. IV. 5. o) Ita psal. XXV. 5. XLIX. 1.

p) Epist. ad Florent. Pupian. edit. Tirn. pag. 360.

q) Lib. 3. de offic. cap. 3. num. 9. r) Lib. de catechisand. rudib, cap. 3.

tificis, ceterorumque legitimorum Pastorum regimine, verum Deum colunt, aeternae salutis obtinendae causa. s)

§. IV.

Quae visibilis est.

Ecclesia Christiana cum sit hominum in hac terra viventium societas, ut sit visibilis, oportet. Quare Propheta Esaias hoc Eam pacto descripsit: *Erit in novissimis diebus praeparatus mons domus Domini in vertice montium, et elevabitur super colles, et fluent ad eum omnes gentes. Et ibunt populi multi, et dicent: Venite et ascendamus ad montem Domini, et ad domum Dei Jacob, et docebit nos vias suas, et ambulabimus in semitis eius: quia de Sion exhibit lex, et verbum Domini de Jerusalem.* t) Christus quoque comparavit Ecclesiam suam Civitati, supra montem locatae, ac lucernae positae super candelabrum; u) et quoniam audiri hanc tam gravibus praecepit verbis, ut refracta-

s) Legito Melch. Canum de loc. Theol. L. IV.

c. 2. t) Esaias II. 2. seq. u) Matth. V. 14.

rium, ex eius gremio iusserit eiici: v) talem esse proculdubio supposebat, quae cognosci ab omnibus possit, quicumque morem ei gerere, obedientiamque praestare debent.

§. V.

Ac perpetua.

Nec brevi temporis spatio, Ecclesiae suae aetatem circumscripsit Servator Dominus, verum ad finem usque mundi, hanc duraturam esse pronunciavit. *Docete inquit, omnes gentes - - docentes eos servare omnia, quaecumque mandavi vobis: et ecce ego vobiscum sum omnibus diebus usque ad consumationem saeculi.* w) *Ego rogabo patrem, et alium paracletum dabit vobis, ut maneat vobiscum in aeternum.* x)

§. VI.

Est in ea potestas ferendi leges.

Tam longaeva Christianae societatis duratio; Eius insuper coalitio ex hominibus, qui plurimis defectibus sunt obnoxii, illud
sane

v) Matth. XVIII. 17. w) Matth. XXVIII. 19. x) Joann. XIV. 15. 16.

sane deposcebant, ut haec societas legum vinculo stringeretur, quae bona praeciperent, vetarent mala. Isthinc vero seqvebatur eorum necessitas, qui potestatem haberent ferendi leges, ad obtinendum finem alias memoratum, (§. II.) oportunas. Revera Christus ab se conditam societatem nolens informem relinquare, constituit ei Rectores, et normam regendi praescipuit; y) potestatem tribuit pascendi, z) ligandi, atque solvendi. a) Quam ob rem, Paulus Apostolus hoc modo alloquebatur Ecclesiae Praepositos: *Attendite vobis et universo gregi, in quo vos Sp. S. posuit Episcopos regere Ecclesiam Dei, quam acquisivit sanguine suo.* b) Qvodsi facta poscuntur, adsertum confirmatura: praesto erant ferme totidem, quot numerantur sacra Concilia, ab illo inde Apostolico, quod Act. XV. memoratur, usque ad domesticum nostrum, anno 1714. Qvinqueecclesiis celebratum. c) In quibus plerumque, agendi cavendique leges, per Episcopos sancitae fuerunt.

§. VII.

- y) Matth. XVIII. 16. 17. z) Joann. XXI. 15. seq.
 a) Matth. XVI. 19. XVIII. 18. b) Act. XX.
 28. c) Ap. Péterf. T. II. p. 413.

§. VII.

De obiectis fini suo congruis.

Agenda porro cavendaque Christifidelibus, quae talibus, illa sunt, quae cum fine societatis Christianae superius memorato, connexionem habent. Videlicet res *fidei*, quatenus Ecclesiasticae potestatis est, fidelibus declarare, num hoc illudve assertum, fide supernaturali debeat credi. Res *morum*; Ecclesia quippe decernit, an haec illave actio honestati congruat, vel ab hac abluat: ponenda proin ut licita, vel ut illicita, prorsus cavenda. Obiecta *sacrorum Rituum*, puta earum actionum, externorumve signorum, quae cultum Dei promovent, atque ad augendam in cordibus hominum veram pietatem, conducunt. Tandem illa, quae ad exteriorem *Ecclesiae gubernationem* spectant. Circa haec enim obiecta versatam fuisse a primis inde temporibus potestatem sacram, docent totidem Synodi, quot in Ecclesia Christi, hactenus celebratae memorantur.

§. VIII.

§. VIII.

Ad servand. unit. fidei et caritatis.

Cum porro finis ultimus institutae societatis Christianae, fuerit aeterna hominum salus: (§. II.) haec vero sine fidei et caritatis unitate nequeat obtineri; idcirco utriusque custodiam lex Christi magnopere inculcat; d) totusque institutae potestatis Ecclesiasticae scopus, in hisce duobus terminatur.

§. IX.

Sed non de temporalibus obiectis.

Tam societatis Christianae, quam et potestatis in illa constitutae finis, innuit, obiecta *mere temporalia*, gubernationi Ecclesiasticae neutiquam subiici. Demonstrant vero istud penitus, dicta Servatoris, qui a Pilato interrogatus, num ipse Rex Iudaeorum esset? Regnum suum non esse de hoc mundo, respondit. e) Neque tale igitur sive amplum, seu restrictum, contulit Apostolis, eorumve

suc-

d) De fide, imprimis Matth. XXVIII. 19. seq. Marci XVI. 15. seq. De caritatis unitate praecipue Matth. XXII. 37. Joan. XIII. 34. seq. Ad Ephes. IV. 1. seq. e) Joan. XVIII. 36.

successoribus: cum potius eosdem Apostolos, de temporali praerogativa disceptantes, aperte reprehenderit; f) mittendoque ipsos, eo modo, quo ipse fuerat missus a patre: g) non temporalem eis, sed mere spirituales contulerit potestatem, baptisandi videlicet, h) docendi, i) remittendi praeterea, retinendique hominum peccata. k) Quamobrem Petrus Apostolus, optime gnarus Dominicae voluntatis, sic animarum Rectores admonebat: *Pascite, qui in vobis est, gregem Dei, providentes non coacte, sed spontanee secundum Deum: neque turpis lucri gratia, sed voluntarie: Neque dominantes in cleris, sed facti gregis ex animo.* l) Quibus verbis in rem suam usus Bernardus Clarevallensis, hoc pacto alloquebatur Pontificem Eugenium: *Neque - tibi ille Petrus dare, quod non habuit, potuit, quod habuit, hoc dedit, sollicitudinem scilicet super Ecclesias: Numquid dominationem? audi ipsum: Non dominantes ait,*
in

f) Marci X. 43. Luc. XXII. 26. g) Joann. XX. 21.

h) Matth. XXVIII. i) Ibid. item Marci XVI.

15. k) Matth. XVIII. 18. Joan. XX. 23. l) 1.

Petri V. 2.

in Clero, sed forma facti gregis ex animo; et, ne dictum sola humilitate putes, non etiam veritate, vox Domini est in Evangelio: Reges gentium dominantur eorum, vos autem non sic. Planum est Apostolis interdici dominatum. - - Forma Apostolica haec est, interdicitur dominatio, indicatur ministratio, quae commendatur ipsius exemplo Legislatoris. m)

§. X.

Item potestas iudicandi.

Cum potestate legislativa, quam esse in Ecclesia Christi, iam diximus, (§. VI.) intime coniuncta est potestas iudicandi eos, qui huic Ecclesiae ceteroquin subiecti, leges in ea sancitas praevaricantur. Quamobrem Christus eum, qui post unam, et alteram monitionem fraternam, obsequi noluerit, Ecclesiae iudicio deferendum edixit. n) Paulus Apostolus iudicavit incoestuolum Corinthium;

m) De consid. Lib. II. cap. 6. Plura leges ap. Dupin de antiqva Eccles. discipl. diss. VII. et passim recentiores Canonistas. n) Matth. XVIII.

thium; o) et normam praescripsit Timotheo Episcopo ab se creato, iudicandi Presbyterum; ne scilicet adversus hunc recipiat accusationem, nisi duo tresve testes fuerint in promptu. p) Adsertum confirmat perpetua consuetudo. Indicata est persona et doctrina Pauli Samosatani Antiochiae anno Christi 264. et 269. Arii Nicaeae anno 325. Macedonii Constantinopoli an. 381. Nestorii Ephesi an. 431. Eutychetis Chalcedone an. 451. atque deinceps aliorum per series temporum, usque ad Synodum Zagrabiensem, praeside Georgio Draskovich celebratam, in qua Michael Buchich Catholicae Religionis desertor, poenam excommunicationis tulit. q)

§. XI.

o) 1. Cor. V. 3. seqq. p) 1. Tim. V. 19. q) Editata est haec Synodus e MSS. monasterii Remetensis Zagrabiae 1771. Meminit quoque ipsius Georg. Draskovich qua A. Ep. Coloc. et Administrator Jaurin. in encyclica, per quam Sabariae an. 1579. celebrandam Synodum, convocabat. Quae typis Pragensibus an. eod. excusa, atque celebri Péterffio ignota, in Bibliotheca Kis-Czenkensi habetur.

§. XI.

Atque reos puniendi.

Cum potestate ferendarum legum, coniuncta est legis transgressores puniendi potestas. Haec enim ad efficaciam Legi obtinendam, perquam est necessaria; cum in Ecclesia, quae ex hominibus coaluit, ad praevaricationem partim natura, partim malitia propensis, non omnes utique legis amore, vel legislatoris reverentia, verum quam plurimi timore solo possint in officio contineri. Adsertum facta probant, ceteraque omnia paulo antea e Scripturis Sanctis, et Ecclesiae conciliis allata. (§. praec.)

§. XII.

Spiritualibus poenis.

His vero ipsis, tum fini institutae Ecclesiae, (§. II.) dein scopo legum Ecclesiasticarum, (§. VIII.) ipsarumque obiectis, (§. IX.) ut consonet poena, mere spirituales esse oportet. Quare Petrus a Domino commo-
nitus, ut gladium, quo auriculam Malcho praeciderat, reponeret *in vaginam*: r) deinceps

r) Matth. XXVI. 52.

ceps ipse commonebat animarum pastores, ut pascant gregem Dei *providentes non coacte, sed spontanee secundum Deum.* s) Isthuc alludens B. Anselmus, Cantuariensium in Anglia Praesul, inqviebat: *Sunt et ministri saeculares, a quibus temporalia, et spirituales; a quibus tractari debent spiritualia. Datur ergo materialis gladius carnalibus, spiritualis autem ministris spiritualibus. Sed sicut non convenit Regibus, quod ad stolam pertinet, sic nec Episcopis, quae Regis sunt, exercere: quod quia Petrus, qui figuram rerum spiritualium gerebat, materialem gladium quodammodo exercuit, dum auriculam servi amputavit, a Domino increpari meruit.* t)

§. XIII.

Legib. Eccl. debent obsequi fideles.

Legibus Ecclesiasticis Christifideles vicissim, non coacte, verum spontanee secundum Deum obsequi debent. Obsequium hoc deposcit correlatorum natura. Ridiculum quippe esset ius praecipiendi, (§. VI.) quod-

si

s) 1. Petri V. 2. t) Homil. in Evang. Matth. cap. 26.

si obsequendi necessitatem nemo sibi impositam haberet. Deposcit quoque huiusmodi obsequium natura societatis; cui dum se quispiam addixit, particeps fieri cupiens beneficiorum, eius quoque semet oneribus subiecit. Idcirco Christifidelibus e Iudaismo conversis, et susceptione Sacri baptismatis Ecclesiae gremium ingressis, aiebat Paulus Apostolus: *Obedite Praepositis vestris, et subiaceite eis: Ipsi enim pervigilant, quasi rationem pro animabus vestris reddituri.* u)

§. XIV.

Post suffic. promulgationem.

Attamen obedientia impossibilis erit, nisi lex, cui obsequendum est, promulgetur. Idcirco Christus doctrinam ab se traditam, toto terrarum orbe voluit per Apostolos promulgari; v) et Paulus gentium Apostolus, qui docuerat, sine fide impossibile esse, placere Deo: w) id etiam docuit: *Fides ex auditu, auditus autem per verbum Christi.* x) Quamob-

u) Ad Hebr. XIII. 17. v) Matth. XXVIII. Marci XVI. Act. I. w) Ad Hebr. XI. 6. x) Ad Rom. X. 17.

obrem leguntur Apostoli et Ecclesiae seniores, cum Paulo ac Barnaba misisse Iudam et Syllam ad Ecclesias Antiochiae, Syriae, atque Ciliciae, legem abstinendi ab idolothytis, sanguine, et suffocato, in Concilio Jerosolimitano recens latam, promulgaturos. y) Id, quod deinceps quoque factitatum est in Ecclesia Christi. z)

§. XV.

Et salvis cuiusque iuribus.

Imo, quoties de iis legibus agitur, quae non ex revelatione Divina, sed ab Ecclesiastica potestate manant: earum autoritas, etiam post sufficientem promulgationem, salvis duntaxat iuribus hominum, quibus ante has leges iuste fruebantur, subsistit. Sapientis quippe legislatoris est, ferre legem, quae in aedificationem sit, et non in destructionem.

Quod-

y) Act. XV. 22. z) De promulg. Constit. in Later. III. Conc. factae quoad medicos lege in Decretal. Greg. IX. cap. 13. de poenit. et remiss. De promulg. decreti per Conc. Trid. lati sess. XXIV. de reform. matrim. cap. 1. legat. Bulla Pii IV. ad calcem, Conc. Trid.

Quodsi porro quaevis lex ecclesiastica ligaret, non spectatis iuribus oppositis seu singulorum, sive multorum, id in destructionem tenderet, et ad perturbationem reipublicae utriusque. At vero hoc alienum est a voluntate Dei, qui cum sit autor sapientissimus utriusque societatis, nimirum civilis et sacrae, a) optimique ordinis: dedecebat sane Eius sapientiam, talismodi potestatem concedere sive uni earum, sive ambabus, per cuius abusum, in ipsarum altera perturbatio nasceretur. Alienum est etiam a voluntate Servatoris, qui potestatem in Ecclesia constituit, ad conservandam fidei et caritatis unitatem. (§. VIII.) Fixum hoc assertum, firmumque stare, non paucae constitutiones ecclesiasticae supponunt. Quarum unam alteramve legito: Bonifacius VIII. aiebat: *Licet Romanus Pontifex, qui iura omnia in scrinio pectoris sui censetur habere, constitutionem condendo posteriorem, priorem, quamvis de ipsa mentionem non faciat, revocare noscatur; quia tamen locorum specialium, et personarum singularium consuetudines, et sta-*

B

tuta

a) Prov. VIII. 15. Ad Rom. XIII. 1. 2.

tuta (cum sint facti et in facto consistent) potest probabiliter ignorare: ipsis, dum tamen sint rationabilia, per constitutionem a se noviter editam (nisi expresse caveatur in ipsa) non intelligitur in aliquo derogare. b) Patres vero Concilii Tridentini, quamvis Principes in Domino monerent, ut eorum sollicitudine, quaecunque ibidem sancita erant, ab omnibus recipiantur: Supponebant tamen posse quaedam occurrere, quae non ab omnibus recipienda sint, saltem in his recipiendis aliquam difficultatem oriri posse. c) Et rem sane acu tetigerunt. Nam constitutio, quam paullo antea tulerant sess. XXIV. decr. de reform. cap. 20. puta, de Romana causarum adpellatione, cum libertate Hungarica, atque cum art. 19. 1471. 63. 1498. evidenter pugnabat, idcirco numquam apud nos recepta.

§. XVI.

b) Cap. 1. de constitut. in 6. His similia leges cap. 12. de off. iud. ord. Cap. 9. de donationibus. Cap. 10. 16. 19. 31. de privil. Cap. 8. et 10. de rescriptis in 6. c) Decr. de recipiendis et observandis decretis Concilii.

§. XVI.

E legum complexu natum est ius Eccl.

Leges Ecclesiasticae, sive penitus, seu cum restrictione, aut cum cautelis observandae, *Canones* aliquando dicebantur. d) Quorum nomine intelligimus *regulas actionum, ab iis positarum, qui, et quatenus in Ecclesia Christi existunt.* Canonum, seu legum memoratarum bene ordinata complexio, *Ius Ecclesiasticum* audit, quod aliter *Canonicum* nominatur.

§. XVII.

Divinum et humanum.

Istius iuris varia est divisio. Nam origine inspecta, aliud *Divinum* est, aliud *humanum*. Illud, Deum habet autorem, istud homines, potestate legislativa instructos. Porro cum duplex sit Divinae voluntatis cognoscendae via, nempe una rationis, altera revelationis: *Divinum* quoque ius, vel *naturale* est, vel *positivum*. Ius humanum, aut

B 2

Apo-

d) Vide Gratian. distinct. 3. can. 1. 2. Bened. XIV. de Synodo Dioec. lib. I. cap. 3. num. 2. seq.

Apostolicum est, quatenus leges complectitur ab Apostolis conditas, puta legem ieiunii quaresimalis, et si quae praeterea sunt ab Apostolis profectae: aut *Ecclesiasticum*, quod componitur e legibus Synodalibus, Pontificiis, Episcopalibus, atque etiam civilibus, quatenus illae respiciunt immediate bonum religionis, et Ecclesiae Christianae.

§. XVIII.

Publicum et privatum.

Ecclesiasticum ius, aliud *publicum* est, quod leges complectitur determinantes iura et officia illorum, qui Christianae societati cum potestate spiritali praesunt, quatenus haec omnia, ipsam societatem concernunt; aliud *privatum*, quod singulorum Ecclesiae membrorum actiones et causas privatas dirigit ad finem, cuius gratia haec societas condita fuit.

§. XIX.

Commune et particulare.

Utrumque ius, tam publicum scilicet, quam et privatum, vel *commune* est, vel *particu-*

iculare. Illud per totam, aut ferme totam Christi Ecclesiam obtinet, istud vero nonnullis duntaxat Ecclesiis proprium est. Quamvis enim una eademque sit omnibus ad Ecclesiam Christi pertinentibus regula credendi: quae tamen ad gubernationem externam, ritusve sacros pertinent, quemadmodum pro circumstantiis locorum, temporum, rerum, ac personarum conditae sunt, ac etiam debent conditae esse: (§. XV.) ita his aliquando mutatis, ipsae quoque leges immutari possunt, ac etiam immutantur. Hinc datur *ius publicum Ecclesiasticum particulare Ecclesiae Hungaricae*; de quo praesentem opellam scripsi.

§. XX.

Illud ferendi non omnib. par potest.

Iurisdicundi, legesque in Ecclesia ferendi, seu communes, sive particulares, non omnibus parem esse potestatem, Religionis Catholicae dogma est, idcirco hic pauculis duntaxat expediendum. Christus Dominus tantum XII. elegit Apostolos, e) quibus ad-

iun-

e) Matth. X. 1. seqq. Lucae VI. 13. seqq.

iungendo alios LXXII. f) his commisit praedicandi, illis etiam regendi munus. (§. VI.) Per singulas Ecclesias, Apostoli singulos tantum constituiebant Rectores, g) et quidem peculiari ordinatione ad munus rectorale destinatos. h) Paulus gentium Apostolus non omnibus, verum solis Ecclesiarum rectoribus dixit: *Attendite vobis et universo gregi, in quo vos Sp. S. posuit Episcopos regere Ecclesiam Dei.* i) Non istis vero, sed aliis dixit: *Obedite Praepositis vestris, et subiacete eis. Ipsi enim pervigilant, quasi rationem pro animabus vestris reddituri;* k) atque sic innuit distinctionem ordinis ac plebis. l) Totum vero dixit, cum aiebat: *Quosdam quidem posuit Deus in Ecclesia, primum Apostolos, secundo Prophetas, tertio doctores, - - numquid omnes Apostoli? numquid omnes Prophetae? numquid omnes doctores?* m) Recte S. Gregorius Nazianzenus:

Ordo

- f) Lucae X. 1. g) Act. XIV. 22. Ad Titum I. 5.
 h) 1. Tim. IV. 14. item 2. Tim. II. 6. i) Act. XX. 28. k) Ad Hebr. XIII. 17. l) Lege Trident. Conc. sess. XXIII. de Sacram. Ord. cap. 4. m) 1. Cor. XII. 28. seqq.

Ordo in Ecclesiis quoque constituit, ut alii oves sint, alii pastores; alii praesint, alii subsint, ac pareant: alius velut caput sit, alius pedes, alius manus, alius oculi, alius aliud quoddam corporis membrum, ad totius Ecclesiae concinnitatem, ac utilitatem, vel inferius, vel praestantius. n)

§. XXI.

Nam datur Hierarchia Ministerii.

Nec vero illis duntaxat, qui in sensu Ecclesiastico plebi adnumerantur, sed ne ceteris quidem adscriptis licet Ordini, par est in Ecclesia Christi gradus, vel potestas; cum conservatio unitatis (§. VIII.) deposcat graduum varietatem ac subordinationem, quae superiorem hunc, illum esse iubeat inferiorem. Atque hic graduum, certa lege sibi mutuo subordinatorum concinnus ordo, *Hierarchia* seu principatus sacer compellatur. Cuius profecto duplex munus, puta *ministerii*, ac *regiminis* ab se distinctum est. Ad Hierarchiam ministerii, seu Ordinis pertinet Episcopatus, cui proprium est, conferre sa-
cra-

n) Orat. 1. de sacerdotio.

eramentum Confirmationis, ac Ordinis. Item Presbyteratus, cui competit potestas consecrandi Corpus et sanguinem Domini, remittendi praeterea, retinendique peccata. Denique Diaconatus cum potestate ministrandi aliis Eucharistiam, baptisandi, atque praedicandi. Haec omnia, cum demonstrentur in scholis Theologorum, suffecerit notasse hanc Patrum Tridentinorum sententiam: *si quis dixerit, in Ecclesia Catholica non esse Hierarchiam Divina ordinatione institutam, quae constat ex Episcopis, Presbyteris, et Ministris, anathema sit.* o)

§. XXII.

Etiam ex institut. Eccl.

Ceteri Ordines in Ecclesia, et diversa Horum munia, sunt Ecclesiasticae institutionis. De quibus ita Synodus Tridentina pronuntiavit: *Ab ipso Ecclesiae initio sequentium Ordinum nomina, atque uniuscuiusque eorum propria ministeria, subdiaconi scilicet, Acolythi, Exorcistae, Lectores, et Ostiarii, in usu fuisse cognoscuntur, quamvis non pa-*

ri

o) Sess. XXIII. de Sacram. Ord. can. 6.

ri gradu. Nam Subdiaconatus ad maiores Ordines a Patribus et sacris Conciliis refertur, in quibus et de aliis inferioribus frequentissime legimus. p)

§. XXIII.

Item Hier. externae gubern.

Nec vero solius ministerii, sed externae quoque gubernationis principatum, a Christo in Ecclesia sua constitutum fuisse, dicta superius plenissime probant. (VI. X. XI. XIII. XX.) Ut proinde sola definitio Hierarchiae, in toto suo complexu intellectae, sit a me depromenda hoc modo: *Sacra potestas iuxta diversos gradus officiorum et functionum inter ministros et rectores Ecclesiae, ad Divina Mysteria celebranda, dispensandaque, et ad regendam Ecclesiam, instituta.*

§. XXIV.

Etiam Ecclesiastici iuris.

Reddita praesertim Ecclesiae Christianae plena pace, auctaque Christianorum multitudine :

p) Sess. XXIII. de Sacram. Ord. cap. 2. Plura de his leges apud Selvagium in institut. Antiquit. Christ. parte II. lib. 1. cap. 3.

dine: quo felicius colligari posset totum Ecclesiae corpus vinculo fidei et caritatis, veluti praecipuo condendae societatis Christianae scopo: (§. VIII.) instituti sunt diversis temporibus, qui praeter potestatem ex ordine Hierarchico profluentem, mutuam sibi haberent, etiam externae gubernationis auctoritatem. Quorum diversi gradus tunc enumerabuntur, cum de ipsis dicendum, ordo, quem observandum decrevi, ita feret.

§. XXV.

Eminet in Illa P. Rom.

In Hierarchia gubernationis Divino iure instituta, primus est Pontifex Romanus. Quod cum ceu dogma fidei Catholicae, multo argumentorum adparatu propugnent Theologi, quorum imprimis gratia, hanc opellam scribo, paucula proferam, consectoriorum duntaxat hinc profluentium causa. S. Petro primatum a Christo collatum in Ecclesia, probant Sacrae literae; q) Romanum Eius Episcopatum, ad mortem usque retentum, vetusti Romanorum Praesulum catalogi, a Petri

q) Matth. XVI. 18. Ioann. XXI. 15. seqq.

tri Episcopatu semper inchoati; r) successione-
nem vero ceterorum Urbis Romanae Praesu-
lum, non tantum in Episcopatu Petri, sed
etiam in primatu ac potestate respectu totius
Ecclesiae, nubes Patrum; s) Synodi permul-
tae; t) ipsaqve Pontificum facta confirmant.
Damnabant quippe illi pro suprema iurisdic-
tione sua, permultas haereses, et illarum
autores. u) Qvare hoc unum superest, ut
cum Patribus Florentinae Synodi generalis,
profiteamur *Sanctam Apostolicam Sedem, et
Romanum Pontificem, in universum orbem
tenere primatum, et ipsum Pontificem Ro-
manum, successorem esse B. Petri Principis*
Apo-

r) Tales sunt, quos texuerunt, Irenaeus, Tertull.
Euseb. Optatus Milevit. Hieron. Epiphanius, Au-
gustinus. Qvorum loca videsis in meo opusc. in
scripto: *Caussa Relig. contra Helvet. et Aug. Confess.*
cultores defensa. §. XX. s) Vide ibid. enumeratos
§ XXXI. t) ibid. §. LXXXVI. u) Stephanus
rebaptisantium doctrinam. Damasus Apollinari-
starum. Helvidii ac Ioviniani Siricius. Pelagii
Innocentius primus. Vide cit. op. LXXIX. Adde
mei olim in Univ. Vindobonen. Professoris Petri
Mariae Gazzaniga tract. de virtut. Theol. dissert.
III. cap. 1. seqq.

Apostolorum, et verum Christi Vicarium, totiusque Ecclesiae caput, et omnium Christianorum patrem, et Doctorem existere, ipsique in B. Petro pascendi, regendi, gubernandi Ecclesiam universalem a Christo, plenam potestatem traditam esse; quemadmodum etiam in gestis oecumenicorum Conciliorum, et in sacris Canonibus continetur.

§. XXVI.

Conservandae unitatis causa.

Plenam hanc potestatem, Romano Praesuli, conservandae in Ecclesia unitatis causa fuisse collatam, et illa generalis causa evincit, quod quaevis Ecclesiastica potestas, memorati finis obtinendi gratia sit instituta: (§. VIII.) et haec specialis, quod Antistes Romanus, fuerit semper velut unitatis istius centrum aestimatus. Quod paucis evincam. S. Irenaeus Episcopus, et Martyr anno Christi 202. de Romana Ecclesia inquebat: *Ad hanc Ecclesiam propter potiore principalityatem, necesse est omnem convenire Ecclesiam.* v) S. Cyprianus Episcopus, et anno Christi

v) Lib. 3. adv. haer. cap. 3.

Christi 258. Martyr, sic aiebat: *Loquitur Dominus ad Petrum: Tu es Petrus. - - Tibi dabo claves regni Coelorum. Et quamvis Apostolis omnibus post resurrectionem suam, parem potestatem tribuat, et dicat: sicut misit me vivens Pater ita et ego mitto vos: - - tamen ut unitatem manifestaret, unitatis eiusdem originem ab uno incipientem disposuit. w)* Ecquis autem sit unus ille, his expressit verbis: *Una est Ecclesia a Christo Domino super Petrum origine unitatis, et ratione fundata. Nam exordium ab unitate proficiscitur, ut Ecclesia Christi una monstretur. x)* S. Optatus Milevitanus Praesul, sub an. Christi 380. vita functus, dicebat Parmeniano homini Donatistae: *Negare non potes, scire te, in urbe Roma Petro primo Cathedram Episcopalem collatam, in qua sedebat omnium Apostolorum caput Petrus, unde et Cephas appellatus, in qua una cathedra unitas ab omnibus servaretur. y)* Quapropter S. Hieronymus Damaso Papae haec scribebat: *Ego nullum primum, nisi Christum sequens, Bea-*

w) Lib. de unit. Eccl. x) Epist. 70. y) Lib. 2. contra Parmen.

*Beatitudini tuae, id est, Cathedrae Petri
communione consocior: super illam petram
aedificatam Ecclesiam scio. Qvique ex-
tra hanc domum comederit, profanus est.
Si quis in arca Noë non fuerit, peribit re-
gnante diluvio. z)*

§. XXVII.

Atque post Apostolos.

Ad Hierarchiam institutam a Domino,
tam ministerii, (§. XXI.) quam externae
gubernationis, (§. XXIII.) pertinuisse reli-
quos etiam Apostolos, Catholica veritas est,
hic paucis demonstranda. Ministerii potesta-
tem, collatam eis, aut si mavis dicere, sva-
ve onus impositum fuisse, vidimus: (§. I.)
alteram vero comprobemus. Exercuerunt il-
lam Apostoli, quando septem Diaconos non
solum pro sacro ministerio, sed ad conser-
vandam quoque externum inter fideles ordi-
nem, constituerunt. a) Cum deinde praeci-
piebant Christianis Antiochiae, Syriae, et Ci-
liciae, *ut ab immolatis simulacrorum, et san-
guine, et suffocato, et fornicatione penitus*
ab-

z) Epist. parte I. edit. Tirnav. pag. 61. a) Act. VI.

abstinerent. b) Paulus, specialiter a Domino vocatus ad Apostolaturn: c) alias quidem cum Sylva perambulabat Syriam et Ciliciam, confirmans Ecclesias: praecipiens custodire praecepta Apostolorum, et Seniorum; d) alias vero usus potestate Hierarchica, Corinthium incestuosum eiecit e fidelium gremio, e) moxque recepit, *ne forte abundantiori tristitia absorbeatur*. f) Praeceptum dedit, qualiter donis extraordinariis utendum sit in conventu sacro; g) qualitates praescripsit viduae in Diaconissam eligendae; h) Corinthiis poenam est comminatus, suamet autoritate Apostolica serio infligendam. i) Atque sic sensit tota retro antiquitas sacra. Nam Cyprianus aiebat: *Apostolis omnibus parem potestatem tribuit post resurrectionem; hoc erant utique et ceteri Apostoli, quod fuit Petrus, pari consortio praediti honoris, et potestatis*. k) S. Hieronymus: *At dicis, super Petrum*

- b) Act. XV. 29. c) Act. IX. item ad Gal. I. d) Act. XV. 41. e) 1. Cor. V. 5. f) 2. Cor. II. 6. g) 1. Cor. XIV. 23, seqq. h) 1. Tim. V. 9. i) 1. Cor. IV. 21. et 2. Cor. XIII. 1. k) S. Cypr. lib. de unit. Eccl.

trum fundatur Ecclesia, licet hoc ipsum ali-
in loco, super omnes Apostolos fiat, et cun-
cti claves regni Coelorum accipiant, et ex
aequo super eos Ecclesiae fortitudo solide-
tur. l) S. Ambrosius: Nec Paulus inferior
Petro, quamvis ille Ecclesiae fundamentum,
et hic sapiens architectus, sciens vestigia cre-
dentium fundare populorum: nec Paulus in-
quam, indignus Apostolorum collegio, cum
primo quoque facile conferendus, et nulli se-
cundus; nam qui se imparem nescit, facit
aequalem. m) S. Gaudentius Episcopus Bri-
xinensis, sub ann. Christi 427. mortuus, aie-
bat: Omnes Apostoli Christo resurgente, in
Petro claves accipiunt, quin imo cum Petro
coelestis regni claves a Domino accipiunt,
quando ait illis: Accipite Sp. S. quorum re-
miseretis peccata, remittuntur eis, et quorum
retinueritis, retenta sunt. n)

§. XXVIII.

- l) Lib. 1. adv. Iovin. m) Lib. 2. de Sp. S. n)
Orat. 16. in die suae ordinat.

§. XXVIII.

Ceteri Episcopi.

Quum porro haec fuerit voluntas Divini Fundatoris, ut societas Christiana per eum condita, semper maneat: (§. V.) id sequeretur, ne potestatem Hierarchicam alligaret Apostolis, paucum post tempus morituris, sed ut in alios quoque transferret. Sane transferendam esse, tunc innuit Servator, quando se cum Apostolis usque ad consumationem seculi permansurum, spopondit. o) Translatam vero esse, non ad quoslibet Christianos, verum ad illos, qui passim *Episcopi* coeperunt adpellari, p) ex alias dictis constat. (§. XX.) Agnoverunt istud vetustissimi in Ecclesia scriptores, et sancti Ecclesiae Patres. Nam Tertullianus, necdum ipse haereticus, hoc pacto haereticis illudebat: *Edant haeretici origines Ecclesiarum suarum. Evolvant ordinem Episcoporum suorum, ita per successiones ab initio decurrentem, ut primus ille*

C

Epi-

- o) Matth. XXVIII. 19. p) Originem huius nominis expressit S. Hier. ep. ad Evagrium. Quae legitur ap. Gratian. dist. XCIII. can. 24.

Episcopus aliquem ex Apostolis, vel Apostolicis viris, qui, tamen cum Apostolis perseveraverint; habuerit auctorem, et antecessorem. Hoc enim modo Ecclesiae Apostolicae census suos deferunt: sicut Smyrnaeorum Ecclesia Polycarpum a Ioanne collatum refert: sicut Romanorum, Clementem a Petro ordinatum edit. Perinde utique, ut ceterae exhibent, quos ab Apostolis in Episcopatum constitutos, Apostolici seminis traduces habent. q) S. Hieronymus autem ita loquutus fuit: Ubicunque fuerit Episcopus, sive Romae, sive Eugubii, sive Constantinopoli, --- eiusdem meriti, eiusdem est et sacerdotii. --- Ceterum omnes Apostolorum successores sunt. r) Quot praeterea numeramus Episcoporum Concilia, totidem habemus argumenta, exercitae perpetuis temporibus per illos, velut successores legitimos Apostolorum, Hierarchicae potestatis. Plura relinquens Theologis, solam adiicio Concilii Tridentini definitionem: Episcopos, qui in Apostolorum locum successerunt, ad hunc Hierarchicum
Ordi-

q) De praescript. adv. haer. cap. 32. r) Ep. ad Evagr.

Ordinem pertinere, et positos a Sp. S. regere Ecclesiam Dei. s)

§. XXIX.

Regimen ergo Eccl. non est Monarchicum.

Quamvis porro in Ecclesia Christi sit Hierarchia, sed non videtur esse *pura Monarchia*. Haec enim penes unam solamque personam residet. Qvalem in Ecclesia Christiana qvaerimus incassum, ut primum firma sunt, qvae nuper adduxeramus. (§. XXVII. seq.) t)

§. XXX.

Nec democraticum.

Democratici autem regiminis, ne umbra quidem esse potest in Ecclesia Christi. Nam viget illud, quando imperium ad omnes Cives collective sumtos ita pertinet, ut simul omnes imperent, singuli obsequantur; et constituti Magistratus non iure suo, verum po-

C 2

puli

s) Sess. XXIII. de Sacram. Ord. cap. 4. t) Lege Magnifici D. Consiliarii Georg. Sigism. Lakics Iuris publ. Eccl. partis general. §. LXXXV. seqq.

puli totius voluntate regant. At vero Ecclesiam a Christo constitutam, esse societatem inaequalem, ubi nimirum alii sunt, qui regant, Divinaque dispensent Mysteria: alii, qui regantur, et quibus bona spiritualia dispensentur, patet evidenter ex assertis. (§§. VI. XIII. XX. XXV. XXVIII.)

§. XXXI.

Neque aristocraticum.

Aristocratici regiminis forma in Ecclesia Christi locum perinde non habet. Eius enim haec est natura, ut minor Civium pars, *Optimum, Procerum, Ordinumve* titulo insignita, ceu corpus morale, summam teneat imperii. At vero in Ecclesia Christi unus est, qui honore, ac iurisdictione reliquis antecellit. (§. XXV.)

§. XXXII.

Sed Monarchico - aristocrat.

Quia tamen haud solus est iurisdictione spirituali praeditus: (§. XXVIII.) sequitur, formam regiminis Ecclesiastici, monarchico - aristocraticae similiorem esse.

§. XXXIII.

§. XXXIII.

In Hier. iuris Eccl. sunt Cardinales.

Primi inter Aristocratas Ecclesiae, secundum ordinem Hierarchicum constitutione humana institutum, (§. XXII.) post Romanum Pontificem, sunt sacrae R. Ecclesiae Cardinales; quorum adpellatio sumpta a rebus, quae suo in genere ceteris eminent, et in quibus illae, velut in cardine vertuntur, ad quaslibet subinde personas Ecclesiasticas translatum est, quae cuipiam Ecclesiae adscriptae fuerunt. u) Verum illud tandem obtinuit, ut *Cardinalis* nomen, ad solum Ecclesiae Romanae Senatum, Pontifici Romano constanter assistentem revocaretur. Varius fuit olim Cardinalium numerus, donec Sixtus V. decrevisset, ut non plures creari possint, quam septuaginta; sex videlicet Episcopi, quinquaginta Presbyteri, Diaconi vero quatuordecim; assumendi ex cunctis orbis Christiani nationibus; legitimis, honestisque natalibus orti; vitae probitate, morum candore, doctri-

u) Espen Iuris Eccl. parte 1. tit. 22. cap. 1. Ant. Schmidt institut. Iuris Eccl. Germaniae adcommo- datae T. 1.

ctrinaque conspicui; et quos praeterea studium salutis animarum commendet; quibus denique nullus Cardinalium superstitum, in primo vel secundo cognationis gradu sit conjunctus. v)

§. XXXIV.

Quorum tituli enumerantur.

Horum titulos isthic depromam eo prorsus modo, quo ipsos in catalogo Romano typis vulgato legi. Sunt igitur *Cardinales Episcopi*: Ostiensis, simulque Velitrensis, Collegii sacri Decanus. Portuensis, qui et S. Rufinae, sacri Collegii Pro-Decanus. Albanensis. Praenestinus. Sabinensis. Tusculanus. *Cardinales Presbyteri*: Tit. SS. Laurentii et Damasi. Sancti Marci. S. Laurentii in Lucina. Sanctae Praxedis. SS. Marcellini et Petri. S. Pudentianae. SS. duodecim Apostolorum. S. Thomae in Parione. S. Agnetis extra muros. S. Mariae de populo.

v) Natalis Alex. hist. Eccl. saec. XVI. cap. I. art. 22. Dominici Macri Hierolexicon, verbo: *Cardinalis*. Nec praetermittendum silentio Conc. Trid. sess. XXIV. decr. de ref. cap. 1, sub finem.

pulo. S. Silvestri in capite. S. Caeciliae. S. Balbinae. S. Alexii. S. Petri in vinculis. S. Mariae de pace. S. Matthaei in Merulana. S. Laurentii in pane et perna. S. Eusebii. S. Ioannis ante portam Latinam. S. Mariae Angelorum ad thermas. SS. Ioannis et Pauli. S. Stephani in monte Coelio. S. Mariae in via. S. Nerei et Achillei. S. Mariae de ara Coeli. S. Mariae in Trastevere (seu transtiberim). S. Calisti. S. Augustini. S. Mariae supra minervam. SS. Trinitatis in monte Pincio. S. Bernardi ad thermas. S. Clementis. S. Martini in montibus. S. Onuphrii. S. Bartholomaei in Insula. S. Mariae in Dominica. S. Priscae et S. Sixti. S. Sabinae. S. Susannae. S. Petri in Montorio. S. Hieronymi Illyricorum. SS. Qvirici et Iulittae. S. Pancratii et S. Marcelli. S. Mariae Transpontinae. SS. quatuor Coronatorum. S. Crucis in Ierusalem. S. Chrysogoni. S. Anastasiae. *Cardinales Diaconi*: S. Mariae in Cosmedin. S. Mariae in via lata. S. Mariae ad Martyres. S. Agathae ad suburram. S. Eustachii. SS. Viti et Modesti. SS. Cosmae et Damiani. S. Nicolai in car-

carcere Tulliano, S. Georgii in Velabro. S. Angeli in foro piscario. S. Mariae in Aqviro. S. Adriani, S. Caesarii. S. Mariae in porticu Campitelli. S. Mariae ad scalas. Praeter istos honorarii sunt, qui titulum Ecclesiae nondum habent,

§. XXXV.

P a t r i a r c h a e.

Secundum Cardinales, eminent *Patriarchae*, qui provinciis pluribus, et earum quibuslibet Antistibus praesunt. Horum nomen, *Principem patrum* significat, usurpaturque in veteris Testamenti scripturis non raro; w) a Sanctis quoque Patribus in Ecclesia Christiana saepicula, verum diverso sensu. x) Attributum est tandem Praesulibus: Romano, Alexandrino, Antiocheno, Ierosolimitano, et Constantinopolitano; partim ob Petri honorem, et reverentiam, cum Romanam atque Antiochenam Ecclesiam ipse rexerit, Alexandrinam vero instituerit per discipulum Marcum: partim ob excellentiam Urbium,

w) Protulit haec Scripturae loca Dupin de antiqua Eccl. disciplina diss. I. §. 5. x) Ibidem.

bium, quae tunc in Imperio Romano ceteras anteibant. Varia illis fuerant suis temporibus iura, y) hodie vero magni nominis umbra superest; potestas autem haud amplior, quam sit Primatum. Numerantur sequentes Patriarchae in Ecclesia Catholica: Antiochenus, Alexandrinus, Constantinopolitanus, Hierosolimitanus, Aqvileiensus, Venetus, Indiarum, Ulissiponensis, Babiloniae, Nationis Chaldaicae in Mesopotamia, Ciliciae Armenorum, Antiochia Graecorum Melchitarum, Antiochiae itidem Maronitarum, et Syriorum.

§. XXXVI.

P r i m a t e s.

Succedant Patriarchis Primates, quorum adpellatio primis Ecclesiae Christianae saeculis, promiscue Praesulibus Metropolitanis, ac Patriarchis competebat; in Numidia vero, ac Mauritania Praesulibus ordinatione senioribus data fuit; donec fieret propria paucorum

y) Lege Selvagii antiq. Christ. institut. cap. XVII. proposit. 3. partes. 1. lib. 1.

rum Urbium Episcopis, qui unius Provinciae Metropolitanis hoc modo antecellunt. z)

§ XXXVII.

Primas Regni Hung.

In Ecclesia Hungarica *Primas* idem est, qui strigoniensis Ecclesiae Praesul, non tam institutus primum, quam confirmatus anno 1452. per Nicolaum V. Pontificem, cui referebat Rex Ladislaus V. *quod olim, postquam Ecclesia Strigoniensis per B. Stephanum Hungariae primum Regem fundata est, - - - tam ad ipsius B. Regis, quam aliorum post ipsum in eodem regno successorum instantiam per diversos Romanos Pontifices - - prae aliis eiusdem Regni Ecclesiis, Primatiae illius Praesul pro tempore existens . . officio et honore insignitus exstiterit.* a) Uni hoc titulo praeest Metropolitano Colocensi, et cunctis Praesulibus Catholicis, qui sub sacra Regni Hungariae Corona degunt.

§. XXXVIII.

- z) Dupin cit. diss. §. 2. Selvag. cit. op. et parte, cap. 18. a) Ex literis Nicolai PP. ap. Pray in specim. Hier. Hung. parte 1. pag. 86.

§. XXXVIII.

Metropolitani.

Metropolis, spectata vocis origine Graeca, est civitas mater. Hinc dicti Praesules *Metropolitani*. Quemadmodum enim civitas, quae *Metropolis* erat cuiusque regionis, ceterarum eiusdem provinciae mater salutabatur, ac praecipuum tenebat magistratum: sic pedetentim, liberisque moribus effectum est, ut, qui Praesul Urbis *Metropolitanae* fuerat, ceterorum in eadem Provincia caput evaderet, praesesque, dictus *Metropolites*. Hodie *Metropolitani*, dicuntur etiam *Archiepiscopi*; quamvis hic titulus, primum Romano soli, et Patriarchis datus fuerit; postmodum illis etiam, qui pluribus praeerant *Metropolitanis*; tandem Episcopis nulli *Metropolitano* subiectis. Qvales hodieque in Italia esse dicuntur. b)

§. XXXIX.

Metropolitanus Strig.

Strigoniensis Antistes, *Metropolitanus* est, a primaeva institutione Ecclesiarum, per
S. Re-

b) Selvag. cit superius op. Lib. I. parte 1. cap. 20.

S. Regem Stephanum facta. Qvippe teste Carthuitio, *is provincias in decem partitus Episcopatus, Strigoniensem Ecclesiam metropolim, et magistram ceterarum fore constituit.* Tum rogabat Silvestrum II. Pontificem, misso Romam Astrico, *ut Strigoniensem Ecclesiam in Metropolim, suae subscriptionis auctoritate sanciret.* Id quod revera consequutus fuit. c) Insuper Nicolaus V. Pont. datis anno Christi 1452. in favorem Archiepiscopi Strigoniensis, ac Metropolitanis literis, referebat, expositum sibi per Regem Ladislaum V. fuisse, *quod olim, postquam Ecclesia Strigoniensis per B. Stephanum Hungariae primum Regem fundata, et velut omnium aliarum ipsius Regni Ecclesiarum prima, et magistra in Metropolim auctoritate Apostolica erecta, et decorata existit, Primatiae non minus honore fuerit insignita.* d) Ad provinciam Strigoniensem, seu Metropolitanam pertinent Episcopi: Agriensis, Albaregalensis, Iaurinensis, Munkacsensis, Neosoliensis, Nitriensis, Quinqueecle-

c) Carthuit. ex edit. Pray. p. 130. 132. d) Ap. Pray in specim. Hier. Hung. parte I. pag. 87.

clesiensis, Rosnaviensis, Sabariensis, Scepusiensis, Vaciensis, et Vesprimiensis. e)

§. XL.

Metropolitanus Colocen.

Sequitur in Ecclesia Hungarica Praesul Colocensis, cuius Metropolitana dignitas, quandonam coeperit, adhuc quaeritur. Astricus quidem in diplomate S. Regis Stephani, anno 1015. in favorem Abbatiae Péchvardiensis dato, nominatur *Archiepiscopus*: f) at vero cum Astrici vita, desiit hic titulus, eam ob rem ipsi a Pontifice Romano concessus, quod Sebastianum Strigoniensem Archimystam, caecitate percussum, in munere per triennium sublevasset. g) Successorum eius in

- e) Ipso momento, quo istud scribebam, tristis adfertur nuncius, Vesprimiensem 24. Febr. inter 11. et 12. noctis horam expirasse; cum annum aetatis 82. compleret, Episcopatus annum 25. compleret. f) Ap. Péterffy in Concil. Hung. T. I. p. 4. Kollar hist. diplom. p. 81. Ign. C. de Batthyán in legib. Eccles. R. H. p. 375. aliosque Scriptores rer. Hung. g) Carthuit. pag. 137. edit. Prayanae. Bonfin. rer. Hung. dec. 2. lib. 1. In-

in Praesulatu si revolvatur series, Stephanus Colocensis etiam anno Christi 1144. duntaxat *Episcopus* nominatur. Sed Fabianus Antistes Bachiensis, iam anno 1085. *Archiepiscopi* titulo honoratus fuit. Unde licebit fortassis eruere: Bachiensem Cathedram sub S. Ladislao Rege, Colocensem vero duntaxat circa annum 1149. sub Geysa II. in Metropolitanas fuisse erectas, quando duas hasce Cathedras Canonice (ut aiunt) iunctas fuisse, domestici Scriptores evincere sunt adnisi. h) Dudum profecto Antistes, de quo hic sermo est, *Metropolitanae Colocensis, et Bachiensis Ecclesiarum canonice unitarum Archiepiscopus* nominatur. i) Sunt Eius provinciae Episcopi, quos dicimus *Suffraganeos*: Bosnensis, seu Diakovariensis, unaque Syrmienensis canonice unitarum Ecclesiarum Episcopus; Crisiensis Graeci Ritus Catholicorum; Csarnadiensis; Fogarassiensis Graeci Ritus Catholic-

choffer annal. Eccles. R. H. T. I. vol. 3. edit. Poson. pag. 315. h) Vide Pray spec. Hier. H. parte 2. pag. 4. 6. 19. 20. Schmitth in Epp. Agr. T. I. pag. 82. i) In conclus. articulor. anni 1435.

licorum; Magno - Varadinensis Latini Ritus; et alter Varadinensis Graeci Ritus Catholicorum; Segniensis, k) unaque Modrussiensis, seu Corbaviensis; Transsilvaniensis; denique Zagradiensis.

§. XLI.

k) Cum iuxta dispositionem Augusti Iosephi II. Segniensis, recens instituto Archiepiscopatu Labacensi, qua suffraganeus datus fuisset anno 1785. virtute mandati, quod legitur in collectione B. Norm. Resolut. editar. iussu Exc. Consilii T. I. pag. 151. Status et OO. Regnor. Dalm. Croat. et Slav. in Comitibus R. anno 1790. sequentia depromserunt: „Episcopatus Segniensis, perhiben-
„tibus tam vetustis, quam recentissimis Diplo-
„matum per Serenissimos Hungariae Reges elar-
„gitorum, conclusionibus, aliisque monumentis,
„ad S. Regni Coronam pertinens, recenter ta-
„men nuper erecto A. Episcopatu Labacensi
„subiectus, quemadmodum per id a S. Corona
„avulsus esse comperitur, ita postliminio A. Epi-
„scopatu Colocensi, cuius semper Suffraganeus
„fuerat, restituendus tanto magis censetur, quod
„Bullae Pontificiae pro moderno Domino Episco-
„po ita expeditae habeantur, ut in illis palam
„recognoscatur, Episcopatus Segniensis Archiepi-
„scopatus Colocensis suffraganeus esse“ Legitur
inter Acta publica Comitior. huius anni pag. 312.

§. XLI.

Pontificis Legati de Latere.

Ex iis, quos hactenus enumeravi, puta Cardinalibus, Archiepiscopis, et Episcopis, deliguntur varii Pontificum Legati. Cura etenim universalis Ecclesiae, non modo Cardinales Romae necessarios effecit, verum alibi quoque terrarum ac gentium viros idoneos: qui repentina Ecclesiae mala vel incommoda facilius cognoscant, atque corrigant etiam ipsi, vel corrigenda, sedi Apostolicae referant. Quem in finem, iam antiquis Ecclesiae temporibus, Legatos in provincias mittendi, consuetudo fuit. 1) Iuxta modernam Ecclesiae disciplinam, nonnulli sunt *Legati de latere*, sic dicti, quod e Collegio Cardinalium, cuius est, perpetuo lateri Pontificis adsistere, deligantur. Quamobrem, ad summos duntaxat Principes, gravissimisque de causis, mitti consueverunt. Tales fuerunt nostratibus, Dionysius de Széch, et Thomas Bakách ab Erdöd, Archiepiscopi Strigonien-

ses.

1) Thomassinus de vet. et nova Eccl. discipl. parte I. lib. 2. cap. 1. Espen iuris Eccl. parte 1. tit. 21.

ses. m) Mittuntur nonnumquam personae Ecclesiasticae Cardinalibus inferiores, *cum potestate Legati de latere*. Qvalis fuerat apud nos, Dominicus, Episcopus Torcellanensis, a Pio II. missus anno 1463. ut inter Fridericum Imperatorem, et Regem Hungariae Mathiam, pacis conciliator esset. n) Hos inter, atque priores illos Papae Legatos, talem esse aiunt distinctionem, qvalis inter Dominum est, ac eius procuratorem; inter Episcopum, et vices eius in Dioecesi obeuntem.

§. XLII.

Legati Nati.

Alii sunt e Praesulibus *Legati Nati*; quidam scilicet Archiepiscopi, quorum Cathedrae munus Legationis, per speciale Pontificis indultum, sic adnexum est, ut transeat in successores. Usque ad hanc aetatem iure hoc gavisi sunt: In Germania Elector, et Archiepiscopus Coloniensis; Archiepiscopus Salisburgensis. In Gallia Rhemensis. In Hi-

D

spa-

m) Lege meas Hist. Eccl. R. Hung. amoenitates fasciculo IV. pag. 57. et 85. n) Ibid. pag. 68.

spania Toletanus. In Italia Pisanus. In Polonia Gnesnensis. In Bohemia Pragensis.

§. XLIII.

Apud nos Strigoniensis.

In Ecclesia Hungarica, Bonifacius IX. Pontifex anno Christi 1395 ad preces Sigismundi Regis, Archiepiscopum Strigoniensem, Ioannem de Kanysa, Primate[m], *et Legatum sedis Apostolicae natum* pronunciavit, quamdiu ipsum *Ecclesiae Strigoniensi duntaxat praesidere contingeret*. Verum ad novam Ladislai V. Regis petitionem, Nicolaus V. anno 1452. Dionysio de Széch, *suisque Successoribus, eiusdem Strigoniensis Ecclesiae Archiepiscopis, qui erunt pro tempore*, honorem istum, et iura eidem adnexa, semel, atque iterum confirmavit. o) Quo titulo, mox anno 1457. Dionysius, p) et successor Ioannes Vitéz anno 1468. q) decorati leguntur.

§. XLIV.

o) Ap. Pray in specim. Hier. H. parte 1. pag. 83.

p) Ap. Kaprinai Hung. diplomat. parte 1. pag.

213. q) Ap. Belium in notit. Hung. novae T. 1.

pag. 165. Batthyán in legib. Ecc. R. H. pag. 508.

§. XLIV.

Nuncii Apostolici.

Inferiores ceteris, quos modo enarravi; sunt *Nuncii Apostolici*, qui iurisdictione pol-
lent vel delegata ad certum tempus, certum-
que genus negotiorum, aut ordinaria, quum
eis in quapiam Regione stabilis legatio de-
mandatur. Ad primam Nunciorum classem
pertinebat Antonius Pullerini, Baro del Bur-
gio sculus, per Clementem VII. anno 1524.
ad aulam Ludovici II. Regis destinatus. r)
Item Vincentius Pimpinellus Archiepiscopus
Rossanensis, quem anno 1529. ad Ungariae
Status idem Pontifex mittebat. s) Ad alteram
classem Nunciorum referantur; qui iam inde
ab anno Christi 1513. Viennae Austriae, ne-
gotia Curiae Romanae procurant; t) quique
in vicem Legatorum ac Nunciorum, olim ad
Ungariam frequenter venientium, res Eccle-
D 2 IV. Austriae

r) In meis amoenit. Hist. Eccl. Hung. fasciculo IV.
pag. 90. s) Ibid. pag. 91. t) Legitur eorum se-
ries, in tract. ad Metropolitanos Germ. nomine
Pii VI. Pont. directo et typis Romanis an. 1789.
edito. pag. 258.

siae Hungaricae, dum eis a Papa specialiter committuntur, procurare solent. u)

§. XLV.

Vicarii Apostolici.

Enumeratis hucusque Romani Papae subsidiariis, adnumerandi sunt *Vicarii Apostolici*, non veteres illi, quorum vestigia duntaxat in historiis existunt; v) verum illi, qui iuxta hodiernum Ecclesiae morem, a summis Pontificibus deputantur, sine caractere Episcopali, vel cum illo, semper autem cum titulo alicuius Ecclesiae, in partibus infidelium vel haereticorum sitae, ut in ea regimen spirituale exercent eam ob rem, quod proprius Antistes, vel non existat, vel a gubernatione plebis a Domino sibi creditae, quapiam ratione praepediatur. Hinc Episcopi *in partibus* nomen illis adhaesit. Aliter etiam *Regionarii* Episcopi nominantur. Talem miserat Alexander VII. Pont. in Malabariam ad-

sopien-

u) Exempla procurationis huiusmodi in cit. mea dissert. p. 97. v) De his consule Thomassin. de vet. et nova Eccl. discipl. parte I. lib. 1. cap. 18. et 30.

sopiendum schisma Nestorianum, excitatum a quodam Archidiacono, Iosephum a S. Maria, Carmelitanum; Innocentius XII. plures, ad Episcopatus Nankinensem, ac Pekinensem, in vasto sinarum Imperio existentes; w) cumque Paulus Bornemisza Transylvaniensium Praesul ab anno 1553. iussu Isabellae Ioanni de Zápolya nuptae, Patria exul, gregi suo haud intendere posset: mox Roma, huiusmodi Regionarios Episcopos, Vincentium Ricosantium, et post hunc, Basilium Sidonei, Transylvaniensibus Catholicis dedit. x)

§. XLVI.

Coadiutores Episcoporum.

Postquam de illis actum fuit, qui Praesuli Romano, ex lege duntaxat Ecclesiastica subsidio esse consveverunt, de illis iam nunc sermo erit, qui secundum eandem legem, ceteris Ecclesiarum Antistitibus auxiliari solent. Hos inter numerantur *Coadiutores*, qui Episcopis ob senium, aegritudinem diuturnam,

w) Lege plura exempla ap. Bened. XIV. de Syn. Dioec. lib. II, cap. 10. x) Meae amoenit. hist. Eccl. Hung. fascic. VI. §. 10. pag. 80.

nam, aliamve ob causam in iure expressam, impeditis, pro regenda Dioecesi, per legitimam potestatem adiunguntur; alias cum iure, alias vero sine iure succedendi in eodem Episcopatu. Illi *perpetui*, at hi *temppranei* vocantur. Perpetuorum, in Ecclesia Hungarica non desunt exempla. Nam anno 1743. Adolpho Groll Episcopo Iaurinensi, datus fuit Coadiutor, Franciscus Comes Zichy de Vásonkő, Episcopus Noviensis, Praepositus B. M. V. de Vág-Újhely, et Exc. Consilii H. L. Regii Consiliarius, dein consecratus cum titulo Episcopi Botryensis. Anno 1760. Ignatius Koller N. Mánya, datus Coadiutor Martino Biró de Padány, Episcopo Welszprimiensi, et cum titulo Episcopi Targensis consecratus. Anno 1762. Ioannes Gusztni, Cantor et Canonicus Ecclesiae Agriensis, Archidiaconus Cathedralis, Abbas SS. Petri et Pauli de Sáár, ac Tabulae Regiae Praelatus, Coadiutor datus est Comiti Emerico Eszterházi de Galantha, Episcopo Nitriensi. Quamvis enim Concilium Nicaenum I. institutioni huiusmodi Coadiutorum obstitisset: y) attamen illos ad-

pro-

y) Conc. Nicaenum can. 8. cavet, *ne in una Civi-*

probavit Synodus Tridentina, tali cum cautela: *Ut si quando Ecclesiae Cathedralis - -urgens necessitas, aut evidens utilitas postulet, Praelato dari Coadiutorem, is non alias cum futura successione detur, quam haec causa prius diligenter a Sanctissimo Romano Pontifice sit cognita, et qualitates omnes in illo concurrere certum sit, quae a iure, et decretis huius Sanctae Synodi in Episcopis, et Praelatis requiruntur; alias concessionem super his factae, subreptitiae esse censeantur. 2)*

§. XLVII.

Archidiaconi.

Cum augeretur in dies multitudo Christianorum, Episcopi pluribus continuo adiutoribus indigebant. Hos inter fuerunt *Archidiaconi*, seu principes Diaconorum, iam quarto Ecclesiae Christianae saeculo noti. a) Crevit

tate, duo Episcopi probentur existere. Vide in hunc Can. Scholion Espenii opp. T. VI. edit. Venetae anni 1781. 2) Sess. XXV. decr. de reform. cap. 7. a) Optat. Milev. de Schism. Donatist. lib. 1. cap. 16.

vit eorum sensim autoritas, ut subinde numero Praelatorum adscripti sint, munusque ipsorum in Presbyteros translatum. Idcirco tam antiquiora, quam et recentiora iura, peculiare in iis dotes requirunt. b)

§. XLVIII.

Vic. Gen. et Offic. Epp.

Cum aucta nimium potestas Archidiaconalis coërceri vix posset, malebant Episcopi *Vicarios generales* eligere, seu *Officiales*; nimirum *Personas ecclesiasticas quae vices Episcopi per universam Dioecesim, vel in magna eius parte: et in Consistorio, seu tribunali sacro exercent.* Nominis utriusque promiscua primitus acceptio, c) desiit eam ob rem, quod Vicarius iurisdictionem *voluntariam*, Officialis vero *contentiosam* exercere iubetur. Cuius distinctionis vestigium reperio in Lege Hungarica, quae decernens, ut iudex Ecclesiasticus causas ad forum civile spectantes

b) Lege. Espen iuris Eccl. univ. parte I. tit. 12. cap. 1. Adde Trident. sess. XXIV. decr. de ref. cap. 12. c) Cap. 66. de appell. Cap. 3. de institut. Cap. 3. de temp. ordin. in 6.

tes ne tractet, subdebat: Iudices autem Ecclesiastici in hoc casu, intelligantur Vicarius, et Officiales Praelatorum. d) Sed iuxta recentiore apud nos morem, alter hic vocatur *Causarum Auditor Generalis*. Quamvis duo haec officia, hodie apud nos, uni eisdemque committantur. e)

§. XLIX.

Capit. Cath. et Colleg.

In gubernanda Dioecesi Praesulem adiu-
vare insuper debet Capitulum, ceu Senatus
Ecclesiasticus, qui est *Universitas Canonico-
rum unius Ecclesiae Cathedralis, vel Colle-
giatae*. Qvod in Ecclesia Episcopali, Deo
famulatur, *Cathedrale* audit; qvod est in Ec-
clesia quapiam sub immediata praepositi sui
directione, *Collegiatum* vocatur. Eius mem-
bra *Canonici* nominantur; et illi quidem,
quibus est locus in stallo, vox in Capitulo,
atque proventus, nominantur Canonici *Capitulares*; ceteri, qui sola Canonorum adpel-
latione fruuntur, *titulares*, item *honorarii*,
vel

d) Art. 46. 1492. e) Lege Espen Iuris Eccl. univ.
parte I. tit. 12. cap. 4. et 5.

vel *domicellares* adpellari solent. e) Cum sit igitur Capitulum quodlibet, *Universitas*: e pluribus constare debet. Sunt in Capitulis Dignitates, Officia, et Personatus. *Dignitas*, praerogativa est, cum externa iurisdictione, vel administratione. *Officium*, est administratio, cui nulla iurisdictio est adnexa. *Personatus*, eminentia est, absque administratione, vel iurisdictione. f) Postquam nihilominus Pontifex Bonifacius VIII. absque ulla distinctione sic praecepit, ut Cathedralium Ecclesiarum Canonici, possint esse Delegati Apostolicae Sedis, id quod Dignitatibus est proprium: g) sequitur, omnes Cathedralium Ecclesiarum Canonicos, Dignitatibus accenseri.

§. L.

Capit. Cath. Eccl. Hung.

In Ecclesia Hungarica totidem sunt Capitula Cathedralia, quot Episcopatus, demtis

Foga-

e) Plura eor. nomina ap. Ant. Schmidt in Instit. Iuris Eccl. Germaniae accommodatae, T. I. §. 166.

f) Vide Bened. XIV. de Synodo D. Lib. III.

cap. 3. g) Cap. 11. de rescript. in 6.

Fogarassiensis, et Crisiensis. Habent suas Dignitates: Praepositum, Lectorem, Cantorem, et Custodem, qui omnes Columnae Capituli nominantur. Hi tamen alio quoque nomine veniunt in Capitulis, Munkatsiensis, et Graeci Ritus Varadinensis, ubi Dignitates hoc pacto enumerantur: Archi-Presbyter, seu Praepositus; h) Archidiaconus, seu Lector; Primicerius, seu Cantor; i) Ecclesiarcha, seu Custos; k) Scholasticus; Cartophilax, seu Cancellarius. l) Est quoque in iisdem Ecclesiae Hungaricae Capitulis *Officium*, scilicet *Decani*, cuius est curare, ut iusta, et Statutis Capituli conformis proventuum communium distributio, in singulos, fiat. Hinc alicubi *Divisor* nominatur potius; cum de lege communi, et extero more, Decanus alteram in Capitulo teneat sedem. m) Adde

Sol.

- h) Haec adpellatio legitur in decretal. Greg. IX. lib. 1. tit. 24. i) Ibid. tit. 25. k) Ibid. tit. 26. et seq. l) Vox graecae originis, chartarum custodem significat. Munus in Eccl. Constantinopolim perhonorificum. De quo Macri in Hiero-lexico, voce: *Chartophilax*. m) Vide Espen Iuris Eccl. parte I. tit. 7. cap. 5.

Sollicitatorem, cuius est, pias foundationes Capituli curae commissas, diligenter curare. Sunt praeterea, in pluribus Ecclesiae Hungaricae Capitulis, in sensu memoratu, (§. praec.) Personatus. Videlicet in Strigoniensi post Columnas, Praepositura S. Georgii de viridi campo Strigoniensi; altera S. Stephani de Castro Strigoniensi; tertia S. Thomae de monte Strigoniensi. In Capitulo Agriensi, Praepositura B. M. V. de Castro Agriensi; altera S. Petri de Castro Agriensi; tertia S. Stephani de Castro Agriensi. In Capitulo Iaurinensi Praepositura SS. Salvatoris de Pápocz. Altera S. Adalberti Episcopi et Martyris de Iaurino. In Capitulo Qvineeclesiensi Praepositura S. Ioannis Bapt. de Castro Qvineeccl. In Sabariensi, Prioratus B. M. V. de Pápocz. n) In Capitulo Vaciensi, Praepositura B. M. V. de fonte Vaciensi. In Capitulo M. Varadinensi Ritus Latini, Praepositura Minor, olim B. M. V. de Castro Varadinensi. In Capitulo Wefzprimiensi, Praepositura S. Michaelis de Hanta,

n) Vide diploma erectionis Episcopatus Sabarien. in Hist. sabarien. pag. 367.

ta, sine tamen crucis pectoralis, et Infularum ornamento. o) In Capitulo Zagrabiensi, Praepositura Collegiatae Ecclesiae S. Spiritus de Chasina. p) Non refero huc Archidiaconatus. Nam etsi hae Dignitates, plerumque Capitularibus conferantur, non tamen ubique. Nam in Ecclesia Agriensi, Hevesiensis, Pathensis, Zabolcsensis, et Bereghiensis Archidiaconatus, Viris in spirituali animarum cura desudantibus, conferri solent. Iisdem in Ecclesia quoque Transylvana, praeter Cathedrali, conceduntur.

§. LI.

o) Olim Dignitates erant huius Capituli insuper, Praepositura Omnium Sanctorum de Castro Vesprimiensi, et S. Magdalenae de Örs, hodie Felső - Örs. Vide Synodum Wesprim. anni 1515. ap. Péterffy Tom. I. pag. 236. Quamvis inter eos Ecclesiae eiusdem Canonicos, quorum viginti et unus convenerant anno 1417. pro electione Episcopi, nullus inveniatur, alterutrius Praepositurae titulo insignitus. Lege Schmitth in Epp. Agriensibus T. II. pag. 5. p) Enumerati isthic Praepositi, ferme omnes, sua olim habuerant Capitula Collegiata. Quod docebit mearum Amoenit. Hist. Eccl. Hung. fasciculus quintus.

§. LI.

Capit. Colleg. Eccl. Hung.

Collegiata Ecclesiae Hungaricae Capitula, dudum, quatenus mihi sunt nota, fuerunt XXI. q) hodie tria duntaxat numeramus. Vestustissimum est Poseniense S. Salvatoris, quod nunc dicitur ad S. Martinum, ante annum Christi 1096. erectum. r) Sequitur Capitulum S. Spiritus de Chasma, quod sede sua depulsum olim a Turcis, nunc Zagrabiae residet, fundatum primitus per Stephanum II. Episcopum Zagrabensem, anno Dominicae Incarnationis 1232. qui haec peculiaria suis inseruerat literis: *Illud tamen Universitati omnium innotescere volumus, quod licet auctoritatem instituendi Praepositum, nobis et nostris successoribus - - pleno iure reservaverimus, tamen ius et voluntatem eligendi Praeposi-*

- q) Consulatur Amoenitatum Hist. Eccl. Hung. fasc. V. r) Nam in Colomani Regis decr. lib. 1. cap. 22. iudicium ferri candentis et aquae, fieri iubetur in Capitulo Poson. decretum vero dicatur Seraphino Archiepiscopo, qui hoc anno tenebat Archiep. sedem. Quod Pray notavit in Spec. Hier. H. parte 1. pag. 159.

positum suum supradicto Capitulo Chasmensi pleno iure concessimus. s) Tertium est Soproniense, quod anno 1779. Maria Theresia Regina Apostolica, cum annutu Pii VI. Pontificis erexit, assignando primum summam capitalem centum millium fl. quae ex divenditis, septemdecim Beneficiorum simplicium Sopronii existentium domibus, ac vineis consurrexit: moxque donando pagum *Sebes* dictum, qui antehac ad Prioratum Pa-poczensem spectabat. t) Reguntur Capitula haec immediate per suum Praepositum, dem-
to Chasmensi, quod Praepositum, sibi pro antiquo more ab solo Episcopo datum, atque nominatum, usque adeo non recipit, ut is in documentis, nomine huius Capituli, subque illius sigillo expeditis, numquam nominetur.

Po-

s) Leguntur integrae literae fundationales ap. Katona hist. crit. R. H. tom. V. p. 619. t) Haec ex MS. copia Diplomatis Regii, Bullaeque Papalis, quam dudum beneficio RR. D. Michaelis Paintner Praepositi B. M. V. de Rátóth obtinui, qui me huiusmodi literariis donis non modo oneravit, sed etiam mactavit. Pro quibus actas Ei publice gratias, denuo hic repeto.

Posoniensis Capituli Praeposito, illud est peculiare, quod una sit Archidiaconus Posoniensis. u)

§. LII.

Vicarii Capitulares.

Quamvis Episcopali sede vacante, ne populus fidelis cura pastoralis non sit forsitan satis provisos, Dioecesis totius administratio subsidiaria, ad Capitulum Ecclesiae Cathedralis devolvatur, v) praecipit nihilominus Concilium Tridentinum, ut *Capitulum sede vacante - - Officiale, seu Vicarium infra octo dies post mortem Episcopi constituere, vel existentem confirmare omnino teneatur, qui saltem in Iure Canonico sit Doctor, vel Licentiatus, vel alias, quantum fieri poterit, idoneus; si secus factum fuerit, ad Metropolitanum deputatio huiusmodi devolvatur. Et, si Ecclesia ipsa Metropolitana fuerit, aut exempta, Capitulumque, ut praefertur,*
negli-

u) Patet ex Synodo Tirnav. anni 1629. cap. 4. ap. Péterffy Conc. T. II. pag. 257. et ex praxi. v) Ex cap. 14 de maiorit. et obed. Item cap. unic. eod. in 6. Cap. 3. de suppl. negl. Praelator. in 6.

negligens fuerit, tunc antiquior Episcopus ex Suffraganeis in Metropolitana, et propinquior Episcopus in Exempta Oeconomum, et Vicarium idoneos possit constituere. w) Qvod si autem contingat vacare Suffraganeam Ecclesiam Capitulo carentem, eo prorsus tempore, dum Ecclesia quoque Metropolitana, Pastore viduata luget: Vicarii electionem ad Metropolitanum Capitulum pertinere, Sacra Congregatio Concilii Tridentini Interpretum, anno 1683. moxque post biennium declaravit. x)

§. LIII.

Vicarii foranei.

Episcopali sede tam plena, quam vacante, constitui possunt, et quandoque solent Vicarii speciales, seu *Foranei* in quapiam Dioecesis parte; qui Generalibus Vicariis subordinati, de mandato speciali ius dicant in quibusdam levioris momenti negotiis, at salvo recurso ad altius Tribunal. y) Tales

E
sunt,

- w) Sess. XXIV. de cr. de ref. cap. 16. x) Ap. Bened. XIV. de Syn. Dioec. lib. 2. cap. 9. num. 2. y) Cap. 1. de offic. Ord. in 6.

sunt; cum ista scribo, in Ecclesia Transylvaniensi: Vicarius tit. S. Leonis M. item S. Caroli Borromaei; denique S. Francisci Salesii; qui simul animarum spiritualem curam gerunt. z)

§. LIV.

Decani rurales.

Aucto Fidelium numero, Dioecesibusque constitutis, Archi-presbyteri alii in urbe Episcopali, quidam ruri constituebantur. Hinc manavit distinctio Decanorum *Urbicariorum*, qui Clero urbis Episcopalis praefuerunt, et *Ruralium*, qui ruri degentem curabant. Tam de illis, quam de his loquuntur iura; quae decernunt, ut Ruralium electio per Episcopum, et Archidiaconum fiat. a) Hodie passim vocantur Vicearchidiaconi, et eorum nominatio soli est Episcopo reservata.

§. LV.

z) In Schematismo I. R. Hung. quotannis typis edi solito. a) Lege Thomassin. de vet. et nova Eccl. discipl. parte 1. lib. 2. cap. 5. Espen Iuris Eccl. univ. parte 1. tit. 5. cap. 1. et 2. Ben. XIV. de Syn. Dioec. lib. 3. cap. 3. num. 5. seq. Adde Cap. 1. et 3. de off. Archipresb. et cap. 7. de off. Archid.

§. LV.

Parochi.

Aucta in dies Christianae plebis multitudo tam in urbibus, quam et extra urbes, deposcebat insuper amplio-rem Presbyterorum numerum, qui scilicet ad curam animarum in certo fidelium coetu ex officio exercendam, Superioris Ecclesiastici iussu constituerentur; dicti *Parochi*, a graeca voce, quae domorum coadunationem significat, b) et a plebe, cui praesunt, etiam *Plebani*, quamvis iuxta scriptam legem, *Plebanus* esset tantum is dicendus, qui cum Ecclesia principali plures *Capellas* gubernat, c) Hi, quatenus

E 2

Pres-

- b) Vide Dominici Macri Hierolexicon voce: *Parochia*. c) Cap. 1. ne clerici v. mon. in 6. Id quod lex Hungarica supponit, an. 1439, art. 39. decernens, ut pro funeribus hominum, per aliquem, vel aliquos interemptorum, *Archidiaconi*, seu *Plebani parochiales* - nullam solutionem pecuniariam recipere valeant, neque possint. Imo iam Andreas III. Rex Ung. declarabat in diplom. an. 1293. dato, relatum sibi fuisse, quod Ecclesia B. Jacobi de Sauros, non *Plebana*, sed simplex esset Ecclesia *Parochialis* - ac sacerdos dictae Ecclesiae decimas intra territorium ipsius Ecclesiae existentes non de iure, cum secun-

Presbyteri sunt, ad Hierarchiam dispositionē Divina constitutam pertinent: (§. XXI.) Quatenus vero sunt Parochi, num ex Divina ordinatione potestatem habere dicendi sint *immediate*, vel potius *mediate*, disceptatur. d) Nihil sane debitae subordinationi detraxeris, quodsi dicas: Parochos, cum Presbyteri sint Divina ordinatione constituti, non delegatam, ceu Episcopi *vicarios*, verum ordinariam, intra limites characteri suo congruos, et salva immediata Episcoporum in ipsos, plebemque illis subiectam auctoritate, potestatem habere. Quia vero de lege Ecclesiastica insuper, quaedam ipsis iura tribui et possunt, et solent, ad externam Ecclesiae gubernationem pertinentia, suum hic et ipsi habent locum.

§. LVI.

dum approbatam consuetudinem Regni -- non ad Parochiales Presbyteros, sed tantum ad Plebanos pertineat perceptio decimarum. Vide ap. Wagner in diplomatario Sárosiensi pag. 462. et ap. Batthyán in legib. Eccl. R. H. pag. 485. d) Ludov-Habert Theol. dogm. T. 7. de Hier. cap. 6. quaest. 2. Van Espen tract. de recursu ad Princ. cap. 2.

§. LVI.

Parochiarum Administratores.

Qvi vices obit Parochi, legitime ab animarum cura impediti, *Vicarius Parochialis* dicitur, apud nos vero *Administratoris* obtinet nomen. Potest esse *perpetuus*, si in quapiam Ecclesia assignatam habeat portionem in perpetuum, ut adeo extra casus in iure expressos nequeat amoveri. e) Potest *amovibilis* esse, nimirum si ad tempus constituitur, amovendus ad nutum constituentis. Qualem dari iubet ab Episcopo Synodus Tridentina vacanti Ecclesiae, cum congrua portionis fructuum assignatione. f) Utrosque merito collocaverim in eorum numero, qvi Praesulibus adiutorio sunt in regenda plebe Christiana; tum qvòd vere in classem eandem cum Parochis veniant certis in rebus, ut suo loco docebitur: tum qvòd exempla domestica praesto sint, huiusmodi Administratorum, in communem consultationem ab Episcopis nostratibus vocatorum. Leguntur enim subscripti Synodo Dioecesanae Tirnaviae anno 1630.

e) Conc. Trid. sess. 7. decr. de ref. cap. 5. et 7.

f) Sess. XIV. de reform. cap. 18.

1630. celebratae, ex Archidiaconatu Nitriensi, Lucas Deitti Vicesgerens in Perefzlény. Ex Archidiaconatu Hontensi Georgius Gretsmerus Vicegerens Parochus Szebelébiensis. Ex Archidiaconatu Barsiensi, Georgius Kopchány Vicegerens in Szölös. g)

§. LVII.

Praelati Regulares.

Complecturus tractationem de illis, per nos quos est externum Ecclesiae regimen, ad conservandam in Ecclesia Christi unitatem fidei, et caritatis, institutum: addo Regulares Praelatos, utpote Abbates, ac Praepositos; non quatenus illi Religiosorum quibusdam Ordinibus praesunt, nam hoc nomine tractatio de illis ad *ius privatum* transfertur: sed quatenus etiam hi symbolam conferre possunt ad constitutionem earum legum, quae huius unitatis gratia feruntur; cum iuxta receptam consuetudinem, ius habeant ferendi suffragii in Concilio oecumenico, ac intersint tam Synodo provinciali, h) quam

Dioec.

g) Ap. Péterff. Concil. T. 2. p. 317. seq. h) Lega Bened. XIV. de Syn. Dioec. lib. XIII. cap. 14 num. 14.

Dioecesanae; i) Domi praeterea nostrae, Statui Praelatorum adnumerentur. Horum alii vocantur *Abbates*, ita dicti a voce hebraica, seu syriaca, *Abba*, quae patrem significat, et quae usi fuerant vetustissimi quoque Monachi, eum, a quo gubernabantur, ita compellantes; ut eundem scilicet ipsa compellatione, de suis erga inferiores officiis admonerent, innuerentque, ipsius esse muneris, ut, quorum spiritualis est pater, eosdem ceu filios, amore prosequatur. k) Talis est in Patria nostra, primus omnium, Ordinis S. Benedicti Archi-Abbas de S. Monte Pannoniae, qui his propemodum diebus ab Rege Apostolico Francisco, honori pristino restitutus fuit. Cui subordinantur: Abbas S. Aniani Episcopi et Confessoris de Tihany; Abbas S. Mauriti de Bakon-Bél; et Abbas Beatae M. Virginis de Dömölk. Praeter quos, eiusdem Ordinis Abbas est, S. Adriani de Szalavár, idem, qui Gottwicensis in Austria. Abbas S. Crucis de Telki infra Budam,

i) Quem citato op. lib. III. cap. 1. num. 16. (k) Macri Hierolexicon, voce *Abbas*, Richard analysis Concil. T. III. edit. Augustanae, voce *Abbas*.

dam, qvi Praelatus ad Scotos Viennae. Ex Ordine Cisterciensi sunt apud nos Abbates: Ad S. Gotthardum, qvi simul Abbas est ad S. Crucem in Austria. Abbas B. M. V. de Zircz, qvi Abbas una est Henrichovii in Silesia, olim Austriaca, nunc subiecta Borussorum Regi. Abbas de Bors-Monostra prope Ginsium, idem, qvi Campililiorum in Austria. Abbas B. M. V. de Pilis et Pásztó. Porro, quemadmodum antiquioris instituti sunt illi, qvorum Praelati veniunt sub nomine Abbatum, quam ceteri, qvi leges vivendi ab iis commodarunt: ita etiam Praelatos istorum, post Abbates collocamus, sub nomine *Praepositorum*. Etsi namqve hanc adpellationem S. Cyprianus tribuerit Episcopis; l) atqve omnes, qvi praesunt, rite vocenter praepositi: usus tamen obtinuit, eos vocari praepositos, qvi qvamdani prioratus curam, super alios gerunt. m) Cuiusmodi Praepositos habent in Ecclesia Hungarica postliminio, Canonici Regulares de monte Praemonstrato, seu

l) Libro de lapsis. Item in epist. ad Iubaianum edit. Tirnav. pag. m) Cap. 9. tit. de verb. significatione.

seu Praemonstratenses dicti. Siquidem nuper admodum, restituta sit Praepositura S. Michaelis de Csorna. Item B. M. Virginis de Túrje. Denique S. Ioannis de ponte, seu Iánoshida. Quae tres uni eidemque Praelato fuerunt collatae. n) Non minus Praepositura S. Ioannis Bapt. de Iászov, suo vigori est restituta.

§. LVIII.

Abb. Commendatarii.

Cum Commendatarii quoque Praelaturarum Regularium, in Synodis Ecclesiasticis locum, o) partem proinde in legislatione habere possint, ipsi quoque hoc loco sunt commemorandi. Sumit adpellatio horum, a voce *commendo*, originem suam, quae, alterius curae quvipiam creditum, significat. Illi vero, quibus nomen hoc tribuitur, sunt viri ex Ordine Clericali, qui Praelaturae cuiuspiam Regularis parte redditum fruuntur, non
sine

n) Ita derogatum est capiti 9. de relig. domibus.

o) Caerominiale Epp. lib. 1. cap. 31. num. 15.
Item Bened. XIV. de Syn. D. lib. 3. cap. 10.
num. 5.

sine quodam honoris praerogativa, nihilominus absque iurisdictione in Religiosos exercenda, quibusdam casibus exceptis, iuxta Pontificis indultum. p) Revocaverat quidem anno 1306. Clemens V. provisiones sub titulo Commendarum factas; q) neque tamen abolitas fuisse, probant tot exempla Commendatariorum, deinceps in Patria nostra per Pontifices, ac Reges, partim ex Ecclesiasticis, partim vero ex Religiosis quidem, sed alterius Instituti, creatis. r) Id quod Leges Hungaricae magnopere improbabant; s) Sacra vero Synodus Tridentina inquebat: Confidere se, *Sanctissimum Rom. Pontificem pro sua pietate, et prudentia curaturum, quantum haec tempora ferre posse viderit, ut iis, quae nunc commendata reperiuntur, et quae suos conventus habent, Regulares personae, eiusdem Ordinis expresse professae, et quae gregi praecire, et praeesse possint, praeficiantur.*

- p) Richard analysis Concil. T. 3. edit. cit. verbo: *Abb.* q) Cap. 2. de praeb. et dignit. in extrav. comm. r) Vide meas Amoenit. Hist. Eccl. H. fasc. VI. num. II. §. 3. seq. s) Ibid. §. 6.

antur. t) Ceterum Commendatarii pro veris *Titularibus* habentur. Cum tamen lex sit, ne Beneficium Regulare saecularis Clericus habere possit, Commenda hodierna est dispensatoria, fierique debet Pontificis auctoritate. u)

§. LIX.

Abb. et Praep. titulares.

Si mos Ecclesiae, v) Hungaricae item Synodi consulantur: w) adparebit, *Titulares* quoque Abbates ac Praepositos, merito recenseri inter eos, qui ad condendam legem Ecclesiasticam conferunt, Eosque hic locum habere. Talium in Patria nostra perquam tristis est origo. Scilicet ab infelici clade Mohacsensi, quae anno Christi 1526.

con-

t) Sess. XXV. decr. de Regular. et Monial. cap.

21. u) Espen Iuris Eccl. parte I. tit. 31. cap. 7.

v) Lege Bened. XIV. de Syn. D. lib. 3. cap.

10. num. 5. w) Syn. Dioec. Tirnav. 1562. Synodus

Provinc. Tirnav. 1611. Synodus Dioecesis,

Tirnav. 1629. Synodus provincial. Tirnav. 1638.

Synodus national. 1648. omnes legendas apud Pé-

teriffy T. II. Concilior,

contigit, Religiosi viri metu irruentis Turcae dilapsi sunt; monasteria cum Bonis ad illa spectantibus, inter dissidia duorum Regum, pro Corona Hungariae decertantium, a potentioribus nullo iure occupata, quaedam, ceu carentia iam possessore, pro more, ac secundum patriam legem, x) ad Regias delapsa manus: utque sustineri facilius belli onera possent, ab Administris aerarii, vel arcium Capitaneis, non semel in pignus data. y) Obsistebatur quidem huic malo, tam per leges Regni, decernentes, ut Abbatiæ, cunctaque Beneficia Ecclesiastica pristinis possessoribus reddantur: z) quam et per Ferdinandum I. Regem anno 1560. qui peculiari decreto, Ecclesias atque domicilia Regularibus, ad quos pertinuerant, quatenus id fieri posset, reddita voluit, illis duntaxat exceptis, quæ pro statuum desiderio, a) ad intertentionem Scholarum adplicata iam erant. b)

Sed

- x) Tripart. parte 1. tit. 13. y) Art. 31. 1567. et Martinus Szentiványi dissert. paralipom. rer. memorab. Hung. catal. LVIII. z) 1548. art. 8. a) Ibid. art. 12. b) Legitur hoc Decretum ap. Péterffy T. 2. pag. 46.

Sed quantum sive hoc decretum, seu nova denuo lex, anno 1567. condita, huiusmodi restitutionem adurgens c) profecerit, discutere non vacat. Certum vero est, quemadmodum ante hanc legem, ita deinceps quoque, Regularia Beneficia, collata fuisse Episcopis eam ob rem, quod Episcopatus fere omnes, inter disturbia Regni, adeo proventibus fuerint spoliati, ut vix quotidiani sumptus eorum possessoribus residui essent. d) Nonnullae quidem Abbatae, atque Praepositurae huiusmodi, pacatis denuo Hungariae rebus, ad pristinos possessores postliminio redierunt; e) quaedam tamen piis locis in perpetuum adplicatae sunt; f) Nonnullae permanserunt in manibus Regiis, et viris Ecclesiasticis, de Religione, Patriaque bene meritis: aliae quidem cum proventibus, g) aliae sine proventu, atque in titulum duntaxat conferuntur. h) Imo sic fuerunt liberales

qvi-

c) 1567. art. 31. d) Testis est art. 9. 1548. e)

Vide meas amoenit. Hist. Eccl. H. fascic. VI. num. II. §. 9. f) Ibid. §. 10. g) Ibid. §. 11.

h) Consule schematismum Dignitatum I. R. Hung. quotannis edi solitum.

quidam Reges Apostolici, ut non tantum Praesulibus, huiusmodi titularium Abbatiarum ac Praepositarum, quibus vellent, conferendarum potestatem dederint, i) sed splendidioribus etiam quibusdam Hungariae familiis; k) quarum tamen Patronati, seu Clientes, ad Regni Comitum per Literas Regales haud evocantur. l)

§. LX.

Generales Ordd.

Non sum nescius, octo Generales variorum Ordinum Religiosorum, interfuisse Tridentinae Synodo, etsi non cum decisivo, ut aiunt, voto, nihilominus cum consultivo. Quare, vel uno hoc nomine digni sunt, ut in eorum classem veniant, qui ad conservandam in Ecclesia Christi, fidei et caritatis unitatem, diversis temporibus fuerunt instituti. *Generalis* nomine, in ordine Religioso is decoratur, qui cunctis instituti sui Religiosis praest. Nomen hoc, atque munus, usque ad decimum Ecclesiae saeculum, penitus ignotum,

i) Cit. meo op. §. 13. k) Ibid. §. 14. l) Fundam.

vide in art. 16. 1715:

tum, apud Cluniacenses in Gallia Monachos coepit; ll) adoptatum deinceps a novis ordinibus Religiosis, qui post Cluniacensium reformationem, sensim innotescebant. S. Pauli I. eremitae coenobiticus ordo, cum in Ungaria sumserit originem a Bartholomaeo Qvinqv. Episcopo ad annum Christi 1225. m) eius quoque Generalis isthic degebat, in Regni Comitiis Praelatos inter collocatus; n) imo cum Praeposito Capituli Zagrabiensis, o) iter-

ll) Espen iuris Eccl. parte 1. tit. 31. cap. 1. num. 19. Richard analysis Concil. tomo 4. edit. August. voce: *Generalis*. m) Contra priores Annalistas evicit RR. Koller in hist. Epp. Qvinq. tom. 2. in Episc. Bartholomaeo. n) 1608. art. 1. post coronat. o) Documentum non passim obvium, ex Nicolai Berger annalib. Eremi-Coenobiticis Ord. FF. Erem. S. Pauli I. Eremitae, pag. 19. sic habet: *Nos Comes Franciscus Vesselény de Hadad, perp. in Murány, R. H. Palatinus etc. Memoriae commendamus tenore praes. significantes, quibus expedit anno. Quod nobis una cum DD. Prael. Baron. ceterisque Magnatibus, circa festum B. Mich. Archangelii proxime praeteritum, sub gen. Regni Diaeta, in anno modo currenti infrascripto, hic Posonii celebrata, in solito Congregationis eorum DD. Praelator. Baronum,*

iterumque cum Archi - Abbate S. Montis Pan-
noniae, lis ei de praecedentia fuit. p) C
finem imposuit Ordinis apud nos sublatio

at-

et ceteror. Magnatum loco constitutis; ibique inter
R. D. Nicolaum Dianesevich, Praepositum Mai. Cap-
tuli Zagrab. ab una, et RR. D. fratrem Martinu
Borkovich, Ord. S. Pauli I. Erem. Priorem Gener-
lem partibus ab altera, circa praerogativas Eorum ex-
orta certa quaestione in eo, quisnam videlicet eoru
praecedere, et priorem locum in Gen. Congr. dictoru
DD. Regnicolar. obtinere, et consequenter immediat
post DD. Praelatos subsequi haberet. Qua quaestione
modo praevio inter Eos exorta, ac per nos, et pe
Ill. ac RR. D. A. Episcopum Strigon. ceterosque DD
Praelatos, et Magnates intellecta, posteaquam ex di-
gnis fide testimoniis compertum fuisset, Priores Gene-
rales dicti Ord. ab antiquo semper, immediate pos-
DD. Praelatos locum habuisse; Praepositos vero Ma-
iores Zagrabienses primo in anno 1625. inter [DD
Magnates locum adeptos esse: Idcirco unanimi voto
constitutum est, ut futuris semper temporibus, memo-
ratus Prior Gen. dicti Ord. S. Pauli I. Erem. aliique
subsequentes, et pro tempore eiusd. Ord. Generales
constituti, immediate post DD. Praelatos in Gen. Re-
gni Conventibus subsequantur, et locum habeant, di-
ctumque D. Praepositum M. Zagrab. et reliquos futu-
ros in consessu praecedant, illi vero sequantur. Su-

atque totum de Generalibus Ordinum institutum sermonem abrumpit dispositio altissima, hactenus non revocata: Ut omnis deinceps ne-

XUS

Super quo praesentes litteras testimoniales, secreto sigillo nostro authentico, et manus propriae subscriptione communitas, eidem D. Patri Generali, et dicto Ordini, iurium suorum futuram ad cautelam necessariam, extradandas duximus, et concedendas, communi suadente iustitia. Datum Posonii 16. mensis decembris 1659. C. Franc. Vesselény. m. p. p) Docum. ex eod. op. pag. 419. tale est: Nos D. G. Christ. Augustus S. R. E. Presb. Cardinalis A. E. Strigon. etc. Memoriae commend. ten. praes. signif. quibus exped. univ. Quod posteaquam in anno 1708. Posonii incoepta, et servata Diaeta, inter RR. P. Ludov. Barilovics Ord. S. Pauli I. Erem. Priorem Generalem ex una, et RR. P. Coelestinum Goner A. Abbatem S. montis Pan. ex altera parte, ratione sessionis, et praecedentiae in praedicta Diaeta, nonnulla controversia exorta, et mota fuit, eodem partes in personam nostram, uti Arbitrum compromiserint. Hinc nos hanc totam controversiam, cum consilio totius Ven. Cleri hic existentis maturius deliberantes, et considerantes, invenimus, et deprehendimus, quod sicuti praedictus RR. P. Generalis in Diaetis praeteritis RR. Patrem A. Abbatem praecessit semper, ita quoque modo in mo-

xus Religiosorum cum Generalibus suis, excepta precum, et suffragiorum communione penitus cesset. q)

derna Diaeta praefato RR. Patri Generali sandem praecedentiam dandam, et concedendam esse iudicavimus, et decernimus per praesentes. Cum ea tamen expressa, et apposita clausula: si praefatus RR. A. Abbas privilegia sua, quae ad praecedentiam allegat, debite produxerit, aut ulterioribus relevantibus rationibus legaliter probaverit in futura Diaeta, eidem A. Abbati aperta sit, et maneat via. In quor. fidem praes. i. duplo expeditas, manu propria subscriptas, sigilloque nostro munitas extradeditus Posonii 6. aug. 1709

q) Resol. Iosephi II. de 24. martii 1781. legitur in collect. Eius resolut. Viennae edita 1784. parte 1. pag. 122. Repetitur in latina collect. edita iussu Exel. Cons. T. 1. pag. 128.

CAPUT II.

De fontibus propriis Eccles. Iuris.

§. LXI.

Fontes cum Theol. communes:

Ecclēsia Christiana, uti Christum habet autorem, ita Ius, quo regitur, ex iisdem fontibus debet summi, e quibus hauriuntur leges; Christiano more credendi atque agendi: et ex quibus Theologia quoque sua desumere principia consuevit; illa nimirum scientia, quae de Deo, rebusque Divinis tractat. Enim vero, ut olim observavit Ioannes Gerson: *Theologus descendit ad inspiciendum Canones, tanquam ad conclusiones ex suis principiis Theologicis elicitas, et sic fit ambidexter Theologus Canonista, et Canonista Theologizans.* r) Quum igitur, de propriis Theologiae fontibus agant prolixè, velut de re

F 2

sua

r) In recommend. licentiandor. in Decretis.

sua Theologi: de his ego paucissima dicam, ad proprios Iuris Ecclesiastici fontes mox transiturus.

§. LXII.

Religio naturalis.

Primus fons quum Theologiae, tum Iuris Ecclesiastici, *Religio naturalis* est, per dictamen scilicet rationis, acquisita Divinitatis notio, et cognitus Deum colendi modus. Haec Religio, cum digito Dei scripta sit in cordibus hominum, ideoque immutabilis, per legem Evangelicam non modo sublata non fuit, sed confirmata potius, et a sinistris Pharisaeorum interpretationibus purgata. s) Legem hanc probe tam nosse, quam a reliquis legibus discernere, perquam necessarium est Iuris Ecclesiastici tractatori, exequutori, ipsique Legislatori; quoniam, ut dicebat S. Leo M. Pontifex, *sicut quaedam sunt, quae nulla possunt ratione convelli, ita multa sunt, quae aut pro necessitate temporum, aut pro consideratione aetatum, oporteat temperari: illa consideratione semper servata, ut in iis,*
quae

s) Lege Matth. cap. V.

*quae vel dubia fuerint, aut obscura, id no-
verimus sequendum, quod nec praeceptis
Evangelicis contrarium, nec decretis SS. Pa-
trum inveniatur adversum. t)*

§. LXIII.

Revelata, contenta in Script. S.

Alter fons Iuris Ecclesiastici *Religio re-
velata* est, quam partim e Scripturis Sanctis
utriusque Testamenti, partim e Traditioni-
bus discendam habemus. u) Ut ne aberret
Iuris Ecclesiastici tractator in intelligendo Sa-
crarum literarum sensu, istam Sacrae Synodi
Tridentinae praeceptionem, alta mente repo-
sitam habeat: *Ut nemo suae prudentiae in-
nixus, in rebus fidei, et morum, ad aedifi-
cationem doctrinae Christianae pertinentium,
sacram scripturam ad suos sensus contor-
quens, contra eum sensum, quem tenuit, et
tenet S. mater Ecclesia, cuius est iudicare
de vero sensu et interpretatione Scriptura-
rum Sanctarum, aut etiam contra unanmem
con-*

t) Epist. ad Rustic. Ep. Narbon. ap. Gratian. can.
2. dist. 14. u) Conc. Trid. sess. IV. decr. de
Canonicis Script.

consensum PP. ipsam Scripturam S. interpretari audeat; etiamsi huiusmodi interpretationes nullo unquam tempore in lucem edendae forent v) Enimvero fuit tempus, cum ob non recte intellectam quaedam Sacrarum Scripturarum loca, w) in exercitio potestatis abusus, hinc vero grandis inter utramque Rempublicam collisio sequuta fuit. x)

§. LXIV.

Et in SS. Patribus.

Sanctorum Ecclesiae Patrum nomine veniunt, qui externa vitae Sanctitate, ac scriptis pro Religione editis Ecclesiam illustrant. Hi nobis in rebus fidei ac morum duo praestant. Interpretantur videlicet Scripturas Divinas, depromendo sensum, quem intendisse Divinum Spiritum, ab Ecclesia erroris nescia didicerunt, et veritates orthodoxas, in

v) Ibid. decr. de edit. et usu sacrar. libror. w)

Exemplo sit Constitutio Bonifacii VIII. quae legitur cap. 1. de maiorit. et obed. in extrav. commun. x) Lege Dupin de antiqua Eccl. disciplina dissert. VII. cap. 3. Obstraet de loc. Theol. diss. V. quaest. 3.

in S. Bibliis minime contentas, prout didicerunt a Maioribus, ita posteris notas reddunt. y) In rebus fidei, ac morum, plenissimam Eos mereri fidem, intelleximus, (§. praec.) dummodo consentiant. At singulorum autoritas ponderanda erit, cum et ipsi homines, humanum aliquid in intelligenda Scriptura sacra, quandoque sint passi. Sane Bernardus Claraevallensis, Sanctorum Ecclesiae Patrum numero et ipse adlectus, ex quibusdam Sacrae Scripturae verbis, z) non recte intulit: *Gladium Pontificis esse, licet non eius manu evaginandus sit. Utrumque gladium, materiale scilicet et spirituale esse Ecclesiae; sed hunc quidem pro Ecclesia, illum ab Ecclesia exercendum; illum Sacerdotis, hunc militis, sed sane ad nutum Sacerdotis, et iussu Imperatoris.* a) Eadem tenen-

y) Legito prae aliis, quos adducere possem, Bonaventurae Carthusiani opus aureum, quod sub nomine Natalis Argonnensis edidit, de optima methodo legendorum Ecclesiae PP. Versum e Gallico, et impressum Augustae Vindel. a. 1756. z) Ex Matth. XXVI. 52, et Lucae XXII. 38. a) Lib. IV. de consider. ad Eug. IV. Pont. cap. 3.

tenenda est regula, cum veritates, ceu e Traditione haustas proferunt memorati Patres; modo Augustinum excipias, cum loquitur de gratia Dei, libero arbitrio, ac praedestinatione; Leonem item Magnum, de duabus in Christo naturis loquentem. Hic enim tanta est istorum autoritas, quanta omnium foret, si istis de rebus scripsissent. b) Res disciplinares cum referunt, ut historicis credendum, modo de scientia rei, quam testantur, nequeat dubitari; cum vero has adducunt decretorie, ad proprias eorum Ecclesias, quibus praefuerant, pertinuisse censeantur. Verba proinde Sanctorum Ecclesiae Patrum, corpori Iuris Canonici dudum inserta, habent auctoritatem, quatenus a legum Ecclesiasticarum conditoribus, adoptata fuerunt.

§. LXV.

C o n c i l i a.

Necdum fuerant noti Patres Ecclesiae, in hodierno Theologorum sensu, c) cum ex-
ortis

b) De Augustino vide Natal. Alex. Hist. Eccl. saec. V. cap. 4. art. 3. §. 11. De Leone ibid. dissert. XII. c) Lege RR. D. Francisci Nagy dissert.

ortis in Ecclesia Dei controversiis, imo litibus, refrigescenteqve sensim primaeva Christianorum caritate, Ecclesiasticos Conventus celebrari oportebat. Saluberrimae consuetudini dederunt initium Apostoli, cum eligendus erat Apostolus in locum Iudae; d) dum instituendi septem Diaconi; e) dum sopienda denique fuit gravis quaestio, de necessitate legem Mosaicam, suscepto quoque baptismo sancte custodiendi, Ierosolimis, et Antiochiae suscitata. Fuit hic sacer Conventus, norma ceterorum. Videas enim ibi praesidentiam Petri, primamque illius vocem. Necessitatem sedulo perquirendae veritatis; suam cuiusque promendae sententiae libertatem; tractationis synodicae obiecta; inevitabilem nonnunquam, celebrandi Concilii necessitatem; decisorum vero illic, non eandem perpetuitatem; et communis duntaxat sententiae vim, firmumque robur. f) Sacri huiusmodi Conventus, subinde dicti sunt more Graeco *Synodi*, latine *Concilia*. g) Quae rectissime dici

patrolog. de notione Patris Ecclesiae. d) Act. I. e) Act. VI. f) Act. XV. g) Plures huius vocis signif. vide ap. Bened. XIV. de Syn. Dioec. L.

dici possunt: *Personarum Ecclesiasticarum legitimi coetus, ab illo, qui iuris id habet, vel de consensu eius convocati, ad Ecclesiastica negotia, collatis suffragiis in ordinem redigenda.* Haec definitio quam congruat celebri Apostolorum Synodo, satis elucet; congruere autem debere illi quaslibet Synodos, dicenda docebunt.

§. LXVI.

G e n e r a l i a.

Primum in Ecclesia Christi locum obtinent *Concilia Generalia*; non eo sensu dicta, quo etiam unius nationis Episcoporum Conventus hoc pacto nominantur, h) verum illa, ad quae vocantur Episcopi totius orbis, qui debent iis interesse, nisi legitime sint impediti, praesidente Romano Pontifice, vel per se, vel per suos Legatos. i) Quamvis, ut definitio complectatur omnia, hanc alii de-

pro-

L. I. cap. I. num. I. Vocem autem: Concilium explicat Gratian. can. 1. dist. XV. h) Bened. XIV. de Syn. Dioec. Lib. I. cap. 1. num. 2. Richard analys. Concil. T. 1. i) Bened. XIV. cit. lib. et cap.

promere malint: *Conventus Episcoporum, ex universo orbe Catholico congregatorum, Pontifice per se, vel per alios praesidente, ad definienda Ecclesiae universae negotia, legitime institutus; quem Graeci Oecumenicum adpellant.* k)

§. LXVII.

U t i l i a s u n t.

Divini Spiritus effatum est: *Ubi non est gubernator, populus corruet, salus autem, ubi multa consilia.* l) Quapropter Moyses, consilium seqvutus Iethro soceri, Senatum constituit in plebe Hebraeorum, quam ducebat, quo eandem regere felicius posset. m) Unde Conciliorum utilitatem videas. n) Quam confirmat Apostolorum, (§. LXV.) et perpetua deinceps Antistitum sollicitudo, difficillimis nonnumquam Ecclesiae temporibus, Concilia celebrandi.

§. LXVIII.

k) Vide Macri Hierolexicon, in voce: *Oecumenicus*.

l) Proverb. XI. 14. m) Exodi XVIII. Deut. I.

n) Lege Nicasii Ellebodii orat. dictam in Syn. Tirn. an. 1561. ap. Péterffy Conc. H. T. II, pag. 135. Richard analys. Conc. T. I. in praevio tract. de Concil. cap. 4. §. 2.

§. XLVIII.

Et quandoque necessaria.

Necessitas vero Conciliorum tametsi non sit prorsus absoluta, cum Deus, qui portas inferi Ecclesiae suae non praevalituras promisit, nn) etiam sine hoc adminiculo, Illam possit sartam, tectamque servare: multiplex tamen rerum, temporumque vicissitudo, eorum celebrationem exegit. Id quod facto suo Apostoli comprobarunt. (§. LXV.) Homines Christianos, experientia hactenus edocuit, sex numerari posse causas, quarum gratia Synodi convocari debent. Prima est, Haeresis nova, scilicet antehac numquam damnata, qualium causa, prima septem Concilia sunt celebrata; et Tridentinum celebrari, vel potius continuari petebant an. MDXLVIII. Ordines Regni Hung. sequentibus verbis: *Supplicat Ordines et Status Regiae Maiestati, domino eorum clementissimo, ut tam sua, quam sacrae Maiestatis Caesareae auctoritate, agat apud SS. Dominum nostrum, quo Sanctitas sua Generale Concilium, pro complanandis omnibus differentiis, variisque opi-*
nio-

nionibus de religione, sine diuturniori mora celebrare dignetur. Qvod si Sanctitas sua id differret, Maiestas Caesarea dignetur modum adhibere, ne celebratio Concilii diutius protrahatur. o) Altera causa est, scissio Ecclesiarum nata ob plures de Tiara Papali decertantes. Nam docuit experientia, medium hactenus tollendi huiusmodi schismatis, fuisse Concilium, qvod de utroque decernebat. Tertia causa est, deliberatio de modis, qvibus communi Christianae Reipublicae hosti, obviandum esset. Qvo pertinent Concilia, in qvibus de cruciatis expeditionibus actum erat. p) Quarta foret, haereseos in Romano Pontifice suspicio, vel morum eius nimia depravatio; propter qvarum alterutram, vel utramque, per Concilium Generale monendus: pervicax autem, deponendus esset. Quinta causa, si Cardinales ad electionem Pontifi-

- o) An. 1548. art. 13. p) Talia fuerunt: Lugdun. I. an. 1245. Lugdun. II. an. 1274. Viennense, in qvo post alia de recuperanda terra sancta actum est an. 1311. Deniqve Lateran. V. inchoatum an. 1512. in qvo cetera inter, de recuperanda terra sancta deliberabant.

tificis procedere nollent, aut non possent. Nam tunc Generalis Concilii munus foret, de supremo Pastore prospiciendi. Sexta causa, vitiorum irradicatorum sublatio, et reformatio generalis. Quamquam enim iure hoc usi legantur Pontifices, attamen longe suavius res agitur, cum adprobante Concilio generali, summus Pontifex legem dicit. Hinc novimus, omnia fere Concilia Generalia leges scripsisse, morum reformationem inculcantes. q)

§. LXIX.

Illuc iure Div. pertinent Episcopi.

In Concilio generali, iure ferendi suffragii gaudere Praesules, brevi prorsus argumentatione potest evinci. Nam disponente Domino, datur in Ecclesia Christi potestas discernendi, praecipiendique; (§. VI.) non par omnibus, (§. XX.) verum illis propria, qui ad Hierarchiam Divina ordinatione constitu-

q) Bellarmin. de Conciliis lib. 1. cap. 9. seqq. Obstraet de locis Theol. dissert IV. qv. 3. Richard analys. Concil. in tract. praevio de Conciliis, cap. IV. §. 1.

tam pertinent, videlicet Romano Pontifici, (§. XXV.) deinde post Apostolos hoc munere functos, (§. XXVII.) illorum successoribus Episcopis. (§. XXVIII.) Qvo igitur iure usos legimus Apostolos: idem ab eorum successoribus, avelli tanto minus potest, qvod celebratio Concilii, sit modus quidam exercendae illius sacrae potestatis, qvam Episcopi a Christo acceperunt.

§. LXX.

De Presbyteris quaeritur.

Qvi Presbyteros qvoque habere locum in Concilio Generali, dicunt, non sic volunt assertum intelligi, qvasi vero istud debita cum subordinatione erga Praesules fieri non debeat; vel qvasi hi, Presbyterorum suffragio penitus excluso, sententiam in Conciliis, robur suum habituram, neqveant ferre. Hoc tantum dicitur: Fundamentum esse in Lege Divina huius, qvod in Concilio generali, ordinis secundi Sacerdotes, ferre suffragium possint. Leguntur enim in Scripturis Sanctis convenisse *Apostoli et Seniores*, quaestionem examinaturi ad se delatam: Num Christiani

debeant more Iudaico circumcidi? Placuit *Apostolis et senioribus* adornari literas ad Ecclesias Antiochiae, Syriae, et Ciliciae mittendas; et in his *Apostoli et Seniores fratres* decernebant, quid agendum fidelibus, et a quibus abstinendum esset. r) Paulus praeterea et Timotheus, cum pertransirent Civitates, tradebant eis custodire dogmata, quae erant decreta ab *Apostolis, et Senioribus, qui erant Ierosolimis*. s) Idem Paulus post multas navigationes Ierosolimam veniens, intravit ad Iacobum, omnesque collecti sunt seniores; ac voce una declarabant: *De his autem, qui crediderunt ex gentibus, nos scripsimus, iudicantes ut abstineant se ab idolis, immolato, et sanguine, et suffocato, et fornicatione*. t) Cuiusmodi expressiones docere videntur: Ad Presbyteros Ierosolimam aequae ac ad Apostolos ventum fuisse; Illos perinde iudicavisse, praecepisse, ac iis aequae obtemperatum. Decisivam eos proinde vocem unam cum Apostolis habuisse. Profecto Apostolicus pater, quoniam Ioannis Apostoli discipulus,

r) Act. XV. s) Act. XVI. 4. t) Act. XXI. 18.

lus, S. Ignatius Martyr, necessarium esse in-
 quiebat subiici, non modo Episcopis, verum
et Presbyteris, ut Apostolis Iesu Christi. u)
 S. Cyprianus adpellavit corpus Presbyterii,
Sacrum venerandumque consessum. v) S. Io-
 annes Chrysostomus, communia esse inquit
 omnia Presbyteris cum Episcopo: *solaque or-
 dinatione superiorem hunc esse.* w) Neque
 mirere istud: Nam etiam S. Hieronymus in-
 terrogabat: *Quid facit excepta ordinatione
 Episcopus, quod non faciat Presbyter?* x)
 Tantum scilicet tribuit vetustas Christiana
 Presbyteris. Hinc in Synodo Antiochena an-
 no Christi 264. contra Paulum Samosatenum
 celebrata, epistolae Synodicae legitur subscri-
 ptus Presbyter Malchus. y) Vocem habuere
 Presbyteri in Romana Synodo contra Iovi-
 nianum anno Christi 390. celebrata. z) Re-
 liquis hic praetermissis, a) addatur Synodus

G

Ro-

- a) Epist. ad Trallianos. v) Epist. ad Cornel. PP.
 pag. 237. edit. Tirn. w) Homilia in ep. 1. ad
 Timoth. x) Epist. ad Evagrium. y) Euseb. Hist.
 Eccl. Lib. VII. cap. 29. et 30. z) Natal. Alex.
 hist. Eccl. saec. IV. cap. 3. art. 19. a) Plura
 lege apud Richard ad Concilia praev. tract. de
 Conciliis cap. VII. §. 2.

Romana, mortuo Pontifice Fabiano, ante Cornelii electionem, a Presbyteris celebrata. b)

§. LXXI.

Sententiae negantis motiva.

Qvi non favent Presbyteris, talia proferrunt: In Synodo Chalcedonensi Praesules Aegyptii clamabant semel ac iterum: *Petimus superfluos foras mitti: Synodus Episcoporum est, non Clericorum.* Praecipiant Concilia generalia praesentiam Episcoporum, at Presbyteris haud imponunt. Aliter subscripti leguntur actis Conciliorum hi, quam illi. Nam in Constantinopolitano, quod anno Christi 381. celebratum fuit, sic legitur: *Flavianus Episcopus Constantinopolis, definiens, seu iudicans, subscripsi. - - Andreas Presbyter et Archimandrita, subscripsi in depositionem Eutychis.* Aiunt praeterea: si Presbyteris quoque ius esset assidendi Conciliis generalibus, sequeretur, ad haec saltem unum

e

b) Celebrata est haec Synodus circa ann. Christi 450. Videatur Richard analysis Concil. T. I. Epistola item S. Cypriani ad Antomian. edit. Tirn. pag. 187.

e qualibet Dioecesi vocandum esse. Quo posito, tantus fieri posset numerus Presbyterorum, ut superarent suffragia Episcoporum. c)

§. LXXII.

Quidam Clerici de more vocandi.

Altera haec assertio si locum habet, quicumque non sunt Episcopi, non *decisivam* in oecumenica Synodo, sed *doctrinalem* duntaxat sententiam pronunciandi habent potestatem, liberaliter sibi per Episcopos indultam. Sunt vero: Cardinales, nondum Episcopi. Titulares Episcopi. Imo Dioecesani nondum consecrati. Abbates iurisdictione pollentes. Generales Ordinum Religiosorum. Doctores Legum. Theologi per Pontificem, Regesve, aut per Scientiarum Universitates delecti. Procuratores absentium Praesulum. Ordinum Religiosorum Theologi, et Procuratores. Quos consuevisse ad Synodos oecumenicas evocari, docuit exemplo suo Tridentina Synodus; et tam Paulus III. Pont. anno 1542. quam et Iulius III. anno 1552. gravissima

praeceptione, nimirum *in virtute obedientiae, aliisque sub poenis, iure, aut consuetudine in celebrationibus Conciliorum adversus non accedentes ferri, et proponi solitis.* d)

§. LXXIII.

Episcopi omnes vocandi.

Cum omnes illi, quos Spiritus S. posuit Episcopos regere Ecclesiam Dei, de Lege Divina pertineant ad Synodorum Oecumenicarum celebrationem: (§. LXIX.) debent utique per eum, cuius id muneris est, ad illas, nemine prorsus excluso, more solito vocari.

§. LXXIV.

Ordinarie per Papam.

Quodsi Iustinum Febronium demas, e) ceteri omnes Catholici, Synodos universales convocandi potestatem habere Pontificem Romanum.

d) Leguntur insertae Bullae hae decretis Conc. Trid. e) Hic in lib. singulari de statu Ecclesiae cap. VI. §. 2. scripsit: Nulla lege Divina, aut humana convocationem universalium Conciliorum summo Pontifici reservari.

manum, eam ob rem affirmant, quod, cum Primatus a Christo sit institutus conservandae unitatis causa, (§. XXVI.) sponte sequatur ius Pontifici media oportuna procurandi, quae hanc unitatem conservent, sublatamve restituant, id, quod Febronius ipse docuit; f) at vero Concilium oecumenicum, ad hunc finem obtinendum, usque adeo est opportunum, ut eius nonnumquam celebratio prorsus necessaria evadat, (§. LXVIII.)

§. LXXV.

Demus fors casib, quibusd.

Aiunt tamen, posse Concilium generale convocari per S. R. E. Cardinales; aut his renuentibus, per Primates; qui si perinde nollent, a ceteris Ecclesiarum Dei Praesulibus, in uno e casibus nunc referendis. Primo, si plures decertent pro dignitate Pontificia, quorum nullus est in eius possessione: neque illis terminari secus possit. Secundo, si ille, qui e pluribus aemulis, est in pos-

f) Cit. capitis §. 6. scripsit: Omnia, et sola esse primigenia, et essentialia iura Primatus, sine quibus unitas non potest servari.

sessione dignitatis supremæ, convocare nolit Synodum litis decidendæ causa. Tertio, si Pontifex, fieret notorius hæreticus, vel apostataq; cuius causa deberet Synodus oecumenica celebrari. Quarto, si occulte hæreticus, vel apostata, rogatusq;ve, ut Concilium Generale convocet ob urgentem Ecclesiæ necessitatem, id facere nolle. Quinto, si Pontifex aut mortuus esset, aut captivus: necessitas autem celebrandæ Synodi oecumenicæ, inevitabilis redderetur. Sextum ponunt, si Pontifex Orthodoxus licet, malus adeo esset, ut, ne præsentis quidem, urgentissimæq;ve necessitati Ecclesiæ, per convocationem Synodi vellet occurrere. Quo casu, reclamante licet Ep., congregatam, non dubitant validam esse, dummodo Pontifex, atq;ve ceteri Præsules, fuerint illuc invitati. g)

§. LXXVI.

Non sine Princip. assensu.

Non id ago, ut Imperatori ius convocandæ Synodi generalis asseram, quo diviso
in

g) Lege Ioann. Obstræct de loc. Theol. diss. IV. qv. 2. §. 1. num. 2.

in partes Imperio, exerceri nullatenus potest. Convocaverant utique prima octo Concilia Imperatores: h) sed omnes ferme tunc Episcopi, Romanorum Imperatori subdebantur. Cum praeterea convocatio Praesulum, actus *per se* spiritualis non sit, eum ut indulgerent Pontifices Imperatoribus, graves non defuerunt causae; puta: Consensio Principum et Pontificum in idem Ecclesiae bonum. Sumtus ab Imperatoribus, et publica vehicula, euntibus ad Synodum demandata. Lex Imperatoria superstes, ne frequentes hominum conventus fierent absque Caesaris annutu. Necessitas denique celebrandi Synodum in Imperiali quapiam Urbe, quam Imperator designasset. i) Id, quod cogit me palam affirmare, Concilium quavis Oecumenicum, sine Principum assensu convocari haud debere. Accedit ratio, quod nemo Episcoporum possit invito Principe, a regno abesse, quum id spectet ad Reipublicae gubernandae potestatem, ne Cives invito Principe patriam relinquant; atque illi cumprimis,

qvi

h) Lege Obstract, cit, diss. et qv. §. 1. num 1.

i) Ibid.



qui suam in curanda felicitate etiam civili, partem habent: Neve Principes, se prorsus inconsultis acta in Synodo, vel vigorem habere non admittant, vel adurgere nolint. k) Quod tamen quam necessarium sit, Beatus Leo Pontifex expressit, affirmando, *res aliquas tutas esse non posse, nisi, quae ad Divinam confessionem pertinent, et Regia, et Sacerdotalis defendat autoritas.* l) Quamobrem Paulus III. indicendo celebrationem Concilii Tridentini, professus est: Cum animum ad Generale habendum Concilium adiecisset, *exquisitisque Principum sententiis, quorum sibi videbatur utilis in primis, et opportuna ad hanc rem esse consensio, cum eos tunc non alienos ab hoc tam sancto opere invenisset, oecumenicum Concilium - - in civitate Mantuana* indictum ab se anno 1537. Denegata vero hanc in rem Civitate Mantuana, nisi aliquas conditiones subire vellet, ab institutis Maiorum suorum, et Sanctae Sedis dignitate, ^olibertateque prorsus alienas: Se non

k) Consule Petr. de Marca de concord. Sac. et Imp. lib. II. cap. 10. Lib. IV. cap. 22. l) Ap. Gratian. can. 21. caus. 23. qv. 5.

non destitisse ait, *consulere, et hortari Christ. Principes, ut de idoneo ad habendum Concilium loco quid sentirent, ei exponerent, et cum eorum essent incertae, variaeque sententiae, tempusque diutius, quam erat opus, videretur extrahi, se optimo animo, Vincen-
tiam elegisse. At eo neque Carolum Imperatorem, neque Franciscum Galliae Regem, Praelatos dimisisse, rogatos licet, verum Concilii prorogationem in aliud tempus, postulavisse. Quod et factum est a Pontifice. Qvi tandem videns, frustra expectari Principis alicuius consensum, decrevit Synodum in Civitate Tridentina, inchoandam; conver-
sis precibus, ad Imperatorem, Reges, Duces, ac Principes: curare id vellent, ut ex suis cuiusque regnis, ac provinciis Episcopi, et Praelati sine tergiversatione, et mora ad Concilium proficiscantur. Quae omnia do-
cent, quantum intersit, ne Concilium absque consensu Principum convocetur. Hinc Iulius quoque tertius, resumens celebrationem concilii, benevolentiam Principum implorare haud neglexit, sperare se professus, per ipsius Dei gratiam et benignitatem futurum,*
ut

ut Reges omnes ac Principes Christiani, iustis piisque Eius in hac re votis annuant, faveant, atque assistant. Denique Pius quartus, in Bulla, qua resumptionem Concilii Tridentini decernebat, professus est, factis etiam consilii sui certioribus, Ferdinando Rom. Imperatore electo, et aliis Regibus, atque Principibus, - - cum eos paratissimos ad ipsius Concilii celebrationem adiuvandam invenisset, Concilium Tridentinum, sublata suspensione quacunque, decrevisse. m)

§. LXXVII.

Praesidere Pontificis est.

Ipsius naturae, atque societatum humanarum bonus ordo illud deposcit, ut qui primus est in societate, primum quoque in eiusdem societatis conventibus locum habeat, ac votum. At vero Pontifex Romanus, utique primus est in Societate Christiana. (§. XXV.) Ille praeterea centrum est unitatis, (§. XXVI.) cuius conservandae, vel si rupta iam esset, restituendae causa, Synodi celebrantur. (Confer. §§. VIII, LXVII. et LXVIII.) Ille denique

m) Loguntur hæc Bullae adnexae Concilio Trident.

niqve successor est B. Petri, qvem, uti S. Iohannes Chrysostomus animadvertit, *videre est, ubiqve circumcursare, et primum inveniri. Quando eligendus Apostolus, hic primus; quando loquendum Iudaeis, non esse ebrios Apostolos; quando curandus claudus; quando concionandum, hic prae aliis est; quando contra Ananiam, umbra quando sanationes fiebant, hic erat.* n)

§. LXXVIII.

Perinde est per Legatos.

Est autem perinde, seu praesideat Romanus Pontifex per seipsum, sive per Legatos. Ecclesia namqve, hominum societas est, proinde in rebus quoqve sacris, modo duntaxat humano agit, ac pro more societatis civilis. At vero in altera hac, quod quis facit per alium, facere censetur per seipsum. Id quod Pontifices Romani factis confirmarunt. Praesedit enim Concilio Nicaeno I. Silvester Pontifex, per Osium Cordubensem Episcopum; Vitum, Vincentiumqve Presbyteros. Ephesino Coelestinus per Cyrillum Ale-

n) Homilia 21. in Acta Apostolorum.

Alexandrinum Praesulem. Uti et Leo Magnus, per Paschasinum ac Lucentium Episcopos, atque Bonifacium Presbyterum; atque deinceps alii Pontifices non una vice, o) usque ad ultimam Synodum Tridentinam, quae inchoata sub Paulo III. resumta sub Iulio III. et sub Pio IV. terminata, Praesidibus Apostolicae Sedis Legatis, cuncta et definivit, et decrevit. p)

§. LXXIX.

Etiam Principum civili cum potest.

Orthodoxi quoque Principes iisdem Conciliis, non quidem ut iudices, ob vetantem id Catholicorum doctrinam, (§. XX. et XXVIII.) sed ut turbarum fortassis nascentiarum vindices, et moderatores externi ordinis, adesse, aut si mavis, praeesse possunt. Id quod ex iure gubernandi, tuendique Rempublicam fluit. Quare Constantinus M. praesedisce scribitur Concilio Nicaeno I.

Ad

- o) Lege Petr. de Marca de concord. lib. V. cap. 3. seqq. Ludov. Thomassini in Concilia gen. et part. dissert. X. num. 1. seqq. p) Richard tract. de Concil. saec. XVI. tom. II. edit. Augustanae.

Ad Ephesinum Impp. Theodosius iunior, et Valentinianus loco sui mittebant Comitem Candidianum, ea cum circumscriptione, ut cum quaestionibus, et controversiis, quae circa fidei dogmata incident, nihil quidquam commune habeat, verum ut monachos et saeculares, qui huius spectaculi causa vel eo nunc confluxerunt, vel in posterum confluent, ab eadem illa civitate modis omnibus submoveant, quandoquidem non licet illos, qui omnino necessarii non sunt ad sacrorum dogmatum examen, tumultus excitare; - - - tum rursum, ut diligenter prospiciat, ne quae dissensio ex mutuo repugnandi studio contra increbrescat, et saevae tempestatis instar debachata, Synodi consultationem, exactioremque veritatis indagationem forte obturbet. Addebant plura, quae hic brevitatis causa praetermisi. Chalcedonensi Concilio interfuerunt Valentinianus et Marcianus. Constantinopolitano III. et inter oecumenica sexto, Constantinus Pogonatus; verum qui in Patrum alloqvutione, haec aiebat: *Nos ad fidem confirmandam, non ad potentiam aliquam exercendam, exemplo religiosissimi Prin-*

Principis Constantini , Synodo interesse volumus, ne vel ulterius populi pravis svasionibus separetur. Praefuit quoque Concilio septimo Irene Imperatrix cum filio; et Basilius Imperator octavo. q) Cuius praeclarioris bene memor Paulus III. in Bulla indicationis Concilii Tridentini, Imperatorem Carolam, Regem Christianissimum Franciscum, ceterosque Reges, Duces, ac Principes obsecrabat, ut, si salvam volunt Christianam esse Rempublicam, - - ipsimet ad Sacri Concilii celebrationem veniant, in quo ipsorum pietas, atque virtus, communi utilitatis salutique suae, ac ceterorum, et temporali, et aeternae, plurimum est profutura. Sin autem - - accedere ipsi non poterunt, graves saltem viros Legatos cum auctoritate mittant, qui personam Principis sui quisque, et cum prudentia, et cum dignitate possint in Concilio referre. Rursum Pius IV. postquam diu interruptam Synodi celebrationem resumere decrevisset, hortatus est Romanum Imperatorem, ceterosque Reges ac Principes, ut, si ipsi Concilio non poterunt interesse, at Oratores

q) Lège Obstract de loc. Theol. diss. IV. §. 2. num. 3.

tores suos, prudentes, graves, et pios viros utique mittant, qui ipsorum nomine illi intersint. Obsequuti sunt revera huic Pontificis cohortationi, tum alii Principes Orthodoxi, mittendo Legatos Tridentum: r) tum etiam Ferdinandus I. Nam ut Caesar, misit Antonium de Muglitio Archiepiscopum Pragenssem, atque Sigismundum a Thuun: quia Rex vero Hungariae, Georgium Draskovith, tunc Episcopum Qvinveecclesiensem, cuius literis, quas vocant *Credentiales*, die 1. Ianuarii anno 1562. datis, haec inseruit: *No- lentes sane propter absentiam nostram, tam pio, et praeclaro instituto quidquam impedi- menti, aut difficultatis iniici, aut quidquam a nobis desiderari, quod ad rem iuvandam pertinere queat; confisi de singulari pietate, fide, probitate, eruditione, iudicio, ac mul- tarum rerum usu, et experientia, Reverendi, devoti Episcopi Draskovithi, Ecclesiae Q. Ecclesiensis Episcopi, et Consilarii nostri fidelis nobis dilecti, eundem in solidum, so- lenniter - - Commissarium, Oratorem, Nun- cium, Procuratorem, et Mandatarium no-*
strum

r) Leguntur ad calcem Conc. Trident.

strum facimus, constituimus, et ordinamus. s)

§. LXXX.

Plenus esto numerus.

Attamen sive Pontifex, seu Princeps, suo quisque iure Synodo oecumenicae praesederit, sua ut stet Concilio autoritas, tot ei praeterea interesse oportet Episcopos, ut universam Christi Ecclesiam repraesentare, dici ex vero possint. Haec enim est Synodi generalis natura. (LXVI.) Huius autem ipsius ratio est, quod, licet nomine *praecipientis* Ecclesiae, sint Episcopi, de lege Divina intelligendi: (§. XXVIII.) ceteri autem fideles, nomine Ecclesiae *obsequeutis*; (§. XIII. XX.) quia tamen singuli Episcopi, singulae duntaxat plebi Christianae cum potestate praesunt, ut praecipiant toti Ecclesiae obse-

qven-

s) Legitur hoc fragmentum ap. Péterffy Conc. Hung. parte II. pag. 134. Oratio autem dicta in Concilio ibid. pag. 426. alteram eius orat. vulgavit Godefrid. Schwarz, sub ficto nomine Lorandi Samuelffi an. 1743 in comentar. de vita et scriptis Andreae Dudithii Sbardellati.

quenti, e toto illos orbe Christiano convenire, necessum erit. Neque tamen omnes atque singulos adesse oportebit; cum id nec sine detrimento Ecclesiarum fieri posset, nec sine maxima quorundam Praesulum molestia, quos nimirum, vel aegritudo corporis, vel aetas nimium gravis, vel penus domesticae tenuitas ab itinere, aut a diuturna extra Ecclesiam suam commoratione, prohiberet. Profecto, si omnium Praesulum in Concilio generali, postuletur praesentia, nullum hactenus habebimus Concilium universale. Quamvis igitur necessum sit vocari omnes orthodoxos Ecclesiarum Praesules: (§. LXIX.) sufficiet nihilominus tot adesse numero, e ple-
risque Catholicis regionibus, ut dici possint *moraliter* totam Ecclesiam repraesentare. Ceteri, qui cum vocati fuerint, nec ipsi, neque per legatos, ac ne per literas quidem comparuerint, praesentium in Synodo definitionibus, atque decretis se conformaturos, tacite declarant. Imo suffecerit, si provinciae singulae, coactis antea particularibus Synodis, unum vel paucos ad Synodum oecumenicam dimittant, probe instructos, qui

ceterorum ibi nomine consultant. t) Hoc egit Synodus Tirnaviensis anno 1561. celebrata praeside Nicolao Olaho Strigoniensi Metro politano, cum duos nomine totius Cleri Hungarici, ad sacram Tridentinam Synodum, a Pio IV. mox anno sequente resumendam, dimisit, Ioannem Silvestrum Colosvarinum Chana diensem Episcopum, et Andream Dudithium Tinniniensem. Cumque Dudithius die VI. aprilis, anno 1562. in medio Patrum, culta oratione excusavisset Praelatorum Hungariae absentiam, ob Turcarum partim, partim haereticorum grassationem; ob senilem plerorumque aetatem, vel adversam valetudinem; tum ob rem domi angustam: u) fecit Patribus satis, quorum nomine responsum fuit: *Reverendi Patres! Persvasum est Sanctae Synodo, eam laetitiam, quae communis fuit omnibus Christiani populi nationibus, pro generali huius Sacrosancti Concilii celebratione, ad Praelatos quoque Ecclesiae vestrae Hungariae pervenisse, cuius singulare*
sem-

t) Ioann. Obstraet de loc. Theol. diss. IV. qv. 1. num. 4. u) Legitur ap. Péterffy Conc. H. T. 2. p. 432. adde ibi pag. 120. seqq.

semper exstitit studium in tuenda, et conservanda vera Christi Religione. Hinc rogandus est Deus immortalis, ut, quae tanto bonorum omnium consensu inchoata sunt, ad optatos etiam exitus pro sua benignitate perducant. Optabilius quidem S. Synodo fuisset, ut Regni Hungariae Praelati ad hoc Sacrum Concilium personaliter accessissent, sed quando iustis, et legitimis de causis, cum gravissimo testimonio Illustrissimi et Reverendissimi Domini Hosii Cardinalis Varmien-sis coniunctis, v) coguntur abesse, libenter illorum excusationem Sancta Synodus accipit, cum praesertim confidat, fore, ut non multo minorem utilitatem Christiana Religio perceptura sit ex opera, quam ipsi suis Ec-

H 2

cle-

v) Nemo miretur provocari ad festum Hosii. Erat enim is ann. 1559. Vindobonam missus Nuncius ad Ferdinandum I. ut patet ex serie Nuncior. Apost. Vindob. inserta ei operi, quod inscribitur: SS. D. N. Pii PP. VI. responsio ad Metrop. Mogunt. Trevir. Colon. et Salisburg. super Nunciaturis Apost. Romae 1789. Ad hunc praeterea Hosium provocavit Pius IV. Pont. in ep. ad Nic. Olahum an. 1560. data. Quae legitur ap. Péterffy T. II. pag. 131.

clesiis, his turbulentis temporibus pie, et diligenter praestare poterunt, atque eo magis, quod res, et negotia sua vobis optimis, et religiosissimis Patribus committenda existimarunt. Quod reliquum est, vos et mandata vestra, prout iuris fuerit, laeto animo complectitur, atque admittit. w)

§. LXXXI.

Seria verit. indagatio.

Congregati Praesules in Concilio, necesse est, ut omnia adhibeant humana, et ordinaria media industriae, studii, collationis. Neque enim Concilia, auctoritatem ideo duntaxat habent, quod multorum suffragiis res illic fuerint pertractatae: verum, quod Praesulum multitudo, Sacras Literas, sinceramque Traditionem, ea, quae par est diligentia, fuerit perscrutata. x) Quia scilicet, eadem est quidem, (§. XXVIII.) sed non maior Praesulum potestas, quam fuerit potestas Aposto-

w) Legitur ap. Péterffy cit. tom. pag. 432. item ap. Batthyán in serie Epp. Chanad p. 153. ubi plura de Episcopo Kolosvarino leges. x) Consule Murator. de moderat. ingenior. lib. 1. c. 14.

postolorum. At vero, quemadmodum oecumenica Synodus V. dudum adverterat, *licet Spiritus Sancti gratia et circa singulos Apostolos abundaret, ut non indigerent alieno consilio ad ea, quae agenda erant; non tamen aliter voluerunt de eo, quod movebatur, si oporteret gentes circumcidi? definire, priusquam communiter congregati, Divinarum Scripturarum testimoniis unusquisque dicta sua confirmaverunt.* y) Profecto Episcopi non sunt extra ordinem inspirati a Deo, nec novas nanciscuntur Revelationes; quaerendae sunt itaque ipsis etiam veritates ex iis fontibus, e quibus ab exordio Ecclesiae Christianae hauriri consueverunt. (§. LXII. et seq.)

§. LXXXII.

Dicendi libertas.

Quodsi Praesules Ecclesiarum, sedent in Conciliis oecumenicis cum potestate propria: (§. LXIX.) si decernendum ibi est e legibus iam scriptis: (§. praec.) debet illic regnare plenissima libertas illud proferendi, quod

y) Videatur a me scripta *Causa Relig. contra Helv. et Aug. Confessionem* add. §. 72.

quod quisque legitimorum iudicum in Sacris illis legibus praesentem in rem, inventum ab se, bona fide arbitratur. Hinc sacra vetustas et Mediolanensem anno Christi 355. et Ariminensem anno 359. celebratas, veluti *Pseudo-Synodos* reiecit semper; quamquam in illa, praeter quosdam Orientales tercentum Occidentales Episcopi adessent: in ista quadringenti. Quia nimirum utroque vi et potentia Constantii Imperatoris, fraudeque Arianorum cuncta gerebantur. Illic, Orientalibus Athanasium urgentibus damnari, ceteri quoque *partim metu, partim fraude, et ignorantia rerum inducti, consensum praebuerunt*; paucis duntaxat clamantibus, non alio consilio Imperatorem et Arianos ista moliri, quam ut Nicaenam fidem subvertant. 2) Hic vero, partim Tauro Praefecto Episcopos ex Urbe dimittere nolente, donec porrectae sibi formulae credendi subscriberent, partim fraudulentis Arianorum Episcoporum argutiis eo res adducta fuit, ut consentirent denique omnes formulae credendi *Semi-Arianae*. a)

Quam-

2) Sozom. hist. Eccl. Lib. IV. cap. 9. a) Sulpit. Sever. hist. lib. 2. Obstraet de loc. Theol. diss.

Quamobrem, cum in sessione XVII. Concilii Tridentini quaesitum esset: Placeretne sacrum celebrari Concilium, et in eo ea, debito servato ordine tractari, quae proponentibus Legatis, ac Praesidentibus, ad horum temporum levandas calamitates - - apta, et idonea ipsi Sanctae Synodo videbuntur? b) Usque adeo graviter expressionem illam, ceu libertati suae adversam, tulerunt Episcopi, ut necesse fuerit sequentem fieri sessione XXIV. declarationem: *Cupiens sancta Synodus, ut ex decretis ab ea editis nulla unquam futuris temporibus dubitandi occasio oriatur, verba illa posita in decreto, publicato sessione prima sub Beatissimo Domino nostro Pio IV. videlicet (quae proponentibus Legatis, ac Praesidentibus, ad horum temporum levandas calamitates - - apta et idonea ipsi Sanctae Synodo videbuntur) explicando declarat, mentis suae non fuisse, ut ex praedictis verbis solita ratio tractandi negotia in generalibus Conciliis ulla ex parte immutaretur, nec novi quidquam praeter id, quod a Sacris Canonibus, vel generalium Synodo-*

nodorum forma hactenus statutum est, cuiquam adderetur, vel detraheretur. c)

§. LXXXIII.

Ut sit autoritas plena.

Concilium oecumenicum omnibus requisitis plene vestitum, si puncta demas, quae iuribus aliquorum possent nocere, (§. XV.) plenissimam habet auctoritatem, quae obsequendi necessitatem Christifidelibus imponit. Namque singulis plebibus praecipiunt singuli Praesules. Cunctis igitur fidelibus, omnes, aut ferme omnes, in Spiritu S. legitime congregati, potestatem praecipiendi, hi autem obsequendi habent necessitatem. Id, quod perpetuis temporibus agnitum est in Ecclesia Christi. Nam si demas quintam oecumenicam Synodum, quae est Constantinopolitana II. anno 553. acta, et sextam, perinde Constantinopolitanam III. anno 680. celebratam, reliquae omnes usque ad postremam Synodum Tridentinam, non dogmaticas modo, sed

c) Decr. de reform. cap. 21. Videatur Pallavicin. hist. Conc. Trid. libro XXIII. cap. 2. num. 1. Cap. 5. num. 7. et 14. item Cap. 6.

sed disciplinares quoque tulerunt leges, eo prorsus fine, ut hisce omnes Christifideles obstringerentur.

§. LXXXIV.

Et obliget post promulg.

Obstringuntur tamen, postquam leges illae sufficienter promulgatae fuerunt. Haec est enim cuiuscunque legis Ecclesiasticae natura. (§. XIV.) Non tamen est necessum, ut in singulis cuiuslibet Regionis Dioecesibus, Concilii decreta promulgentur solemniquadam forma, cum non desint viae, quibus haec certissime aliter etiam innotescere possint. Praesentes qui adsunt Episcopi, suis audiunt auribus. Absentes e relatione non unius, alteriusve, sed e multiplici, continuata, dubio carente. Nullum utique Concilium, inde a Nicaeno I. usque ad Tridentinum, dici potest solemniter ubique promulgatum fuisse. At ne postremum quidem istud, singulis in Dioecesibus Ecclesiae Hungaricae solemniter via promulgatum est. Unicam enim novimus convocatam Synodum Tirnaviae a Nicolao Olaho anno 1564. eum in finem, ut

ibi decreta Concilii Tridentini nota reddi possent. Sed haec Dioecesana tantummodo fuit. d) Ut ad summum, intra Strigoniensem Dioecesim, solemniter promulgata Tridentinae Synodi decreta, dici possint; in aliis vero (ut dicimus) aequivalenter. Miserat enim suum Oratorem Ferdinandus Rex Hungariae Tridentum; suos miserunt Ecclesiae Hungaricae Antistites. Qui reduces inde, plenam utique relationem de omnibus, ipsaque Decreta retulerunt; etsi modus factae relationis, cum ab illa aetate multum distemus, nobis minime constet. Certe Praesules Ecclesiae Hungaricae, cognita sibi adprime fuisse decreta illa, toties contestantur, quoties illorum observantiam in suis constitutionibus Synodalibus inculcant; id quod Synodos Hungaricas legenti, videre licebit. e)

§. LXXXV.

- d) Indictio Synodi legitur ap. Péterffy Conc. T. II. pag. 151. e) Plura hanc in rem leges ap. Mart. Szentiványi Rerum Hung. dissert. paralipomen. catalogo 77. Item ap. Szegedi in rubricis Iuris Ung. parte II. ad artic. 13. anni 1548.

§. LXXXV.

Sed num ante Papae confirm.?

Odiosam, imo permultis exosam ingredior quaestionem: Utrum Synodus oecumenica Pontificis indigeat confirmatione, ut vim obtineat in tota Ecclesia, plenumque robur? Quam ego placidissime tractabo. Confirmationis Pontificiae necessitas, triplici sensu potest intelligi: Ut, quae rata iam sunt, suam illis consensionem praebeat; vel, quae condita sunt, inculcet fidelibus, ceu habentia plenam auctoritatem; vel, ut novum decretis Concilii robur addat, plenamque auctoritatem. Qvodsi Pontifex ipse praesedit Concilio, velut in duobus Lugdunensibus, quinque Lateranensibus, Viennensi, atque Florentino, novam Eiusdem confirmatione opus non erit; eum decreta illic omnia concepta sint nomine Pontificis, cum hac formula: *Sacro approbante Concilio.* f) Si adfuit per Legatos instructione peculiari munitos, extra quam ipsi ne latum unguem discesserint, idem prorsus dicendum. Qvod enim facit quis per alium, facere censetur per seipsum. Qvod-

si

f) Vide Petri de Marca lib. V. cap. 10. §. 3.

si autem illi mandatum sunt praetergressi: proculdubio negari haud potest obligatio substernendi acta Synodalia Pontifici, eumque ius habere diligenter inqvirendi, num iuste ac aeqve fuerint omnia pertractata. Hoc sane, ex fine instituti Primatus, (§. XXVI.) et ex forma Regiminis sacri, (§. XXXII.) fluere mihi videtur. Altero quoque sensu intellecta confirmatio, competit Praesuli Romano. Cum enim ad Papam, velut Ecclesiasticae unitatis centrum, omnes Christifideles respiciant: nisi ipse annutu publice noto probaverit Acta Concilii, suumque illa robur habere, significaverit, non tam facile constabit, Concilium fuisse legitimum, cui oporteat obediri. Si Pontifex ceteroquin legitimus, nollet oecumenicae Synodo interesse: uti Vigilius anno Christi 553. praesens Constantinopoli, refugit Synodum V. seu Constantinopolitanam III. g) Acta Synodi reverenter Illi tradenda essent, qvo haec per Eum vi muneris promulgentur per orbem Christianum, inculcenturque. Qvodsi is exeqvi nollet

g) Lege Natalis Alex. hist. Eccl. saec. VI. cap. 3. art. 1, §. 2.

let, eadem autoritas, quae sine Pontificis annutu Synodum oecumenicam congregare potest, ac celebrare, (§. LXXV.) leges quoque ibi constitutas, promulgare posset. Dicendum istud perinde, si neqviret Pontifex adiri, petendae confirmationis causa. Vel si haereticus esset, schismaticus, aut suspectus. Alioquin, si decreta Concilii oecumenici, numquam promulgari possint, nisi fuerint a Pontifice confirmata: periculum est, ne desit aliquando medium tollendi haeresin, vel schisma; id quod cum promissione Christi facta Ecclesiae suae apud Mathaeum cap. XVI. non consentit. Qvodsi tertio sensu intellecta Papae confirmatio, putetur esse necessaria, quo plenum robur obtineant Synodi generalis decreta; videntur aegre substitutae: par Apostolicae potestati, (§. XXVII.) Praesulum potestas; (§. XXVIII.) regiminis Ecclesiastici forma; (§. XXXII.) veraque iurisdictio, qua Praesules in Conciliis gaudent. (§. LXIX.) Enimvero, si Concilium robur suum obtinet a Pontifice, ceteri Praesules, non ut iudices, verum ceu consultores duntaxat assident eidem, et quaecunque iactantur

anathemata in pervicaces, bruta fulmina suut ante confirmationem Papae. Quapropter a Patribus Tridentinis sessione XXV. petita confirmatio, unum hoc volebat, ut Pius IV. Pontifex, illa, quae iam certa, validaque fuerant, omnibus declaret ceu legitima, tum observanda inculcet; h) si quis aliam fuisse mentem Tridentinis Patribus, existimat, in suo, per me licet, sensu abundet.

§. LXXXVI.

Aut hoc supra Papam est?

Sua quoque stet cuivis libertas asserendi, vel negandi, Generale Concilium autoritate Romano Pontifici eminere. Quod assertum et hoc significare potest, quod quaelibet Decreta Pontificis per Synodum oecumenicam valeant reformari; et istud: quod Concilium oecumenicum sit iudex legitimus Papae, cuius autoritate, Hic etiam dignitate sua privari possit. Utrumque magno verborum adparatu propugnabatur nuper. Quamquam, sensu praesertim altero sumtam asser-

tio-

h) Bossuet defens. declar. Cleri Gall. parte 3. lib. 8. cap. 3. seq. Petri de Marca lib. VII. cap. 14.

tionem iam occasione magni schismatis occidentalis propugnauerint: Parisiensis Academia anno 1393. Constantiense Concilium anno 1415. sessione IV. et V. Basileense anno 1432. sessione II. et XVIII. Quorum sententiis adhaerent ea de causa non pauci, quod velint, sententiam hanc congruere traditioni Sanctorum Ecclesiae Patrum; atque Synodos, Constantiensem quidem absque exceptione semper, Basileensem usque ad factam eius ab Eugenio translationem, oecumenicas fuisse. Verum alii haec omnia in quaestionem, et olim vocarunt, et hodie vocant. i) Declaraverat Clerus Gallicanus in Conventu anno 1682. celebrato, quasdam inter propositiones, etiam sequentia: *sic inesse Apostolicae Sedi, ac Petri successoribus Christi Vicariis rerum spiritualium plenam potestatem, ut simul valeant, atque immota consistent Sanctae oecumenicae Synodi Constantiensis a Sede Apostolica comprobata, ipsoque Romanorum Pontificum, ac totius Ecclesiae usu confirmata, atque ab Ecclesia Gallicana*

i) Vide praecipuas obiectiones ap. Obstruet de loc. Theol. diss. V. qv. 2.

na perpetua religione custodita decreta, de autoritate Conciliorum generalium, quae sessione IV. et V. continentur, nec probari a Gallicana Ecclesia, qui eorum Decretorum quasi dubiae sint auctoritatis, ac minus approbata robur infringant, aut ad solum schismatis tempus Concilia dicta detorqueant. k) Verum aliter sensit Georgius Szelepchényi de Pohroncz Archiepiscopus Strigoniensis, qui eodem anno praemissa consultatione cum Episcopis, Abbatibus, Praepositis, Capitulis, aliisque compluribus Theologiae Professoribus, et Sacrorum Canonum scientia praestantibus viris, propositionem nunc recitatam, cum tribus aliis eiusdem Cleri Gallicani propositionibus proscripsit, vetuitque legi, retineri, vel doceri, usque ad futuram sedis Apostolicae definitionem. l) Docuit Claudius Fleuri Abbas Gallus, omnes Ecclesiae Gallicanae libertates hisce veluti cardinibus verti: I. *Quod potestatem a Christo Ecclesiae concessam mere spiritualem, nec ullo modo directo, sive per obliquum ad res huius saeculi tra-*

k). Ap. Bossuet in Defensione declar. Cleri Gall.

l) Apud Péterffy T. II. concil. pag. 447.

trahendam constet. II. Quod plenitudo potestatis, quae Pontificem tanquam caput Ecclesiae est praescripto Canonum ab universa Ecclesia receptorum exercenda, ipseque Pontifex iudicio Concilii universalis, in casibus a Concilio Constantiensi expressis, obnoxius est. m) Sed volunt alii, hoc neutiquam fluere ex idea regiminis Ecclesiastici, utut per aristocratiam temperati; neque ex ullo Scripturae loco probari, vel ex traditione, Ecclesiae potestatem illam in caput suum concessam fuisse. n) Ecquis igitur ausit sententiam velut e tripode proferre, quasi videat tandem solus, quod milleni necdum vident. Neutram licet ex oppositis hic sententiis impugnes, aut defendas, salva manet Respublica tam sacra, quam profana. Verum dicta hactenus omnia, de certo Pontifice intelligantur, oportet. Nam ubi duo pluresve Pontifices dubii sunt, omnes exautorari posse, suffecto, qui legitimus sit, exemplum docet Synodi Constantiensis, quae deiecto

I Bene-

- m) In institut. Iuris Eccl. parte 3. cap. 25. n)
 Ant. Schmidt institut. Iuris Eccl. Germ. T. 1.
 Cap. 1. sect. 2. §. 34.

Benedicto XIII. Martinum V. elegit, universa Christi Ecclesia consentiente. Hoc ipsum intelligatur de Pontifice in haeresim prolapsus. Tunc enim desinens esse membrum Ecclesiae, iam sua quoque potestate penitus excidisset.

§. LXXXVII.

Concilia Nationalia.

Alterum post oecumenica locum in Ecclesia Christiana, tenent Concilia *nationalia*, ad quae conveniunt Archiepiscopi, et Episcopi totius Nationis, praesidente Primate. o) Idmodi Synodus in Africa celebrata post Christum natum anno 418. ab Augustino adpellata fuit *plenaria*; Toleti vero apud Hispanos anno Christi 589. congregata, *sanctam* semet, ac *universalem* nominavit. p) Unde tam antiquitas, quam et pondus eiusmodi Synodorum patet. Ius novissimum, tempus celebrandae Synodi Nationalis, minime defixit. In Ecclesia Hungarica, primum hactenus

o) Bened. XIV. de Syn. D. lib. I. cap. 1. §. 2.

p) Ibid. item Petri de Marca concordia etc. lib. VI. cap. 16. et 20.

nus Concilium nationale novimus illud, quod Strigonii celebravit Laurentius Archiepiscopus anno Christi 1114. cum Antistitibus, illa tractando, quae ad Statum Ecclesiasticum, et Monasticum, rectamque vivendi normam esse oportuna videbantur. q) Istiusmodi Synodis praeter Episcopos, etiam alios interesse congruum est; viros nimirum Ecclesiasticos, quorum scientia, experientiaque Praesulum consilia iuvet. Quapropter nationali Synodo Budensi, quae anno Christi 1263. celebrata est, praeter Metropolitanum Strigoniensem, ac Praesules: Agriensem, Vaciensem, Vespriemiensem, et Nitriensem; dein Procuratores Episcoporum, Qvinqueecclesiensis, Syrmienensis, et Transylvaniensis; aderant Abbates Ordinis S. Benedicti: de sacro monte Pannoniae, de Pétsvárad, de Sexárd, ac de Simighio; praeter aliorum Ordinum Praelatos, Praepositosque, Archidiaconos item, et

I 2

Pie-

q) Ap. Péterffy Concil. T. I. pag. 55. Item e codice MSS. seculi XII. ap. Pray in diatribe in dissert. Ganoczianam de S. Ladislao. pag. 211. correctius apud R.R. Koller in hist. Episc. Qvinqv. T. I. pag. 382.

Plebanos. r) Emericus Losi Archiepiscopus Strigoniensis, nationalem Synodum anno 1638. celebrandam, s) indixit Episcopis, Abbatibus, Praepositis, et Capitulis; quemadmodum revera decretis huius Synodi leguntur subscripti. Huiusmodi Synodorum potestas iisdem fulcitur argumentis, quibus innitebatur autoritas Concilii Generalis, (§. LXXXIII.) ea cum differentia, quod sicut Episcopi singulae plebi: sic Collegio Episcoporum, unus Nationis praecipientem Ecclesiam repraesentanti, universa eiusdem Nationis plebs orthodoxa morem gerere teneatur. Id quod praxis Ecclesiae confirmat, in qua multae huius-

- r) E docum. ap. Pray in specim. Hier. H. parte I. pag. 238. et ap. RR. Koller cit. op. Tomo II. pag. 172. s) Ap. Péterffy cit. Tomo, pag. 374. Nemo me coarguat erroris, cum a Péterffy nominatam Synodum *Provincialem*, ego *Nationalem* dixi. Quomodo enim Provincialis, in qua Zagrabiensis Episcopus absentiam excusavit, aegre admissam? In qua praesens fuit Capituli Zagrabiensis Nuncius, contra constitutionem cap. 2. factam, protestatus; et in qua Colocensi, ac Zagrabiensi Praesuli mandatur, ut Ritum Romanum sequantur?

iusmodi Synodi Nationales celebratae memorantur; et vel in una Ecclesia Hungarica, undecim hactenus numeravi. t)

§. LXXXVIII.

t) Ne sua exspectatione fraudetur domesticus lector, en illas! Citata Strigonien. anni 1114. Celebrata an. 1134. Varadini praeside Feliciano A. Episcopo ap. Kercselich in hist. Epp. Zagrab. pag. 1. et ap. Koller cit. op. tom. 1. pag. 159. Si fides Péterffy, tertia est Strigonii per Benedictum A. Ep an. 1256. celebrata. ap. Péterffy T. 1. pag. 86. Koller cit. op. T. II. p. 152. Quarta est anni 1263. per Angelum Papae nuncium Budae celebrata, cuius memini ante. Quinta Budensis an. 1279. per Philippum Apostol. sedis legatum celebrata ap. Péterffy T. I. pag. 107. Sexta Posoniensis per Cardinalem Gentilem an. 1309. celebrata, et tandem a Clem. VI. an. 1346. confirmata. ap. Péterffy cit. Tom. pag. 143. et 148. Septima Tirnaviensis, quam Petrus Pázmány A. Ep. an. 1630. celebravit. ap. Péterffy cit. op. T. II. 308. seq. Octava per eundem ibidem an. 1633. congregata. ap. eund. cit. Tomo pag. 326. Nona, quam in textu nominavi, an. 1638. convocata Tirnaviae. Decima per Georg. Lippai A. Ep. an. 1648. congregata. Cuius decreta nulla, sed tantum propositiones legimus, apud Péterffy cit. tom. pag. 377. Undecima, quam Georg. Sze-

§. LXXVIII.

Provincialis.

Inferior est Nationali Synodo *Provincialis*, ad quam conveniunt Episcopi eiusdem provinciae Ecclesiasticae, sub suo Archiepiscopo, sive Metropolitano. u) Haec iuxta Tridentini Concilii mandata, quolibet saltem triennio, per Metropolitanum convocanda esset. v) Id quod Synodi quoque nostrates, utpote anno 1611. et altera anno 1638. celebratae, fieri volunt. w) Vicarius Ecclesiae Metropolitanae vacantis, eam convocare nequit. x) Cum rite convocata fuit, iuxta praeceptum Concilii Tridentini, *Episcopi omnes, et alii, qui de iure, vel consuetudine interesse debent, exceptis iis, quibus cum imminente periculo transfretandum esset, convenire omnino teneantur.* y) Quinam vero illi

Iepchényi an. 1682. Tirnaviae congregavit, De qua Péterffy cit. op. pag. 439. u) Ben. XIV. de Syn. D. L. 1. cap. 1. §. 2. v) Sess. XXIV. decr. de reform. cap. 2. w) Illa cap. 1. haec cap. 5. ap. Péterffy. x) Vide Bened. XIV. cit. op. lib. II. cap. 9. num. 8. y) Conc. Trid. cit. superius capite.

illi sint, docent Synodi nostrates. Etenim Synodo provinciali, quam Lodomerius Archiepiscopus anno 1292. Strigonii celebravit, praeter Episcopos, Agriensem, Iaurinensem, Vaciensem, et Vesprimiensem, intervenire: Capitulum Strigoniense, Praepositi, atque Abbates; z) et Franciscus Forgách Metropolitanus Strigoniensis, anno Christi 1611. *omnibus ac singulis Episcopis, Abbatibus, Praepositis, Archidiaconis, ac ceteris, qui de iure, vel consuetudine interesse Concilio Provinciali Strigoniensis Ecclesiae solent, ac debent*, iniungebat, *ut ad diem 1. Mensis Augusti Tirnaviam convenire debeant, ac teneantur, noverintque secus facientes, se poenas sacris Canonibus sancitas incursuros.* a) Autoritas Concilii provincialis, et huic obsequendi necessitas, ex iisdem sumitur fontibus, e quibus, custodiendi decreta maiorum quarumlibet Synodorum, obligatio fluit; cum restrictione tamen ad eam duntaxat provinciam Ecclesiasticam, cui praeest Metropolitanus, qui Synodum indixit. Qvem-

ad-

z) E docum. ap. Péterffy cit. alias op. T. I. pag. 130. a) Ap. eund. T. II. pag. 196.

admodum nempe singuli Praesules, plebi singulae a Domino sibi creditae praecipiunt, ita omnes Episcopi, unius Metropoleos Suffraganei simul collecti, cunctis Fidelibus ad eam Provinciam spectantibus, obsequendi necessitatem imponunt. Id, quod usus Ecclesiae confirmat. Iam enim Nicaena Synodus I. decreverat, *ut singulis annis in unaquaque provincia, bis in anno Synodi fiant*; b) atque Chalcedonensis iterum ursit. c) Reipsa celebratae sunt diversis temporibus, ac locis; d) nec in Patria hac nostra penitus ignotae. Quarum ego certis vestigiis primam hactenus reperi, quam Lucas e familia Bánffiorum Strigoniensis Archiepus, celebravit anno Christi 1169. postremam vero, quam Franciscus Forgách anno 1611. indixit. e)

§. LXXXIX.

- b) Can. V. c) Can. X. Consule Espen Iuris Eccl. parte 1. tit. 20. d) Consule Petri de Marca de concord. Lib. VI. cap. 13. seqq. e) Ut volentis nosse cuncta Ecclesiae Hung. Concilia provincialia, desiderio faciam satis, en illorum seriem mihi notam! Prima est, quam novi, et commemoravi, Bánffiana celebrata anno 1169. Altera per Lodomerium A. Epp. Strigonii ann. 1292. cele-

§. LXXXIX.

Dioecessana.

Postremum inter Concilia locum tenent
Dioecessana, illa videlicet, quae quilibet Epi-
 sco-

brata. De qua Péterffy T. I. p. 128. seqq. Tertia eiusd. Lodomerii perinde Strigon. anni 1294. de qua Andr. Eggerer in annal. Ord. S. Pauli pag. 89. Péterffy T. I. pag. 132. Quarta Thomae A. Episcopi anno 1309. in Udvard celebrata. Cuius brevis extractus ap. Péterffy T. I. pag. 167. Decretum mutilum ap. Schmitth in Epp. Agr. T. I. pag. 242. integrum vero ap. Pray in specim. Hier. H. parte I. pag. 165. et ap. Koller in hist. Epp. Qvinq. T. II. p. 236. Quinta per Deme-
 trium A. Ep. Strigonii an. 1382. acta. De qua pauca ap. Péterffy T. I. p. 180. Koller cit. op. T. III. pag. 189. Pray cit. op. et parte, pag. 66. Sexta Strigoniensis, anno 1449. per Dionysium de Zeech celebrata. De qua Péterffy cit. op. T. I. p. 189. seq. Schmitth in A. Episcopis parte I. p. 254. Septima est, quam idem A. Ep. Strigonii ann. 1450. celebrandam convocavit. Cuius acta non habemus. Literae vero convocatoriae leguntur ap. Schmitth. in Epp. Agr. T. II. pag. 37. Octavam convocavit Strigonium anno 1493. Thomas de Ibafalva, Praepositus S. Georgii de viridi campo Strigon. et Hypoliti Estensis, ac

scopus congregat e Parochis, Presbyteris, aliisque Clericis propriae Dioeceseos, quibus ipse praest. f) Vetustissimis Ecclesiae temporibus, frequentes erant; quando scilicet Episcopi Presbyteros, ceu laboris Evangelici consortes; velut sacrum, venerandumque consessum, imo Senatum Apostolicum suspexere: id aequissimum fore arbitrati, quod horum consilio peractum esset. Ipsorum iccirco in causis fidei, morum, ac disciplinae, sententias rogabant. g) Proprie vero dictam Syno-

Ducis Ferrarien. Administratorisque Eccl. Strig. in Italia commorantis, Vicarius Generalis. De qua Péterffy T. I. pag. 212. seqq. Schmitth in A. Episcopis Strig. parte 2. pag. 12. et in Epp. Agr. T. II. pag. 193. seqq. Octava est, convocata anno 1561. per Nicolaum Olahum Tirnaviae, ac per Antistitem concursum effecta provincialis. Vide Péterffy T. II. pag. 131. seqq. et p. 431. Nona est, quam Franc. Forgách an. 1611. Tirnaviae celebravit, de qua dictum est. Decimam indixerat Pazmannus pro octava Martii anni 1632. Quam cum propter iter Romanum agere non posset, eius loco anno seqv. nationalis fuit celebrata. f) Bened. XIV. de Syn. D. loco superius citato. g) Vide meam Hist. Relig. et Eccl. Christ. periodo I. §. 39.

nodum Dioecesanam, primam in monumētis Ecclesiasticis, occurrere putat Benedictus XIV. Pontifex eam, quae ab Siricio Papa, sub annum Christi 398. e Presbyteris, Diaconis, totoque Urbis Romanae Clero, in causa Ioviniani haeretici congregata fuit. h) Labentibus seculis, duae quovis anno celebrari consueverunt. Concilium vero Tridentinum fixa lege statuit, ut *quotannis celebrentur*. - - *Quodsi in his tam Metropolitanis, quam Episcopi - - negligentes fuerint, poenas sacris Canonibus sancitas incurrant*. i) In Ecclesia Hungarica utiles adeo reputatae sunt, ut publica lex Regni decreverit anno Christi 1498. sequentia: *Praelati Ecclesiarum, Synodum, quam in eorum Ecclesiis, pro extirpandis vitiis, et plantandis moribus Plebanorum, in Dioecesibus suis constitutorum, ex institutione Canonica necessario celebrare habent, pro pecuniis - - relaxare, - - neque Plebani quipiam, seipsos ab ipsa Synodo, quovis modo redimere praesumant*; k) rursumque praeceperit anno 1559. ut *Domini Prae-*

h) Bened, XIV. cit. loco. i) Sess. XXIV. de re-
form. cap. 2. k) Art. 68,

Praelati Synodos celebrent, aliaque ad eorum officia spectantia, in rebus Ecclesiasticis obire non omittant. l) Synodus quoque provincialis anno 1611. m) et altera nationalis anno 1638. utraque Tirnaviae celebrata, decretum Tridentinae repetebat; imo addebat altera, ut si Episcopi legitima de causa, Dioecesanam Synodum cogere non possent, *saltem per procuratorem, vel Vicarium suum Generalem, cum mandato sufficienti perficere, nullo pacto intermittant.* n)

§. XC.

Praeter Episc. a quo cogenda?

Quod innuit nostra Synodus fieri posse per Vicarium, Antistite nihilominus annuente, illud Benedictus XIV. Pontifex, e decisione S. Congregationis Concilii Trid. Interpretum, anno 1655. die 4. decembris facta, velut indubium affirmavit. o) Quae reverentia Praesulibus in Ecclesia Hungarica, etiam antehac praestita fuit. Nam anno 1510. die secunda Maii, iussu Thomae Archiepiscopi-

l) Art. 41. m) Cap. 1. n) Cap. 5. o) De Syn. D. lib. II. cap. 8.

scopi Strigoniensis, acta est Synodus Dioecesa-
 na Strigonii a Demetrio de Nyárs, eius
 Vicario Generali. p) Anno 1515. Wesprimii
 Synodum Dioecesanam egit Ioannes Statilius,
 Praepositus B. Magdalенаe de Eörs, autori-
 tate Petri Berislo de Graboria, Wesprimien-
 sis Episcopi, tunc ob Banalem simul digni-
 tatem, expeditione contra Turcam suscepta,
 penitus occupati. q) Petrus quoque Paulinus
 electus Episcopus Chanadiensis, qua Scepu-
 siensis Collegiatae Ecclesiae Praepositus, vo-
 luntate Metropolitani Nicolai Olahi, Syno-
 dum indicebat anno 1560. feria III. Penteco-
 stes celebrandam. r) Qui non petito Ordini
 sui annutu, coegerunt huiusmodi Syno-
 dum, velut Ioannes Stock Praepositus Capi-
 tuli Scepusiensis anno 1460. s) eiusque post
 multum temporis intervallum successor Sta-
 nislaus. Várallyi, nimirum anno 1545. t) ve-
 tu-

- p) Pray Hier. H. parte I. pag. 178. De eod. in meis
 amoenit. fascic. V. num. II. §. 15. q) Ap. Péterffy
 T. I. pag. 235. r) Literae convocatoriae ap. Wag-
 ner in analect. Scepus. parte I. pag. 384. s) Ap.
 Péterffy T. I. pag. 197. 202, t) Ap. Wagner cit.
 op. parte III. pag. 84.

tustam consuetudinem a Pio II. Pontifice anno 1459. confirmatam, fide optima allegabant. Vicarium Capitularem, quamvis nullo ad id speciali mandato, per Capitulum fuerit instructus, posse convocare Synodum, memoratus antea Pontifex Benedictus XIV. asseruit, non minus, quam possit rem aequae arduam exequi, puta totius Dioecesis visitationem canonicam, dummodo annus effluerit ab ultima visitatione, quam Episcopus peregit. u)

§. XCI.

Per quos habenda?

Iuxta Tridentinae Synodi praeceptionem, *exempti etiam omnes, qui alias cessante exemptione, interesse deberent, nec Capitulis generalibus subduntur, accedere ad Synodum tenentur.* Porro *ratione, parochialium, aut aliarum secularium Ecclesiarum, etiam annexarum, debent ii, qui illarum curam gerunt, quicumque illi sint, Synodo interesse.* v) Benedictus vero XIV. Pontifex, e-
nu-

u) De Syn. D. Lib. II, cap. 9. v) Sess. XXIV, decr. de reform. cap. 2.

numerat singillatim eos, qui Synodum Dioecesanam subterfugere haudquāquam possunt. Itaque memorantur Abbates ac Praepositi, regulares olim, nunc seculares; quos eo tam antiquior Lex, w) quam et Tridentina compellit, quae duntaxat Capitulo generali subiectos exemit. Regulares vero, tunc solum exempti sunt a Synodi accessu, cum praesunt Monasteriis, quae cum aliis eiusdem Ordinis ac instituti, non sunt coniuncta; nec proinde recognoscunt Generalem, cuius generali Capitulo subiici deberent. Qvodsi autem Regulares, curam exerceant animarum, hoc nomine Synodo interesse debent. x) Vicarius Generalis Episcopi, iuxta declarationem Gregorii XIV. tam praesente, quam absente Praesule, non modo locum in ea habet, *sed primum ante Capitulum, vel a Capitulo deputatos, nisi tamen ex consuetudine legitima, Capitulo ius in eadem Synodo Vicarium praecedendi constiterit esse acquisitum; y)* id,

w) Cap. 9. de maiori et obed. x) Bened. XIV. de Syn. D. Lib. III. cap. 1. y) Apud Eund. eod. op. et libro cap. 3. num. 2. Cap. 10. num. 2. et 3.

id, quod etiam ex antiquiori lege deducunt. z) Vicarius foraneus, si ad coetum pertineat Parochorum, nemo dubitat, Synodo illum interesse cum ceteris debere; si vero Presbyter sit non beneficiatus, idem de ipso, quod de Vicario, eademque de causa pronuncian- dum. a) Canonicos Ecclesiae Cathedralis, invitandos ad Synodum esse, communiter docent; renuentes cogi non posse, nonnulli tradunt, nisi agendum foret in Synodo de negotiis ad Eos pertinentibus, vel de rebus, in quibus ab Episcopo consilium Capituli est requirendum. At magis recepta est senten- tia, volens, obstringi Canonicos Cathedrales ad comparendum saltem per quosdam e gre- mio sui deputatos. Alii Ecclesiae Cathedra- lis Beneficarii non Canonici, ab Episcopo vocari possunt, ac debent interesse, verum ceu singuli, non tamquam Collegium consti- tuentes. b) Ratio, quae Cathedrales Cano- nicos ad Synodum compellit, etiam Colle- giatis imponit hanc necessitatem. Qvodsi
au-

z) Ap. Gratian. can. 26. dist. XCIII. a) Ben. XIV. cit. op. lib. III. cap. 3. num. 10. b) Idem eod. lib. cap. 4. num. 2, 4.

autem celebraretur Synodus extra locum, ubi Ecclesia Collegiata est, ne haec suo fraude-
 tur servitio, sufficiet quosdam a Capitulo de-
 putari, ceterorum quoque ibi nomine adfutu-
 ros. c) Parochi adesse debent, aperte sic
 decernentibus Tridentinae Synodi verbis. Be-
 neficia simplicia habentes, cogi non posse,
 S. Congregatio Concilii Trid. interpres anno
 1593. declaravit, *nisi ex consuetudine aliud
 observatum fuerit.* d) De Parochiarum Ad-
 ministratoribus, idem quod de Parochis di-
 cendum. Generatim vero, posse ab Episco-
 po cogi Sacerdotes non beneficiatos, et Cle-
 ricos in Sacris constitutos ordinibus, ad Sy-
 nodum adeundam, decrevit S. Congregatio
 nunc memorata die 15. Dec. 1629. *quando in
 Synodo agendum est de reformatione morum,
 sive de aliqua re, concernente totum Clerum,
 vel de intimandis decretis, factis in Syno-
 do Provinciali: hoc autem casu, in ipsa Sy-
 nodi convocatione, faciendam esse mentio-
 nem, quod de praedictis erit tractandum.* e)

K

§. XCII.

c) Ibid. cap. 5. num. 5. d) Ibid. cap. 6. num. 1.

e) Eod. lib. cap. 6. num. 2.

§. XCII.

Iuxta morem Eccl. Hung.

Ecclesia Hungarica, quantum adiuncta concesserunt, semper imitatrix Romanae laudatum hunc morem sequuta fuit. Nam Nicolaus Olahus Strig. Archipraesul, celebraturus Dioecesanam Synodum anno 1566. iubebat illic adesse Abbatem Ecclesiae Sancti Hyppoliti de Zobor. f) Petrus Pázmány, literas, quibus convocabat Synodum Dioecesanam anno 1629. celebrandam, inscripsit *Abbatibus, Praepositis, Ecclesiarum tam Cathedralium, quam Collegiatarum Canonicis, Archidiaconis, Decanis, Plebanis, Altarium, et Hospitalium Rectoribus, ceterisque personis Ecclesiasticis, in Dioecesi, vel extra Dioecesim Ecclesiae Metropolitanae constitutis*, g) *qui de iure, vel consuetudine, Synodum Dioecesanae huius Ecclesiae interesse debent, etiam-*

f) Literae ap. Péterffy T. II. p. 186. g) Illi intelliguntur, quorum Beneficia in aliis Dioecesibus constituta, eo tempore, ac ad nostram usque aetatem, sub iurisdictione Strigoniensi erant, iuxta Bullas Bonifacii IX. et Pii II. quas legito ap. Péterffy cit. op. T. II. pag. 288. seqq.

etiamsi alias exempti essent. Quemadmodum revera Synodo nominatim subscripti leguntur: Qvos inter Stephanus Franyasi, nomine Capituli Scepusiensis specialiter missus. Postmodum haec addita leguntur: Domini Canonici Venerabilis Capituli Strigoniensis, et Posoniensis, Parochi item permulti, hoc est, omnes, qui praesentes fuere, syngraphis suis, omnia huius Synodi Dioec. decreta, et statuta, acceptarunt. h) Alteri Synodo, quae mox anno sequente 1630. celebrata est, praeter Parochos, duo subscripti leguntur Canonici Ecclesiae Posoniensis, loco Capituli missi; et unus pro Canonicis Scepusiensibus. Additur vero: Canonici Metropolitanae Strigoniensis Ecclesiae, personaliter interfuere. i) Synodo Qvinqueecclesiis anno 1714. celebratae, praeter Dominos Capitulares, et Parochos, item Religiosos curam animarum exercentes, leguntur subscripti, Religiosarum domuum Qvinqueecclesiensium Superiores, utpote Soc. Iesu, Ord. S. Pauli I. eremitae, Franciscanorum, Paulinorum, Dominicanorum, et Capucinorum. k) Verum huiusmodi

K 2

sub-

h) Ibid. pag. 234. i) Ibid. pag. 237. k) Ibid. 414.

subscriptio, robur Synodo Dioecessanae haudquaquam addit, quod totum desumitur a Praesule, quem posuit Spiritus Sanctus Episcopum regere Ecclesiam Dei. Adsunt igitur ceteri velut consultores, quique sanctae Synodi praecepta salutaria, tam ipsi audiant, atque deinceps observent, quam et plebi Christianae denuncient observanda. Quod Synodus Tirnaviensis anno 1629. celebrata, innuere mihi videtur, cum ait: *Quamvis Dioecessanae Synodo subscribere eos, qui intersunt, necesse non sit, quia tamen sacri Canonēs non prohibent eiusmodi subscriptionem visum est expedire, ut hanc primam Dioecessanam Synodum, syngraphis firmarent, qui adfuere.* l) Unum hic addo pro coronide: Synodi Dioecessanae constitutionem eam esse oportere, ne iuri communi adversetur. m) n)

§. XCIII.

- l) Ibid. p. 264. m) Apud Gratian. Can. 7. causa XXV. qv. 2. item Cap. 9. de maiorit. et obed. n) Expleturus desiderium cupientis nosse Dioecessanas Synodos, in Eccl. Hung. in hunc diem celebratas, breviter enumerabo, prout eas reperi, redactasque in Synopsim, cum hactenus enumeratis typo paratas habeo. Complura Vaciensia Con-

§. XCIII.

Omissis collect. variis.

Fideles persvasi de necessitate custodiendi decreta Conciliorum, faciebant sensim eorum

cilia per Boleslaum Episc. intra annos 1188. et 1212. celebrata memorantur, sed Acta horum perire. Vide Péterffy T. I. pag. 84. Innoc. Descricii hist. Ep. et civit. Vacien. cap. 7. Tres dicuntur celebratae ab Augustino Gazotto Episc. Zagrab. utpote ann. 1307. 1308. et 1314. Vide Kercselich in hist. Cath. Eccl. Zagrab. p. 104. Egit Strigonii Synodum Nicolaus de Monószló A. Ep. an. 1353. Vide Péterffy T. I. p. 176. Iterum vero anno 1359. Vide ibid. pag. 178. Ioannes de Kanysa A. Ep. Strigonii an. 1390. ap. Péterffy ibid. p. 186. Idem A. Ep. perinde Strigonii an. 1393. Vide ap. eund. eod. loco. Clemens Ep. Iaurin. egit Synodum Iaurini an. 1428. cuius vestigium ap. Xistum Schier in memoria Provinciae Hung. Augustinianae p. 15. Ioannes Stock Praep. Scepus. Leutschoviae an. 1460. ut iam memoravi. Antonius Ep. Nitrien. an. 1494. Nitriae. Vide ap. Péterffy T. I. p. 265. Demetrius de Nyárs Vicarius Strigonii an. 1510. quam superius memoravi. Hyppolitus Estensis dimissa Strig. Ecclesia, Episcopus Agrien. convocavit ibidem Synodum anno 1512. per Canonicum Agr. et

rum collectiones, ut ita, uno qvasi obtutu
videre, legereqve possent saluberrima Prae-
sulum

Vicarium suum Petrum de Keresztúr. Cuius ta-
men acta nemo vulgavit. Vide Pray in specim.
Hier. H. parte I. pag. 215. et Schmitth in Epp.
Agr. T. II. pag. 210. Ioannes Statilius an. 1515.
egit Synodum Vesprimii, ut iam dixi. Stanis-
laus Váralyi Scepus. Praepositus anno 1545. qvod
perinde dictum iam est. Petrus Paulinus acqve
Scepus. Praep. anno 1560. de qvā suo loco di-
ctum. Nicolaus Olahus Strig. A. Ep. Tirnaviae
an. 1560. Cuius acta ap. Péterffy T. II. p. 147.
Rursus anno 1562. Item anno 1564. atqve 1566.
De qvibus Péterffy ibid. pag. 151. 186. Georgius
Draskovich qva Episc. Zagrab. Synodum egit an.
1570. de qva Kercselich in hist. Eccl. Zagrab. p.
244. Item anno 1574. qvae typis vulgata est Za-
grabiae anno 1771. Idem Draskovich qva Coloc.
A. Ep. et Administrator Iaurin. egit Synodum Sa-
bariae anno 1579. typis vulgatam Pragae an. cod.
mentionem eius fecere: Laur. Károlyi in speculo
Eccl. Iaurin. pag. 88. Ribini in memorabil. Au-
gustanae Confess. T. I. pag. 258. Inseruit eius
decreta Stephanus Schönvisner Historiae Sabarien-
si pag. 299. Petrus Pázmány Synodum Dioec.
egit Tirnaviae anno 1629. De qva dictum. Al-
teram anno 1630. ibidem. De qva perinde di-

sulum decreta. Habuit sane Graeca Ecclesia suos Canonum codices, habuit et Latina.

Ne-

ctum. Ioannes Telegdy A. Ep. Coloc. qva simul Nitriensis, anno 1633. egit Synodum Nitriae, nondum editam. Vide Pray in Specim. Hier. H. parte I. pag. 373. Anno 1634. Franciscus Erge-
lius Episc. Zagrab. celebravit Synodum ibidem. Qvae cum pluribus, edita est typis Zagrabien-
sibus anno 1766. Emericus Losy Episc. Agrien-
sis, Iaszoviae celebravit Synodum anno 1635. A-
pud Péterffy T. II. pag. 338. Benedictus Vinko-
vich Ep. Zagrab. Synodum celebravit 26. Aug.
anno 1642. Qvod colligitur ex orat. Georgii Ratt-
kay, quam inseruit memoriae Regum etc. Dalm.
Croat. et Slav. editae Viennae 1652. Item ex Sy-
nodo Borkovichiana III. cap. 7. de qva mox.
Georgius Lippai Strig. A. Ep. Synodum Dioec.
celebravit Tirnaviae anno 1658. ap. Péterffy T.
II. pag. 388. Martinus Borkovich Episcopus Za-
grab. Synodum unam egit anno 1669. ap. Péter-
ffy T. II. p. 394. et inter Synodales constitut.
Zagrabiae an. 1766. editos. Alteram anno 1672.
cuius in posteriore mentio. Tertiam (vulgo II.)
anno 1673. ap. Péterffy p. 395. et inter citatas
Synodales Constitut. Zagrabienenses. Quartam an-
no, in chartis non adnotato, qvae vulgo tertia ha-
betur ap. Péterffy T. II. p. 396. et inter citatas

Neque Hungaricae Ecclesiae defuit propria
 Canonum collectio, cum Synodus nationalis
 an-

Constitut. Zagrab. Georgius Széchényi A. Ep.
 Coloc. qva Iaurin, Administrator, loco nobis igno-
 to anno 1679. Synodum egit. Vide Péterffy T.
 II. pag. 397. Rursus Martinus Borkovich Za-
 grab. Episcopus egit Synodum anno 1687. quin-
 tam, vulgo qvartam ap. Péterffy T. II. pag. 398.
 et inter cit. Synodales Constitut. Item eius suc-
 cessor in Episcopatu Alexander Ignatius e Baro-
 nibus Mikulich anno 1690. ap. Péterffy cit. tom.
 pag. 404. et inter cit. Constitut. Ioannes de Ca-
 millis Ep. Munkatsien. Synodum habuit an. 1692.
 Vide Belii notit. Hung. T. I. pag. 531. Laur.
 Károlyi speculum Eccl. Iaur. pag. 113. Mich.
 Horváth natales. A. Ep. Coloc. pag. 171. Péterffy
 praefat. ad T. II. Concil. Hung. Theophylus E-
 piscopus Valachorum Transylvaniensium e schis-
 mate conversus, egit Synodum Albae Iuliae anno
 1697. Videatur Andr. Illia ortus et progressus va-
 riar. in Dacia gentium ac Relig. et Francisci Fa-
 sching nova Dacia. Item Samuelis Klein de Szád
 dissert. de matrim. iuxta disciplinam graecae o-
 rient. Eccl. Vindob. editam 1781. pag. 7. Rur-
 sum anno 1699. Athanasius Theophyli successor
 egit Albae Iuliae Synodum, Vide Andr. Illia cit.
 opus. Idem Athanasius egit Synodum anno seq.

anno 1114. Strigonii celebrata praecipiat, ut omnes Archidiaconi Breviaturium Canonum habeant. o) De isto nihilominus Codice, nemo, ut arbitror, referet quicquam.

De

1700. ap. Klein cit. dissert. p. 141. et 150. Georgius Patatic. Episcopus Bosnensis, Synodum celebravit anno 1706. vide Péterffy T. II. pag. 410. Anno 1711. Athanasius Episcopus, quem memoravi, novam habuit Synodum. Teste Samuele Klein cit. op. pag. 150. Ioannes Franc. a Nesselrode Qvinqv. Episcopus, egit Synodum ibidem anno 1714. vide Péterffy T. II. pag. 413. Emericus Eszterházi A. Ep. Strig. Provincialem Synodum meditatus, anno 1734. die 23. Maii consultationem praemisit cum Capitulo Metrop. V. Archidiaconis, et quibusdam Parochis. ap. Péterffy T. II. pag. 423. Ioannes Innocentius Klein Episcopus Valachus Transylv. Synodum egit anno 1734. teste citato Samuele Klein, dictae dissertationis, pag. 141. 150. Paulus Aron Episcopus Fogarassien. ann. 1763. aeqve Synodum egit. Teste eod. Samuele Klein cit. diss. pag. 48. Qui plures adhuc novit, ab illo edoceri, vehementer opto, publicasque illi referam grates. o) Ap. Péterffy T. I. pag. 62. Pray in fine dissert. de S. Lad. contra Gánocrium editae. Ap. Koller in Epp. Qvinq. T. I. p. 382.

De reliquis vero, cui vacat historiam veteris Ecclesiastici iuris perdiscere, hodiernos passim Iuris tractatores adeat; sed omnium loco suffecerit legere viri doctrina, et publico munere illustris, Georgii Sigismundi Lakics *Praecognita Iuris Ecclesiastici universi*, typis Viennensibus anno 1775. excusa. Mihi namque persequenti ea duntaxat, quae solius Iuventutis Ecclesiasticae Hungaricae cuiuspiam usui futura sunt, paucas istiusmodi collectiones examinare licebit.

§. XCIV.

Trutinantur Canonēs Apost.

Prima omnium collectio est Canonum Apostolicorum, qui ab Apostolis videlicet conditi, per Clementem vero Petri in Episcopatu successorem, collecti esse putantur; eamque ob rem tantae olim auctoritatis, ut et celebris Graecorum Synodus quinisexta, Constantinopoli post natum Servatorem an. 692. celebrata, canone secundo, cum veneratione omnes suscepit, et Dionysius, quem exiguum nominarunt, sexto Ecclesiae Christianae saeculo, quinquagenos ex iis in latium con-

conversos, inseruerit codici ab se collecto, sensimque in Ecclesia Romana magnam auctoritatem consequuto; p) et Gratianus denique, his quinquaginta canonibus in Ecclesia Latina superesse auctoritatem, nullatenus dubitavit. q) Quamobrem eius collectioni, octoginta quatuor Canones Apostolorum adnexi leguntur. Quandocunque autem fuerint, et per quemcunque collecti, r) post medium saeculi alterius a nato Christo, haud noti fuisse videntur; quando nimirum orta quaestione gravissima, de celebrandi paschatis die, neutra litigantium pars, novit canonem Apostolicum septimum, ita pronunciantem: *si quis Episcopus, aut Presbyter, aut Diaconus sanctum diem Paschae, ante vernal aequinoctium cum iudaeis celebraverit, deponitor.* Imo sub dimidium saeculi III. Cyprianus

- p) Vide Illustris Lakies cit. superius opus §. 26. et seq. q) Ita enim dist. XVI. can. 3. Clementis librum, id est, Petri Apostoli itinerarium, et Apostolorum canones numerant PP. inter apocrypha, exceptis quinquaginta capitulis, quae decreverunt orthodoxae fidei adiungenda. r) Vide Natal. Alex. hist. Eccl. sec. I. diss. 17.

nus Praesul Carthaginensium , reiiciendo haereticorum baptismum , quamvis in nomine SS. Trinitatis collatum , ignorabat Canonem Apostolicum sexagesimum septimum , qui hoc pacto decernebat: *Si quis Episcopus , aut Presbyter , aut Diaconus secundum ab aliquo ordinationem susceperit , deponitor tam ipse , quam qui ipsum ordinavit : nisi forte constet , ordinationem eum habere ab haereticis .* Qui enim a talibus baptisati , aut ordinati sunt , hi neque fideles , neque Clerici esse possunt. Atque haec postrema praeceptio satis docet , Canones doctrinae Apostolicae repugnantes , ab Apostolis conditos non fuisse. Cum insuper , singillatim recensendo canon ultimus , sacros veteris novique Testamenti libros , sapientiae Libri , Tobiae , ac Iudith , haud meminerit , quos tamen sacros esse , nonnisi ab Apostolis didicit Ecclesia Christi.

§. XCV.

Collectio Isidori.

Conclamatum est hodie contra veterem Iuris Ecclesiastici collectorem , qui aliis *Isidorus mercator* , aliis *peccator* audit. Qvis-

nam

nam fuerit, et quando protruserit opus, nemo hactenus definivit. Ex Hispaniis illud in Germaniam adtulit Riculphus, anno 786. factus Moguntiae Praesul. s) Obtinebat collectio illa mox, ut apparuit, magnam auctoritatem in Germania, Gallia, et reliquo occidente, apud alios quidem, propter nomen *Isidori*, qui esse putabatur Hispalensis Praesul sanctissimus, quique et ipse codicem ediderat Canonum septimo Ecclesiae saeculo, quamvis non ab se collectum, nihilominus auctum; t) apud alios ob defectum artis criticae; denique industria quorundam, qui Praesulum suorum, vel Metropolitanorum effugituri iudicia, sententiis Isidori sese tutabantur, eo, quod ius adpellationum Romanarum, totis ille viribus adstruere conetur. u) Sunt autem Pontifices Romani, quibus ille affinxit epistolas, numquam per eos scriptas, attamen insertas codici, quem terimus hodieque

s) Lege Espen dissert. de collect. Isidori vulgo Mercatoris. opp. T. VII. edit. Venetae anni 1781.

t) Vide Illustris Lakies op. alias citato §. 29. u)

Lege meam Hist. Relig. et Eccl. Christ. periodo III. §. 37. Adde Ill. Lakies cit. op. §. 42.

que: Primo Ecclesiae saeculo, Clemens I. Anacletus, et Evaristus. Altero, Alexander I. Sixtus I. Telesphorus, Higinus, Pius I. Anicetus, Soter, Eleutherius, Victor. Saeculo tertio, Zephyrinus, Callistus, Urbanus, Pontianus, Anterus, Fabianus, Lucius, Stephanus, Sixtus II. Dionysius, Felix I. Eutichianus, Caius Marcellinus. Quarto saeculo, Marcellus, Eusebius, Melchiades, Iulius, Liberius, Felix II. Damasus, Anastasius, et Felix III. Sexto saeculo, Bonifacius II. Silverius, Vigilius, Pelagius, Ioannes III. Benedictus I. Pelagius II.

§. XCVI.

Non genuina continet.

His Pontificibus inscriptas ab Isidoro epistolas, et quasdam praeterea aliis, de quibus tamen hic solliciti minime sumus: neutiquam ab iisdem conditas fuisse, demonstrant per singulas eundo, viri solertissimi, Zegerus Bernardus Van-Espen, v) et Carolus Sebastianus Berardus: w) Generalia vero con-

v) Dissert. de collect. Isidori antea cit. w) In op. inscripto: Gratiani Can. genuini ab apocryphis discr.

contra sinceritatem earum argumenta haec
 sunt: silentium totius antiquitatis ad Isido-
 rum usque, quamvis epistolae hae, gravia
 dogmatum, et disciplinae contineant momen-
 ta. Numquid documenta Sanctissimorum Pon-
 tificum, ad diversas licet mundi partes di-
 missa, ferme per octo saecula penitus conse-
 pulta iacuissent? si nemo alius, certe Diony-
 sius exiguus, adornaturus legum Ecclesiasti-
 carum volumen, in earum nonnullas incidis-
 set, qui praeteritorum Sedis Apostolicae Prae-
 sulum decreta, quae valuit cura, diligentiaque
 ab se collecta, in operis colloquio fatetur.
 Qvis attribuat vetustissimis Pontificibus epi-
 stolas, in quibus leguntur effata Scripturae
 Sacrae iuxta versionem sub Damaso post Siri-
 cium factam ab Hieronymo, qui vitam anno
 Christi 420. cum morte commutavit? Styli
 praeterea barbaries, quae primum saeculo Ec-
 clesiae V. coepit invehiri, in hisce epistolis
 redundans, vetustioribus illas Pontificibus ab-
 iudicat. Eundem esse oportuit omnium au-
 torem, cum sit omnium unus, idemque sty-
 lus. Atque haec eam ob rem adducta sunt,
 ut, quae hisce Decretalibus innituntur, quo-
 nam

nam sint habenda loco, dignosci facile possit. Salva reliquarum auctoritate, quas ab eis conditas fuisse, quibus inscribuntur, sine dubitatione constat. x)

§. XCVII.

Gratiani collectio.

Diu non noverant homines, vera secer-
nere monumenta literarum a suppositis, alie-
naque mentitis nomina; quos inter haud sa-
tis

x) Sincera enim est ep. Clementis ad Corinth. cu-
ius meminere, S. Iren. lib. 3. adv. haer. cap. 3.
Origenes libro 2. periarchon, seu de principiis
cap. 3. Euseb. hist. Eccl. lib. 3. cap. 16. Sincere-
rae quoque sunt duae epist. a Iulio scriptae, al-
tera ad Orientales, altera ad Ecclesiam Alexan-
drinam, utraque in causa S. Athanasii, quas idem
Sanctus refert in apologia II. Iulii Pont. illa tan-
tum epistola est apocrypha, quae fingitur respon-
soria ad epistolas S. Athanasii, et ad Episcopos
Alexandriae congregatos, de oppressione Ariano-
rum querulantes. Sunt etiam Liberii Pontificis
plures epistolae genuinae, ap. S. Hilarium in frag-
mentis, ap. S. Athanasium, aliosque fide dignos
autores. Ceterum consule Espenium et Berardum
citatis opp.

tis felice temporum fato vixit Gratianus quidam natione Hetruscus, Clusinus patria, y) et Bononiae in monasterio S. Felicis monachus, qui, ut nonnulli volunt, z) S. Bernardi Abbatis hortatu, novam Iuris Ecclesiastici collectionem aggressus est facere, e legibus Conciliorum generalium et particularium; e Patrum sententiis; ex Imperatorum quoque decretis, et Regum Gallicanorum edictis coagmentatam, sub titulo *Concordiae discordantium Canonum*. Quod opus perfectum ad annum Christi 1151. placuit Academicis Bononiensibus, apud quos ille sacrorum Canonum publicus erat magister, et mox ab Eugenio III. Pont. non praeceptum quidem, sed indultum, ut ibidem in schola praelegeretur. a) Et quoniam additus est iis Acade-

Lecturarius Academicus

y) Ex eius epitaphio, quod legitur desumptum ex Mabillonio in dissert. Iusti Henningii Boehmer *de varia decreti Gratiani fortuna*, ad calcem §phi IX. quae praefixa est Decreto Gratiani edito Halae Magd. anno 1747. z) Ita Fr. Angelus Mauriquez in annal. Cisterc. tom. II. ad an. 1151. cap. 5. num. 6. et post illum Boehmer cit. diss. §. X. a) Studiose id demonstrat idem Boehmerus ad calcem §phi XII. cit. dissert.

micus honor, qui in huius voluminis studio egregie profecissent, b) sensim Gratianus ceterorum, qui canones hactenus compilaverant, nomina penitus obscuravit, praesertim, quod deinceps causae Ecclesiasticae, tam in Rota Romana, quam etiam in rescriptis Pontificum, ex hoc volumine deciderentur. Opus divisum est in tres partes. Prima continet distinctiones centum et unam, hae vero suos canones. Dignoscitur a reliquis partibus simili citatione; Can. 1. dist. 60. Altera pars complectitur triginta sex causas, istae dividuntur in quaestiones, hae vero in canones. Dignoscitur per huiusmodi provocationem: Can. 1. caus. 14. qv. 2. Praeter expectationem tamen, causae trigesimae tertiae, post quaestionem secundam, insertus est tractatus *de poenitentia*, divisus in distinctiones septem, quae in canones subdividuntur. Serni debet ab allegatione partis primae hoc modo: Can. 1. dist. 1. *de poenit.* Hoc tractatu finito, reditur ad causam trigesimam tertiam, quaestionem quartam, et fit par continuatio, usque ad finem causae trigesimae

b) Idem eod. §pho et duobus sequent.

mae sextae; quamobrem pristina redit provocatio ad canones, causas, et quaestiones. Pars tertia voluminis agit de consecratione, divisa in distinctiones quinque, quarum singulae rursum canones complectuntur. Fit partis huius talismodi citatio: Can. 1. *de consecr. dist. 1.*

§. CXVIII.

Correctio, et autoritas.

Haec sane totius operis divisio nihil commendandum habuit; sed nec ipse rerum delectus. Namque vir ille deceptus autoritate compilatorum, qui praecesserant, quin ipse consuleret fontes, quam plurimos canones adtribuit Synodis, a quibus conditi non fuerant; verba Sanctis Ecclesiae Patribus, quae non scripserant; epistolas Pontificibus, a quibus dimissae numquam erant. Stetit nihilominus inconcussa Gratiani autoritas apud Catholicos, donec sexto decimo Ecclesiae saeculo, Romanorum Pontificum, Pii IV. ac V. tum Gregorii XIII. iussu, correctio eius codicis, partim a S. R. E. delectis Cardinalibus, partim ab aliis, quorum ista societas,

ultra numerum tricenarium aucta est sensim, c) suscepta esset. Postquam viri solertes, nomine *Correctorum Romanorum*, in ipso volumine Gratianaeo insigniti, suum hunc laborem perfecerant, Gregorius XIII. anno 1580. praecipiebat, ut opus huiusmodi, pro ut Romae excusum fuit, semper et perpetuo integrum et incorruptum conservetur. Post biennium vero decrevit, ut quae in Gratiani collectione emendata et reposita sunt, omnia quam diligentissime retineantur, ita, ut nihil addatur, mutetur, aut imminuatur. d) Nemo tamen putaverit, nullum in Gratiano mendum superesse, cum plurima supersint. Quae omnia, si quis expendere aut poterit, aut volet, consulendam habebit editionem Gratiani ab Iusto Henningio Boehmero iurisperito adornatam. Legat postea Zegeri Bernardi Van-Espen commentarium in decretum Gratiani. Praeprimis vero Caroli Sebastiani Berardi librum, in quo Gratiani canones genuinos ab apocryphis discrevit, spissum-

- c) Enumerat eos Boehmerus cit. superius dissert. §. XVII. ad calcem. d) Utraque constitutio legitur adnexa Gratiani decreto.

sumque opus, quatuor voluminibus conclusum, vel edidit ipse Venetiis anno 1777. vel edi permisit. Lectionem talium diuturnam, magna ex parte levarunt solertissimi, doctissimiqve Viri, Antonius Schmidt, Iosephus Ioannes Pehem, et domesticus noster, illustris vir Georgius Sigismundus Lakics, hodie ad Exc. Consilium R. Locumt. Hungaricum Consiliarius: Qui omnes exhibuerunt seriem Canonum, e spuris Isidori mercibus a Gratiano confectorum. Hanc igitur ob causam, et quod praeterea, nec Eugenii III. neque Gregorii XIII. constitutionibus, (§. praec.) auctoritatem consequuta fuerit Gratiani collectio; tantam habere dicenda esset, quantam habent fontes, e quibus desumpta fuit. e) Quia tamen constat, maiores nostros, praetermissa hac de Gratiano crisi, desumptos ex illo canones, absque discrimine solitos proferre, quemadmodum e ceteris Ecclesiastici iuris partibus, fidenter proferri solent: Nescio, an temeritatis, vel iactantiae notam sit evasurus, qui in prosecutione litis, contra quosdam Gratiani canones, exceptionem facere tentabit,

e) Espen diss. in Decr. Gratiani §. 11.

bit, postquam illi usu ipso, et praxi forensi diuturna, apud nos sunt civitate donati. Tales nisi fuerint, qui legitimis iuribus adversentur. f)

§. XCIX.

P a l e a e.

Interiecta sunt Gratianaeis Canonibus quaedam capitula, quae ibi *paleae* compellantur. Huius adpellationis non unam rationem adduxerunt Romani Correctores. g) A recentiore manu assutas fuisse, nemo dubitat. Parem cum nomine suo auctoritatem habent. h)

§. C.

Collectio Greg. noni.

Iam strepebat in scholis, et in foro Gratianus, cum novae rursus prodibant collectiones Canonum, modo privata, nunc publica Ro-

- f) Talis est canon 13. distinct. XXXI. repugnans Ecclesiae Latinae universali disciplinae. Adde citatum hic §. XV. g) Legitur haec eorum animadversio adnexa Gratiani decreto. h) Vide Illustris viri Lakiesii cit. toties opus §. 65. Schmidt institut. Iuris Eccl. T. I. cap. II. epocha 2. §. 40.

Romanorum Pontificum autoritate. i) Sed cum illae quaedam confusionem parerent, ob contrarietates sive adparentes, seu veras: k) Gregorius IX. iussit ex his fieri novam compilationem: per Raymundum de Pennaforti, suum ex Ordine Dominicano Poenitentiarium, adornatam. l) Divisa est in quinque libros. Quorum primus post generalia iuris principia, de personarum Ecclesiasticarum constitutione, ac ordinatione tractat. De iudiciis alter, deque toto processu iudiciali. Tertius de Clericorum saecularium, [ac regularium vita, rebus, et obligatione. Quartus de sponsalibus, ac matrimonio. Quintus de delictis, eorumque poenis. Qua occasione, de privilegiis et exemptionibus; deque privilegiatorum ac exemptorum excessibus tractatur. Quae omnia hoc exprimuntur versiculo: *Iudex, iudi-*

- i) Lege Boehmeri dissert. praemissam alteri tomo corporis iuris Can. §. XII. et seqventes. k) Legatur Ep. Gregorii IX. ad Bonon. eius decretalibus praemitti solita. l) Vide Boehmeri cit. diss. §. XV. ubi in notula sub num. 99. ex bulla Clementis VII. animadvertit, eum originem duxisse ex nobili familia *de Penia fort.*

dicium, Clerus, sponsalia, crimen. Suos quisque liber habet titulos, in capita divisos. Eorum fit triplex allegatio: Cap. *super literis* de rescript. vel: Cap. 20. de rescript. aut denique: Cap. 20. x. de rescriptis; ac si diceres: titulo de rescriptis, extra decretum Gratiani, cap. 20. Huiusmodi nova collectio per Pontificem Gregorium Doctoribus et scholaribus Bononiensibus anno 1234. transmissa est cum mandato, ut hac tantum compilatione universi utantur in iudiciis, et scholis. m) Ita reipsa factum est, ut collectio haec ubivis gentium, nacta fuerit auctoritatem; usque adeo apud Protestantes in causis Ecclesiasticis, imo civilibus, ubi deficit, vel obscurum est ius civile. n) Sed quia persaepe mutila sunt collectionis istius capitula, dumque profertur decisio, momenta reticentur: o) consulenda erit editio Boehmeria-

- m) Ex epistola Decretalibus his praefixa. n) Lege Espen dissert. de decretal. Greg. IX. §. 5. opp. T. VIII. cit. alias editionis, Item Boehmeri praefationem ad Institutiones Iuris Canonici tum Ecclesiastici, tum Pontificii, §. 4. o) Espen cit. dissert. §. 4.

riana, in qua praetermissa Decretalium verba, suis locis reposita leguntur. p)

§. CI.

Sextus Decretalium.

Post memoratos, usuque roboratos codices, puta Gratiani decretum, et Gregorii IX. iussu factam collectionem, novae prodibant rursum. Et altera quidem Innocentii IV. e Lugdunensis I. Concilii decretis, altera vero Gregorii X. ex alterius Synodi Lugdunensis constitutionibus, compilata. Quae tamen corpus Iuris Canonici numquam ingressae fuerunt. q) Ex his igitur, et aliis Decessorum suorum decretalibus, atque suismet, collectionem novam fieri iussit, electus anno 1294. Pontifex Bonifacius VIII. Quod opus ad formam collectionis Gregorianae penitus exactum, et nomine *sexti libri Decretalium* venit, et eodem modo citatur, cum additione tantilla, uti: Cap. un. de bigamis in 6. Perfe-

p) De hoc labore suo Boehmerus in diss. quam praemisit T. II. corporis Iuris Can. §. ult. q) Utramque leges ad calcem corp. iuris Can. edit, Boehmerianae.

fectum hoc opus, transmisit Pontifex Doctoribus et scholaribus Bononiae commorantibus, praecipiens, ut eo utantur in iudiciis, et in scholis; neque ullus alias, praeter illas, quae huic sunt insertae constitutiones, a quibuscunque Romanis Pontificibus, post editionem dicti voluminis promulgatas, recipiat, et pro Decretalibus reputet. r) Ex qua constitutione, quamquam nullatenus inferri possit, dictam collectionem, robur legis fuisse consequutam, usus tamen, plenam ei vindicat auctoritatem; quamvis salvo semper iure alieno. Quare cetera inter, non habet collectionis istius cap. 13. de elect. locum in Ecclesia Hungarica; dum in huius obversum, Rex Apostolicus, hoc ipso tempore, dum ista scribo, occupat Bona vacantis Episcopatus Wetzprimiensis, optimo, ac imperturbato iure. Neque habet apud nos locum istius compilationis, cap. 1. et 4. de immunitate Ecclesiarum. Illud enim exactiones fieri vetat ab Ecclesiis, et Ecclesiasticis; istud excommunicat eos,

r) Praefixae sunt Pont. literae sexto Decretalium. Plura de hac collect. Espen opp. tom VIII, edit. Venetae ult.

eos, qui quomquam impediunt, quominus litteras ab sede Apostolica impetrare possit. Qvis enim velit in hac patria tam esse ridiculus aetate nostra, s) ut arbitretur, Comitiorum anni 1791. articulum quartum, quo Regiae Maiestati recens coronatae honorarium offertur; anni deinde 1792. articulum sextum, et anni 1796. articulum secundum, in quibus eidem Regiae Maiestati, pro necessitatibus flagrantis belli Gallici, a cunctis Regni Statibus subsidium promittitur, ad Clerum Hungaricum nihil adtinere? Aut quis ita sit legum, ac rerum domesticarum ignarus, ut non legerit anni 1471. art. 19. item anni 1468. art. 65. praeterea anni 1492. art. 45. nec non anni 1495. art. 10. denique anni 1498. art. 63. qui partim Romam, partim ad Legatos Papae, recursus immediatos fieri vetant? item continuata Regis Apostolici mandata, Placeti Regii necessitatem graviter inculcantia penitus ignoret?

§. CII.

s) Aliquando fuisse apud nos cogitatum conformiter ad cap. 1. de immunit. in 6. illa docebunt, quae a me dicta sunt in Amoenit. Hist. Eccl. Hung. fascic. IV. num. II. § 5.

§. CII.

Constit. Clement.

Clemens V. Pontifex anno 1305. electus, suasmet constitutiones, ante Viennense Concilium, atque post illud, tum et in ipso editas, in volumen unum congeri iussit; quod digestum instar Decretalium Gregorianarum in libros quinque, ac titulos, eodem quoque modo citari solet, cum additione tantilla. Velut: Cap. 3. de procuratorib. in Clem. Promulgatum in Consistorio Cardinalium, voluit *septimum Decretalium* adpellari. Attamen seu morte praeventus post triennium seu alia de causa, t) ad Bononiensem Academiam, aliasque pro suscepto more illud minime transmisit. Quod fecit demum anno 1317. successor Ioannes XXII. cuius Bulla ad Academicos Bononienses transmissa praecipiebat, dictas Constitutiones ita suscipi prompte et alacriter, ut his deinceps in scholis, et in iudiciis utantur. u) De huius collectionis au-

tori-

t) Aliam reddit. Ioann. Aventinus lib. 7. annal. Boior. ap. Espen dissert. in collect. Clementinam. opp. T. VIII. u) Praefixae sunt haec literae constitution. Clement. in corpore iuris Canonici. Mis-

toritate nobis idem est tenendum, quod de praecedentibus dictum fuit. Quamobrem, cap. unicum de immunit. Eccl. in Clement. apud nos locum habere, salvis Patriae iuribus, neutiquam potest.

§. CIII.

Extrav. Io. XXII. et comm.

Quae constitutiones Pontificum enumeratis collectionibus inclusae non sunt, *Extravagantes* adpellari solent. Altera harum Ioannis XXII. nomen praefert, quoniam eius viginti constitutiones continet, divisas in quatuordecim titulos, et capita, incerto autore, nec Pontificis cuiusquam iussu. Citatur, uti priores collectiones, cum addito, veluti: Cap. 3. de verb. signif. extrav. Io. XXII. Huius praeterea Pontificis, et aliorum usque ad Sixtum IV. anno 1471. electum, Decretales collectae ab ignoto nobis homine, *Extravagantium communium* obtinere nomen, distributae ad normam praecedentium in libros, ac titu-

sas praeterea ad Studium Aurelianense, patet ex docum. ap. Boehmer. dissert. praefixa corp. Iuris can. T. II. §. 17. ad calcem.

titulos, verum libro quarto penitus carent, qui de sponsalibus et matrimonio loquuturus erat. Allegantur, uti praecedens collectio, cum tali mutatione: Cap. un. de consvet. extrav. comm. Neutra collectio publica auctoritate, vel adprobata fuit, aut evulgata. v) Sensim tamen utraque, incerto licet nobis tempore, corpus Iuris Ecclesiastici auxit, w) passimque allegatur a Doctoribus, et in iudiciis profertur. Quid igitur? Volent alii, publicam auctoritatem usu consequutas; alii dicent: Tantum ponderare singulas, quantum valent fontes, e quibus illae desumtae fuerunt.

§. CIV.

Septimus Decretal.

Ne quid dissimulem, quod hodierno corpori Iuris Canonici insertum lego, memoranda est collectio, quam Petrus Matthaei Iureconsultus Lugdunensis ad finem saeculi decimi

v) Lege Espen dissert. in has extrav. opp. T. VIII.

w) Collectionem extrav. comm. ante finem saeculi decimi quinti non exstitisse, id probat, quod in illa occurrat tit. de reliqu. et venerat. Sanctor. cap. 2. constitutio Sixti IV. anno 1483. edita.

mi sexti, compilavit autoritate duntaxat privata, ex illis decretalibus epistolis, quae post recitatas collectiones prodierant sensim, usque ad Sixtum V. anno Christi 1555. electum. Divisa est perinde in libros quinque, titulos, et capitula. Septimi libri decretalium obtinuit nomen, et allegatur, quemadmodum collectio Gregoriana, cum addito, veluti: Cap. 1. de haeret. et schism. in 7. Autoritatem suam a fontibus repetit, quum aliunde legalem obtinuisse autoritatem, haud inveniatur. x)

§. CV.

Institut. Lancellotti.

Ioannes Paulus Lancellottus I. Consultus in Universitate Scientiarum Perusina, conscripsit anno 1553. principia Iuris Canonici, iussu Pauli Pontificis maximi; verum nec ab hoc, neque ab eius post Pium IV. successore

Pio

x) Recte monuit Boehmerus, ab hac compilatione distingvendum esse librum illum septimum, qui Gregorii XIII. et Sixti V. cura compositus, imo typis editus, iterum est illico suppressus, dissert. praefixa corpori Iuris Can. T. II. ad calcem §. 17.

Pio V. cui opus hoc dicatum est, approbationem tulit. Quamvis id solatii loco ei datum a Paulo V. ut corpori Iuris Canonici adnecteretur, notitiae, vel illustrationis causa. y)

§. CVI.

Rubricae. Summ. Glossae.

Ut legentium Corpus Iuris Canonici commode nonnihil consuleretur, singuli tituli, suas habent rubricas, et prolixiori Capitulo summarium est praefixum. *Rubricae*, titulorum inscriptiones sunt, ita dictae, quod olim rubro colore pingerentur. *Summaria*, compendia sunt Capitulorum. Accesserunt *glossae*, margini videlicet adscriptae verborum dilucidationes. Rubricae, quum sint eiusdem qui leges approbavit, parem cum his dicuntur habere auctoritatem, quoties integrum continent sensum. Qvale est in decretalibus Gregorii IX. lib. 3. tit. 9. *Ne sede vacante aliquid innovetur.* Vel, eod. lib. tit. 12. *Ut Ecclesiastica Beneficia sine diminutione conferantur.* Summaria vero, et glossae, ceu

pri-

y) Vide Boehmeri cit. diss. §. 17.

privatus labor, et qui praeterea nonnumquam a textu ipso abludit, vim legis non habent. z)

§. CVII.

Corpus iuris Can.

E Decreto Gratiani, et memoratis collectionibus, duo coaluerunt volumina, quae *Corpus Iuris* nominantur. Prima omnium editio typis excusa, Romana est, anno 1580. iussu Gregorii XIII. Pontificis facta; cui ceterae deinceps editiones conformari iubentur. a) Sequuta est Parisina Fratrum Pitheorum anno 1587. Plures in Germania ex editione Christ. Henrici Freiesleben. Splendidissima omnium est, a Iusto Henningio Boehmero adornata, et Halae Magd. anno Christi 1747. publici iuris facta. b) De codicis istius autoritate in complexo dici illud debet, quod de singulis eius partibus dictum fuit.

M §. CVIII.

z) Legatur Espen diss. de Interpretib. seu commentatoribus Canonum, et Decretalium §. 3. T. VIII. opp. Ant. Schmidt Institut. Iuris Eccl. T. I. cap. IV. epocha 4. §. 57. a) Praefixa est haec constit. corpori Iuris Can. b) Plures editiones enumerat Eybel in introduct. in ius Eccl. T. I. §. 80.

§. CVIII.

Eius apud nos autoritas.

Quanta sit apud nos Iuris Canonici quod e partibus nunc enumeratis componitur, autoritas, quaerere, haud superfluum erit. Quamvis enim iubente Domino, legitimae potestati Ecclesiasticae sit obsequendum: Attamen Haec non vult, nec velle potest ea praecipere, quae patriis legibus, et libertati seu Regis nostri, sive Regni Hungariae, contrariantur. (§. XV.) Quamobrem, sicuti numeramus leges in codice Iuris Hungarici, quae erga legislativam potestatem in Ecclesia, maximam contestantur reverentiam: c) sic adducere possumus rursum alias, quae ab eiusdem constitutionibus discedendum, serio edicunt. d) Ceteroquin autem

- c) Non piget hic praecipuas adferre: S. Steph. Decr. lib. II. cap. 2. 12. 14. 15. S. Ladisl. lib. I. cap. 3. 20. Item 1486. a. 63. 1492. a. 29. 1498. a. 69. 1504. a. 12. 1548. a. 9. et 13. 1550. a. 14 et 15. 1553. a. 8. 1567. a. 25. 1647. a. 102. et 119. 1649. a. 87. 1715. a. 60. 1741. a. 43. d) Ann. 1405. decr. I. art. 3. 1471. a. 19. 1486. a. 44. et 45. 1492. a. 45. 1495. a. 10. et 31. 1498. a. 56. 63. 1518. a. 17. 1514. a. 65.

tem in foro spirituali negotia secundum ius Canonicum esse pertractanda, Lex Regni pronunciavit. Nam in lege S. Stephani habetur: *Ut Episcopi habeant potestatem res Ecclesiasticas providere, regere, et gubernare, atque dispensare secundum Canonum auctoritatem: volumus, ut laici eorum ministerio obediant, ad regendas Ecclesias, viduas, et orphanos defensandum.* e) Speciatim vero decernitur anno 1553. art. 22. ut *Iudicia spiritualia continue secundum Canones, quibus ab antiquo Ecclesia usa est, continuentur, in omnibus causis forum Ecclesiasticum, concernentibus.* Rursumque anno 1563. artic. 27. *Iudicia Ecclesiastica in suis de iure statutis terminis, secundum iura Canonica semper iudicentur.* Nihilominus, dudum advertebat Ioanne Kittonichio, in foro Ecclesiastico tamdiu solemus nos legibus Regni firmare, quamdiu eas nobis, et causis nostris suffragari videmus: ast ubi iis destituti fuerimus, illico ad sanctiones Canonicas confugium capere cogimur, quae longe ampliores sunt, et latius sese extendunt. f) Unde iam

M 2

in-

e) L. II. decr. cap. 2. f) In directione methodica

inferas, velut a minore argutando ad maius: Qvod, dum potestas Ecclesiastica, non habens iura profana, (§. IX.) favore duntaxat patriae legis, civilia quaedam negotia persequitur, g) haec non secundum Canonicas, verum iuxta Hungaricas leges tractare debeat, finiqve mancipare.

§. CIX.

Ius novum Trident.

Post tantam farraginem legum, quae corpore Iuris Ecclesiastici clauduntur, natum est Ius novissimum, quod Epocham suam figit in Concilio Tridentino, sub Paulo III. ad ann. Christi 1545. inchoato, dein continuato sub Iulio III. et sub Pio IV. an. 1564. feliciter terminato. In eo Martini Lutheri praeprimis damnata est doctrina; leges deinde quam plurimae ad reformationem disciplinae, morumque spectantes conditae; per quas multae constitutiones inclusae corpori iuris

Iuris Hung. cap. 12. quæst. 12. inserta corpori.

Iuris Hung. g) Exemplo sint quæ art. 9. 1458. enumerantur. Plura namque suo loco, ac tempore dicentur.

iuris Canonici, partim correctae sunt derogatione, vel abrogatione, partim ampliatae; quaedam innovatae. h) Constat illud sessionibus XXV. Harum pleraeqve continent decreta dogmatica, quae dum prolixiora sunt, in capita dividuntur. Dein subduntur Canones, ceu totius doctrinae ibi pertractatae brevis extractus. Tum vero succedunt Decreta, inscripta: *de reformatione*, quae in sua perinde capita dividuntur. At vero sessio XXIV. praeter doctrinam de matrimonio, dogmatice tractatam, et in Canones divisam, decretum continet *de reformatione matrimonii*, in capita distributum; denique tertium, quod simpliciter inscribitur *de reformatione*. Sessio XXV. praeter dogmatica quaedam decreta, continet decretum *de Regularibus et Monialibus* inscriptum, et alterum *de reformatione*. Autoritas Eius Concilii in rebus fidei, quanta sit, dispicere non est huius fori, ac loci. i)

Quantum ad reformationem matrimonii, de qua Quam-

- h) Diligenter adnotavit has seu innovationes, seu correctiones, seu abrogationes veteris iuris, Remigius Maschat, in Institut. Canonici parte I. elenco 2. et seq. i) Prolixe vindicavit eius auctoritatem Natalis Alexander in hist. Eccl. saec. XVI. diss. 12.

Quanta, vero sit eidem vis in rebus disciplinae hic terrarum, ubi scribo, iam ex alias dictis patet, quin mihi denuo sit arguendum (§. LXXXIII, et praec.) Allegatio eius in dogmaticis ita sit: Trid. sess. 6. decr. de Iustif. cap. 1. Canonum vero sic: Trid. sess. 6. decr. de Iustif. can. 1. In disciplinariis ita: sess. 25. de reform. c. 1. sess. 25. decr. de regul. et monial. cap. 1.

§. CX.

Iussa Pontif.

Praeter haec omnia, quae iam commemoravimus, ab Orthodoxis, seu legem diligenter observanda, Romani Pontifices, pro Ecclesiastica necessitate, vel utilitate, nunc praecipiunt quaedam fidelibus, modo concedunt. Quicquid alterutro modo pronuntiatur, potest *mandatum* esse, quod notu proprio dirigitur ad quasdam personas, ordinarie vero ad Magistratus, aut Legatos iam iam profecturos. *Interdictum*, quo praesentibus, aut imminentibus occurritur malis, absque comminatione poenarum. Sanctio, cum in transgressores decernitur poena; id enim in

Iure

Iure sanctum vocatur, quod impune violari nequit. *Edictum*, quod motu proprio edicitur Christifidelibus universis. *Constitutio*, quod de Consilio Cardinalium, ad nullius consultationem, sed motu proprio, et de certa scientia constituitur. *Decretum* vero, quamvis id significet in Iure Civili, quod super causa decernitur, inter partes cognita: in Iure tamen Ecclesiastico sumitur pro constitutione. k) *Rescriptum*, est responsum ad alicuius relationem, consultationemve, aut supplicationem, in rebus Ecclesiasticis datum. *Dispensatio*, est exemptio a lege, facta pro casu vel persona particulari, manente ceterorum huic legi subditorum obligatione. *Privilegium*, est constitutio specialis, per quam certae personae, aut certo personarum ordini singularis confertur praerogativa, praeter, vel adversum ius commune. l) Quicquid igitur per Pontificem Romanum scripto editur, aut Constitutio est, aut Rescriptum. Illud vero materiale instrumentum, quo suam Papa volun-

k) Exemplum est in Can. 11. caus. 25. qv. 1. item cap. 11. x. de his, quae fiunt a Praelato etc. l) Can. 3 dist. 3.

juntatem declarat, vel *Bulla* est, vel *Breve*. Illius nomine intelligimus membranas grossiores, subfuscas, caractere ad Gothicum accedente, amploque stylo exaratas, absque ullis interpunctionibus, vel dyphthongis, quae plumbeo muniuntur sigillo, in materia quidem gratiae, e sericeo funiculo rubri, vel crocei coloris, in materia vero iustitiae, e funiculo canabino pendente. Brevis autem nomine, intelliguntur membranae tenuiores, conscriptae breviori stylo, breviatisque, verum nitidis characteribus, cera duntaxat rubea sigillatae, cum annulo Piscatoris, nempe sigillo, quod S. Petrum sedentem in navicula, retiaque trahentem refert. Provocatio fit modo sequente: Memoratur Pontificis nomen. Primae Scripti Papalis voces notantur. Annus diesque emanationis signatur. Ut in exemplo Bened. XIV. *si data* 4. martii 1748. Clem. XIV. *Dominus ac Redemptor* 21. Iulii 1773. m)

§. CXI.

- m) Lege Espen Iuris Eccl. parte I. tit. 23. cap. 5. Andr. Vallensis Paratitlam Iuris Can. lib. I. tit. 2.

§. CXI.

Eorum autoritas in dogm.

Quicquid a Pontifice Romano, et quocunque modo constituitur, ad unum ex iis pertinere debebit, circa quae potestas Ecclesiastica versari proprio iure potest. (§. VII.) Num ferendo sententiam in rebus fidei vel morum, errare, fallique possit, multo iam tempore disceptatur. Declaraverat Clerus Gallicanus anno 1682. *in fidei quaestionibus, praecipuas Summi Pontificis esse partes, eiusque decreta ad omnes, et singulas Ecclesias pertinere, nec tamen irreformabile esse iudicium, nisi Ecclesiae consensus accesserit.* At mox a Praesulibus Hungariae vapulavit. (§. LXXXVI.) Matthaeus vero Petitdidier, qui huic Gallorum sententiae tractatum Theologicum opposuerat *de autoritate et infallibilitate summorum Pontificum*, per Apostolicum Breve Benedicti XIII. meruit anno 1724. collaudari. n) Ceterum, qui falli Pontificem posse in Decretis dogmaticis, arbitrantur, ita nihilominus statuunt: Cum Praesuli Romano datus sit a Deo primatus, ad conservan-

n) Breve Apost. praefixum est Tractatui, edit. Poson.

vandam in Ecclesia unitatem: (§. XXVII.) quoties unitatis istius conservatio, aut iam turbatae restitutio, praesentem quaestionis dogmaticae decisionem postulat, neque celebrari potest in promptu Concilium universale, recurrendum esse ad Pontificem, ut is *provisorie* decernat illud, cuius oppositum propugnare palam, haud amplius liberum esto. Hoc enimvero deprecatur obsequium, visibili Ecclesiae capiti debitum. Cuius decreto si contraire pro lubitu quisque posset; vinculum solveretur, quod Christus ad conservationem societatis ab se conditae, salvum esse volebat, et cuius causa Pontifici Romano concessit primatum. Hanc porro assertionem usu confirmari, docent: Nam saeculo II. condemnavit Quartodecimanos Victor Pontifex. Tertio saeculo Cornelius Novatianos, et Stephanus eos, qui baptisatos ab haereticis vel schismaticis, si ad Christi Ecclesiam redierint, rursum tingendos aiebant. Saeculo IV. Damasus Apollinaristas; Siricius Iovinianum, et Anastasius Origenis errores. Quinto saeculo, Pontifex Innocentius I. Pelagium; Zosimus Caelestium; Coelestinus I. Nestorium; et

et Leo I. Eutychem; omnes ceu haereticos, et Evangelicae doctrinae, spiritu pervicaci refragatos. o)

§. CXII.

In disciplinaribus.

De obiectis ad disciplinam Ecclesiae, vel ritum spectantibus, legem ferre posse Romanum Pontificem, nemo Catholicus negat. Causa enim, ob quam ab exordio necessaria fuit in Ecclesia Christi potestas legislativa, (§. VIII.) etiamnum subsistit, semperque subsistet. (§. VI.) Cum igitur leges pro tota Christi Ecclesia, vel magna eius parte, praescribere non alius possit, quam qui universalem habet potestatem: Tota haec potestas ferendae tam extensae legis, recidit in Concilia generalia, (§. LXVI.) et in Papam. (§. XXV.) At vero Concilia oecumenica, neuiquam possunt in promptu haberi: Superest igitur Pontificis legislatoria potestas, tunc exercenda, cum Ecclesiae vel gravis necessitas, vel utilitas maxima deposcit.

o) Consule Petri de Marca L. II. cap. 16. Obstruet de loc. Theol. diss. IV. qv. 2.

scit. p) Quam nihilominus potestatem, ut Ille rogata prius ceterorum Antistitum sententia, exercere malit, consultius esse putant; ne, si secus praeceperit quippiam, quod aut locorum adiunctis minime congruat, aut salvis quorumpiam iuribus, prorsus nequeat observari, praeceptionem oporteat debito carere fructu. q) Nihil autem Pontificis auctoritati decedet, si constitutiones eius particulares, illi duntaxat observaverint, ad quos illae fuerant directae; cum Lex ultra Legislatoris mentem sese non extendat. Porro, quibus ita praecipit Antistes Romanus, eosdem, si refractarii sint, quod poenis quoque spiritualibus afficere possit, alias iam eviceramus. (§. XII.)

§. CXIII.

Autoritas Bullarii.

Quoniam leges Ecclesiasticas, facta nonnisi promulgatione, vim habere obligandi, superius demonstratum fuit: (§. XIV. et LXXXIV.)

- p) Vide Petri de Marca de concordia et lib. I. cap. 8. q) Bened. XIV. de Syn. Dioec. lib. IX. cap. 8. num. 1. seqq.

LXXXIV.) merito quaeritur isthic de *Bullarii* autoritate. Per quod intelligimus vasta illa volumina, quibus plurimae Pontificum Romanorum constitutiones clauduntur. Primus omnium eius conficiendi consilium suscepit ad finem saeculi XVI. Petrus Matthaei. (§. CIV.) Eodem tempore Laërtius Cherubinus Iureconsultus Romae, quas reperire potuit Constitutiones inde a Leone Magno, electo anno Christi 440. usque ad Sixtum V. anno 1585. creatum, collegit, et sub nomine *Bullarii*, dicatum eidem Pontifici, typis Romanis excudi iussit anno sequente. Mox auctum ab eodem, et Paulo V. qui anno 1605. electus fuerat Pontifex, dicatum, rursus vulgabatur. Novam ille adgressus erat collectionem Bullarum, quae se inter vivos agente, a pluribus Pontificibus editae fuerunt; at morte praeventus cum esset, eiusdem filius Angelus Maria Cherubinus Monachus Cassinensis, nova Bullarum accessione, patris laborem locupletatum, edidit Romae an. 1663. Postmodum Angelus a Lantusca, et Ioannes Paulus a Roma, ex Ord. FF. minorum strictioris observantiae, suppleverunt Bullarium,

pro-

prosequuti usque ad Clementem X. annumque Christi 1672. Accesserunt novae constitutiones sequentium Pontificum usque ad Benedictum XIV. et annum 1752. quae cum ceteris iam antehac editis, sub nomine *Bullarii Magni*, a typo liberatae sunt an. 1771. Luxemburgi. Romanam editionem, quae rursum anno 1692. prodierat, in epitomen redegit, et pluribus constitutionibus auxit Flavius Cherubinus, et *Compendium Bullarii* nominavit. Insuper Carolus Cocqvelines edidit *Bullarium privilegiorum ac diplomatum RR. Pont.* Romae 1737-44. Exstat quoque separatim Bullarium Clementis XI. et Benedicti XIV. E qua delectae Constitutiones, pro Curatoribus Animarum editae habentur. Omnes istae collectiones Bullarum, utpote privatorum industria factae, nec ab ullo Pontifice, velut corpus legum adprobatae, vim legis non habent. Sed Bulla quaevis eam illic habet vim, quae ipsi extra Bullarium inest. Plus tamen ei ponderis addit, facta in codicem relatio, quam, si vagetur extra illum, duntaxat ab Iuris commentatoribus quibusdam allegata. Collectores enim operam

singularem adhibuisse praesumendi sunt, ut segregarent apocrypha; quae laus tribui nequit omnibus passim Decretalistis, utentibus autoritate cuiuslibet Constitutionis, dummodo praeconceptione illorum opinioni, praetensisque iuribus favere videatur. r) Neque tamen dissimulandum est, Constitutiones non paucas, imprimis Benedicti XIV. eo solum, quod typis excusae legantur, legis adinstar observari. Sic illae nimirum consecratae sunt apud nos auctoritatem, quemadmodum obtinuisse Tridentinam Synodum, nuper commemoratum fuit. (LXXXIV.)

§. CXIV.

Rescripta Pont.

Rescripta Pontificum (§. CX.) singularem deprecant tractationem, cum de his permulta in Iure dicantur. Alia sunt *Gratiae*, quae ex mero Pontificis favore promanant; alia *Iustitiae*, quae ex iuris ordine procedunt, quatenus ad consultationem, explicatur ius dubium, vel ad petitionem Iudex dele-

r) Lege Espen dissert. in ius Canonicum novissimum variasque species §. 2. opp. T. VIII.

delegatur, aut alias mandatur iustitia administrari. Potest esse etiam *mixtum*; ut, si Pontifex conferat alicui Beneficium, simulque decernat, ut reluctantes eius dispositioni, puniantur. s) Cuiuslibet possunt esse participes, quique sunt Christifideles; at non haeretici, vel excommunicati. t) Potest obtineri pro alio nihil sciente, sed duntaxat in materia Gratiae; u) in materia vero iustitiae non secus, quam si petens, vel mandatum habuerit, vel coniunctionem cum eodem, pro quo petit. v) Ratio est in promptu: Quia dominis ignorantibus renovare sopitas lites, vel excitare novas, odiosum est: gratiam procurare, etiam ignoranti, haud cuiquam nocet.

§. CXV.

V i t i o s a.

Rescriptis, licet non expresse, tacite semper inest haec conditio: *Si preces veritate*

- s) Vide Remigii Maschat Institut. Canon. Lib. I. tit. 3. t) Cap. 26. de rescript. Cap. 1. eod. in sexto. Cap. 8. de sent. excomm. in sexto. Deme casum adpellationis ob excommunicationem interpositae ex cap. 1. de rescript. in sexto. u) Cap. 23 de praebend. et dign. in 6. v) Cap. 28. de rescript.

tate nituntur. Quae si deficiat, rescriptum non valet. w) Deficit autem per *subreptionem*, seu reticentiam veri, et per *obreptionem*, seu expressionem falsi. x) Quare integrum est iudici inquirere de precum veritate, y) suspensaquē tantisper executione, ad Superiorem de vitio detecto referre; z) ei vero, contra quem agit rescriptum, opposita exceptione, et probata, rescriptum impugnare. a) Certe, si dolosa fuit rescripti impetratio, carebit effectu. b) Qvodsi autem subreptio, vel obreptio ex ignorantia processit, negotium lenius tractandum erit. c) Qvodsi enim error contigit quoad causam finalem, quae scilicet Pontificem principaliter movit ad rescribendum, et qua non stante, non erat rescripturus: tunc rescriptum gratiae corruit, rescriptum iustitiae, potest exceptione enervari. Qvodsi autem error contigit, circa impulsivam causam, quae rescri-

N ben-

- w) Cap. 2. et 5. de rescriptis. x) Cap. 6. 20. de rescript. Cap. 7. de fide instrum. y) Cap. 5. de rescr. z) Ibid. et cap. 2. de off. et potest. iudicis deleg. a) Cap. 19. de rescript. b) Cap. 20. ibid. c) Eod. cap.

bentem impulit, ut facilius rescriberet, ceteroquin hac etiam non allegata, rescripturus, valebit eatenus rescriptum, quatenus Pontifex, exposita sibi veritate, in forma communi rescripturus erat. Id quod verum est etiam in gratiae rescriptis. d)

§. CXVI.

Signa vitii.

Porro censebitur vitiosum esse rescriptum, si datum est contra ius commune, consuetudinarium, aut contra ius, privilegiumve tertii, nisi horum in rescripto mention fiat. e) Item, si rescriptum alterum fuerit datum, non facta prioris contrarii mentione: nisi alterum hoc sit speciale, prius autem illud fuerit generale; quoniam generi per speciem derogatur. f) Si praeterea rescriptum vetet cognitionem causae, vel inquisitionem de precum veritate. g) Cum omne rescriptum hanc tacitam habeat conditionem: *si ita est; aut: si preces veritate nituntur.*

§. CXVII.

- d) Cap. 7. de rescript. in 6. e) Cap. 19. de rescript. Cap. 8. eod. in sexto. Cap. 1. de constitut. in 6.
f) Cap. 1. et 3. de rescript. g) Cap. 2. eod. tit.

§. CXVII.

In materia iustitiae.

Speciatim vero iustitiae rescriptum, erit vitiosum, si duo rescripta sunt impetrata ad diversos iudices, et in altero, non sit facta mentio primi; h) non enim aliter constare potest, a Pontifice priorem iudicem fuisse revocatum, quam ex eiusdem rescripto. Item, si dentur iudices incerti, ad arbitrium oratoris eligendi. Sic enim fieri poterit, ut qui obtinuit eiusmodi rescriptum, ad iudicem currat, quem sibi fore propitium novit. i) Item si reus extra Dioecesim in qua degit, virtute rescripti evocandus est ultra duas diaetas, k) aut, secundum recentiorum legem, ultra unam diaetam, nisi fuerit ipsum hoc specialiter expressum; l) quia Pontifex neminem vult ultra ius gravare. Si quoque rescriptum detur in causa litis pendens, nec tamen litispendentiae, et prioris iudicis mentio fiat. m) Item, si rescriptum detur super causa conclusa. Dum lata fuit

N 2,

sen-

h) Cap. 3. de rescript. i) Cap. 10. eod. tit. k) Cap. 28. h. t. l) Cap. 11. eod. tit. in 6. m) Argum. cap. ult. ut lite pend. nihil innovetur.

tentia. Vel peracta transactio, sive interposita appellatio, neque horum tamen mentio fiat. n) Quando item rescriptum ad instantiam Partis datur, pro instituenda speciali inquisitione in delicta Personae, quoniam diffamationis, vel iudiciorum commissi delicti, mentio fiat. o) Si denique, rescriptum per clausulam hanc: *Qvidam alii*, digniores personas, in petitione haud expressas, intelligeret; et per clausulam hanc: *Res aliae*, graviores quaspiam causas, quam quae fuerint per oratorem expressae. p)

§. CXVIII.

Vel gratiae Beneficialis.

In materia Beneficiorum Ecclesiasticorum, censetur rescriptum esse vitiosum, si per illud concedens supplicanti Beneficium, prioris Beneficii, quod possidet orator, nullam iniiciat mentionem. q) Si qualitatem Beneficii actu possessi non exprimat, sitne

vi-

- n) Cap. 12. de rescript. et cap. 3. de confirm. utili vel inutili. o) Cap. 21 §. 1. de accusationibus etc. p) Cap. 15. de rescript. q) Cap. 17. 42. de rescript. Cap. 21. 23. de praeb. et dign. in 6.

videlicet curatum, patronatum, dignitas etc. r) aut qualitatē retineat noviter obtenti. s) Vel si non exprimatur modus, quo Beneficium rescripto hoc collatum, contigerit vacare. t) Si denique Beneficiū fuerit obtentum, quod alius actu possidet de iure, vel de facto, neque sit facta huius possessionis mentio, dummodo haec actualis possessio non fuerit notorie iniusta. u)

§. CXIX.

Vitiosa ex se.

Possunt esse rescripta ex parte quoque sui ipsorum vitiosa, nec effugiunt suspicionem commissae fraudis, dum aliquod e sequentibus vitiis habere noscuntur. Primum est, inscriptio insolita. Nam rescripta genuina praefixum habent nomen Pontificis, in fine vero annum Incarnationis Dominicae, obtentique Pontificatus, nec non mensem, diem, ac locum expeditionis, non arabicis

nu-

r) Cap. 8. eod. tit. s) Cap. 4. 5. 16. de praeb. et dign. in 6. t) Cap. 6. de rescript. in 6. u) Cap. 6. de concessione praeb. et Eccl. non vacantis.

numeris, at verbis expressum. v) Alterum est, insolita salutatio. Nam omnes Archiepiscopi, et Episcopi, hisque maiores, adpellantur *Venerabiles Fratres* a Pontifice; sed alii quicunque, *Dilecti filii*, neque in allocutione singularis personae, adhibentur voces: *Vos*, aut *Vester*. w) Non vitiat tamen rescriptum, error commissus in nomine, vel cognomine, dum cetera conveniunt personae, ad quam rescriptum sonat. Nec vitiat propositionum translocatio, quae non est facta secundum communem Romanae Curiae stylium, dummodo salvus maneat sensus. x) Tertium est, error contra leges grammaticae commissus. y) Attamen error literae, vel syllabae, non vitiat rescriptum, dum non immutat sensum. z) Quartum vitium est,

- v) Cap. 6. de crimine falsi. w) Ibidem. x) Qvis enim abiciat Pontificum rescripta, quod in eis Episcopus Cenadiensis, pro Chanadiensi, et Zagabriensis, pro Zagrabiensi dicatur? ceterum vide cap. 8. de confirm. utili, vel inut. y) Cap. 11. de rescript. z) Legi egomet Bullam Pii VI. et copiatam habeo, in qua, promotum ad Episcopatum sub Corona R. H. existentem, dum ab-

error in signatura commissus. Nam in materia gratiae, responsum signatur per vocem: *fiat*. In materia iustitiae, per verbum: *placet*. Si Pontifex aeger, non possit signare, per alium scribitur eius voluntate: *Concessum*. a) Quintum vitium, in papyro, sigillo, vel filo comitti potest. b) Haec vero, qualianam esse debeant, alibi dictum fuit. (§. XC.) Sextum vitium, si lituram, rasuramve habeat in loco suspecto. c) Est autem locus suspectus, pars illa rescripti, ubi petitionis, et concessionis maxima vis collocatur. Ut proinde rasura in loco non substantiali, haud vitiet rescriptum. d) Sed et prius illud vitium, intelligatur de rescriptis an-

solvit a censuris, errore scribentis ait: *Nos, ne si forte aliquibus sententiis, censuris, et penis ecclesiasticis ligatus sis, provisio, et prefectio pro te valeant*, evidenter exmissa particula: *Non*. Et quis tamen ita fuerit ridiculus, qui Bullam hanc invalidam asseveret? a) Schram institut. iuris Eccl. T. I. p. 199. b) Cap. 6. de crimine falsi. Cap. 12 de privil. et excessib. privilegior. c) Cap. 6. de fide instrum. cap. 14. de privileg. cap. 7. de religiosis domibus. d) Cap. 3. de fide instrum.

antea reseratis, quam fuerint ei praesentata, cuius est muneris illa reserare. Nam, si praesententur occlusa, atque rasura post primam hanc apertionem, aut litura deprehendatur, factam esse in Pontificis Cancellaria, constabit. Septimum erit vitium, si rescriptum, contineat mandatum nimis durum, e) vel insolitum: ut, si dentur incerti iudices, vel futura illis negotia committantur. f)

§. CXX.

Effect. Rescr. Iust.

Rescripta Iustitiae, vim habent a tempore praesentationis factae iudici, ad quem directa fuerunt, g) Hinc morte concedentis re adhuc integra, penitus expirant, h) Debent autem illa praesentari intra annum; ut adeo, si dolo, vel negligentia, intra hoc tempus intermissa fuerit praesentatio, deinceps rescriptum non sit valiturum, prae po-

ste-

e) Cap. 5. de rescript. f) Cap. 10. ibid. g) Cap. 59. de appell. per argumentationem ex verbis: *Priusquam delegato fuerint assignatae.* h) Cap. 10. de off. iud. delegati.

sterioribus rescriptis, tametsi nulla eius rescripti fuerit mentio facta. i)

§. CXXI.

Effect. Rescr. Gratiae.

Rescripta Gratiae, praesentari quovocunque possunt, nisi fuerit in iis praefixum tempus, quo evoluta, non praesentata, non valebunt. k) Rescriptum hoc soli prodest, pro quo fuit impetratum, nisi fuerit subinde Iuris Canonici corpori inclusum. (§. CVII.) Cuius in promptu est ratio, quod rescriptum ultra mentem rescribentis non debeat extendi. Valet autem gratiae rescriptum a die, quo datum est; l) nec perimitur concedentis morte, quamvis illa forsitan executionem antevertat. m) Quia scilicet totum pendet a voluntate concedentis, quam decet stabilem esse, n) Sed quia ante confectionem litterarum, gratia Apostolica dicitur informis: ex regula Cancellariae Apostolicae, datum *expedi-*

i) Cap. 9. et 23. de rescriptis, k) Cap. 11. de praeb. et dig. in 6. l) Cap. 7. de rescr. Cap. 14. eod. in 6. Cap. 7. de praeb. et dign. in 6. m) Cap. 9. de rescript. in 6. n) Cap. 36. de rescr. in 6.

peditionis, non vero *signaturae Papalis*, intelligi debet. At hic quoque casus excipitur appositae conditionis in rescripto. Nam conditio suspendit effectum in eventum rei futurum. Item, si in rescripto nondum est perfecta gratia, sed perficienda, alteri demandatur. Tunc enim, si re integra, moriatur mandans, gratia exspirat. o)

§. CXXII.

Cessatio utriusque.

Exspirat etiam valor cuiuscunque rescripti, eius renunciatione, cuius gratia fuit confectum. p) Dummodo hac renunciatione ius non laedatur alterius, tali rescripto acquisitum. q) Revocatione item concedentis; r) tum vero morte eiusdem, si de rescriptis iustitiae sermo est, et gratiae primum faciendae. s) Morte quoque illius, cui nominatim est exequutio rescripti commissa. Morte impetran-

- o) Cap. 36. de praebend. in 6. p) Cap. 12. de foro competente. q) Vide Eybel introduct. in ius Eccl. T. IV. lib. I. Cap. 2. §. 267. r) Cap. fin. de rescript. s) Cap. 20. 30. de off. iud. deleg. Cap. 36. de praebend. in 6.

petrantis, quod si de persona, et non de re, obtentum sonabat rescriptum. Denique illius morte, contra quem obtentum erat. t)

§. CXXIII.

P r i v i l e g i a.

Inter gratiae rescripta, *Privilegia* quoque (§. CX.) referri debent; quae a dispensatione differunt, quod haec nuda solutio sit a lege, ac ad unum plerumque actum restringatur; illa vero ad cunctos actus eiusdem generis pertineant, et ius novum tribuant impetranti. Praeterea differunt a *Beneficiis iuris*, tam generalibus, quae omnibus quoad certa negotia prosunt, quam a singularibus, quae ad certum genus hominum sunt restricta; quoniam utraque sunt clausa in corpore iuris; cum illa passim extra corpus iuris vagentur. Atque haec sunt alias affirmativa, quae concedunt id agi, quod iure communi non est permisum. Alias negativa, dum omitti concedunt, quod esset de lege faciendum. Absoluta, quae personae privilegiatae spectant favorem, sine gravamine cuius.

t) Vide Lakics praecogn. Iuris Eccl. §. 182.

iusquam. Respectiva, quae per favorem unius alterum gravant. Personalialia, quae intuitu certae personae dantur, et cum eadem extinguuntur. u) Realialia, quae rei conceduntur, vel personae, cum extensione ad successores. v) Conventionalialia sive onerosa, sub reciproca obligatione dandi aliquid, vel faciendi. Mere gratuita. Item remuneratoria meritorum. Perpetua. Temporanea. Communialia, principaliter scilicet in Communitatis favorem concessa, quibus proinde singuli non possunt renunciare. Privatalia, quae principaliter commodum aliquorum respiciunt, et secundario bonum commune, cui proinde renunciari potest. Alia per se primario data, alia per communicationem, ut, quod prius iam aliis fuit concessum, ad alios extendatur. Alia motu proprio, alia ad preces. Alia per literas, alia oraculo vivae vocis. Alia contra ius, alia praeter ius data. Unde sequitur, concedi haec ab eo solum posse, cui est legis ferendae potestas; a lege enim liberum facere alius nemo potest. Accedit, quod

u) Cap. 7. de reg. iuris in 6. Exemplum domi nostrae §. XLI. v) Cap. 16. 21. 23. de privil.

quod privilegium constitutio sit, quae prohibet privilegiatum in privilegii usu turbari. w)

§. CXXIV.

Qualiter acquiruntur?

Privilegia possunt acquiri concessionē expressa, et consuetudine, x) dummodo consuetudo non sit speciatim reprobata. y) Quamvis autem ad substantiam privilegii, non requiratur scriptura, cum possit fieri vivae vocis oraculo: (§. praec.) requiritur tamen plerumque ad faciendam probationem. z) In iis autem sine dubio, quae speciatim iubentur scripto impetrari: puta, facultas ingrediendi monialium claustra; a) Papalis Beneficiorum collatio, confirmatio, vel unio. b) Facultas
item

w) Has Decretalistarum distinctiones legere poteris ap. Remig. Maschat in institut. Canonicis ad Librum V. tit. 33. et apud Eybel in introduct. in Ius Eccles. T. IV. §. 246. x) Can. 8. dist. 100. Can. 8. causa 9. qv. 3. Cap. 4. 8. de praescript. y) Cap. 17. de censib. z) Can. 8. dist. 100. Cap. 12. de privil. a) Trid. sess. XXV. decr. de regular. cap. 5. b) Cap. 1. de elect. extrav. comm.

item in Beneficio non residendi. c) Porro haec tam scripto, quam vivae vocis oraculo data privilegia, si motu proprio sint concessa, non ante sortiuntur effectum, quam ad eos pervenerint, ad quos adtinent, et ab iisdem acceptentur. d) Privilegia vero ad preces concessa, iam sunt in antecessum acceptata. e)

§. CXXV.

Quantum valent?

Quodlibet privilegium, fuerit illud personale, vel reale, concessum intelligitur salvo tertii iure (§. XV. et CXVI.) Ultra tenorem verborum, ad res, personas, et loca, non debet extendi. f) Idcirco strictiorem subit in dubio interpretationem. g) Nec tamen callidis interpretationibus decet ita illud enervari, ut nihil concessum videatur. h) In-

uti-

- c) Trid. sess. XXIII. de reform. cap. 1. d) Cap. 17. de praeb. in 6. Cap. 1. de concessione praeb. in 6. versu: *Quia in privilegiis.* e) Vide Eybel cit. superius loco. f) Cap. 9. 16. 32. de privil. Cap. 40. de off. et pot. iud. delegati. g) Cap. 7. 19. de privil. h) Cap. 30. eod. tit.

utilem reddit actum sibi adversantem; i) imo sententiam, quae contra productum coram iudice privilegium lata fuit. k)

§. CXXVI.

Quot modis cessant?

Cessant privilegia per revocationem expressam. Quae si specialis non fuerit, sed generalis, non censentur per eam revocata esse privilegia, in corpore iuris clausa; l) neque illa, quibus insertum est, ut revocata censeantur, nisi revocationi fuerit adnexa huiusmodi clausula: *Non obstantibus privilegiis sub quacunque verborum forma conceptis.* Aut illa: *Etiam si eorum mentio de verbo ad verbum fieri deberet.* Cessant quoque per revocationem tacitam, cum legislator tale constituit, quod si stet, privilegium nequit stare. Cessat quoque per novum privilegium alteri concessum, quod priori contrariatur, dummodo specialis huius mentio fiat. (§. CXVI.) Tollitur quoque privilegium generale prius, per speciale posterius illi contrarium: nisi

i) Cap. 10. de elect. k) Cap. 21. de sent. et re iudicata. l) Cap. 23. de elect. in 6.

nisi per istud alteri in iure quaesito grave praeiudicium oriatur; ni, et hoc speciatim a legislatore fuerit expressum. m) Cessat praeterea quodvis privilegium, renunciatione, si mere fuerit personale; n) minime vero, si datum fuerit communitati, loco, ordini, dignitati. o) Personale, cum morte privilegiati. Dein cum morte concedentis, hoc modo si privilegium circumscripsit. Nec eo tamen pertinet clausula haec: *Usque ad Sedis Apostolicae beneplacitum*: quippe haec manet etiam Papa defuncto. p) Cessat quoque, dum vergit in grave alterius detrimentum. q) Interitu rei, si fuerit reale. r) Nec non privilegii concessi abusu; s) non tamen ante sen-

tena

m) Cap. 19. de praescript. Cap. 1. de constitut. in 6. Cap. 6. de rescript. Cap. 1. de off. iud. deleg. Cap. 14. de praeb. in 6. Regula iuris 34. in 6. Cap. 9. de fil. Presb. n) Can. 8. caus. 7. qv. 1. Cap. 6. de privil. Cap. 16. de elect. o) Cap. 12. de foro compet. Cap. 36. de sent. excomm. p) Cap. 5. de rescriptis in 6. q) Cap. 10. de immunit. Ecclesiarum. etc. r) Cap. 2. de religiosis domib. s) Can. 7. dist. LXXIV. item Cap. 4. 24. 27. de privilegiis etc.

tentiam iudicis, nisi aliter canon, de tali speciatim casu disponat. t) Cessat etiam privilegium post effluxum temporis, pro quo concessum erat. u) Item cessante causa finali. v) Usu privilegii per annos triginta, vel quadraginta, sponte neglecto, si affirmativum est, cum aliorum onere collatum. Negativi enim privilegii non usus, illud minime suffert, nisi fuerit, et istud a concedente expressum. Tollitur denique per actum contrarium, a privilegiato libere positum, ex quo renunciatio sufficienter constare possit. w)

§. CXXVII.

Eorum confirm. et innov.

Confirmatio privilegiorum, non illa materialis, quae in renovatione, seu nova descriptione veteris documenti existit, x) vo-

O

rum

t) Cap. 10. de immunit. eccl. etc. Cap. 14. et 23. de sent. excommun. u) Cap. 4. de off. iud. delegat. v) Cap. 60. de appellat. w) Cap. 6. et 15. de privil. et excess. privilegiator. x) Fateor Papalis me huiusmodi privilegii exemplum in Ecclesia Hungarica, isto momento, dum properanter scribo, non habere, sed res illustrari potest

rum formalis, dicta etiam *innovatio*, vel fit in forma communi, vel in specifica, seu *ex certa scientia*. Prior non tribuit novum valorem: sed veterem firmat; qvi, si ab initio nullus erat, neque modo erit. Nam de regula iuris, innovatio, ius novum privilegio non tribuit, sed antiquum conservat. y) Verum altera tam vetus corroborat iam antea validum, quam et novum addit. Ut proinde iudex inferior, de valore ipsius cognoscere, vel illud immutare nequeat, nisi pro hoc

diplomate S. Stephani, monasterio Monialium de Valle Wefzprimiensi, in lingua Graeca tradito, quod anno 1109. iussu Regis Colomanni ad verbum fuit transumptum. Vide ap. Pray in vita B. Margarithae, pag. 221. et ap. Katona hist. crit. R. H. T. 3. p. 263. Mox tamen occurrit renovatio privilegii per S. Steph. Sacro monti Pannoniae ann. millesimo primo concessi, quod ad avertendam suspensionem falsitatis, quae ex parte Wefzpr. Episcopi praetendebatur, transumptum fuit iussu Innocentii III. Pont. anno 1215. legiturque ap. Ill. Chrysostomum Novák, in vindi-
ciis diplomatis Stephanei, pag. 19. y) Cap. 13. de privil. et excessib. privilegiator. Cap. 4. de confirmatione utili vel inuti.

hoc sibi datam habeat facultatem. Quamvis inquirere possit, num facta sit revera privilegii, de quo agitur, confirmatio? num, si confirmatum est, vitio non careat, ex parte vel sui, vel impetrantis? z) Ceterum, confirmatio in *forma specifica*, non ex illa duntaxat expressione cognosci debet: *Ex certa scientia*, vel, *ex plenitudine potestatis*; verum ex ipso confirmationis tenore, praesertim, si huic, ipsum privilegium fuerit insertum. a) Porro confirmatio haec, seu innovatio, potest esse necessaria, nimirum, ut continuari privilegium possit; atque voluntaria, ut maius privilegio robur accedat. b)

§. CXXVIII.

D i s p e n s a t i o.

Dispensatio quoque, species est rescripti Papalis, diciturque *exemptio a lege pro particulari vel casu, vel persona, manente ceterorum obligatione*. Differt a privilegio, (§. CXXIII.) et ab interpretatione, quae

O 2

non

z) Cap. 5. et 6. eod. tit. a) Cap. 8. eod. tit. Exemplum hic §. XXXVII. b) Idem exemplum, et alterum §. XXXIX.

non tollit obligationem, sed declarat, legem certis in casibus neutiquam obligare. Alia est *a iure*, cuius videlicet casus in lege scripta leguntur. c) Alia vero *ab homine*, quae per speciale rescriptum datur. Ordinaria est, quae competit vi muneris gesti. Delegata conceditur ab eo, qui potestatem ordinariam non habet. Fieri dispensatio in Ecclesiastica lege potest, imo quandoque illam concedi expedit. d) Pontifex Romanus, habendo potestatem ferendae legis, (§. CX.) dispensare quoque in lege Ecclesiastica potest. e) Ceteroquin, dispensatio unius a lege, vera lex est alteri, ne hunc in iure concessio turbet.

§. CXXIX.

Rom. Curiae autoritas.

In edendis constitutionibus, ac rescriptis, conficiendisque tam Bullis, quam Brevis-
vibus,

- c) Ut in exemplo: Can. 29. Causa XVII. qv. 4. Cap. 44. §. 1. de elect. et electi potest. Cap. 14. de filiis Presbyter. d) Trid. sess. XXV. de reform. cap. 18. e) Lege Petri de Marca de concord. lib. 3. cap. 13. §. 7. seqq. Espen dissert.

vibus, variarum Romae Congregationum, atque Tribunalium auxilio utitur Pontifex Romanus: concessa plerisque illarum insuper tali potestate, ut Eius nomine varia negotia, ad primam sedem pertinentia, decernant. Hae simul omnes, *Curiae Romanae* adpellationem, inde fors a saeculo XII. f) fuerunt consequutae. Est autem illa, *Senatus Romani Pontificis, in quo causae ad Sedem eius spectantes, ac eo delatae, expediuntur.* Variis ipsa constat quasi minoribus Curiis, quae ceu membra Senatus eiusdem spectari debent. Autoritas eius quippiam decernentis, eadem est, quae Pontificis, cum non suo illa, verum Istius autoritate decernat. Generales igitur eius declarationes, ad omnes aequae pertinent, particulares, illos duntaxat obstringunt, quorum causa editae fuerunt. De istius Curiae partibus nonnullis plura, de ceteris pauciora dicam, prout nimirum in Ecclesiam Hungaricam, vel maiorem, aut minorem influxum habent; illis, quae parti-

cula-

canonica de dispensat. inserta opp. T. VI. edit. Ven. anni 1781. f) Vide Espen Iuris Eccl. univ. parte I. tit. 21. cap. 3. num. 14.

cularem Ecclesiae Romanae Ecclesiam solummodo adtinent, silentio praetermissis. g)

§. CXXX.

Consistor. Card.

Ad Papae Senatum spectat imprimis Consistorium Cardinalium, quod Praeside ipso Pontifice celebratur; cui dum soli intersunt Cardinales, ordinarium, ac *secretum*: si alii quoque Praelati, Ministri quoque, ac Oratores Principum, et Magistratus, extraordinarium, atque *publicum* nominatur.

§. CXXXI.

Congr. Status, et Consistorial.

Sed cum non semper expediat quaevis negotia cunctis Cardinalibus esse cognita, fit peculiaris quorundam Cardinalium conventus, qui dicitur *Congregatio Status*, perdurans, durante praesentis negotii tractatione. Verum, ne Consistorii Papalis Maiestatem altercatio quaedam laedere possit: Congregatio prius agitur a nonnullis Cardinalibus et
Prae-

g) Enumeratas lege ap. Ant. Schmidt Institut. Iuris Eccl. T. I. pag. 230.

Praelatis; quae *Consistorialis* dicta, negotia discutit, in Consistorio proponenda.

§. CXXXII.

Congr. Cardinalium.

Alterum sibi locum vendicant Congregationes Cardinalium, sive Collegia per Pontifices erecta pro specialibus negotiis tractandis, et cum iudiciaria potestate, per Cardinales potissimum, decidendis. Quae constantes sunt, *ordinariae*, quae post negotii suscepti finem desinunt, *extraordinariae*, compellantur.

§. CXXXIII.

Congr. Inquisit.

Inter stabiles praecipua est Congregatio S. Officii, seu *Inquisitionis contra haereticam pravitatem*, quae coalescit e Cardinalibus, quamplurimis item Praelatis, ac diversorum Ordinum Theologis, e Saecularibus etiam nonnumquam Clericis. Inter quos locum habet Magister Generalis Ordinis Dominicani, et Sacri Palatii Magister, qui continuo ex hoc ordine constitui solet. Praecipua

est huius Congregationis obligatio, dicta, facta, vel scripta Religioni Catholicae adversa, in examen vocandi; horumque autores iudicandi potestas. h) Imo hodie, quinquennales gratiae, Praesulibus dari solitae, ab hac Congregatione promanant. i)

§. CXXXIV.

Congr. Indicis.

Congregatio *Indicis* dicta, prioris vicaria est, cui revisio, et prohibitio librorum est demandata. Constat numero Cardinalium pro beneplacito Papae, magnoque numero Theologorum, qui Consultores vocantur. Hic Theologi facto librorum examine, suum depromunt iudicium in Congregatione, iuxta referentium vota. Librorum prohibitorum indices, huius Congregationis autoritate typis excusi, forte fortuna isthuc terrarum penetrant. Id ergo de his, quod alias de quibuslibet

h) Cap. 9. to. II. de haereticis. De officio Inquisitionis olim in ditionibus Hungaricis exercito, vide meas Hist. Eccl. R. H. amoenitates fascic. III. num. II. i) Lege Espen Iuris Eccl. univ. parte I. tit. XXII, cap. 3.

libet Ecclesiae legibus dictum erat, (§. XV.) pronunciandum videtur. Cum praeterea Reges Apostolici, pro illa potestate, quam subinde commemorabo, diligenter in noxios quosque libros inquiri praecipiant, neque desinant eos vetare: suo forsitan facto docent, extraneam librorum censuram, apud nos locum non habere. Causa etiam, quae vicens apud nos olim Inquisitionis officium sustulit, k) tum lex Regni anno 1791. condita l) plurimum videntur obstare, ne memoratae Congregationis censura, hic gentium omnimodam habere possit auctoritatem.

§. CXXXV.

Qualificatio thesium.

Eius Congregationis auctoritate liber in indicem prohibitorum relatus, peculiari quoque damnatur sententia, eiusque propositiones

k) Legatur §pho praecedente memorata mea dissertatio §. 6. l) Art. 29. §. 5. Cetera inter habetur de Evang. utriusq. Confess. Libros porro tam symbolicos, quam Theologicos - - - libere typis excudi facere - - admittantur. Quare nec prima, nec decima indicis regula hodie locum apud nos habet.

nes, variis nonnumquam censuris afficiuntur. Huiusmodi censura, *qualificatio thesium* dicitur. Ac tum quidem *specifica* est, dum quaelibet propositio, propria notatur censura; *cumulativa* vero, dum theses enumeratae, proscribuntur in globo. Qualificationes thesium sic a Theologis enumerantur: Propositio haeretica, directe opponitur Verbo Dei. Haeresi proxima, quae repugnat conclusioni e Verbo Dei per certam consequutionem deductae. Haeresin sapiens, quae videtur damnatae sententiae patrocinari, quamvis etiam orthodoxe intelligi possit. Schismatica, quae apta est ad dissolutionem Christianae unitatis. Erronea in specie, non quidem haeretica, veritati nihilominus, quae pietatem fovet, repugnans. Blasphema, quae in Deum, vel in eius Sanctos contumeliam iactat. Impia, quae Christianum a pietate, vel Evangelicis consiliis, aliisque piis operibus abducit. Scandalosa, quae viam sternit ad morum dissolutionem, et proximi ruinam. Piarum aurium offensiva, quae in materia Religionis, aliquid horridum refert. Malesonans, quae sensum potest habere catholicum, sed verbis

exprimitur, quae erroneum quoque patiuntur. Simplicium seductiva, quae sub larva pietatis errorem tegens, rudes pervertit. Periculosa, quae propter affinitatem, cum aliis malae notae positionibus, a viro discreto preferenda non esset. m)

§. CXXXVI.

Congr. super neg. Episc. etc.

Congregatio super negotiis Episcoporum, et Regularium, solis constat Cardinalibus, quos, saltem duodecim esse in illa oportet. Quapropter *Cardinalitia* compellatur. Lites decedit ortas inter viros Regulares de praecedentia, privilegiis, ac iuribus; natas item Episcopos inter, ac Regulares de exemptione; tum inter superiores Regularium, ac subditos. De valore etiam religiosae professionis. De iuribus Parochialibus, et decimis; deque aliis negotiis, quae ad disciplinam monasticam spectant. Haec eadem Congregatio

m) Lege Petri Annati Apparatum ad positivam Theologiam T. I. lib. I. art. 5. Melch. Can. de loc. Theol. Lib. XII. cap. 6. et 10.

tio vacantibus Ecclesiis Vicarios Apostolicos (§. XLV.) concedit. n)

§. CXXXVII.

Congr. Sacr. Rituum.

Congregatio Sacrorum Rituum, Dei cultum exteriorem ordinat, Sacros determinat Ritus, et commissos circa hunc abusus tollit. Atque haec est Congregatio ordinaria. Nam extraordinaria de negotio graviore tractat, ad Sacros aeqve Ritus spectante, quale est beatificatio, vel canonizatio Sanctorum. Ad quam propterea plures accedunt, puta, sex Consultores Praelati, et alii viginti quatuor e numero Theologorum.

§. CXXXVIII.

Congreg. Indulg.

Sacrae Congregationis Indulgentiarum hoc munus est, ut apocryphas vel indiscretas Indulgentias olim concessas pervestiget, ac iuxta Tridentinae Synodi praeceptum, vetet. o)

§. CXXXIX.

- n) Bened. XIV. de Syn. D. lib. 2. cap. 10. num. 9. o) Trid. sess. XXI. decr. de ref. cap. 9. sess. XXV. decr. de Indulgentiis.

§. CXXXIX.

Congr. Trid. Interpr.

Congregatio Concilii Tridentini Interpretum, quaestiones de sensu Concilii eiusdem in rebus disciplinae natas, decidit, mentemque Patrum Tridenti congregatorum interpretatur; minime tamen inconsulto Papa, neque sic ultra verborum proprietatem, ut decisio dispensationem sapere videatur. Ad fidem praeterea in iudiciis habendam, sigillo muniri debet primaeva Congregationis declaratio, et a Cardinali Eiusdem Praefecto subscribi. Sic enim asseritur decrevisse Urbanus VIII. die secunda Augusti, anno 1641. p) Extra iudicium vero, quaecunque resolutiones ab eadem sacra Congregatione editae, sive in laudatissimis operibus Benedicti XIV. qui ipse huic sacrae Congregationi olim a Secretis fuerat, seu in *Thesauro Resolutionum* S. Congregationis, quam nunc memoro, leguntur, quoniam nonnisi cum approbatione secretarii eiusdem Congregationis editae sunt, omnem prorsus fidem merentur.

Quanta

p) Ap. Remigium Maschat in praefat. Institut. Canoniar.

Qvanta vero declarationi insuper autoritas, e contextu primum debet colligi; utrum non ad particularem duntaxat Ecclesiam, vel causam fuerit extensa; et, si generalis esset, ceteroquin plenissimum habitura robur, (§. CX.) utrumne salvis provinciarum, vel personarum iuribus, observari possit. (§. XV.) q)

§. CXL.

R o t a R o m a n a.

Rota Romana, supremum Pontificis Tribunal est, quod cognoscit causas fori civilis intra territorium Pontificis, et fori spiritualis causas, ex toto illuc orbe delatas. Praeest huic Cardinalis Vice-Cancellarius, r) duodecim habens Auditores, in tres divisos classes, a quarum una qui se gravatum sentit, ad alteram, atque hinc ad tertiam appellare potest.

§. CXLI.

q) Legatur Bened. XIV. institut. Eccles. C. VII. post initium, §pho. *si quis a nobis.* r) De hoc vide Espen Iuris Eccl. parte I. tit. 23. num. 4. et seq.

§. CXLI.

Signatura iust. et gratiae.

Signatura iustitiae tribunal est, ad quod pertinent causae, quae adpellatione indigent, non, ut hic decidantur, verum decernatur solummodo, num appellatio habeat locum, et quibusnam sub clausulis possit admitti. Signatura vero gratiae, tribunal est, in quo proponuntur negotia, quae rigidum iuris examen haud patiuntur; quales sunt causae iam a decennio sopitae, vel alias decisae, aut quas ventilari, status ratio vetat.

§. CXLII.

Dataria.

Dataria, tribunal est, in quo gratiae pro foro externo valiturae, conceduntur, et expediuntur. Praecipui hic Officiales sunt, Datarius, et Prodatarius, qui censentur organum Papae, quia cum eo frequenter agentes, optime possunt Eius intentionem nosse. Dum ab hoc tribunali quicquam petitur, literae sunt ad Papam dirigendae, in quibus exprimi debet nomen oratoris, Dioecesis, in qua is degit; et meritum causae proponendum est

est sine ambagibus, ac verbis, quae in Curia intelligantur. Inde rescripta ad Episcopum, aut Vicarium diriguntur.

§. CXLIII.

Poenitentiaria.

Poenitentiaria Tribunal est, in quo poenitentes, qui crimen commiserunt absolutioni Pontificiae reservatum, absolvuntur, vel dispensantur super occulta irregularitate, aut occulto matrimonii impedimento, verum pro foro conscientiae duntaxat. Eius caput est Cardinalis *Poenitentiarius Maior* dictus, cui subsunt Poenitentarii minores in tribus Ecclesiis, utpote Vaticana, S. Mariae Maioris, et Lateranensi, quibus data est facultas absolvendi a criminibus absolutioni Pontificiae reservatis. Cum vero sive absolutio, sive dispensatio, absentibus per literas concedatur, ideo plures isthuc pertinent officiales, tam maiores, quam subalterni eum in finem instituti, ut causas cognoscant, atque literas impertiantur. Cum ad hoc sacrum Tribunal dirigatur petitio, literae inscribendae sunt *Eminentissimo, ac RR. D. S. R. E. Cardinali*

dinali Maiori Poenitentiario. Intus autem, oratoris nomen genuinum, et cognomen, uti et Dioecesis reticeri debet. Quorsum vero, et ad quem dirigendum sit rescriptum, indicetur oportet; nam, si petitioni delatum fuit, ad hunc dirigetur responsum, eo cum mandato, ut ille, prius audita supplicantis Confessione Sacramentali, eundem Pontificis autoritate liberet a censura, vel impedimento, verum pro conscientiae duntaxat foro. Quapropter literae sunt mox abolendae, ne quod rei occultae vestigium superesse possit. s) Apud nos non Romam immediate, sed ad Vicariale officium diriguntur literae, quarum supplicatio ea prorsus forma scribi debet, quasi Romam dirigerentur.

§. CXLIV.

Cancellaria Rom.

Cancellaria Romana, collectio est personarum, quibus incumbit, Pontificis nomine litteras condere, scribere, ac expedire. Prae-

P

est

s) Optime hac de re Tiburtius in manuduct. ad praxim executionis literar. Sacrae Poenitentiariae, edit. Tirn. 1738.

est illi Cardinalis V. Cancellarius, plures ad-
sunt Officiales, alii *de maiori banco*, alii *de*
banco minori. Munus est utriusque, dubia
solvere, quae circa expeditionem literarum
Apostolicarum enasci possunt. Habet illa suas
agendi leges, quae sub nomine *Regularum*
Cancellariae veniunt. Exspirant cum quovis
Papa, et per novum Pontificem, pro volun-
tate, vel restringuntur, vel augentur. Nos,
qui nihil in Cancellaria Sanctissimi Patris o-
perandum habemus, de iis minimum sollici-
tos esse oportet. t)

§. CXLV.

Secretaria Brevium.

Secretaria Brevium, erecta est in subsi-
dium Cancellariae; quae sub cura *Secretarii*
Brevium, literas Apostolicas in forma Bre-
vium expedit, cum eiusdem Secretarii sub-
scriptione, nisi fuerint ad Reges, magnosque
Principes, aut in gravissimis negotiis con-
scri-

t) De his legatur Espen dissert. in Ius Can. novis-
simum §. 5. quae est inserta eius opp. T. VIII.
editionis ult. Venetae.

scriptae; quo casu, ab ipso Pontifice subscribuntur. u)

§. CXLVI.

Curiae officiales.

Postquam de Congregationibus Romanis, quatenus illae in reliquo orbe Catholico operantur, breviter egi, videtur ordo rei poscere, de officialibus quoque variis Curiae Romanae ut loquar. Sed praefixa quidem brevitatis, id prohibet: supervacaneum autem esse, hoc innuit, quod ex omnibus Curiae memoratae Officialibus, ferme soli apud nos hodie noti sint Protonotarii Apostolici; item Notarii Publici, quos tamen ipsos ignoraremus, nisi vetustiora patriae nostrae documenta, horum meminissent.

§. CXLVII.

Protonot. Apost.

Proto - Notariorum vetustissima est origo. Nam S. Clemens ab anno Christi 67. Roma-

P 2

nus

u) De omnibus hisce, legito Espen Iuris univ. parte I. tit. XXII. Atque post hunc prae ceteris Ies. Riegger, Institut. Iurisprud. Eccl. Pars I. §. 509. seqq.

nus Praesul, constituisse legitur in Urbe, septem Notarios, ad requirenda, diligenterque conscribenda SS. Martyrum acta. v) Ob cuius muneris excellentiam, dicti sunt *Proto-Notarii*, seu primi Notariorum; qui reddita etiam Ecclesiae Christianae plena pace, nihilominus perseverabant, in obsequium sedis Apostolicae gravibus distenti curis; w) ea propter in Curia Pontificis, Episcopos in sedendo praecedebant, usque ad Pium II. anno Christi 1452. electum, qui hos deinceps Episcopis cedere iussit. x) Hodie praecedunt in Capella Pontificis omnes Abbates, in adparatu sacro non adstantes. y) Alii *participantes* dicuntur, utpote gaudentes redditu sibi assignato, qui iuxta Constitutionem Sixti V. numerum duodenarium complent. Ceteri sunt *non participantes*, seu honorarii, vel titulares, numero indefinito. Primi ab

Or-

- v) Pagi in breviario Rom. Pont. T. I. pag. 10. w) Thomassin de vet. et nova Eccl. discipl. parte I. lib. 2. cap. 104. seqq. x) Teste Bened. XIV. de Syn. D. lib. 3. cap. 8. num. 3. y) Iuxta S. Rit. Congr. decr. 12. Febr. 1598. datum, ap. Maeri in Hierolexico, voce: *Protonotarius*.

Ordinariorum iurisdictione prorsus exempti sunt, iisque duntaxat ratione Beneficiorum, si quae in eorum Dioecesibus haberent, subduntur. z) Proximum ab Episcopis locum dignitatis habent. Munus eorum est, notandi, quae in Papae Consistoriis geruntur, et conficiendi instrumenta fide digna, si fuerint rogati. Facultatem habent quotannis creandi sex Doctores, in Urbe si fuerint, item creandi publicos Notarios; a) legitimandi rathos, ut fieri possint capaces haereditatum; ornamentis Pontificalibus utendi cum licentia praesentis Episcopi, et absque hac, si absit. b) Ceteros autem Protonotarios, non participantes, Concilium Tridentinum locorum Ordinariis, velut sedis Apostolicae delegatis subiecit. c) Post exortas autem, de sensu, et extensione huius decreti disceptationes, hodie literis Apostolicis, per quas collegio Protonotariorum quispiam adscribitur, haec

z) Benedict. XIV. cit. num. allegatis Leonis X. et Sixti V. Constitut. a) Iuxta constitut. Bened. XIV. *Inter conspicuos* 29. Augusti 1744. b) Marci cit. loco. c) Conc. Trid. sess. XIV. de reform. cap. 11.

haec semper additur clausula : *Citra exemptiones a Sacro Concilio Tridentino sublatas, ita, ut nedum qvoad criminalia, sed etiam qvoad civilia, subiaceas Ordinariis.* d) Habent autem ius extra Urbem Romanam rochetti, et mantelletti coloris violacei; non possunt tamen retinere annulum, quando celebrant Missam; ius quoque pilei super insignibus suis depingendi. Praecedunt Canonicos, dummodo hi non sint capitulariter congregati. e) Cum igitur Protonotarii, ceu dignitates, literas Apostolicas exeqvutioni mandare possint, f) id ipsum Protonotariis non participantibus est concessum. g)

§. CXLVIII.

Notarii Publici.

Notarios publicos, prioribus, de quibus nunc erat sermo, fuisse inferiores, inde patet, qvod hos ab illis creatos, fuerit memo-

ra-

- d) Ita testatur Bened. XIV. cit. cap. num. 5. e) Adducit decisiones S. Congr. Rituum hanc in rem Macri cit. loco. f) Ex cap. 11. de rescript. in 6. g) Plura de his, qvi scire cupit, ipsum diploma Protonotariale consulat.

ratur. Est autem Notarius publicus, *persona publica, per illum, qui summam habet potestatem, aut huius nomine per alium, adhibitis quibusdam solemnitatibus, eum in finem constitutus, ut actibus, quo par est, procedens modo, publicam conciliet fidem.* h) Hi ab Imperatoribus, et postquam negotia Ecclesiastica more civili tractari coeperant, etiam a Pontificibus constitui coeperunt. i) Ne tamen huiusmodi Notariorum imperitia cuquam noceret, daretque causam litibus, Tridentini Patres sapienter providerunt. k) Unicam nos Ungari habemus domesticam legem, de his quae sonat: utpote articulum 3. anni 1405. hoc pacto decernentem: *Ut nullus publicus Notarius in causis, quae inter duos laicos vertuntur, sive coram iudice Ecclesiastico, sive saeculari procurare audeat, vel*

- h) Definitionem hanc sumsi e disert. Ioh. Wilh. de Goebel de notariis cap. 2. quae est inserta Barringii clavi diplomaticae, pag. 27. edit. Hannoveranae anni 1754. i) Qualesnam eis facultates concedi soleant, lege ap. Espen Iuris Eccl. univ. parte 3. tit. 7. cap. 7. num. 15. k) Trid. sess. XXII. de reform. cap. 10.

vel ullatenus advocare, sed tantum in foro spirituali, seu Vicariorum curiis locum habeat, nec Nobiles, seu Viri Ecclesiastici, inquisitiones possint facere contra eos. Nomina vero notariorum, qui apud nos olim suo munere fungebantur, quantum ego detexi, inde ab anno Christi 1276. alias a me recitata fuerunt. l) Quo loco addideram, notatum esse ab aliis: Qvod e gremio Capituli Posoniensis, ad annum fere MDC. legi solitus fuerit huiusmodi Publicus Notarius, qui testamentis, litibusque nomen suum subscribebat. m) Qvod sane mirandum est. Veluti revera miramur iam, minimeque imitamur consuetudinem, libertati Hungariae, nimis patenter adversam. n)

§. CXLIX.

Episc. Literae Past.

Quamvis Pontifex Romanus, pro extensione potestatis suae in universos Christifideles, partim per se, partim Congregationum ad-

l) Hist. Eccl. R. H. amoenit. fascic. I. num. 4.

m) Bombardi in Topographia R. Hung. lib. 4.

cap. 1. §. 10. n) Lege Tripart. partis II. tit. 13.

adminiculo iisdem fidelibus praecipiat, dum est ita necessum: Non tamen obstat hoc supremæ potestatis exercitium, potestati Episcoporum, qui sicut in Synodis ab se celebratis, ita per Literas quoque Pastorales, vel proprio, vel Vicariorum suorum nomine exaratas, gregi Dominico ea, quæ Canonicis non obviant institutis, præcipere possunt. Et, cum vacante Episcopali sede, in curanda Dioecesi, succedat Capitulum Cathedrale, sequitur, huic eandem competere potestatem; quæ mox in Capitularem Vicarium transfer-
tur. (§. LII.)

§. CL.

Consuetudo, ut lex fiat.

Postquam de scriptis legibus, seu fontibus Ecclesiastici Iuris egi, de illa nunc lege loquor, quæ sine scripto, moribus utentium, tacitoque, aut expresso legislatoris consensu, auctoritatem consequuta, nomine *Consuetudinis* adpellatur, diciturque a Gratiano: *Ius quoddam moribus institutum, quod pro lege observatur, cum deficit lex.* o) Quæ defi-
nitio

o) Can. 5. dist. 1.

nitio cum aliis videatur imperfecta, quod nec causam efficientem legis, nec omnes eiusdem effectus complectatur, altera haec depromitur: *Ius, populi, vel Collegii moribus introductum, et ab eo, qui ius ferendi legem, aut condendi statuti potestatem habet, comprobatum.* Hinc sese fronte prima offert divisio consvetudinis in *universalem*, et *particularem*, prouti se exerit in universalem vel particularem duntaxat Ecclesiam, quae sibi legem agendi, vel omittendi fixit. p) Rursumque in consvetudinem *publicam*, et *privatam*. Illa ad causas, et negotia subditorum privata, haec ad causas, et negotia publica regulanda, et expedienda spectat. Omnis consvetudo, alias est secundum legem, quae hanc olim conditam, usu diuturno firmat, ac interpretatur. Quoniam consvetudo est optimus interpretes legum. q) Alia praeter legem est, quae ius novum antehac non existens, neque tamen contrariam existenti, intro-

- p) Can. 2. distinct. XI. et est notabilis Augustini sententia. Cap. 6. de consvet. Cap. 31. de elect. Cap. 3. de cogn. spirit. q) Cap. 8. de consvet.

introducitur. r) Denique alia contra legem est, quae ius inducit contrarium legi iam existenti, vel abrogando penitus, vel saltem ei derogando. s) Datur itaque consuetudo inductiva, quae normam agendi introducit, hactenus non usitatam. Quae, si vigentis antehac legis involvat correctionem, erit correctiva, si abrogationem, abrogativa. Datur denique consuetudo interpretativa. t)

§. CLI.

Requisita ex parte pop.

Ut consuetudo legis induat naturam, deponitur frequentia actuum uniformium, a maiore populi, vel si consuetudo particularis inducenda sit, a maiore Collegii parte positorem, nec interruptorum, sed neque coactorum etiam; verum qui profecti sint potius cum intentione, obligationem invehendi. u). Numerus actuum, et mensura temporis, quo actus illi perdurare debent ad obligationem inducendam, in Ecclesiastica lege neu-

r) Can. 7. dist. 11. s) Cap. 11. de consvet. t)

Legantur hae dist. ap. Decretalistas. u) Lege Maschat ad Lib. 1. decretal. tit. IV. qv. 2.

neutiquam determinatur; sed neque a Decretalists, verum e negotii qualitate, gravitateque, tum ex aliis insuper adiunctis, pro viri prudentis arbitrio, desumi debent. Sane, dum constiterit de consensu legislatoris, consuetudo suum illico pondus est habitura, v)

§. CLII.

Et ex parte Legislat.

Nam sine tali consensu, erit quidem facti, sed minime iuris consuetudo; cum stabilire ius nemo, praeter legislatorem possit. Neque ille tamen positivus esse debet, nam sufficere consensum interpretativum, aiunt. Qui praesumi non debet, ubi consuetudo est legis abrogativa, vel correctiva, si ratio, propter quam fuerat condita, subsistit. Quoniam legislator pro munere suo, legem in bonum commune latam, non abolere, verum tueri censendus est, quamdiu oppositum velle non manifestat. Quod alterum tunc fiet, si legislator, sciens agi contra legem, hanc tamen minime urgeat, cum possit, deturque

ur-

v) Idem ibidem.

urgendi occasio; vel id, quod contra legem actu fuerat, etiam probet. Speciatim: consuetudini, quam diximus inductivam, (§. CL.) legislator virtutem legis indere voluisse cognoscetur, si negotia, non iuxta consuetudinem peracta, reprobet, vel annullata velit; actionesve nulla vetitas lege, sed consuetudini contrarias, prohibeat, vel plectat. Haec adeo plana sunt, ut non indigeant uberiori probatione. Ut interpretativa consuetudo, (§. eod.) robur obtineat, quod ipsa lex habet, actus legem interpretantes, ut sint eidem conformes, fiantque cum assensu legislatoris, est necesse. Nec enim seu iudicis, sive legisperitorum interpretatio, sensum legi authenticum impertiri potest.

§. CLIII.

Eius autoritas.

Talibus munita requisitis Ecclesiastica consuetudo, ligat omnes Christifideles, inter quos, et pro quibus introducta fuit: ac idem, quod lex scripta, robur obtinet. Nam scriptura vim non tribuit legi, sed certam reddit voluntatem legislatoris; quae, si aliter
in-

innotescat subditis, perinde illos obligabit. Id quod leges Ecclesiasticae clamant. w)

§. CLIV.

E t r o b u r.

Quapropter tantum est robur legitimae consvetudinis, ut Canonis adinstar debeat observari; sententia contra hanc lata, sit irrita ipso iure; et non censeatur abrogata per clausulam: *Non obstante consvetudine*, nisi dictum fuerit: *Non obstante consvetudine contraria etiam immemoriali*. Quae tamen clausula generalis, particulares Ecclesiarum consvetudines non comprehendit, cum has legislator potuerit probabiliter ignorare. x) Generales vero consvetudines cum nosse censeatur, has per memoratam clausulam abolevisse, merito putandus crit. y)

§. CLV.

w) Can. 5. dist. 1. Can. 5. 7. 8. dist. XI. Can. 6. 7. 11. dist. XII. Cap. 2. 8. de consvet. Cap. 3. 4. eod. in 6. Cap. 3. de aetate, et qualitat. etc. Cap. 3. in Clement. Adde Conc. Trid. sess. VI. de reform. cap. 2. sess. XXII. cap. 3. cap. 9. et 11. Id denique supponebant Iulius III. et Pius IV. in Bulla resumptionis Concilii Trid. x) Cap. 1. de constit. in 6. y) Lege Remigii Maschat in-

§. CLV.

Irrationab. non valet.

Quoniam actus Iuri Divino tam naturali, quam positivo, itemque bono Ecclesiae contrarios, quicunque consensus Legislatoris, haud reddit licitos, ne secus dicenda sit Ecclesiastica potestas, instituta fuisse contra proprium finem; (§. II.) si cuiquam ex illis adversetur, non consuetudo erit, verum corruptela. Hinc reprobantur consuetudines contrariae fidei Catholicae; z) veritati; a) peccato faventes; b) Publico noxiae; c) Dei, et Sanctorum cultui contrariae; d) repugnantes decentiae; e) ex ambitione profectae; f) perturbantes Hierarchicum ordinem; g) disrumpentes nervum Ecclesiasticae disciplinae, et morum correctionem im-

stitut. Canonic. lib. I. tit. 4. qv. 3. z) Can. 6. 9. dist. VIII. a) Can. 4. 7. 8. dist. cit. Cap. 8. de sent. et re iudicata. b) Can. 1. dist. XLIV. Can. 15. caus. 1. qv. 3. Cap. 10. de consvet. c) Can. 1. caus. 16. qv. 6. d) Can. 2. dist. 3. de consecr. e) Cap. 10. de vita, et hon. Cler. f) Cap. 1. de consvet. in 6. g) Cap. 3. et 4. de consvet.

impedientes; h) quaecunque inducunt violationem censurarum, i) aut Ecclesiasticae libertatis; k) repugnantes aequitati; l) aut humanae legi, quae in lege naturali, vel positiva Divina, Bonove Ecclesiae fundantur. m)

§. CLVI.

Praeiud. et Stylus Curiae.

Consuetudo legitima hactenus exposita, ceu lex, habet locum extra iudicia, et in actibus iudiciorum; in quibus dum casus iidem, ratione prorsus eadem diiudicati sunt, tot repetitis vicibus, quot sufficere possunt probandae consuetudini legitimae, nascitur *praeiudicium*, quod vim obtinet legis, atque iudicibus exemplum praebet iisdem in casibus per-

- h) Cap. 5. et 7. de consvet. Cap. unico eod. tit. extrav. comm. i) Cap. 5. de censuris. k) Cap. 1. de consvet. Cap. 14. de elect. Cap. 10. de maiorit., et obed. Cap. 49. de sent. excomm. l) Cap. 30. de praeb.; et dign. m) Can. 1. 4. 5. dist. XI, Cap. 5. de iuramento calumn. Speciales casus enumerat Conc. Trid. sess. V. de reform. cap. 2. sess. XXIII. de reform. cap. 1. sub finem sess. XXIV. de reform. matrim. cap. 1. Ead. sess. decr. de reform. cap. 12.

perinde iudicandi, quando lex vel deficit, vel sic est ambigua, ut perpensis causae meritis, nihil prorsus inveniatur, quod movere iudicem in partem alterutram possit. Consuetudo autem illa, quae in ipsis iudicialibus scriptis, certarum vocum, formularumque usum introduxit, *Stylus Curiae* vocatur, ab iis utique servandus, qui sunt eiusmodi Curiae adscripti. Recte vero monuit quidam: Superioris, praecipue Ecclesiastici, est dare operam, ut ne introducatur Stylus Curiae, quo longiores morae iniiciantur causis in iudicio terminandis, partesque molestis ambagibus praegraventur. n)

§. CLVII.

Legis subiect. Legislator ipse.

Expositas legum Ecclesiasticarum species, pro ratione adiunctorum, observare tenentur omnes illi, qui ad Ecclesiam Christi spectant. (§. XIII.) A legibus igitur universalibus, Antistites singuli minime sunt exempti; nam utrobique sunt inferiores illo, qui

Q

le-

n) Ios. Riegger Institut. Iurisprud. Eccl. parte II.
§. CXIX.

legem tulit. Utrum tamen Pontifex Romanus non eximatur a lege Concilii, si quaeras: pendebit responsum a solutione quaestionis illius: num Papa sit inferior Concilio generali. (§. LXXXVI.) Saa ille profecto, vel decessoris lege stringi neutiquam potest; sibimet enim subiectus nemo est; successor vero eadem cum decessore gaudet potestate. o) Nihilominus tam universales, quam et antecessorum, propriasque leges, dum Ei perinde, ac ceteris Christifidelibus congruunt, aliis de causis ut observet, aequitas deposcere videtur. Etenim commune bonum postulat, ut cuncta societatis eiusdem membra vivant uniformiter, quando materia legis aequè omnibus congruit, et turpis est pars, quae a suo universo abluisse notatur. p) Postulat etiam utilis gubernatio, ut per legis observantiam, legislator subditis, huius sanctimoniam ostendat, neque doceat, primus hanc non observando, leges impune violari posse. q) Qvod ipsum, ob eandem rationem de

- o) Cap. 2. de elect., et electi pot. p) S. August. confess. lib. 3. cap. 8. q) Can. 4. 7. 19. caus. 25. qv. 2. et cap. 6. de constitut.

de ceteris quoque legislatoribus Ecclesiasticis intelligendum erit.

§. CLVIII.

Legis part. subiectum.

Leges particulares, intra sui duntaxat territorii fines obstringunt. Qveis omnes ibi Christifideles obsequi tenentur. Peregrini autem, et vagi, ne scandalum pariant, legem eius Ecclesiae, in qua versantur, ut observent, est necesse. r) Contractus autem, vel delicti ratione, legem loci, in quo ille celebratus, et istud commissum fuit, observandam quisque habet. s) At vero non obstringit peregrinos lex domestica; t) nisi praeceptio fuerit personam afficiens; cui etiam extra territorium adhaeret; vel actio peregrini, resve, circa quam operatur, sit intra limites patriae suae, ex qua discessit. u) Non tenentur etiam lege, quicumque sunt privilegiati, (§. CXXIII.) aut legitime dispensati. (§. CXXVIII.)

Q 2 §. CLIX.

r) Can. 11. dist. XII. s) Cap. ult. de foro compet. t) Cap. 2. de constitut. in 6. u) Cap. 11. de Cler. non residentib.

§. CLIX.

Interpres legis.

Cum leges Ecclesiasticas quandoque contingat esse dubias, vel obscuras: ut latens ibi mens legislatoris, quae est legis anima, cognosci possit, et legem ferentis adimpleri voluntas, expendenda sunt verba legis, et ratio, propter quam illa condita fuit. Iuxta haec qui sensum legis exponit, eam dicitur interpretari. Est autem interpretatio, *determinatio sensus genuini legis*, vel *explicatio sensus in lege contenti*. Haec alias *authentica* est, quae fit ab ipso legislatore per rescriptum instar iuris publicatum, v) habetque virtutem legis, cum proficiscatur ab eo, cui est potestas ferendae legis, et explicandae in sensu, in quo vult illam per alios observari. Alia est *usualis*, quae sensum dubiae legis e consuetudine sumit, velut optimo interprete legum, w) obsequendi necessitatem inponente. (§. CL.)

§. CLX.

v) Cap. 31. de sent. excomm. w) Cap. 8. de consuetud.

§. CLX.

Etiam doctor. sent.

Legitur etiam doctrinalis interpretatio, quae fit a peritis legum. Alia scilicet declarativa est, quae verba dubia, et obscura explanat. Alia extensiva, quae legem a casu expresso, ad non expressum, et a persona extendit ad personam; quod tunc fit, quando ratio legis dubiae, latius patet, quam verba. Denique restrictiva, quae casum particularem eximit a lege universali; quod fit, cum verba legis patent latius, quam pateat ratio, propter quam lex condita fuit. Haec sane interpretatio doctrinalis, vi legis caret, cum non procedat a legislativa potestate. Nec tamen vetatur, modo suos intra terminos fiat; nisi legislator expresse vetuerit cuiusdam legis interpretationem; id quod fecit Pius IV. Pontifex decernendo, ne quis sine Pontificis auctoritate ullos commentarios, glossas, annotationes, scholia, ullumve omnino interpretationis genus super Tridentini Concilii decretis quocumque modo edere, aut quidquam quocumque nomine, etiam sub praetextu maioris decretorum corroborationis, aut execu-

tio-

tionis, aliove quaesito colore statuere praesumat. x) Temerarius esse putabitur nihilominus, quicumque depromptam a doctis unanimiter, cuiusdam legis explanationem, contemnet.

§. CLXI.

Observando quaedam.

Doctrinalis istius interpretationis quaedam regulae proferuntur, in lege scripta maximam partem fundatae. I. Posita eadem ratione legis, eadem huius dispositio supponenda. y) II. Cessante finali, et adaequata ratione legis, haec quoque cessat. z) III. Generalis, ac indefinita lex, generaliter est intelligenda. Nam ubi lex non distingvit, nec nos distinguere debemus. a) IV. Quae lex limitat legem universalem, confirmat eandem respectu casuum, et hominum non exceptorum, ne secus nihil operetur. V. Lex fa-

- x) In Bulla, quae incipit: *Benedictus Deus*. data sept. Kal. Febr. 1563. legiturque in fine Conc. Trid. y) Cap. 2. de translat. cap. 6. de verb. signif. z) Cap. 6. de appellat. a) Cap. 2. de privil.

favorabilis cum extensione, sed odiosa cum restrictione debet explanari. b) Censetur autem lex favorabilis esse, cum utriusque partis aequalem facit conditionem, vel communem spectat utilitatem; odiosa, quae partem unam duntaxat, vel magis unam, quam vero alteram gravat; aut quae poenam comminatur, vel actum irritum declarat. c)

§. CLXII.

Lex desinit per se, vel autor.

Quaecunque legis mere Ecclesiasticae species, desinere potest. omnimode, vel per se ipsam, desinente videlicet fine, aut materia, et est cessatio legis; vel per auctoritatem, alias derogando, quum illa diminuitur: alias abrogando, cum penitus aboletur. Quam potestatem legislatori, vel eiusdem successori, nemo negaverit, modo succedat cum pari potestate; quoniam omnis res, per quascunque causas nascitur, per easdem dissolvitur. d)

Est

b) Cap. 15., et 49. de reg. iuris in 6. c) Plures interpretandi regulas legito ap. Remig. Maschat in institut. Can. Lib. I. tit. 2. §. 6. d) Cap. 1. de reg. iuris.

Est autem perinde, seu legislator per seipsum, sive per alium quempiam ab se destinatum, hac usus fuerit potestate. Nam potest quis per alium, quod potest facere per seipsum. e) Desinit quoque lex per consuetudinem contrariam, si haec vim legis consecuta fuit. (§. CL. seqq.) In casu vero singulari, per concessionem privilegii, (§. CXXIII.) vel dispensationem. (§. CXXVIII.)

§. CLXIII.

Universalis quomodo?

Ut lex universalis universim, aut in casu particulari desinat, ille solus efficiet, qui universalem habet potestatem. Haec vero competit Concilio generali, (§. LXXXIII.) atque Pontifici Romano. (§. CX.) Consuetudo praeterea generalis opposita legi, dum ipsa legis induit naturam, sibi oppositam penitus irritam facit. (§. CLIII.)

§. CLXIV.

§. CLXIV.

Utrumne Epp. autoritate?

Ceteros Ecclesiarum Antistites, extra propriae Ecclesiae terminos, hac potestate ne-
 tiqvam gaudere, clarum est. Quaeritur ve-
 ro, utrum necessitatis, vel magnae utilitatis
 causa, proprios fideles, in generali lege Ec-
 clesiastica dispensare possint? Negatur id a
 multis, quoniam superioris lex tolli per in-
 feriores haud potest. f) Ut proinde vel de-
 legatione superioris indigeant, (§. CLXII.)
 vel eius tacita consensione: quae discenda ex
 consuetudine erit. Nisi difficilis foret ad
 Papam recursus; nam tunc urgente gravi ne-
 cessitate, dispensationem ab Episcopo conce-
 di posse, docent unanimiter Canonum Do-
 ctiores. Volunt alii contra, habere istud a-
 gendi potestatem Episcopos in propriis Eccle-
 siis, ceu fluentem e potestate regendi: ne
 secus iugum Christi nimis durum evadat, ho-
 minesque nonnumquam laqueis conscientiae
 involvantur. Id, quod ex usu quoque veteri
 ni-

f) Cap. 15. de temp. ordinat. Cap. 2. de elect. in
 Clem. Cap. un. de relig. domib. extrav. Io, XXII.

nituntur confirmare, dispensationes enumerando factas a Praesulibus, nullo ad Pontificem facto recurso. g) Addunt confirmationis amplioris causa, huiusmodi rationem: etiamsi Pontifex inferior supponatur esse Concilio generali, (§. LXXXVI.) ille tamen in lege huius dispensare potest, ubique gentium, propter datam sibi a Christo in Ecclesia universali potestatem; igitur etiam Episcopi, quamquam inferiores Pontifice, possunt dispensare intra Dioecesim propriam, cum iis intra hanc data sit perinde a Domino gubernandi potestas. Nihilominus etiam isti tam amplae potestatis defensores, excipiunt leges, quae ipsas adtinent Episcoporum personas; nam in huiusmodi legibus facere gratiam, esset idem, ac sibi met veniam indulgere, atque legitimi Superioris mandata, pro arbitrato suo declinare. h) Ceterum ista qualitercumque se habeant in theoria: magno tamen verborum adparatu hortari Praesules, ut semet in pristinum hoc ius reponant,

- g) Petr. de Marca Lib. V. cap. 3. 4. 8. 9. Eybel
 introduct. in ius Eccl. T. IV. §. 179. seqq. h)
 Cap. 2. 15. de temp. ordinat.

nant, i) non satis videtur hodie consultum. Nam, si necessitas, magnave utilitas Ecclesiae deposcat legis dispensationem, satis est huic provisum. Velle autem iura turbare dudum inolita, quae pacem Ecclesiae neutiquam perturbant, est forsitan verbis propugnatam caritatis unitatem, convellere facto.

i) Eybel cit. op, et T. §. 197.

CAPUT III.

De fontibus remotioribus Eccles. Iuris.

§. CLXV.

Eccel. pot. n. pendet a Civ.

Enarrata hactenus, propugnataque potestas Ecclesiastica, nullatenus a Civili dependet. Nam altera ab altera, obiectis, fine, mediisque differt. Illius obiecta mere sunt spiritualia; (§. VII.) talis est pariter eiusdem exercendae finis; (§. VIII.) medium aequè haec adurgendi, lene, ac spirituale. (§. XII.) Potestatis vero civilis obiecta, sunt res, et actiones hominum, quatenus diriguntur ad felicitatem in praesente vita habendam. Iam itaque finis etiam notus est; media vero corporalia, dumque res deponit, etiam violenta. Quod, si hoc argumentum tibi minime sufficit, habeto alterum: Ecclesiastica potestas, nequaquam aliis, verum Episcopis a

Do-

Domino collata fuit; (§. VI. XX. XXVI. XXVIII.) et his ceteri quique in rebus spiritualibus, habent obsequendi necessitatem. (§. XIII.) Contestata fuit istud antiquitas veneranda; cuius autoritate tanto fidentius meam rem tueri ausim, quod nostra hac aetate permulti, unam, ac solam vetustatem ingeminaverint, et, si non serio, certe verbis, sacra omnia, huic uni conformanda esse, clamitarint. En igitur vetustatem! Osius Cordubensis Episcopus, Imperatori Constantio, persecutori Catholicorum scribebat: *Tibi Deus imperium commisit, nobis, quae sunt Ecclesiae; concredidit. Et quemadmodum, qui tuum imperium malignis oculis carpit, contradicit ordinationi Divinae, et tu cave, ne, quae sunt Ecclesiae, ad te trahens, magno crimini obnoxius fias. Date, scriptum est, quae sunt Caesaris, Caesari, et quae sunt Dei, Deo. Neque igitur fas est nobis in terris imperium tenere, neque thyriacum, et sacrorum potestatem habes Imperator.* k) Gelasius I. anno Christi 492. ele-

k) Ap. S. Athanas. in ep. ad. solitariam vitam agentes.

electus Pontifex, Anastasio Imperatori Graeco, faventi Eutychianis ista scripsit: *Duosunt, Imperator Auguste! quibus principaliter mundus hic regitur: auctoritas sacra Pontificum, et Regalis potestas. - - - Si enim, quantum ad ordinem pertinet publicae disciplinae, cognoscentes imperium tibi superna dispositione collatum, legibus tuis ipsi quoque parent Religionis Antistites, ne vel in rebus mundanis, exclusae videantur obviare sententiae: quo, rogo, te decet affectu eis obedire, qui pro erogandis venerabilibus sunt attributi mysteriis? 1)* Symmachus vero Pontifex, in apologia, contra eiusdem Anastasii calumnias, post annum Christi 503. scripta, dicebat: *Conferamus autem honorem Imperatoris cum honore Pontificis; inter quos tantum distat, quantum ille rerum humanarum curam gerit, hic Divinarum. Tu Imperator a Pontifice baptismum accipis, sacramenta sumis, orationem poscis, benedictionem speras, poenitentiam rogas. Postremo, tu humana administras, ille Divina dispensat. Itaque, ut non dicam superior, aequalis*

1) Ap. Grat. can. 10, dist. XCVI.

lis honor est. Gregorius II. ad Leonem Isauricum, anno Christi 717. electum Imperatorem orientis, sacrarumque imaginum persecutorem, haec scripsit: *Scis Imperator! sanctae Ecclesiae dogmata non Imperatorum esse, sed Pontificum, quae tuto debent praedicari. Idcirco Ecclesiis praefecti sunt Pontifices, a Reipublicae negotiis abstinentes, ut Imperatores similiter ab Ecclesiasticis abstineant, et quae sibi commissa sunt, capessant.* m) Idem confessi erant Imperatores, qui per se, vel per legatos, Conciliis universalibus interfuerunt. (§. LXXIX.)

§. CLXVI.

Nec civilis ab illa.

Cuncta, quae nunc, et iam alias (§. IX) adducta fuere, demonstrant: nec civilem potestatem ab Ecclesiastica dependere. Illa vero, quae olim de indirecta potestate Romani Pontificis in temporalia, disputabantur, n)

ceu

m) Ap. Petr. de Marca Lib. II. cap. 1 §. 6. n) Lege, nisi taedeat, Dupin de antiq. Eccl. disciplina diss. VII. Ioann. Obstraet de loc. Theol. dissert. V. qv. 3. Valentini Eybel Introd. in Ius Eccles. T. II. lib. 1. cap. 2. seqq.

ceu nulli iam usui futura, atque etiam aeternae tradenda oblivioni, sponte hic tacitus praetermitto.

§. CLXVII.

In profanis huic paret illa.

At silentio praeteriri nequit assertio, nec integritati fidei, nec auctoritati Ecclesiae noxia: dum Hanc quoad membra, quae sinu suo complectitur, subiectam dicimus profanae civitati. Nam omnes Christiani, quicumque sunt in Republica, et communibus eiusdem iuribus fruuntur, non possunt non haberi cives, cum iuxta vetus Optati Milevitani, sub annum Christi 350. mortui dictum, non Respublica in Ecclesia, sed Ecclesia sit in Republica; o) quatenus in Rempublicam antea iam existentem, recepta fuit Religio Christiana; neque legatur Servator Dominus voluisse, ut illi, quos adlegit in suam societatem, non sint membra societatis profanae. Ex origine proin, atque natura societatis Christianae, minime sequitur, ut vel omnes, vel quidam in hac societate existentes,

o) Contra Parmenianum Donatist. Lib. III. cap. 3.

tes, quoad negotia profana, civili potestati ne subiiciantur. Imo vero, subiectos esse, docuit B. Petrus Apostolus, monendo fideles: *subiecti igitur estote omni humanae creaturae propter Deum: sive Regi, quasi praecellenti, sive Ducibus, tamquam ab eo missis in vindictam malefactorum, laudem vero bonorum. Quia sic est voluntas Dei, ut bene facientes, obmutescere faciatis imprudentium hominum ignorantiam.* p) Paulus vero Apostolus, qui ipse ab iniqua sententia iudicis adpellaverat ad Caesarem: q) Romae degentibus Christianis, absque discrimine personarum inculcabat: *omnis anima potestatibus sublimioribus subdita sit: non est enim potestas nisi a Deo: quae autem sunt, a Deo ordinatae sunt. Itaque qui resistit potestati, Divinae ordinationi resistit. Qui autem resistunt, ipsi sibi damnationem acquirunt. Ut autem videas, de civili hic potestate sermonem esse, audi prosequentem: nam Principes non sunt timori boni operis, sed mali.* r) Perinde sensit antiquitas vene-

R

ran-

p) Ep. 1. Cap. 2. v. 13. 14. q) Actor. XXV. 11.

r) Cap. XIII.

randa, post aetatem Apostolorum. Aiebat enim Tertullianus ad Scapulam Christianos in Africa persequentem: *colimus Imperatorem sic, quomodo et nobis licet, et ipsi expedit, ut hominem a Deo secundum, et solo Deo minorem. Hoc et ipse volet: sic enim omnibus maior est, quum solo Deo minor est.* s) S. Athanasius fraude Arianorum pulsus in exilium a Constantino Imp. scribebat eidem: *nequaquam obstiti pietatis tuae mandato, absit: non tanti quippe sum, ut obstitam vel Quaestori Urbis: nedum tanto Imperatori.* t) Lucifer Antistes Calaritanus, hoc modo alloquebatur Constantium Imperatorem: *quia dicis, nos debere tibi obsequi; scito, quia non tibi soli, sed et omnibus nos in sublimitate degentibus, novimus esse debitores. Dicit enim Apostolus: admone illos, Principibus, et Magistratibus subditos esse, obediens, ad omne opus paratos. Admonet ergo nos esse debere subditos in bonis operibus, non in malis.* u) S. Ioannes Chrysostomus Praesul Constantinopolitanus, in verba
 S.

s) Ad Scap. cap. 2. t) Apolog. ad Constant. num.

19. u) Marca de concord. Lib. II. cap. 7.

S. Pauli mox allata, hoc modo fuit commentatus: *ostendit, quod ista imperentur omnibus, et Sacerdotibus, et Monachis, non solum saecularibus: id quod statim in ipso initio declarat, cum dicit: omnis anima potestatibus sublimioribus subdita sit; etiamsi Apostolus, etiamsi Evangelista, sive Propheta, sive quisquis tandem fuerit: neque enim pietatem subvertit ista subiectio.* v) Sed quid est, cur ego haec, propter scholastica nonnullorum praeiudicia, subtimide proferam? quando assertum Hungaricae leges allatae nuper, (§. Cl.) atque deinceps loco suo memorandae, confirmant.

§. CLXVIII.

Etiam quoad Bona temp.

Porro, sicut personarum Ecclesiasticarum subiectio, intelligenda est salvis libertatibus, quae per Christianos Principes, intuitu Religionis datae sunt Eius ministris, ita et subiectio bonorum temporalium, quaecunque Ecclesia tenet. Verum seclusa huiusmodi libertate, communibus illa Reipublicae oneri-

R 2

bus,

v) Hom. XXIII. super ep. ad Rom.

bus, pro more cuiusque regionis, obnoxia esse, probant non pauca. Nullibi Christus exemit Ecclesiam ab isto subiectionis onere, qui pro se, ac Petro Caesari tributum persolvit. w) Non exemptam ab hoc onere Ecclesiam ulla Divina lege, confitentur Sancti Ecclesiae Patres, et Ecclesiae magistri. Nam Iustinus ad Impp. sic aiebat: *illud etiam studio nobis est, ut vectigalia, et census iis, quibus hoc munus commisistis, primi omnino pendamus, quemadmodum a Christo instituti sumus.* x) Sanctus Ambrosius, ad illud Christi factum respiciens, quod antea commemoravi, sic aiebat: *si Christus non habuit imaginem Caesaris, cur dedit censum? Non de suo dedit, sed reddidit de mundo, quod erat mundi: et tu, si vis non esse obnoxius Caesari, noli habere, quae mundi sunt. Sed si habes divitias, obnoxius es Caesari. Si vis nihil debere Regi terreno, relinque omnia tua, et sequere Christum.* y) Idem alibi: *si tributum Imperator petit, non negamus: agri*
Ec-

w) Matth. XVII. 26. x) Apol. I. num. 7. y) Commentar. in Lucam lib. X. cap. 20.

Ecclesiae solvunt tributum. z) S. Avitus Episcopus Viennensis, vita functus anno Christi 525. sic erat ingenue confessus Regi Childeberto : *quidquid habet Ecclesia mea , imo omnes Ecclesiae , vestrum est , de substantia , quam vel servastis hactenus , vel donastis.* a) Qvi vero ante hunc ad Superos evolavit, S. Augustinus Hipponensium Praesul , omnem possessionem ad Principis favorem retulit, talibus sententiis : *quo iure defendis villas Ecclesiae? Divino , an humano? Divinum ius in Scripturis habemus , humanum ius in legibus Regum. Unde quisque possidet , quod possidet? Nonne iure humano : nam iure Divino , Domini est terra , et plenitudo eius. Pauperes , et divites Deus , de uno limo fecit , et pauperes , et divites una terra supportat. Iure tamen humano dicitur , haec villa mea est , haec domus mea , hic servus meus est. Iura autem humana , iura Imperatorum sunt : quare? quia ipsa iura humana per Imperatores , et Reges saeculi , Deus distribuit generi humano. - - - Nolite dicere : quid mihi,*
et

z) Orat. contra Auxentium Arianum num. 33. a)
Epist. 39.

et Regi? Quid tibi ergo, et possessioni? Per iura Regum possidentur possessiones. Dixisti, quid mihi, et Regi? Noli dicere possessiones tuas, quia ipsa iura humana renuntiasti, quibus possidentur possessiones. b) Pluribus isthic praetermissis, c) unum hoc ne dissimuletur: Bona, quae nunc Ecclesia tenet, favori vel Principum, vel privatorum deberi; quorum dominio utili quamquam se tunc exuerint; quia tamen illa e gremio Reipublicae profanae haud subtraxerunt; quemadmodum illa Huius indigent protectione, ita necessitatibus quoque eiusdem subservire debent. Qvodsi leges praeterea Hungaricas ad firmandum isthoc assertum poscas: iam illae partim allatae sunt, (§. CL.) partim alibi proferentur.

§. CLXIX.

Hinc nexus Reip. utriusq.

Quamvis Ecclesia Christiana spectato fine, cuius gratia condita est, (§. II.) ab aliis hominum societatibus differat, et neutra

Res-

b) Tract. VI. ad cap. 1. Ioann. vide integrum eius textum ap. Grat. Can. 1, dist. VIII. c) Vide

Respublica pendeat ab altera: (§. CLXV. et seq.) ex eo tamen, quod Christiani, simul membra sint civilis Reipublicae, cui tenentur obedire; (§. CLXVII.) et quaecumque temporalia possidet Ecclesia, in medio Reipublicae sint, ac sub huius protectione: (§. praec.) nascitur intimus inter sacram, atque profanam Rempublicam nexus. Quem reddit arctiorem eius Religionis in societate civili necessitas, quae Deum proponit gubernatorem huius universi, remuneratorem virtutis, vindicemque peccati; ut ita cives habeant constanter stimulos agendi, quae promoveant publicam felicitatem, et quaecumque huic obstant, etiam tunc vitandi, cum nullus adest actionum testis, nec ulla timetur externa, propter legis transgressionem poena. Quae item Religio docet vitare libidinem, fugere odium, invidiam, ceteraque corruptionis humanae monstra: ut ita, quicumque huius fuerint legibus obsequuti, sint placidi in profana Republica cives; legitimae potestati obsequentes, suum reddentes cuilibet; conc-

Can. 28. caus. 11. qv. 1. Item can. 22. caus. 23. qv. 8. Petri de Marca Lib. II. cap. 7.

civium, et patriae studiosi; felicemque, imo beatam hoc pacto Rempublicam reddant. Quae omnia in societate Christiana, magnopere inculcari, usque adeo perspectum est, ut non indigeat probatione.

§. CLXX.

Et Civit. in Eccl. influxus.

Cum Ecclesia Christiana, sit hominum societas, in Civitatem recepta, quae in re civili non praecipit, verum obsequitur; (§. CLXVIII.) eius, qui alteri huic summa cum potestate praeest, intererit prospicere diligenter, ne fors ex accidente causa, id, quod per potestatem Ecclesiasticam in re, substantiam Religionis haud adtingente, constitutum est, debetque semper innatam habere conditionem hanc: *si ita salus Civitatis*, (§. praec.) *iusque alienum patitur*; (§. XV.) cum bono civilis Reipublicae, quoquo modo collidat. Sunt praeterea, quae numquam probata, per hominum ignorantiam, sub Religionis pallio non infrequenter subrepunt. Haec, si noceant societati civili, ab huius potestate suprema, cui salus populi, lex esse praecipua de-

debet, optimo iure vetabuntur. Atque istud adpellant hodie, *ius supremæ inspectionis*, quod situm est in potestate cognoscendi omnia, quæ in regno, vel provincia, per quemcunque geruntur, dandique simul operam; ne quid per hæc detrimenti Respublica patiatur. Sane caecutit in rebus Hungaricis, quicumque maiores nostros, hoc iure diligenter usos fuisse, penitus ignorat. Nam illa, quæ iam insinuata sunt, (§. CL.) et quæ deinceps narrabuntur, cum de iuribus, et obligationibus supremæ potestatis civilis loquar, adsertum confirmant.

§. CLXXI.

Protegendique obligatio.

Nec vero minus eidem supremæ potestati civili ius est, aut obligatio minor, Religionis, et Ecclesiae ipsius Christianæ, ceu felicitatem externam promoventis (§. CLXIX.) beatitatem, in fidei, et caritatis unitate locatam, (§. VIII.) solerter promovendi, tuendique: nihilominus adminiculo temporali, non autem spirituali, cum potestate, quam Ecclesia sola duntaxat a Christo consequuta fuit.

fuit. (§. XX.) Profecto, quisquis finem rei muneris suo creditae assequendi ius habet, et simul obligationem, finem hunc prosequendi: is media quoque ad consequutionem huius sui finis necessaria prosequi, et potest, et debet. Cum igitur supremæ potestatis in Republica civili, proprium sit munus, felicitatem huius suae Reipublicae tuendi, promovendi: Religionem quoque, ceu adminiculum huius felicitatis tam obtinendae, quam conservandae, protegendam habebit. Quamobrem, sine periculo transgrediendi proprios limites, utraque potestas, spectata finium diversitate (§. CLXV.) ad easdem actiones dirigendas, vetandas, puniendasve concurrere potest. Spiritualis, quatenus actiones felicitatem spiritualem concernunt: temporalis vero, quatenus eadem actiones, ad civilem populi salutem spectant. Leges S. Stephani, Ladislai, et Colomani; tum praeter alios, quos hic adducere possem, art. 5. et 6. 1548. art. 12. et 13. 1550. nec non art. 31. 1563. probant abunde, exercitum fuisse in patria nostra perpetuis temporibus, a potestate suprema ius istud; quod more hodierno,

no,

no, *Ius advocatiae Ecclesiasticae*, seu tutelae, ac publicae defensionis, compellatur.

§. CLXXII.

Probante sacra antiquit.

Nec vero ex hoc uno capite fluit, tam ius, quam obligatio protegendae Religionem; sed quod praeterea supremae potestates Christo nomen dederint, atque hoc pacto Religionis Christianae susceperint protectionem singularem; id, quod antiquitas nimis quam aperte docet. Nam S. Leo M. Pulcheriae Marciani Imperatoris coniugi anno 450 scribebat: *res humanas aliter tutas esse non posse, nisi quae ad Divinam confessionem pertinent, et Regia, et Sacerdotalis defendat auctoritas.* d) Idemque ad Leonem Imp. successorem Marciani: *Debes incunctanter advertere, Regiam potestatem tibi, non solum ad mundi regimen, sed etiam maxime ad praesidium Ecclesiae esse collatam, ut ausus nefarios comprimendo, et quae bene sunt*

d) Ap. Gret. can. 21. caus. 23. qv. 5. Consule Petri de Marca Lib. II. cap. 12. §. 1. Lib. IV. cap. 1. §. 3.

sunt statuta, defendas, et veram pacem iis, quae sunt turbata, restituas. e) Aiebat etiam Augustinus: *in hoc Reges, sicut eis divinitus praecipitur, Deo serviunt, in quantum Reges sunt, si in suo regno bona iubeant, mala vero prohibeant, non solum quae pertinent ad humanam societatem, verum etiam, quae pertinent ad Divinam Religionem.* f) Hoc sibi muneris incumbere contestati sunt Principes orthodoxi. Nam Constantinus publica reddens acta Concilii Nicaeni I. inter alia scribebat: *in hoc praecipue mihi elaborandum esse existimavi, ut sanctissimis Ecclesiae Catholicae populis, una fides, sincera caritas, et consona erga omnipotentem Deum Religio servetur.* g) Non est autem ovum similius ovo, quam sint effata legislatorum nostrorum eleganti huic magni Caesaris dicto. Nam primus Rex Stephanus, haec palam inculcabat filio Emerico: *quoniam ad regalis dignitatis ordinem, non oportet nisi fideles, et Catholica fide imbutos accedere; idcirco sanctae fidei in nostris mandatis pri-*

mm

e) Epist. 75. f) Lib. III. contra Crescon. cap. 51.

g) Euseb. de vita Const. M. Lib. III. cap. 17.

mum damus locum. Inprimis praecipio, con-
 sulo, svadeo, fili carissime, si regalem cu-
 pis honestare coronam, ut fidem Catholicam,
 et Apostolicam, tali diligentia, et custodia
 conserves, ut omnibus tibi a Deo subiectis,
 exemplum praebeas, cunctique Ecclesiastici
 viri, merito te verum Christianae professio-
 nis nominent virum, sine qua pro certo scias,
 Christianus non diceris, vel Ecclesiae filius. h)
 In Regali quidem palatio, post fidem, Ec-
 clesia secundum tenet locum. - - Haec autem
 fili carissime in nostra Monarchia adhuc qua-
 si iuvenis, et novella praedicatur; atque id-
 circo cautioribus, evidentioribusque eget cu-
 stodibus, ne bonum, quod Divina clementia
 per suam immensam clementiam nobis con-
 cessit immeritis, per tuam desidiam, et pi-
 gritiam, atque negligentiam destruat, et an-
 nihiletur. i) Regium solium ornat ordo Pon-
 tificum; ac per hoc in Regali dignitate ter-
 tium possident locum Pontifices. Charissime
 fili, seniores illos ita custodias, sicut oculo-
 rum pupillas. k) Par fuit Ordinum Regni,
 unaque primi ex Augusta Domo Austriaca
 Re-

h) Decr. L. I. c. 1. i) Ibid. cap. 2. k) Ib. cap. 3.

Regis Apostolici Ferdinandi I. anno 1548. art. 5. facta contestatio: *omnes Ordines et status Regni, una voce sentiunt, cultum Divinum, et religionem, ad pristinam normam esse redigendam, et haereses undique tollendas, iuxta admonitionem suae Regiae Maiestatis.* Moxque articulo sequente, Religionis magistros constitui praeceptum, *ut ubique vetus Religio, pristinusque Dei cultus restituatur.* Parem leges contestationem in Comitibus Regni Hungariae, anno 1741. articulo 46. expressam. Qvodsi non iam politicam, (§. praec.) sed Religionariam postules causam obligationis memoratae, adest haec sine mora. Nimirum suprema in Republica civili potestas, supremus est Paterfamilias, cui per legem Divinam praecipitur, ut procuret suorum, non modo temporalem, sed spirituales quoque felicitatem. Paulus enim Apostolus dixit: *si quis autem suorum, et maxime domesticorum curam non habet, fidem negavit, et est infideli deterior.* 1) Quae non de temporali tantummodo, sed multo etiam magis, de cura spirituali est intelligendum, si,

1) 1. Tim. V. 8.

si, iuxta dictum Servatoris, anima plus est, quam esca. m) Qvare Concilium Tridentinum, Ecclesiasticam disciplinam, in populo Christiano restitui, et restitutam conservari peroptans, saeculares quoque Principes officii sui admonendos esse censuit, *confidens, eos, ut Catholicos, quos Deus sanctae fidei, Ecclesiaeque protectores esse voluit, ius suum Ecclesiae restitui, non tantum esse concessuros, sed etiam subditos suos omnes ad debitam erga Clerum, Parochos, et superiores Ordines reverentiam revocatu-ros.* n)

§. CLXXIII.

Hinc Constit. Impp. circa Sacra.

Ex illa sollicitudine, procurandi bonum Religionis, et Ecclesiae, quam sibi Christiani Principes incumbere noverant, seqvebatur cura edendarum constitutionum, quae negotia utriusque concernunt; magnam partem illatae codici, qui *Theodosianus* adpellatur, quoniam Theodosii II. Imperatoris iussu, anno Christi 438. e Constantini M. succedentiumque Imperatorum constitutionibus, diligenter

m) Matth. VI. 25. n) Sess. XXV. de ref. cap. 20.

genter collectus fuit. Integer liber sextus decimus, de religione, obiectisque religiosis tractat. o) Sequutum est volumen, quod hodie *Corpus Iuris Civilis* adpellamus, Iustini Imp. voluntate compilatum, e legibus Caesarum, qui Theodosium sequuti erant, et anno Christi 529. iuris publici factum. p) Cuius ceterae partes negotia mere civilia tractant; dictus vero speciatim *Iustiniani Codex*, libro primo per integros tredecim titulos, de rebus ad Religionem pertinentibus agit. In *novellis* quoque, sic dictis eiusdem Imperatoris constitutionibus, quae in eodem volumine quartum tenent locum, reperias in collatione prima, pluribusque deinceps, Ecclesiastica negotia tractari. q) Vagantes extra haec volumina constitutiones, quae Religionem, et Ecclesiam Christianam adtinent, quam

- o) Sex tomis comprehensus, cum commentar. Dionys. Gothofredi, et observat. Io. Dan. Ritteri, editus est Lipsiae 1736 - 45. p) E literis Iustin. Imp. insertis historiae volumini praefixae. q) Editum est *Corpus Iuris Civilis* a Gothofredo iam nominato an. 1583. Post plures editiones, exstat Francof. ad Moenum anni 1663.

quam Germanicorum praesertim Imperatorum, usque ad Mathiam, annumque 1612. privata solum autoritate, nec debito semper cum examine collectas, quatuor voluminibus complexus est Melchior Goldastus, ac typis vulgavit. r) Deinde, hos ante quadraginta ferme annos, vir celeberr. Paulus Jos. a Riegger, edidit *Corpus Iuris publici, et Ecclesiastici Germaniae Academicum*; quo complexus est Imperatorum constitutiones Ecclesiam adtinentes, inde ab Henrico V. et anno 1122. usque ad Iosephum II. annumque Christi 1764. s) Vulgavit idem *Corpus Iuris Ecclesiastici Bohemici, et Austriaci Academicum*, cui sunt insertae Ferdinandi I. II. et III. Leopoldi I. Iosephi I. Caroli VI. et Mariae Theresiae constitutiones, quae Religionem, eiusque Ministros concernunt: t) Omnes istae collectiones ideo memoratae sunt, quod usus earum sit non rarus in Iure Ecclesiastico; quodque Gratianus multa habeat inserta volumini suo, e civili Iure; ipsique Romani

S

Pon-

r) Francof. 1615. s) Prodiit Viennae typis Trattenianis anno 1764. t) Prodiit Viennae typis Kurzböckianis anno 1770.

Pontifices in rescriptis, non pauca exinde fuerint mutuati.

§. CLXXIV.

Capitul. Reg. Franc.

In edendis huiusmodi constitutionibus, memorandi sunt imprimis Francorum Reges, qui has sub nomine *Capitularium*, in Comitibus edebant, consentientibus ibi Praesulibus, et Ordinibus Regni. Prima horum, sub Carolo M. et Ludovico Pio conditorum, facta est collectio ab Ansegiso ad annum Christi 827. tum nova, auctaque ad annum 845. a Benedicto Levita Moguntino. Usus est Capitularibus non semel Gratianus. Quorum collectionem perfectissimam adornavit, ediditque typis Parisiensibus anno 1677. Stephanus Baluzius, praemissa dissertatione perquam erudita, quam antea memoratus Iosephus Paulus a Riegger anno 1771. Vindobonae separatam, recudi iussit. u)

§. CLXXV.

u) Plura de Capitul. R. Franc. cit. Baluzii diss. Item Petri de Marca Lib. VI. cap. 25. Espen diss. speciali, inserta opp. T. VII. edit. qua utitur. Bened. XIV. de Syn. D. Lib. I. cap. 2. num. 2.

§. CLXXV.

Multae leges Hung.

Eamdem normam tractandi negotia reipublicae sacrae, tenuerunt Apostolici Hungariae Reges; v) qui iam inde a S. Stephano, usque ad hunc diem, in publicis Regni Comitibus, cum consensu Praelatorum, ac Ordinum, de utriusque reipublicae negotiis decernere consueverunt. Doctissimus enim Péterffius noster, nimium fuit religiosus, cum pronunciare ausus non est, utrumne primae Regum nostrorum, Stephani, Ladislai, et Colomani leges, quae de rebus Ecclesiasticis decernunt, communi omnium Ordinum suffragio, seu publico Regni Comitio, an Episcoporum duntaxat consiliis, sacra in Synodo digestae sint? maluitque opinari, capita quaedam, pro Ecclesiae Hungaricae incremento, pientissimos Antistites, more in Synodis familiari, clam ceteris discussisse, sanctiones tamen omnes, unum in fascem collectas, *Re-*

S 2

gii

Ignat. C. de Batthyán in dissert. praemissa legib. Eccl. R. H. cap. XIV. v) Pulcre id demonstratum reperies ap. C. Ign. de Batthyán in operis citati dissertatione praevia, cap. XV. seqq.

gii *Decreti* nomen accepisse. w) Nam constanter eadem apud nos fuit, estque summa legem ferendi potestas; quam esse communem Regi legitime coronato, una cum Statibus, et Ordinibus Regni, ad Comitia legitime confluentibus, et antiquae leges continentur, x) et speciatim expressit articulus 12: anno 1791. conditus, tali modo: *leges ferendi, abrogandi, interpretandi potestatem in Regno hoc Hungariae, partibusque adnexis (salva art. 8. 1741. dispositione) legitime coronato Principi, et Statibus, ac Ordinibus Regni ad Comitia legitime confluentibus, communem esse, nec extra illa exerceri posse, sua Maiestas Sacratissima ultro, ac sponte agnoscit.* Et verò, post tempora S. Stephani, Ladislai, et Colomani, Regis una, et Ordinum autoritate, leges quam plurimas, non ignoramus fuisse conditas, quae negotia, Religionem, et Ecclesiam adtinentia, disponunt. Has cum ceteris regni legibus, quae tunc manibus terebantur, uno volumine complexus erat Zacharias Mossóczy Nitriensis Episcopus, et sub

no-

w) In praevia narratione ad Conc. Hung. x) Tripart. parte II. tit. 3. dein art. 18. 1635.

nomine *Corporis Iuris Hungarici*, primus edidit Tirnaviae in aedibus Telegdianis, anno 1583. y) Auctae rursum novis legibus, prodierunt Viennae ann. 1628. Tirnaviae postmodum ann. 1696. 1751. et 1779. Ex quo volumine, constitutiones Regni, quae inde ab anno 1608. editae sensim fuerant, protractae, typis Pottendorffensibus anno 1668. excudebantur. Aeqve articuli Comitiorum sub Carolo, et filia huius Maria Theresia celebratorum, separatim, impensis Ioannis Michaelis Landerer impressi leguntur. Non paucos praeterea Comitiorum articulos, quos partim resciderat Mossóczius, partim ignorabat, e variis manu exaratis codicibus erutos, publici iuris fecit solertissimus, et meliore fortuna dignus vir, Martinus Georgius Kovachich, uno volumine, quod inscripsit: *vestigia Comitiorum apud Hungaros ab exordio Eorum in Pannonia, usque ad hodiernum diem*

y) Duo huius editionis exempla mihi nota sunt: alterum apud Excell. D. Franc. C. Széchényi, in Bibliotheca Kis - Czenkensi; alterum Zagrabiae apud Cl. D. Michaellem Stivalich, Hist. Univ. et Statuum Professore Publ. et Ord.

diem celebratorum. Typis R. Univ. impressum anno 1790. decurrentibus Comitibus Regni. Ante hunc vero, leges domesticas, quae de Religione tantum, vel de personis, rebusque Ecclesiasticis loquuntur, e corpore Iuris Hungarici extractas, edidit Carolus Péterffy; quamquam tribus tantum sub Regibus conditas; z) nam omnes, quae sparsim habentur in illo volumine distributas iuxta ordinem Decretalium Gregorii IX. vulgavit memoratus Riegger, sub titulo: *Speciminis Corporis Iurisprudentiae Ecclesiasticae I. Regni Hung. et partium Eidem adnexarum.* Viennae typis Trattneri anno 1768. a) Easdem ordine chronologico relatas, ac eruditissime illustratas, edidit Ignatius Comes de Batthyán Episcopus Transylvaniensis, magno volumine, quod inscripsit: *Leges Ecclesiasticae R. H. et Provinciarum adiacentium;* typis vulgatum Albae Carolinae anno 1785. b) In vasto vo-
lu-

- z) T. I. Conc. Hung. cum reflexionibus, et commentario Melchioris Inchofferi. a) Operis huius crisin lege in dissert. praefixa legib. Ecc. R. H. cap. 23. §. 6. b) Suspirant eruditi Hungariae, splendidi huius operis continuationem, quam mors

lumine Iuris Hungarici, ex quo minores illae collectiones factae sunt, occurrit primum, opus

Excellentissimi auctoris, in diem 17. Nov. ann. 1798. incidens, impedivit. Nihil existimabat vir ille praecellens, characteri suo Episcopali decedere, si de rebus eruditis, cum secundi ordinis sacerdotibus consultaret. Hinc ad me quoque, tunc in Regia Univ. Pestana Hist. Eccl. Professorem, anno 1786. talia scribebat: „Qvaeris ex me, num „opus meum, quod pridem expectari asseris, in „publicum proditurum sit? addis Te aegre illo carere. Haec ipsa expectatio multorum, me sollicitum reddit. Vix enim, ac ne vix quidem „Tonus hic primus expectationi satisfaciet. At „quid facerem? haec quoque edenda erant. Cardinalis Garampi sancte iurabat, operam meam „Ecclesiae utilem esse. Commovebat auctoritas „amici, et eruditi viri, impellebat Ecclesiae utilitas. Edenda itaque statui, quidquid obstrepant emunctae naris Critici. Tonus secundus „compensabit. Tertius autem superabit expectationem“ etc. Tum anno 1788. die 4. Sept. de eod. suo opere talia scripsit: „Secundus Tonus operis mei, quantum in his rerum, et temporum adiunctis fieri potest, typo paratur. Continebit is quoque dissertationem praeviam, in „qua Eccl. Hung. disciplinam enucleare tento. „Novus profecto campus recensentibus Budensi-

opus *Tripartitum Iuris consuetudinariū*; quod in Comitibus anni 1514. ceu futurus deinceps Iuris Hungarici codex adprobatum fuit. c) Constat prologo, tribusque deinceps partibus, in titulos divisus. Seqvuntur S. Stephani decretorum libri duo. S. Ladislai tres libri. Colomani duo, in capita distributi. Deinceps seqvuntur decreta Comitiorum, sub ceteris Hungariae Regibus celebratorum, in articulos et §phos divisa. Neque dissimulandum est, prope ducentis, et quadraginta sex annis latens in codicibus manu exaratis, *Quadripartitum opus Iuris consvetudinarii Regni Hun-*

„bus, in quo solutis habenis discurrant. Et quantum assequi possum, Tomus hic in duo volumina dispescendus erit, quia Liturgiam etiam „Maiorum nostrorum, cum Sacramentario saeculi „XII. et his similibus, in Tomum hunc conieci. „Pertingit autem Tomus hic usque ad annum „1562. Existimo me veram Iurispraxin Hungarici Regum Hung. detexisse originem. Novum iterum „systema, si Deo placet, prodibit in lucem“ etc. Ecce! mors viri unius, quantis nos emolumentis privavit. c) Codicis istius veram originem detexit, idem Praesul doctissimus, quem modo commemoravi, cit. dissert. cap. 4. §. 4.

Hungariae, ac tandem anno 1798. typis Zagradiensibus eleganter impressum. Quod privatam duntaxat habet auctoritatem, nec iuridici hactenus, verum historici duntaxat operis adinstar haberi potest. d)

§. CLXXVI.

A Clero noscendae.

Ad sedulam lectionem istiusmodi legum, Clerus Hungariae, magnopere excitandus foret. Sunt enim permultae leges Hungaricae, pars Ecclesiastici Iuris. (§. praec.) Quae proinde remotiores inter fontes eiusdem, referri debent. Sunt Clerici praeterea cives reipublicae, huiusque propterea, quoties ex-
eunti non sunt, legibus, et ipsi parendum habent, (§. CLXVII.) et alios pro munere tenentur ad obsequendum exhortari; tunc vero hortabuntur efficacius, quum ipsi leges agendi, cavendique penitus noscent. Causae praeterea fori Spiritualis domi nostrae, iuxta

d) Vide de hoc op. art. 10. et 11. 1550. item art. 15. 1553. Ioann. Szegedi in rubricis Iuris H. ad h. a., et in Tyroc. I. H. parte II. tit. 6. §. 12. seqq.

patriam legem, et consuetudinem diriguntur. Assident viri e Clero delecti, regni Tribunalibus, Politicis item Dicasteriis, et Comitibus; ubi secundum leges patrias duntaxat, ferri sententia debet. Ipsi bona quoque possident, iuribusque suis invigilare, tum reddere cuique suum, iuxta legis patriae dictamen obligantur. Denique Personae Capitulares, et Conventuales, tenent in manibus Archivia publica, et authentica sigilla; suntque ipsis per legem domesticam credita quaeque negotia profana, quae iuxta eandem legem tractari, et expediri debent.

§. CLXXVII.

Et Reg. Decreta.

Sed quoniam e legibus per Comitatus Regni conditis, emolumentum haud grande resultaturum esset, nisi praesto esset earum executor, et custos: eapropter in patria nostra, Rex legitime coronatus, praeter legislativam, sibi cum Statibus, et Ordinibus Regni legitime congregatis communem, (§. CLXXV.) habet *executivam* quoque potestatem; quam articulus 12. anni 1791. salvam
sup-

supponens aiebat : *Executiva autem potestas nonnisi in sensu legum , per Regiam Maiestatem exercebitur.* Quapropter legitimi Reges Hungariae , extra Comitia quoque Regni , ius habent commune quibuslibet summis potestatibus , tam *Advocatae Ecclesiasticae* nimirum , quam et *Inspectionis saecularis.* (§§. CLXX. seq.) Qvod ab Illis exercetur per specialia *Decreta* , et *Intimata.*

§. CLXXVIII.

Ceu Eccl. H. Patron.

Est praeterea Regibus Hungariae quoddam peculiare , cum Statibus , Ordinibusque Regni haud communicatum , sed *reservatum* ius *Advocatae* , per supremam potestatem sacram favore singulari concessum ; quod apud nos , *Ius supremum Patronatus* compellatur , deductum a primo Rege Hungarorum Stephano , cui Silvester II. Pontifex , anno post Christum natum millesimo , per nuncium suum Benedictum de Vetta , literas mittebat , quibus illi , ac successoribus legitimis Hungariae Regibus potestatem faciebat , praefrendae crucis , in signum legationis Apo-


stolicae, et Ecclesias Dei simul cum populis, vice Romani Pontificis ordinandi. e) Qvod ius confirmatum est a Concilio Constantiensi, praesente Imperatore, ac Rege Hungariae Sigismundo; f) cuius in hoc Regno successores, tali iure deinceps constanter sunt gavisi; g) ideoque non solum titulo Regis Apostolici, inde ab anno Christi 1758. constanter utuntur, h) sed praeterea, in legibus patriis compellantur *summi Ecclesiarum Patroni*, i) et isto nomine, Ecclesias Dei in suis iuribus ab se conservatum iri, mox post coronationem, iu-

- e) Ex Bulla Silvestri II. ap. Melch. Inchoffer T. I. vol. III. pag. 268. edit. Poson. Consentit Carthutius in vita S. Steph. pag. 133. edit. Praetanae. Nomen Papalis nuncii ad Stephanum missi, in docum. ap. Pray in diss. de S. Dextera S. S. Steph. pag. 134. f) Wetböcz in Tripart. parte I. tit. 11. g) Qvaliter ius hoc tempore Ferdinandi II. vellicaverit Curia Pontificis, discere potes ex meis Hist. Eccl. R. H. amoenitatib. fascic. VI. num. I. §. 10. h) Breve Clementis XIII. titulum hunc denuo confirmans, legi potest ap. Turoczium Hung. pag. 611. item ap. Kollár in hist. diplomat. Iuris Patronatus etc. i) Vide 1715. a. 60. 1723. a. 71. 1791. a. 23.

iurando iure promittunt. Quaecumque igitur, tam illo generali, (§. praec.) quam speciali hoc advocatiae Ecclesiasticae iure, decernunt Reges nostri, locum nimis honorificum, inter Iuris Ecclesiastici fontes, non possunt non habere, et ab iis, ad quos adtinent, nequeunt ignorari. Quapropter, fuit haec Praelati cuiusdam solertia, ut nonnulla Decreta, ex iure partim inspectionis saecularis, partim advocatiae Ecclesiasticae profecta, Caroli VI. Mariae Theresiae vero plurima, typis Vaciensibus impressa voluerit, anno Christi 1775. E quibus nonnulla denuo refricata sunt, additaque plurima, sub regimine Augusti Iosephi II. et iussu Excelsi Consilii R. L. Hungarici, typis Trattnerianis Pestini excusa, cum hac inscriptione: *Collectio B. normalium Resolutionum Caesareo-Regiarum in materia Commissionis Ecclesiasticae, etc. usque annum inclusive 1785. interventarum.* Quae collectio cum multa contineat, ad quae in recentioribus quoque Decretis fit provocatio, iure optimo haec, inter fontes Iuris Ecclesiastici Hungarici referetur. Ceterum, hic patriae nostrae mos est laude dignis-

gnissimus, quod quaevis Decreta Regis nostri Apostolici, quae Religionem, Ecclesiam, et Ecclesiasticos concernunt, medio Excelsi Consilii R. Hungarici, Praesulibus, vel sede vacante, Capitularibus Vicariis: per istos vero cunctis animarum pastoribus nota reddantur, etiam protocolis Parochialibus diligenter inserenda. Unde sequitur, haec quoque, inter memoratos fontes numerari debere.





MICHAELIS SZVORÉNYI

PAR. ET V. ARCHID. KARÁD. S. THEOL. DOCT.

I. COMITATUS SIMIGHIEN. TAB. IUD.

ASSESSORIS.

IUS PUBLICUM

COMMUNE, ET PARTICULARE

ECCLESIAE HUNGARICAE.

PARS SPECIALIS.

WESZPRIMII,

TYPIS MICHAELIS SAMMER.

1803.

THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N. Y.

1895

127 (2) 18 U 4 2 U 9

THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N. Y.

THE NEW YORK PUBLIC LIBRARY

ASTOR LENOX AND TILDEN FOUNDATIONS

Iuris Publici Ecclesiastici Communis, et Particularis Ecclesiae Hungaricae.

PARS SPECIALIS.

CAPUT I.

De iuribus, et obligationibus Romani Pontificis ac eorum, qui Huic auxiliantur in gubernanda Ecclesia Christi.

	Pag.
§. CLXXIX. S copus tractandorum. - - -	289
§. CLXXX. Iura Pontificis Romani. - - -	290
§. CLXXXI. Primaria. - - -	291
§. CLXXXII. An et ius recipiendi appellationes? -	296
§. CLXXXIII. Secundaria. - - -	298
§. CLXXXIV. Apud nos restrictum ius appellationes recipiendi. - - -	302
§. CLXXXV. Et quaedam alia iura. - - -	305
§. CLXXXVI. Ut conferendi Beneficia in Curia vacantis. - - -	307
§. CLXXXVII.	

	Pag.
§. CLXXXVII. Et quaedam adhuc. - - -	310
§. CLXXXVIII. Cardinalium decora, et privilegia. - - -	311
§. CLXXXIX. Iura Sede plena. - - -	314
§. CXC. Sede vacante. - - -	316
§. CXCI. Legatorum iura communia. - - -	317
§. CXCII. Legatorum a Latere. - - -	318
§. CXCIII. Legatorum Natorum. - - -	320
§. CXCIV. Legati Nati Hungariae. - - -	321
§. CXCV. Ceterorum Legatorum, et Nunciorum. - - -	322
§. CXCVI. Iura Patriarcharum, et Primatum. - - -	324
§. CXCVII. Primatis Hungariae. - - -	325
§. CXCVIII. Iura Metropolitani in Suffraganeos. - - -	327
§. CXCIX. In eorum Fideles. - - -	329
§. CC. Insignia, hisque adnexa potestas. - - -	330
§. CCI. Iura Spiritualia Metropol. Strigoniensis. - - -	334
§. CCII. Et iura profana. - - -	335
§. CCIII. Iura Metropolitani Colocensis. - - -	340
§. CCIV. Requisita ad potestatem Episcopalem. - - -	341
§. CCV. Distinctio iurium. - - -	343
§. CCVI. Iura Ordinis. - - -	344
§. CCVII. Iura iurisdictionis a quo accepta? - - -	345
§. CCVIII. Extensa in omnes non exemptos. - - -	348
§. CCIX. Certis modis exercentur. - - -	349
§. CCX. Iura iurisdictionis in Ecclesia Hungarica. - - -	350
§. CCXI. Iura Dioecesana, - - -	353
§. CCXII. In Ecclesia Hungarica. - - -	354
§. CCXIII. Iura dignitatis sacrae. - - -	355
§. CCXIV. In Ecclesia Hungarica. - - -	356

	Pag.
§. CCXV. Et iura dignitatis civilis. - - -	358
§. CCXVI. Communes Episcoporum obligationes.	364
§. CCXVII. Singillatim enarratae. - - -	365
§. CCXVIII. Desumtae e legibus domesticis. -	371

CAPUT II.

De iuribus, et obligationibus eorum, qui Episcopis auxiliantur, in gubernando grege Dominico.

§. CCXIX. Coadiutores Episcoporum. - - -	376
§. CCXX. Episcopi Auxiliares. - - -	377
§. CCXXI. Episcopi Titulares in Ecclesia Hungarica. - - -	378
§. CCXXII. Archidiaconorum iura. - - -	380
§. CCXXIII. Iura, et obligationes apud nos. -	381
§. CCXXIV. Vicarii Generalis Episcopalis iura.	381
§. CCXXV. Requisita in ipso apud nos. - - -	385
§. CCXXVI. Poenitentiarius, et Theologus Episcopi. - - - - -	386
§. CCXXVII. Iura Capitulorum quae Collegiorum.	387
§. CCXXVIII. Iura eorum Sede plena. - - -	391
§. CCXXIX. Et sede vacante. - - - - -	393
§. CCXXX. Iura Dignitatum Capitular. apud nos.	396
§. CCXXXI. Iura Capitulorum Hungaricorum.	398
§. CCXXXII. Propria quorundam Decora. - - -	403
§. CCXXXIII. Requisita, et obligationes. - - -	409
§. CCXXXIV. In Hungaria requisita, et obligationes. - - - - -	414
§. CCXXXV.	

	Pag.
§. CCXXXV. Obligationes civiles. - - -	415
§. CCXXXVI. Iura Vicarii Capitularis. - -	420
§. CCXXXVII. Requisite, et obligationes Prae- latorum Regularium. - - - -	422
§. CCXXXVIII. Iura e lege communi. - -	425
§. CCXXXIX. Iura, et obligationes Commenda- tariarum. - - - - -	427
§. CCXL. Praelatorum Hungariae. - - -	428
§. CCXLI. Iura communia. - - - -	429
§. CCXLII. Et obligationes communes. - -	431
§. CCXLIII. Vicarii foranei, et Decani ruralis iura. - - - - -	432
§. CCXLIV. Et obligationes. - - - -	435
§. CCXLV. Requisite ad officium Parochi, -	436
§. CCXLVI. Iura intra Parochiam. - - -	440
§. CCXLVII. Laboriosa. - - - -	441
§. CCXLVIII. Circa Baptismum. - - - -	442
§. CCXLIX. Circa Sacramentum Confirmationis.	445
§. CCL. Circa Eucharistiam. - - - -	446
§. CCLI. Circa Sacramentum Poenitentiae. - -	449
§. CCLII. Extremam unctionem, et matrimonium.	452
§. CCLIII. Circa Sacramentalia. - - - -	457
§. CCLIV. Circa externum Dei cultum. - -	462
§. CCLV. Circa institutionem plebis. - -	472
§. CCLVI. Ac pubis. - - - - -	478
§. CCLVII. Scholasticae. - - - - -	483
§. CCLVIII. Circa pauperes. - - - -	486
§. CCLIX. Iura Parochorum utilia. - - -	487
§. CCLX. Vicarii perpetui iura, et obligationes.	491

	Pag.
§. CCLXI. Et Vicarii Amovibilis. - - -	492
§. CCLXII. Capellani Localis. - - -	493
§. CCLXIII. Cooperatoris. - - -	494
§. CCLXIV. Regularium. - - -	494
§. CCLXV. Iura respectu sui ipsorum. - -	495
§. CCLXVI. Ius exemptionis. - - -	497
§. CCLXVII. Non tamen omnimodae. - -	499
§. CCLXVIII. Nempe circa Sacramenta. - -	500
§. CCLXIX. Circa publicum cultum Dei. - -	501
§. CCLXX. Circa curam Animarum. - -	504
§. CCLXXI. Circa iurisdictionem Episcopalem. -	506
§. CCLXXII. Circa privatas actiones. - -	508
§. CCLXXIII. Conventus in sensu legum Hun- garicarum. - - - - -	511
§. CCLXXIV. Clericorum in genere. - -	514
§. CCLXXV. Iura sustentationis. - - -	515
§. CCLXXVI. Nec tamen ut mercedis. - -	518
§. CCLXXVII. Ius immunitatis personalis. -	519
§. CCLXXVIII. Ab iniuria corporali. - -	521
§. CCLXXIX. Ius immunitatis realis. - -	523
§. CCLXXX. Beneficium competentiae. - -	524
§. CCLXXXI. Cleri Hungarici iura. - -	525
§. CCLXXXII. Et Cleri Graeco-Catholici. -	528
§. CCLXXXIII. Obligatio spiritualis ob susten- tationem. - - - - -	531
§. CCLXXXIV. Temporalis erga indigentes. -	533
§. CCLXXXV. De lege Ecclesiastica. - -	538
§. CCLXXXVI. E superfluis redditibus. - -	541
§. CCLXXXVII. Ob sacrum munus obtentis. -	542

	Pag.
§. CCLXXXVIII. Non sunt eorum Domini.	- 546
§. CCLXXXIX. Testari de his non licebat.	- 548
§. CCXC. Alia sensim praxis.	- - - 549
§. CCXCI. In Ecclesia Hungarica.	- - - 551
§. CCXCII. Principia eius domestica.	- - 558
§. CCXCIII. Quid cum substantia ab intestato relicta? - - - - -	- 561
§. CCXCIV. Communis pietas in Patriam.	- 564
§. CCXCV. Communia onera profana.	- - 568
§. CCXCVI. Communes privatae actiones.	- 570
§. CCXCVII. Vitatio conversationis suspectae.	571
§. CCXCVIII. Item occasionum peccati.	- - 572
§. CCXCIX. Vani ornatus.	- - - 574
§. CCC. Vel quae munus impediunt.	- - 578
§. CCCI. Inter quae coniugium est.	- - - 583


CAPUT III.

De iuribus, et obligationibus supremæ potestatis civilis, respectu Religionis, et Ecclesiae Christianae.

§. CCCII. Ius supremæ potestatis civilis.	- - 586
§. CCCIII. Religionem protegendæ.	- - - 587
§. CCCIV. Disciplinaria inspiciendi.	- - - 588
§. CCCV. Atque urgendi.	- - - 590
§. CCCVI. Ius circa Personas Ecclesiasticas.	- 591
§. CCCVII. Et Regulares.	- - - 593
§. CCCVIII. Eorumque nexum.	- - - 597
§. CCCIX. Ac numerum.	- - - 598

§. CCCX.

	Pag.
§. CCCX. Circa Bona Ecclesiastica. - - -	599
§. CCCXI. Circa loca sacra. - - -	602
§. CCCXII. Apud nos Religionem protegit. -	603
§. CCCXIII. Qvaedam proprio restituit foro. -	605
§. CCCXIV. Exercet ius circa personas Eccle- siasticas. - - - - -	607
§. CCCXV. Et Regulares. - - -	608
§. CCCXVI. Circa Bona Ecclesiasticorum, et Ecclesiarum. - - - - -	610
§. CCCXVII. Circa Loca Sacra. - - -	612
§. CCCXVIII. Rex inspicit disciplinaria. -	614
§. CCCXIX. Iure utitur Placeti. - - -	616
§. CCCXX. Professioni Religiosae aetatem prae- figit. - - - - -	620
§. CCCXXI. Succedit in Bonis Ecclesiasticis. -	622
§. CCCXXII. Confert Praelaturas. - - -	623
§. CCCXXIII. Qvandoqve cedit iuri. - - -	626
§. CCCXXIV. Limites Dioecesium defigit. -	628



IURIS PUBLICI ECCLE- SIASTICI

Communis, et Particularis Eccl.
Hung.

PARS SPECIALIS.

CAPUT I.

De iuribus, et obligationibus Rom. Pon-
tificis, ac eorum, qui Huic auxilian-
tur in gubernanda Ecclesia Christi.

§. CLXXIX.

Scopus tractandor.

Postquam illi nobis cogniti sunt, quibus est
in Ecclesia Christi, iure partim Divino, par-
tim humano praecipiendi potestas: et postea-
quam fontes quoque reperimus, e quibus hau-
riri debent Ecclesiasticae leges; nunc tandem
iuxta scopum Iuris Ecclesiastici publici, (§.

XVIII.) videndum erit, quatenus ex iis legibus eruantur tam iura, quam et obligationes illorum, qui in eadem Ecclesia, ceteris cum potestate spirituali praesunt.

§. CLXXX.

Iura Pont. Rom.

Primus omnium, ac summus, Pontifex Romanus, virtute sui primatus, ad conservandam in Ecclesia Christi unitatem obtenti, (§. XXVI.) iura quaedam habet *primaria*, sine quibus unitas haec, sita in fide et caritate (§. VIII.) conservari, et restitui sublata, neulquam potest. Quaedam enimvero *secundaria* sunt: quae dudum, salva in omnibus Ecclesiastica unitate, Conciliis provincialibus, Metropolitanis, vel aliis Praesulibus propria, gravibus de causis ad Pontificem Romanum, aut expressis Conciliorum verbis, aut Episcoporum tacita consensione transiverunt. Quamvis etiam ista, cum roborata sint longo saeculorum usu, vellicare nunc, velleque sublata, perinde sit, ac si iura, semel in Principem titulo iusto translata, rursum abstracta quis vellet.

§. CLXXXI.

§. CLXXXI.

P r i m a r i a.

Inter primaria Pontificis Romani iura, merito numeratur: I. ius exigendi relationes ab Episcopis maiorum *saltem* Sedium: an vera fides, pura morum doctrina, et universales Ecclesiae leges observentur. k) Nam

A 2

haec

k) Reapse, non in vetere quidem illa formula Episcopis praescripta, quae legitur cap. 4. de iureiur. sed in recentiore, quam ex originali Romano, ann. 1787. quinto Idus Martii emanato, per me diligenter transsumptam, possideo, haec leguntur: *Domino nostro, successoribusque praedictis, rationem reddam de toto meo pastoralis officio, deque rebus omnibus ad meae Ecclesiae statum, ad Cleri et populi disciplinam, animarum denique, quae meae fidei creditae sunt, salutem, quomodocumque pertineantibus.* Eiusmodi relationem factam fuisse per Georgium Szepchényi de Pohroncz A. Episc. Strigon. ad Innoc. XI. testes sunt literae eiusd. Pontif. ad eundem anno 1683. datae, ac Historiae Epp. Wetzpr. pag. 459. insertae. Relationis quoque ipsius copiam possideo, descriptam manu doctissimi Viri Valentini Kátskovics S. I. de qua Is ad me ex Oppido Iászberény anno 1795. talia scripsit: „Documentum hoc ante annos circiter XV. hic loci, a quodam Iazigalis Districtus Officiali nactus

haec ad unitatem pertinent. Cuius cum ubi-
vis conservandae sit obligatio Pontifici Ro-
mano, neque Hic esse praesens ubilibet pos-
sit, sequitur, ut ab iis, quos ista nosse oportet,

„sum, manu (ut vetustus character exhibet) vel
„in fine prioris, vel initio huius saeculi, exara-
„tum; ex quo istud fideliter transumpsi. Ut ut
„porro pleraque omnia in eo contenta, saepissime
„narrari audiverim ex meis Con-religiosis: quin
„sparsim legerim: subdubitabam attamen de eius
„authentia, cum finali clausula, nomine quere-
„lantis, anno, mense, die dati, ad quem item
„Papam? destitueretur. Exhibueram illud adhuc
„Budae habitantibus, Prayo, Wagnero, Katonae:
„ignotum sibi esse aiebant. Tandem exhibui il-
„lud pie defuncto P. Vincentio Blaho Francisca-
„no. Hic aiebat, se illud desumpsisse ex Archi-
„vio Episcopi Agriensis. Exhibui dein pie de-
„functo P. Leoni Servitae, dando ei copiam ma-
„nu mea scriptam, ut suis opusculis inserat; pri-
„us tamen conferat cum exemplari Agriensi. Sed
„huic responsum est: iam ibi non reperiri; sed
„probabiliter, cum aliis multis MSS. ablatum esse
„per Excell. modernum Transylvaniensem. Cu-
„ravi ergo et ibi perquiri: Responsum mihi est:
„Haberī omnino apud illum, sed cum eodem fi-
„nali defectu“ etc.

tet, de cunctis relationem poscat. l) II. Ius mittendi Legatos, Vicarios, et Nuncios, qui Eius vicem agant in conservanda, vel restituenda unitate: cum fieri possit, ut hoc munere defungi Praesules aut non valeant, aut non velint. Neque igitur possunt respici, velut Legati Principum, quibus nulla est in alieno territorio potestas, ut iccirco ad nutum Principis, vel repelli possint, vel admitti. Non est tamen huic, ceu habenti ius supremæ inspectionis. (§. CLXX.) dene-ganda potestas, examinandi facultates Legato concessas, ne fors illae iuribus Patriae non congruant, siquæ tales forent earum exercitium prohibendi. m) Id quod factum est in patria nostra virtute articuli 45. anno 1492. conditi, et rursum anno 1495. vigore articuli 10. qui priorem confirmans, addebat: *causas vero, quæ nunc in praesentia Reverendissimi Domini Ursi de Ursinis, Legati, verterentur, ipsi actores, in praesentiam Iudicis*

- l) Modus faciendae relationis de statu Ecclesiae, legitur apud Ben. XIV. op. de Syn. D. in fine libri XIII. m) Vide Petri de Marca Lib. V. cap. 56. 58. Espen parte 1. tit. 21 cap. 3.

dicis eorum ordinarii reducere teneantur. III. Praecipuas habendi partes in componenda dissensione gravi in rebus fidei, cum illa nimirum inter Episcopos orta, secus componenda minime speratur, nec spes adfulget celebrandae Synodi generalis. Idque fluit ex fine instituti Primatus, (§. XXVI.) et factis confirmatur. (§. CXI.) IV. Ius edendi, cum unitatis conservatio deposcit, aut restitutio: fidei morumque Decreta. (§. eod.) V. Si denique malum ita creverit, ut tolli duntaxat per Concilium posse videatur, huius quoque illi est potestas convocandi, (§. LXXIV.) illic praesidendi per se, vel per Legatos, (§. LXXVII. seq.) et, quae decreta ibi fuerint, etiam confirmandi. (§. LXXXV.) VI. Adurgendi haec decreta constitutione nova. Nam si leges latae sunt pro omnibus, nisi observentur ab omnibus, nocetur unitati, quam tueri Pontifex debet. VII. Leges quoque generales, ita deposcentibus rerum adiunctis, condendi. (§. CX.) VIII. Utrasque, tam illas videlicet Synodales, quam et Papales, dum est necesse, poenis Ecclesiasticis adurgendi. Quoniam legislativa, et coerciti-

citiva potestas, nequeunt ab invicem separari. (§. XI.) IX. Cum concessio privilegiorum (§. CXXIII.) et dispensatio in lege universali, (§. CXXVIII.) si quospiam demas casus, (§. CLV.) a legislatore proficiscatur: Pontifex Romanus, ceu legislator, concedere utrumque potest. X. Eidem competit ius supremum devolutionis; quatenus ab officio desciscentes Praelatos, dum ii Praesules, quorum id interesset, medelam adhibere, vel nolunt, vel non possunt, ad muneris sui diligentem executionem, mediis oportunitis revocare potest. Quoniam, ut Praesules munus sibi creditum a Domino, solerter exequantur, ad servandam in Ecclesia unitatem spectat. Pontifex vero huius est, positus a Domino custos. XI. Ius habet protegendendi Episcopos, qui vel nimiam oppressionem sui, vel iuris legitimi derogationem perpetiuntur. Ut enim Praesules Ecclesiarum pacifice suo munere defungi possint, unitas Ecclesiastica magnopere postulat. Huius itaque unitatis procuratio, ad eum spectabit, sine cuius auxilio, haec obtineri nequit. n) Ipsa praeterea

n) Marca Lib. VII. cap. 7. seqq.

rea notio supremi Rectoris in Republica, hanc assertionem suggerit, quod ad Eum paterere debeat perfugium cuilibet Civi, eadem in Republica inique oppresso. XII. Ius habet quibuscunque spiritualibus mediis utendi, ad conservandam vel restituendam Ecclesiae unitatem, dummodo haec salvis quorumlibet iuribus adhiberi possint.

§. CLXXXII.

An et ius recip. appell.?

In ipso limite Iurium primitivorum, et secundariorum, colloco ius recipiendi appellationes e provinciis, ad Sedem Romanam faciendas. Nam si adpellatio fiat ob negatam, aut protractam iustitiam, quae seu Praesuli, sive cuivis fidei, esset ocys administranda; aut etiam propter commissos in causa errores, quae nullum superest remedium: ad Pontificem esse recurrendum, id, quod penultimo loco nunc dictum erat, (§. prae.) satis evincit. Verum si adpellatio facta fuerit ab inferiore ad Papam, velut ultimum causae iudicem, quaeritur, num haec vi iuris primigenii sit recipienda? Video sane celebres

bres sacrorum Canonum explanatores, qui Petrum de Marca, facile ducem in hac quaestione o) seqvuti, p) ius istud inter secundaria numerant, ceu mercibus Isidorianis innixum. q) Sed mihi certum est, quaestionem hanc, eruditionis historiae terminis concludi, cum isto iure recipiendarum adpellationum, sibi per sinceros quoque Canones Ecclesiasticos asserto, r) Pontifex Romanus pacifice fruatur; nullo quidem unitatis Ecclesiasticae damno, permagno autem hac ratione agniti, in Ecclesia Christiana *Centri unitatis* argumento. Si qui defectus, ut saepe fit in rebus humanis, hac in parte contigerunt, illis per sacra Concilia, Lateranense III. et IV. itemque Tridentinum, abundanter occursum fuit. s)

§. CLXXXIII.

- o) Marca Lib. VII. cap. 1. seqq. quem suscepit refellendum Natal. Alex. in saec. IV. diss. 28.
 p) Fleuri Institut. Iuris Eccl. parte 3. cap. 23. §. 3. Espen Iuris Eccl. univ. part. 3. tit. 10. cap. 1. 3. item diss. in Synodum et canones Sardic. Dupin dissert. II. q) Can. 1. dist. 17. Can. 1. dist. 30. Can. 1. etc. usque 8. Item 15. 16. 18. 20. 21. causa II. qv. 6. r) Cap. 7. 31. etc. de appell. Trident. sess. XXIV. de reform. cap. 20. s) Cap.

§. CLXXXIII.

Secundaria.

Sed nemo Catholicorum dubitat, esse Pontifici ius negotia quaequid tractandi, quae *causarum maiorum* nomine vocitata, t) cum olim salva unitate Ecclesiastica, pro ratione obiectorum pertinuerint ad alios, inter iura *secundaria*, vel, ut aliis nominare placet, *accidentalibus* numerantur. Sunt vero sequentia: I. Ius confirmandi Episcopos. u) II. Admittendi postulationem, sive petitionem, ut persona Ecclesiastica, habens impedimentum canonicum, ad Beneficium Ecclesiasticum admittatur. v) III. Transferendi Episcopos. w) IV. Admittendi cessiones, et resignationes Episcoporum. x) V. Deponendi Eosdem. y) VI.

26. et 59. de appell. Trident. cit. loco. t) Can. 1. dist. 80. u) Cap. 16. 18. et duob. seqq. de elect. v) Cap. 20. de elect. w) Cap. 2. et duob. seqq. de translat. Ep. x) Cap. 2. de transl. Ep. y) Cit. cap. et Trid. sess. XXIV. de reform. cap. 5. Tractatum de legitima Episcoporum instituend. ac destituend. ratione adtemperatum usibus Germ. et Hung. edidit an. 1783. Illustris vir Georg. Sigism. Lakics.

VI. Erigendi novos Episcopatus. z) VII. Eosdem uniendi. a) VIII. Episcopis dandi Coadiutores, cum successionis iure. b) IX. Ius beatificandi, seu concedendi, ut cuiusdam exhibeatur cultus Religiosus, velut in Coelis regnanti. Et ius Canonizandi, sive declarandi solemniter, quempiam in Coelitus numero esse. c) X. Approbandi Ordines Religiosos. d) XI. Tribuendi sacris locis immunitatem, vel hanc restituendi. e) XII. Beneficia per obitum *in Curia*, vacantia conferendi. f) XIII. Constituendi sacros Ritus, et exteriorum Dei cultum ceteroquin lege naturali, vel Evangelica haud praescriptum, reformandi. g) XIV. Concedendi pallium Archiepiscopale, atque cum eo plenitudinem potestatis. h) XV. Exigen-

- z) Cap. 1. ne sede vac. Cap. 5. 6. de praeb. extrav. comm. a) Can. 48. 49. caus. XVI. qv. 1. b) Cap. unic. de cler. aegrot. in 6. Trid. sess. XXV. de ref. cap. 7. c) Cap. 1. et 2. de reliqv. et ven. SS. d) Cap. fin. de relig. domib. Cap. un. eod. in 6. Cap. un. de voto et voti redempt. in 6. e) Cap. 6. 9. de immunit. Eccl. f) Cap. 2. et 3. de praeb. et dign. in 6. Cap. 4. de elect. extrav. comm. g) Cap. 2. seqq. de temp. ord. h) Cap. 28. de elect. §. 1. Cap. 3. de auct. et usu pallii.

gendi ab Episcopis recens creatis iuramentum. i) XVI. Occasione Bullae confirmatoriae percipiendi annatas, seu dimidium fructum anni primi, iuxta taxationem in Camera Apostolica semel factam. k) XVII. Dandi Praesulibus facultatem, ut quasdam Indulgentias largiri possint; item has certis personis, locisque dispensandi. l) XVIII. Quorumdam peccatorum absolutionem pro foro conscientiae, potestati suae reservandi. m) Haec inter numerantur, quae in famosa Bulla *Coenae Domini*, sunt expressa. Cum vero Clemens XIV. Pontifex, inde ab anno Domini 1770. Bullam hanc die *Coenae Domini*, e pergula Basilicae S. Petri, noluerit more dudum solito publicari, omnem
illi

- i) Cap. 4. de iureiur. k) Integro tit. 3. de annatis in septimo. l) Varias Indulg. species lege ap. Euseb. Amort, quas ille reperit consultis quinquaginta et aliquot Bibliothecis, ediditque Typis Augustanis anno 1735. sub tit. *De origine, progressu, valore, ac fructu Indulgentiarum*. E domesticis, recensuit multas RR. D. Ios. Koller Cath. Eccl. Qvinqv. Lector. m) Trid. sess. XIV. decr. de Sacram. poenit. cap. 7. Cui adde sess. XXIV. de reform. cap. 6.

illi hoc pacto vigorem ademit. n) Ceteri Papae reservati casus, quos sparsim in corpore Iuris Canonici legere est, a Carolo Ludovico Richard diligentissime collecti, recitantur. o) Praeterea XIX. ius est soli Papae, mutandi nomen, utendique titulo *Beatissimi*, ac *sanctissimi Patris et Domini, Pontificis Maximi*; item utendi triplici Tiara, qua post sui electionem ornatur. p) XX. Est ille praeterea occidentis Patriarcha, Primas Italiae, Metropolitanus Provinciae Romanae. q) Sed Episcopatum Eius Romanum, inter iura accidentalalia referre non ausim, cum haec illi Cathedra Episcopalis, velut Successori Beati

n) Electus 14. Kal. Iunias anno 1769. primo Pontificatus sui anno id egit. Quod ego fide dignè non multo post tempore didici, Vindobonae tunc Sacrae Theologiae auditor, ex illis, qui e Romano S. Apollinaris Collegio, in patriam remeabant. o) In dictionario Canonistico, quod est instar continuationis ad Analysim Conciliorum, in voce: *Casus reservati*. p) Pagi in breviar. RR. Pont. T. V. pag. 145. q) Bened. XIV. de Syn. D. Lib. II. cap. 1. Natal. Alex. hist. Eccl. saec. IV. dissert. 20. prop. 4. Dupin de antiqva Eccl. discipl. diss. I. §. 11. Petr. de Marca Lib. I. cap. 5.

Petri in Primatu Ecclesiae universae, debeatur. (§. XXV.)

§. CLXXXIV.

Ap. nos restrict. ius appell. recip.

Sunt vero Hungaris etiam, ac legitimo Illorum Regi, nonnulla iura legitime obtenta; quibus cum nonnulla itidem Pontificis iura secundaria non congruant: quaedam ex istis domi nostrae haud plenum, alia nullum prorsus locum habere possunt. Quare ius recipiendarum adpellationum, tametsi primigenium esse ponatur, (§. CLXXII.) quoniam tale duntaxat *in thesi* est: *in hypothesis* circumstantiarum particularium, exerceri perinde nequit, sicut ius mittendi Legatum; (§. CLXXI.) quamvis hoc alterum, inter Primaria Pontificis iura, a nemine Catholicorum non referatur. Et vero posuit terminos irrestrictae adpellationum libertati Sigismundus Rex, cum anno Christi 1404. praecipiebat, ut nullae Literae Apostolicae; Rescriptave cuiuscunque tenoris robur aliquod habeant, tam in causis beneficialibus, quam in aliis quibuscunque causis litigiosis, et qui huic de-

decreto restiterint, velut criminis laesae Maiestatis rei, puniantur. r) Articulus vero 19. Comitiorum anni 1471. decrevit, ut *nullus penitus Regnicolarum, sive sint Clerici, sive saeculares, contra libertatem Regni, qua a tempore quondam Sanctissimi Stephani Regis illibate utitur, directe, omisso medio, Conquestum a Curia Romana, contra quempiam impetrare possit. Sed quilibet prius hic in Regno, coram suis iudicibus ordinariis, ius suum prosequatur: et ita tandem si voluerit, per viam appellationis, causam suam introducat. Quibus contrafacientes, beneficiati suo beneficio priventur, non beneficiati autem, poenam capitis luant.* Repetita est Lex anno 1486. art. 45. Quae cum ab obitu Mathiae Regis obsolescere videretur, restituta est pristino vigori sub Uladislao II. anno 1492. art. 45. cum addito: *Contrarium autem facientes, debita poena puniantur; illa scilicet, quae sub Mathia Corvino dictata erat.* Iterum repetita est anno 1498. art. 63. cum provoca-

r) Legitur ap. Pray in specim. Hier. H. parte I. pag. 95. Dubitat de authentia Ign. C. de Batthyán in Legib. Eccl. R. Hung. pag. 471.

tione ad recentius libertatis istius Hungaricae
 fundamentum: *Quia ex concessione Venera-*
bilium Episcoporum, Presbyterorum, et Dia-
conorum, S. R. E. Cardinalium, olim in
Concilio Constantiensi constitutorum, Regnum
hoc in eo privilegiatum esse constat, quod
nullus extrahatur extra istud Regnum ad
iudicia, autoritate Literarum Apostolicarum,
nisi cum causae aliquae per appellationem le-
gitime fuerint ad Sedem Apostolicam devo-
luta. Poena vero sic decreta: *Portatores*
autem Conquestuum, sive sint spirituales, sive
saeculares, sive Religiosi, captiventur, et
manibus Regiae Maiestatis praesententur, ad
turrim mancam pro infligenda illis poena im-
ponendi. Quapropter Ludovicus II. Rex an-
 no 1524. Presbyteri cuiusdam Eperiessiensis
 causam, quae Romam, neglecto Agriensis E-
 piscopi foro, delata fuerat: per Iudices in
 Curia Romana delectos, puta, Michaellem,
 Vitéz Praepositum S. Nicolai extra muros Al-
 benses, et alterum Michaellem Collegiatae Eccl.
 B. M. V. intra muros Lectorem, examinari
 vetuit, nisi per viam appellationis ad Iudicem
 superiorem referretur; hac reddita prohibitio-
 nis

nis causa: cum hoc Regnum nostrum inter alias libertates et privilegia sua iam olim a Sede Apostolica, et novissime a Leone X. Pontifice Maximo, hoc privilegio donatum sit, et ab antiquo uti consuevit, ut nemo subditorum nostrorum, ratione quorumcunque negotiorum in Curiam Romanam, vel alicuius Iudicis delegati praesentiam evocari, et citari possit, nisi prius coram suo Iudice ordinario Dioecesano fuerit requisitus, et deinde aliqua Partium, coram illo iustitiam sibi denegatam, vel aliter indebite se aggravatum sentiret. s) Haec igitur Patriae nostrae libertas, illibata stetit a tempore S. Stephani, confirmata Sigismundi Regis tempore, in Concilio Constantiensi, et Ludovici II. aetate, a Leone X. Pontifice Romano.

§. CLXXXV.

Et quaedam alia iura.

Nullum est praeterea Ius Pontifici, apud nos Episcopos nominandi, sed est integra potestas, nominatos per Regem, confirmandi.

Pars Spec.

B

Id

s) Legitur ap. Carolum Wagner in diplomatario Sárossiensi, pag. 251.

Id quod Werböczius noster docuit Trip. parte 1. tit. 10. et 11. supponuntque plures Comitiorum Hungaricorum Leges, quae desiderant, Bullas confirmatorias absque solutione Annatarum, Episcopis nostratibus Roma transmitti. t) Postulationis apud nos hac aetate, solum nomen, e vetustioribus documentis est notum. u) Annutu Pontificis in resignationem, vel cessionem Episcopatus, debet esse prior annutus Regis, a quo collatus fuit. Idem foret

t) Fuisse tempora, quibus Pontifex Romanus, Episcopos Ecclesiae Hungaricae dabat, evidenter probat Hist. Eccl. R. H. Amoenit. fasciculus VI. De quo mihi talia scribebat die 7. Nov. 1800. RR. Vir Iosephus Koller Qvinq. Capituli Lector. „A- „moenitates illico diversis locis lustrare coepi, et „absque fuce confiteor, me magnam inde voluptatem cepisse, neque in aliquid, cui non libenter „calculus adiicerem, incidisse. Praesertim, quae „de Iure Patronatus dicuntur, probavi, atque in- „trepidum candorem, in veritate a nullo nostro- „rum hactenus prodita, libere evulganda, admiratus sum. Utinam alii quoque sequantur exemplum! et ipsa A. R. D. Vestra, alias quoque Historiae patriae partes, eadem eruditione, soliditate, libertate pertractet.“ u) Lege memorati fasciculi VI. num. I. §. 3. 4. et alias.

ret pronuntiandum, de Praesulis depositione. Novos porro Episcopatus Rex habet erigendi, Pontifex erectionem confirmandi potestatem. Idem intelligas de unione. Coadiutores quoque dantur Episcopis a Rege: confirmantur a Papa. Ius praeterea defigendi terminos asylum, leges nostrae, Civili potestati supremæ, reservatum supponunt, art. 113. anno 1723. et art. 27. anno 1765.

§. CLXXXVI.

Ut conferendi Benef. in Curia vac.

Sed neque Beneficia, defunctorum in Curia Romana Praesulum Hungaricorum, Pontifex conferre potest. Decernebat enim articulus 31. in Regni Comitiis anno 1495. conditus: *quodsi aliqui forenses homines ab aliis, quam a Regia Maiestate, vel illis, qui in hoc Regno super quocunque Beneficio Ecclesiastico, ius patronatus, quo hactenus usi fuissent, habent, aliqua Beneficia Ecclesiastica pro se procurarent, et huiusmodi procuratione, ius sibi in eisdem, contra antiquam libertatem Regni vendicarent, in eisdem Beneficiis residere auderent, aut attentarent;*

quod tales omnes, et singuli, si deprehendi poterunt, ad aquam proiiciantur, tanquam publici libertatis Regni turbatores. Clarius vero meum praesens adsertum, probat articulus 65. anno 1514. conditus, cum sic decernit: quoniam plurimi beneficiariorum Ecclesiasticorum, aut privatis eorum pro rebus, aut ceterorum consociorum negotiis expediendis Urbem Romam proficiscuntur, ibique saepenumero moriuntur, et sic eorum Beneficia per summum Pontificem exteris nationibus, et advenis, contra Regni huius libertatem, crebro conferuntur: ideo deliberatum est, ut amodo deinceps quilibet Dominorum Praelatorum, ac aliorum Virorum Ecclesiasticorum beneficiariorum, Urbem petiturus, antequam itineri se submittat, teneatur de patrimonio suo in proventibus tantum Maiestati Regiae, et Sacrae Coronae obligare, et inscribere, quantum proventus Beneficii sui annualis valere dignoscitur. Si vero tantum patrimonii non haberet, teneatur, priusquam ingrediat, Literas a Summo Pontifice assecutorias impetrare, quod, si etiam in Urbe casu decederet, Beneficium nihilominus suum in

*Regno hoc saluum permaneat, et sit illaesum. Ne vero Hungari, novum sibi tunc primo ius, Papali iuri adversum, putentur arrogavisse, testimonium paulo vetustius adduco. Cum mortuo Romae anno 1483. Modrusiensi apud Dalmatas Episcopo, Sixtus quartus Pontifex, Christophorum Ragusiensem, qui eo tempore in Gallia, apud sedis Apostolicae Legatum Cardinalem erat, substituisset nemine consulto: v) Rex Hungariae Mathias, in epistola Cardinalibus Romam missa, sic est questus: *fuit et hoc nobis grave, quod sua Sanctitas ius nobis nostrum, quod in lectionibus Praelatorum Regni nostri a Praedecessoribus nostris Regibus devolutum est ad nos, turbare voluit, cupiens aliis, cum praeiudicio nostro, et iuris nostri detrimento, de Episcopatu Modrusiensi, qui ad nostram electionem semper pertinebat, complacere. Non considerat, quantum praeiudicii ea res nobis inferat, et quam impossibile sit nobis**

in

- v) Factum Papae constat ex epist. Ferdinandi Siciliae Regis ad Matthiam Regem data, quae legitur e codice MSS. eruta apud Pray annal. R. H. parte 4. pag. 135.

in ea re Sanctitati suae morem gerere, et id tolerare. Credimus, talia Sanctitas sua non faceret, si sciret, quanti momenti ea res apud nos Hungaros reputetur. - - - Quae ut sanctitas sua aperte cognoscat, certa esse debet, duplicatam illam crucem, quae Regni nostri insigne est, gentem Hungaricam libentius triplicare velle, quam in id consentire, ut Beneficia, et Praelaturae, ad ius Coronae spectantes, per Sedem Apostolicam conferantur. w)

§. 'CLXXXVII.

Et quaedam adhuc.

Pallium quidem Archiepiscopi Ecclesiae Hungaricae Roma perinde recipiunt. Iuramentum praestant ceteri Praesules recens consecrati, solvuntque Annatas: x) Verum non omnes casus; quos a solo Pontifice remitti posse, dicunt iura communia, in Ecclesia Hungarica, huic esse reservati putantur. Nam incendiarios, y) violatores Ecclesiarum, z)

non

w) Epistola Matthiae, cuius partem adduxi, inter eius epistolas edit. Cassov. parte 4. pag. 55. x) Lege art. 69. 1498. a. 12. 1504. a. 9. 1548. a. 14. 1550. y) Cap. 19. de sent. excomm. z) Cap. 22. cod. tit.

non solum, quando iuxta restrictionem Concilii Tridentini, crimen occulte commiserunt, a) sed quando publice quoque patrarunt illud, autoritate Praesulum absolvi, novimus; haeresis quoque peccatum, ceteroquin reservatum Pontifici: non per solum Antistitem, excluso etiam illius Vicario, b) sed per quemcunque, ab illorum alterutro delegatum Sacerdotem, potest dimitti, c)

§. CLXXXVIII.

Cardinal. decora et privil.

Illud vero ius nemo Catholicorum, Pontifici hactenus abiudicare contendit, quo ipse S. R. E. Cardinales creat. (§. XXXIII.) Hodie proëdriam habent etiam ante Patriarchas, d) velut primi a consiliis Papae, in
gu-

- a) Sess. XXIV. de ref. cap. 6. b) Ibid. c) Praxis quotidiana. Consulatur quoque Syn. provinc. Tirn. ann. 1611. celebrata, quae cap. III. num. 11. inter ceteros casus reservatos Episcopo, etiam superius memoratos, nominat. Ap. Péterffy Conc. H. T. II. pag. 212. d) Bened. XIV. de Syn. D. Lib. III. cap. 10. num. 1, Ant. Schmidt institut. Iuris Eccl. T. I. parte 2. cap. 1. sect. 4. §. 85.

gubernanda Ecclesia universali. e) Vestem, et galerum purpurei coloris, ex concessione Innocentii IV. gestant. Quibus adiecit Paulus II. pileolum rubrum, et facultatem, ut eqvos et mulos, quibus insident, eiusdem coloris panno tegere possint. Cardinales ex Ordine Religioso assumpti, volente Gregorio XIV. rubro pileo, formaque vestis eadem, qua ceteri Cardinales, utuntur, sed retento sui Ordinis colore. Ab Urbano VIII. datus illis est, *Eminentissimi et Reverendissimi* titulus, qui ceteros omnes absorbet, nec eo cuiquam uti licet, praeter Electores, Moguntinum, Trevirenses, Coloniensem, et Magnum Ordinis Melitensis Magistrum. Privilegia vero Cardinalium ferme haec sunt: in suis Titularibus Ecclesiis, (§. XXXIV.) etiamsi Presbyteri, vel Diaconi sint, exercent iurisdictionem, *quasi Episcopalem*. f) Dummodo Presbyteri sint, primam tonsuram, et minores quatuor Ordines in iisdem Ecclesiis, proque illarum obsequiis, conferre possunt. Ibidem utuntur Pontificali ornatu, solemniterque bene-

e) Trid. sess. XXV. de reform. cap. 1. f) Cap. 24. de elect. cap. 11. de maiorit. et obed.

nedicendi potestatem habent. Vocantur ad Concilia generalia, cum iure, votum decisivum depromendi. Generalibus ordinationibus, vel censuris inclusi, haud intelliguntur, nisi fuerit Illorum expressa mentio facta. g) Possunt cum sua dignitate, regimen alicuius Ecclesiae tenere. h) Ex armis vero, atque sigillis, iubente Innocentio X. Pont. quaslibet saeculares notas, tollere debent. i) k)

§. CLXXXIX.

g) Cap. 4. de sent. excomm. in 6. h) Trid. sess. XXIII. de ref. cap. 2. i) Vide Espen Iuris Eccl. univ. parte I. tit. 22. cap. 1. Richard anal. Concil. T. III. voce: *Cardinalis*. Dominici Macri Hieroglexicon ead. voce. k) Ut nihil eorum, quae pro arctitudine voluminis, quam mihi met praefixi, hic dici oportune possunt, silentio praetermittam, en! Cardinales, quibus Ecclesia Hungarica gloriatur: Ad an. videlicet 1379. Demetrius Eccl. Strig. Gubernator, et tit. SS. quatuor coronator. Presb. Cardinalis. — Ad eund. annum Valentinus Episcopus Qvinqueeccl. tit. S. Sabinae Presb. Card. — An. 1409. Iordanus de Ursinis Eccl. Qvinqv. Commendatarius, et tit. S. Laurentii in Damaso Card. — Ad an. 1471. Ioannes Vitéz Archiep. Strig. et Cardinalis. — Ad ann. 1477. Ioannes de Aragonia A. Ep. Strig. tit. S. Sabinae Presb. Card. — Ad eundem annum Ga-

§. CLXXXIX.

Iura Sede plena.

Cum Sedes Papalis est plena, talibus dicti Cardinales iuribus gaudent: Primi sunt
Pon-

briel Rangonius Agriensis, tit. SS. Sergii et Bacchii Presb. Card. — An. 1498. Hyppolitus Estensis Dux, perinde Agriensis, S. Luciae in silice Diaconus Cardinalis. — Anno 1501. Thomas Bakocz de Erdeud, A. Ep. Strig. tit. S. Martini in montibus Presb. Card. — An. 1504. Petrus Vesprimien. Episcopus, tit. S. Cyriaci in thermis Presb. Card. — Anno 1551. Georgius Martinusius, aliter Utisinovich, Varadinensis, et Administrator Strigon. Cardinalis. — Anno 1607. Franciscus Forgách de Ghymes Strigonien. Archiep. et Cardinalis, pileum obtinuit anno seqvente. — Anno 1629. Petrus Pázmány de Panasz, Archiep. Strig. Cardinalis, anno dein 1632. praesens Romae, galerum, titulumqve S. Hieronymi Illyricorum consequutus fuit. — An. 1686. Leopoldus Kollonits de Kollegrad Episcopus Iaur. et Cardinalis, demum anno 1695. qva Strig. Archiepiscopus, titulum, quem Pazmanus tenuerat, est consequutus. — Anno 1707. Christianus Augustus, e Ducibus Saxoniae, Archiep. Strig. et Cardinalis. — An. 1717. Emericus e Comitibus Csáky de Keresztfczeg, Ep. Varad. et Cardinalis. — An. 1723. Michael Fridericus Comes ab Althan,

Pontifici a consiliis. Assident Eius Consistorio veluti Consultores; (§. CXXX.) aliis autem Congregationibus Romanis, velut iudices. Soli possunt munus Legatorum, *de Latere* dictorum obire. Negotia curant Regnorum et Principum, titulo *Protectorum* honorati. 1)

§. CXC.

Ep. Vacien. et Cardinalis. — An. 1764. Christophorus Comes a Mligazzi Archiep. Vienn. et Administrator Vaciensis, Cardinalis. — An. 1778. Iosephus Comes de Batthyán Archiep. Strigon. et Cardinalis, anno 1782. Vindobonae galerum e manibus Pii VI. Pontificis, et titulum S. Bartholomaei in insula, consequutus fuit. — Securus quoque reddiderat anno 1517. Leo X, et Pontifex Petrum Berizló de Graboria, Episcopum Vesprimiensem, de obtinenda proximius Cardinalitia dignitate, per Literas, quae leguntur ad calcem opusculi inscripti: *Pannoniae luctus*, excusi Cracoviae 1544. et recusi Viennae 1798. Verum anno 1520. in expeditione suscepta contra Turcas, nondum habita Romana Purpura, Martis campum proprio sanguine tinxit. Qua de re Istvánffy hist. lib. 4. et 6. 1) Videatur Capitulatio Iosephi II. electi in Imp. an. 1764. 29. Martii edita, art. 23. §. 4. ap. Rieger in Corp. iuris Publ. et Eccl. Germaniae academicum pag. 847.

§. CXC.

Sede vacante.

Iidem, mox ut vacat Pontificia Sedes, exercent imperium Civile in ditionibus Ecclesiae Romanae, per tres locumtenentes Cardinales, Episcopum, Presbyterum, et Diaconum; qui tamen singulis diebus mutantur. Sed in iuribus, quae nominant *personalissima*, nisi admodum urgens deposcat necessitas, minime succedunt. m) Quapropter mortuo Pontifice, confringitur annulus Piscatoris; nec Brevia, nec bullae expediuntur. Eligendi vero Pontificis autoritas, hodie soli competit Cardinalium Collegio; n) quod, elapsis a morte Pontificis decem diebus, Conclave pro novi Pontificis electione, mox celebrare obligatur. o) Qui, si a duabus consultantium partibus concorditer eligatur, pro legitimo habendus erit. p)

§. CXCI.

m) Cap. 3. de elect. in 6. et cap. 2. eod. in Clem. n) Cap. 6. de elect. Cap. 3. eod. in 6. Cap. 2. et 4. eod. in Clem. o) Cap. 3. de elect. in 6. p) Cap. 6. de elect. Cetera ad hodiernam electionis formam pertinentia, inde apud Pagi in breviario RR. Pont. T. III. pag. 406. seqq. Espen commentar. in ca-

§. CXCI.

Legator, iura communia.

Ordinem sequuto, qui iuxta recentiores hominum mores, in Ecclesiastico regimine custoditur, dicendum nunc de iuribus Legatorum erit. (§. XLI. seqq.) Qvaedam sunt iura communia cuivis Legatorum classi. Nam omnes in Provincia suae legationis, ordinaria gaudent iurisdictione, ut ibidem evellant, dissipent, ac plantent. q) Examen electionis Episcopalis instituere possunt, Pontifici transmittendum; r) uti et statuta condere, post ipsorum quoque discessum robur habitura; s) causas etiam per simplicem qverimoniam ad se delatas iudicare. t) Cui nihilominus iuri derogavit Concilium Tridentinum, u) et in Hungaricis ditionibus lex patria, decernens anno 1481. art. 17. *si vero aliquae essent causae, mere Ecclesiasticum forum concernentes, in his unusquisque secularium, vel Ecclesiasti-*

put 3. de elect. in 6. opp. T. VIII. pag. 207. edit. Venetae ult. q) Cap. 2. de off. Leg. in 6. t) Cap. 5. de off. Legati. s) Cap. ult. eod. tit. f) Cap. 1. eod. tit. u) Sess. XXIV. de ref. cap. 20. post medium.

sticarum personarum, coram Ordinario suo primum prosequatur, et deinde, si contentus illius iudicio non fuerit, ad suum Metropolitanum appellet. Hinc articulus 10. anni 1495. praecipiebat, ut causae, quas Ursus de Ursinis Papae Legatus, versare coeperat, ad ordinarios iudices revocarentur. Insuper, Legati debent ab Episcopis in eundo, ac redeundo honorifice tractari, et in suis necessitatibus adiuvari. Id, quod tam vetus illa, v) quam hodierna iurisiurandi formula deposcit.

§. CXCI.

Legator. a Latere.

Peculiaria quoque iura habent Legati, quos a Latere suo Pontifex mittit. Nam I. Affirmanti, se a Papa missum credi debet, dummodo Cardinalem esse ceteroquin constet. II. Post discessum ab Urbe, splendidioribus utendi insigniis, ut, veste purpurea, eqvo albo phalerato, fraeno et calcaribus deauratis; et ingrediendi civitates ac oppida sub baldachino, Clero populoque, solemniter
eum

v) Cap. 4. de iureiur. Exempla vero in meis amoenit. Hist. Eccl. R. H. fasciculo IV. num. II. §. 8.

eum deducente. w) Ubivis extra Urbem Romanam absolvendi percussores Clericorum ab excommunicatione. x) IV. Sua praesentia impediendi, ne Patriarchae etiam, aliique Praelati, crucem sibi praeferri curent. y) V. Suspendendi Legatorum inferioris ordinis, officium. z) VI. De causis exemtorum cognoscendi. a) VII. Eosdem, uti et quosvis Archiepiscopos ac Episcopos electos, confirmandi. b) Sed neutiquam transferendi, vel uniendi Episcopatus, aut alteri alterum subiiciendi. c) VIII. Beneficia iuris Patronatus Ecclesiastici, in provincia Legationis, pari cum Ordinario autoritate conferendi. d) Sed nec Beneficia patronatui *laico*, e) neque electioni Canonicae subiecta; f) prout nec illa, quorum collatio, propter negligentiam Praelati

Re-

w) Ita Canonistae, ac praxis. x) Cap. 4. et 9. de off. Leg. y) Cap. 23. de privil. et. z) Cap. 8. de off. Legati. a) Cap. 36. de elect. in 6. b) Cap. 36. eod. c) Cap. 3. et 4. de off. Leg. Trid. sess. XXIV. de ref. cap. 13. d) Cap. 6. de off. legati. Cap. 1. eod. in 6. Cap. 31. de praeb. et dign. in 6. e) Cap. 28. de iure patronat. f) Cap. 4. de off. Leg. in 6.

Regularis, ad Episcopum est devoluta. g) IX. Insuper de iure scripto, dierum XL. h) ex consuetudine, centum dierum Indulgentias largiendi. i) Quae iura, desinunt lapsu temporis praefiniti. Revocatione etiam tacita: ut, si negotium prorsus idem, alteri fuerit specialiter demandatum. k) Morte Legati; sed non obitu Pontificis. l) Item finita legatione, finiuntur mandata, si res adhuc sit in integro statu. m)

§. CXIII.

Legator. Nator.

Hoc igitur habent Legati Nati, prae illis, quod istorum dignitas, etiam ad Successores Archiepiscopos transmigret. Ceteroquin gradu sunt prioribus inferiores; n) et, si praeter tituli praerogativam, aliquid potestatis ha-

- g) Cap. un. de suppl. negligentia Praelator. in Clement. h) Cap. 14. de poenit. et remiss. i) Vide Remigii Maschat. Institut. Canonic. lib. I. tit. 30. k) Cap. 2. de off. Leg. l) Cap. 2. eod. tit. in 6. m) Cap. 3. de off. legati. Cetera vide ap. Espen Juris Eccl. univ. parte I. tit. 21. cap. 2. et meas amoenit. fascic. IV. n) Cap. 8. et 9. de off. legati.

habent, id non e codice legum, sed e speciali cuiusvis indulto robur suum habebit.

§. CXCIV.

Legati Nati Hung.

Archiepiscopo Strigoniensi postquam confirmaverat Nicolaus V. anno 1402. potestatem Legationis, in singulis Hungariae, partiumque huic subiectarum, et subiiciendarum Ecclesiis Metropolitanis, Cathedralibus, ac aliis, licet exemptis Ecclesiis: o) nova mox Bulla, huius Legationis iura singillatim enumerabat: I. Ut intra limites suae legationis, ceteris Praesulibus, quos contigerit adesse, in ea recessantibus, soli crux praeferatur. II. Causas cognoscere possit, vel committere cognoscendas, etiam per simplicem querelam ad forum suum delatas. III. Quodcumque decreverit intra eosdem Legationis limites, comminando transgressoribus autoritate Apostolica, hac in parte sibi attributa, censuras, ut id ab omnibus et singulis personis tam Ecclesiasticis, quam Religiosis, licet exemptis,

Pars Spec.

C

quam

o) Bulla apud Pray Hier. H. parte 1. pag. 86.

quam saecularibus, firmiter observetur. p) Nilominus altero loco memoratae hic praerogativae, locum apud nos haud esse, superius dicta probant. (§. CLXXXIV.)

§. CXCV.

Ceter. Legator. et Nuncior.

Ceteri quique sedis Apostolicae Legati, Vicarii Apostolici, atque Nuncii, venientes in provinciam, suae legationis literas exhibeant, est necesse. q) Praeter communia quibusque Legatis iura, (§. CXCI.) quae his peculiariter sunt, non ex Decretalibus Pontificum desumantur, sed ex mandato speciali Pontificis, r) Ecclesiarum privilegiis, et mo-
ri-

p) Bulla ap. Péterffy Conc. Hung. T. II. p. 293. et Pray cit. op. et parte, pag. 90. q) Can. ult. dist. 97. Cap. 31. de off. iud. deleg. r) Exemplum eiusmodi specialis mandati habemus ad an. 1471. cum Paulus II. Mathiam Corvinum, propter correpta contra Hussitas Bohemos arma, pioleo, enseque solemniter donaturus, pro hoc actu, specialem Nuncium destinaverat Gabrielem Rangonium de Verona, ex Ord. FF. minorum, alias haeret. pravitatis apud nos Inquisitorem; cuius gratia, haec inter cetera, fuerunt per Pontificem

ribus regionum, ad quas ire iubentur. Experientia vero docet, largiri Nuncios quaspiam dispensationes, et Indulgentias, quae plenariae non sint; relaxare iuramenta; censuras tollere intra Provinciam Legationis; atque delegationis creditae sibi speciatim, officio defungi. Munere hoc fungitur Nuncius Apostolicus Vindobonensis, quoties Episcopi ditionum Hungaricarum, post sui ab Rege factam nominationem, solitum examen pera-

C 2

gere

ordinata: „Quando erit iuraturus civitatem, oppidum, seu castrum, ubi D. Rex residentiam facit, et erit dies festus, de mane bona hora exhibunt obviam ei multi, ex quocunque statu, et Magnates, et Principes de mandato Domini Regis: et ipse Nuncius erit inter duos honorabiliores, seu potentiores, ibit etiam obviam ei processio usque ad portam Civitatis, seu Loci, cantando hymnos etc. Et immediate ipse Nuncius, et alii, cum viderint processionem, de eoque quis descendit, pro reverentia ipsius. - - Cum vero processio intraverit Ecclesiam, sive fuerit in partis Ecclesiae, cantabitur antiphona: *Ecce ego mitto Angelum meum etc.*“ Reliquum ritum legere est ap. Pray. annak. H. parte 4. pag. 69. et ap. RR. Keller in hist. Ep. Qvinqv. T. IV. pag. 356.

gere debent, priusquam Bullas confirmatorias; a Pontifice consequantur. s) Iurisdictionem vero *contentiosam*, exerceri per Illum in hac Patria, leges nostrae haud patiuntur. Alibi quoque gentium, ubi iurisdiclio ipsorum stabilita fuit, salvis duntaxat generalibus Ecclesiae constitutionibus, exerceri potest. t)

§. CXCVI.

Iura Patriarch. et Primatum.

Iura Patriarcharum olim praecipua, cum ad classem iurium, quae Primatibus debentur, dudum sint redacta; neque Canones faciant inter utrosque discrimen, u) peculiarem tractationem a nobis minime deposcunt. Primates quoque, conspicuam olim potestatem, v) cum translatione maiorum causarum ad sedem Apostolicam sensim facta, (§.

- s) Exempla leges in meis amoenit. hist. Eccl. Hung. fascic. IV. num. I. §. ult. t) Lege Espen Iuris Eccl. univ. parte I. tit. 21. cap. 2. num. 32. seq. u) Can. 1. et 2. dist. 99. Cap. 9. de off. iud. ord. v) Petr. de Marca diss. de Primat. adnexa operi inscripto de concord. Sac. et Imp. Richard Analysis Concil. T. IV. voce: *Primas*.

(§. CLXXXIII.) prorsus amiserunt; tanta ferme praediti hodie, quantam singulari favore Pontificum obtinuerunt.

§. CXCVII.

Primatis Hung.

Memorata paullo superius iura, (§. CXCIV.) Strigoniensibus Archiepiscopis confirmata fuerunt a Pontifice, titulo non solum Legationis, verum etiam *Primatiae*. Petrus Pázmány, Primas et ipse Hungariae, haec sua iura taliter e iure communi recensebat: *ad Primatem appellant Episcopi: Metropolitani et Archiepiscopi obedire debent Primati. w) Absque Primatis consensu, Metropolitanus non potest ordinare Episcopum. x) Causas etiam Episcoporum, quas Metropolitanus finire non potest, Primas definit. y)* Fatendum est nihilominus, de ordinatione Praesulum, aliter esse pronunciandum hodie, postquam Pontifex de more, ac (ut aiunt) de stylo Curiae, Bullis Episcoporum confirmatoriis, haec esse vult inserta: *nos ad ea, quae*
in

w) Can. 1. dist. 99. Can. 1. caus. XI. qy. 2. x)

Can. 4. 5. dist. 65. y) Can. 3. caus. 6. qy. 4.

in tuae commoditatis augmentum cedere valeant, provide intendentes, tuis hac in parte supplicationibus inclinati, Tibi, ut a quocumque quem malueris, Catholico Antistite, gratiam et communionem Sedis Apostolicae habente, accitis, et in hoc tibi assistentibus duobus vel tribus Catholicis Archiepiscopis, seu Episcopis, similes gratiam et communionem sedis praedictae habentibus, munus consecrationis recipere valeas. Sed neque Bulla novi Praesulis commendatitia, dirigitur ad Primate, verum ad Metropolitanum, cui dicitur: fraternitatem tuam rogamus, et hortamur, attente tibi per Apostolica scripta mandantes, quatenus eundem N. Episcopum, ac praedictam Ecclesiam N. Suffraganeam tuam habens, pro nostra, et sedis Apostolicae reverentia propensius commendatos, in ampliandis, et conservandis iuribus suis sic eos tui benigni favoris auxilio prosequaris, quod idem N. Episcopus, per tuae auxilium gratiae, se possit in commisso sibi praedictae N. Ecclesiae regimine, utilius exercere. z)

Ius

z) Imo iam in Bullis saeculi XIV. a Clemente VI. et Bonifacio IX. editis, idem ferme stylus obser-

Ius vero convocandae Synodi nationalis proprium Primati, apud nos quoque, non semel exercitum fuisse, commemoravi. (§. LXXXVII.)

§. CXCVIII.

Iura Metrop. in Suffrag.

Primatibus in Ecclesia Christi, succedunt Praesules Metropolitani. Quorum qualiacumque fuerint olim iura: a) sensim diminuta, hodie ad isthaec ferme revocantur. I. Ordinariam exercent iurisdictionem in Suffraganeos non exemptos, uti et Vicarios eorundem. a) II. In specie: Potestatem habent supplendi negligentiam eorundem in provisione Beneficiorum admissam, b) III. Commis-

sam

vatur. Id quod experiri licebit in Serie Episcoporum, Chanadiensium, quam adnexuit Ep. Transylv. C. Ign. de Batthyán S. Gerardi scriptis et actis, quae typis mandavit Albae Carolinae, anno 1790. Quae igitur iura allegabat Pazmanus ap. Péterffy Conc. Hung. T. II. pag. 286. ne quidem eo tempore vigeant. a) Can. 2. caus. 9. qv. 3. Cap. 11. de off. iud. ord. Cap. 1. de off. Vicarii in 6. b) Cap. 3. de suplenda negl. Prael. Cap. 4. eod. in 6.

sam in danda absolute ab excommunicationis censura. c) IV. Scripto probandi causas longioris absentiae Suffraganeorum a propriis Dioecesibus, nisi causa haec esset publica, notoria, et repentina. d) V. Denunciandi eosdem Papae, si non resederint in propria Dioecesi per annum. e) VI. Illos praeterea, in erigendis Clero seminariis nimium desides, admonendi, ac etiam cogendi. f) VII. Exercendi iurisdictionem in ipsos, ubi per legem non sunt exempti; atque praemissa monitione, et correptione, usque adeo censurae poenam infligendi. g) Qvod tamen Officiales eorum, seu Causarum Auditores, ob reverentiam dignitatis Episcopalis, ullo modo facere vetantur. h) Imo nec ipsi causas eorundem criminales cognoscere possunt, seu reservatas Papae, i) nonnullas autem Synodo Provinciali. k) VIII. Qvolibet triennio,

- c) Cap. 8. de off. iud. ord. d) Trid. sess. XXIII. de ref. cap. 1. e) Idem sess. VI. de ref. cap. 1. f) Idem sess. XXIII. de ref. cap. 18. g) Cap. 52. de sent. excomm. Cap. 2. de off. iud. deleg. in 6. h) Cap. 1. de off. Ord. in 6. i) Trid. sess. XXIV. de ref. cap. 5. k) Ibidem.

nio, nunc memoratam Synodum convocandi. l) IX. Sede Episcopali vacante, si pigrescat Cathedrale Capitulum, post dies octo dandi ei Vicarium Capitularem. m) IX. Imo suffraganeorum Dioeceses visitandi; n) attamen duntaxat causa cognita, probataque per Concilium Provinciale. o)

§. CXCIX.

In eorum fideles.

Ne vero laedatur potestas Episcoporum, et ordo Ecclesiasticae disciplinae perturbetur, Metropolitani iurisdictionem exercere possunt in Dioecesibus Suffraganeorum, duntaxat in casibus iure definitis. p) Videlicet I. in casu appellationis ab Episcopi sententia factae. q) II. Cum actu visitat Provinciam, delicta notoria

l) Idem ead. sess. de ref. cap. 2. m) Trid. ead. sess. decr. de ref. cap. 16. n) Cap. 1. de censib. in 6. o) Trid. sess. XXIV. de ref. cap. 3. Vide praeterea ad haec omnia uberius condiscenda, Espen Iuris Eccl. univ. parte I. tit. 19. cap. 4. 5. 6. p) Cap. 11. de off. Iud. ord. q) Cit. nunc cap. item cap. 16. de off. Ord. in 6. Cap. 3. de appell. in 6. Trid. sess. XXIV. decr. de reform. cap. 20.

toria corrigere potest, r) confessionesque fidelium audire. s) III. Sibi quoque in eodem visitationis actu, vel suis irrogatam ab aliquo iniuriam, vindicare. t) IV. Exitialem extirpare consuetudinem, quando id suffraganei non agunt. u) V. Indignos prohibere a munere praedicationis, etiam in Dioecesibus Suffraganeorum. v) VI. Cessantes ab officiorum Divinorum celebratione Canonicos, iurisdictioni suorum Suffraganeorum subiectos, ad munus exequendum, etiam per censuras compellere, atque imprimis eo casu, dum id praesumitur, in Praelati sui contemptum, w)

§. CC.

Insignia, hisque adn. pot.

At vero iura haec, tunc demum exercere potest Metropolitanus Antistes, cum a Pontifice consequutus est pallium Archiepiscopale, fasciam videlicet coloris nivei, contextam

- r) Cap. 1. de censibus in 6. Cap. 1. de poenis in 6. s) Cap. ult. eod. tit. in 6. t) Cap. 1. de poenis in 6. u) Cap. 18. de fil. Presb. Cap. 3. de institut. Cap. 36. de Simonia. v) Cap. 11. de privileg. etc. w) Cap. 13. de off. Iud. Ord.

tam in circulum, digitos ferme quatuor latam, ex qua duae rursum fasciae pendent, haec ad pectus, illa defluens ad tergum: ambae, uti et circulus, nigellis crucibus insignitae. x) Illud peti debet intra trimestre; a die consecrationis, et per consecratum, a die confirmationis computatum; y) concediturque a Papa sumtum de corpore Beati Petri, z) verum praestito duntaxat fidelitatis iuramento. a) Cum eo Pontificalis officii plenitudo, nomenque *Archiepiscopi* confertur. b) Hoc igitur necdum obtento, confirmatus licet, *Metropolitanus* quidem, sed nondum *Archiepiscopus* nominari potest. Quae sunt Ordinis Episcopalis, nequit exercere, tametsi consecratus; c) nec illa, quae sunt iurisdictionis, licet iam confirmatus. d) Minores tamen actus Iurisdictionis Episcopalis, modo fu-

- x) Pagi in breviario RR. Pont. T. I. pag. 85. Macri Hierolexicon voce: *Pallium*. y) Can. 1. et 2. dist. 100. z) Cap. 3. de auct. et usu pall. Cap. 4. de elect. et electi pot. a) Cap. 4. de elect. b) Cap. 3. de auctorit. et usu pallii. c) Cap. 11. de elect. d) Cap. 28. de elect.

fuerit consecratus, exercere non [vetatur. e) Nihilominus, Pallio quoque adfixa potestas, restringitur ad personam; nec enim vel commodari potest, vel transferri ad successorem, sed cum acquirente sepelitur. f) Neque tunc valet pallium antehac obtentum, quando ab una sede Metropolitana ad aliam transitur. g) Ad tempus quoque restringitur pallii usus; ad Missas videlicet solemnes, et Festivitates in Libro Pontificali nominatas. h) Item ad locum, puta, ad Ecclesias suae provinciae, i) forsitan etiam ad exemptas. k). Extra Provinciam suam, ut eo cum proprii Provinciae cuiuslibet Metropolitanus facultate, possit uti, Canones minime vetant. Quare Petrus Pázmány Strigoniensis Metropolitanus, Colocensi

Me-

e) Cap. 11. 15. eod. tit. f) Cap. 2. de auct. et usu pallii. g) Cap. 4. de postulat. Praelator. h) Cap. 4. et fin. de auct. et usu pallii. i) Cap. 5. eod. tit. k) Eruitur ex cap. 1. eod. tit. propter generalia Pontificis verba: *Tradimus tibi pallium, ut eo intra Ecclesiam tuam utaris.* Veteres formulas in transmissione Pallii adhibitas, vide in Ordine diurno RR. Pont. ex editione Garnerii, Vindobonae reimpresso anno 1762. pag. 121.

Metropolitano, simulque Nitriensis Episcopatus Administratori Ioanni Telegdy, facultatem anno 1625. largiebatur sequentem: *ut vita sua durante, in festis Nativitatis Christi Domini, Circumcisionis, Paschatis, Pentecostes, Assumptionis Beatissimae Virginis Mariae, ac Patroni Ecclesiae Nitriensis, pallio Archiepiscopali uti possit.* l) Solus Pontifex Romanus, in Missarum solemniis, pallio semper utitur ac ubique. m) Insigniis Metropolitanorum addenda est Crux elevata, quae ipsis intra Provinciam praeferri ubique potest. n) Modo tamen praesens non fuerit Papae Legatus, utens Insigniis Apostolicae dignitatis. (CXCII.) Benedicit populo, Missamque solemnem, in Pontificalibus ornamentis celebrat, o) et concedit XL. dierum Indulgentias, in locis quomodolibet exemptis. p)

§. CCI.

- l) Apud Pray in specim. Hier. Hung. parte 2. pag. 85. m) Cap. 4. de auctorit. et usu pallii. n) Cap. 1. ut lite pend. nihil innovetur. o) De his eleganter RR. Lad. Tompa, hodie Metrop. Strig. Eccl. Canonicus, Institut. de Sacris Christ. Ritib. parte 1. Cap. V. §. 30. p) Cap. 2. de priv. in Clem. Cap. 14. 15. de poenit. et remiss.

§. CCI.

Iura Spir. Metrop. Strig.

Specialia quaedam iura, quae Strigoniensi Metropolitano, vetustissima patrum aetate competebant, ad historicam potius, quam ad Iuris Ecclesiastici tractationem spectant.

q) Petrus Pázmány, iurium suorum optime gnarus, commemorat quaedam iura, velut sedi suae Metropoliticae debita, e communi Ecclesiastico iure. r) Qveis adnumerandum est ius coronandi, ungendiqve Regis; firmitum

q) Ceteris non abs re silentio praetermissis, memoranda est iurisdictio in Curiam Regis atque Reginae tam voluntaria, quam et contentiosa. De qua docum. ap. Pray in specim. Hier. Hung. parte I. pag. 103. et ap. Katona hist. crit. R. H. tom. 4. pag. 669. item Iurisdictio in multas Ecclesias Collegiatas et Parochiales, velut Ordinario competens, in aliis Dioecesibus, etiam extra suam Provinciam existentes. Uti documenta probant ap. Péterffy Conc. Hung. tomo 2. pag. 288. seqq. Insuper Nicolaus Olahus Strig. Archiep. anno 1561. quaedam recensuit vetera novaqve Strigoniensis Archiepiscopi privilegia. Vide ap. Pray cit. op. parte 1. pag. 142. seqq. r) Apud Péterffy cit. op. tom. 2. pag. 286.

tum concessionibus Romanis, in quas Hungari, pro sua erga sedem Apostolicam reverentia, lubentes consenserunt, s) usu quoque perpetuo roboratum, et quidem velut seqvela Pallii Archiepiscopalis; quo nondum obtento, iuxta receptam Ecclesiae disciplinam, sacrae actiones tantum Episcopis propriae, imprius autem illae, in quibus intervenit unctio sacra, peragi minime possunt. (§. praec.) Addatur ius ungendae Reginae Hungariae; quo iure munereque, post literariam de illo concertationem, t) anno Domini 1792. Strigoniensis defunctus erat.

§. CCII.

Et iura profana.

Civilis autem potestas in patria nostra, tam Strigoniensis Archiepiscopi, quam cetero-

s) Docum. ap. Pray cit. op. parte 1. pag. 104. seq. item in Natalib. A. Ep. Coloc. pag. 41. et apud Koller in hist. Epp. Qvinqv. tomo 1. pag. 348.

t) Prodiit *de Iure coronandar. Reginar. Hung. disquisitio*. Poson. 1792. Quam seqvutae fuerunt *Réflexiones ad disquisitionem de iure coronandar. Reginar. Hung.* Posonii eod. anno.

rorum quorumvis Praelatorum, fundatur imprimis in isto Sancti Regis Stephani dicto: *regium solium ornat Ordo Pontificum, ac per hoc in Regali dignitate, tertium possident locum Pontifices.* u) Perpetua sane fert consuetudo, ut Archi-Praesul Strigoniensis, unus sit e primis, qui Regi consilio, et auxilio in omnibus arduis, et secretis Regni negotiis assistere debet. v) Atque istud Regni Hungariae leges, non tam confirmant, quam supponunt. Expressit speciales Eius dignitates articulus 15. anno 1536. conditus, hisce verbis: *quum RRmo Domino Archiepiscopo Ecclesiae Strigoniensis, ex eiusdem Ecclesiae antiquis privilegiis, tanquam Summo, et Secretario Cancellario Regio, iure competat, ut ipse, iuxta formam generalis decreti Regni, tanquam Personalis Maiestatis Regiae Praesentia, unus ex Iudicibus Regni ordinariis esse censeatur. Tum igitur ex eo, tum etiam, quod sit et Ungariae Primas: Maie-*
stas

u) Decr. lib. 1. cap. 3. v) Sunt verba epistolae a Bela quarto missae anno 1252, ad Innocentium IV. Pont. ap. Mich. Horváth in Natal. Archiep. Coloc. pag. 57.

stas Regia, inter Dominos Locumtenentem, et ceteros Ecclesiasticos consiliarios, ac iudices Regni ordinarios, eum faciet ordinem, ut idem Dominus Strigoniensis, et in consilio, et in iudicio, pro suo, et Ecclesiae suae honore, uti convenit, sua libere fungatur auctoritate. Quamobrem competit ei conservatio sigilli Regii, quod sigillum duplex nominatur. w) Ob molem vero negotiorum, quibus obruitur, alter in iudiciis civilibus vicem eius obit, diciturque Personalis Praesentiae Regiae in iudiciis Locumtenens, olim vir Ecclesiasticus plerumque, x) deinceps autem propter causas criminales, vir saecularis, iurium peritus. y) Fuit insuper Strigoniensis Archiepiscopus, ad haec usque tempora, su-

Pars Spec.

D

pre-

w) Decr. Lud. I. de an. 1351. in corp. iuris Hung. adde 1741. a. 10. 1751. a. 3. Pazmannus ap. Péterffy tom. 2. p. 287. De distinct. sigillor. regior. lege 1471. art. 8. Reipsa dudum ingeminatum sigillum maius, vigore art. 24. 1791. recepisse ex Cancellari aHung. defunctum Primate, notavit RR. Mich. Horváth, in statistice R. H. parte I. pag. 132. x) Vide 1486. a. 18. 1492. a. 37. et conclus. articulor. anni 1504. y) 1507. a. 4. 1514. a. 55.

prenus, atque perpetuus Comes provinciae Strigoniensis, ab antiquissima aetate, quod monumenta probant, z) et lex Regni testatur. a) Duos habet ad Regiam Tabulam assessores. b) In iudiciis non per seipsum, at per suos officiales iurat. c) In Bonis Archiepiscopalibus creat nobiles, dictos *Praedialistas*, a tricesimis, atque tributis immunes; d) a solutione vero telonii eius quoque coloni, propter Domini sui respectum, immunes, per legem Regni pronunciantur. e) Dudum, usque adeo ex proventu Regali partem decimam tollebat; f) iure percipiendi Piseti, g) hodieque gaudet. h) Denique: per
arti-

- z) Docum. de anno 1274. in Hist. Epp. Agr. apud Schmitth tomo 1. pag. 199. atque Leopoldus I. honorem hunc Archiepiscopo, *ab antiquo esse proprium* asserebat ap. Kazi hist. R. H. lib. 9. pag. 61. a) In conclus. articulor. anni 1351. b) 1557. a. 13. 1567. a. 26. c) 1550. a. 64. d) 1563. a. 59. 1599. a. 41. e) Docum. anni 1239. ap. Pray in spec. Hier. H. parte 1. pag. 129. Adde 1557. a. 16. 1563. a. 59. f) Diploma Belae III. de an. 1198. Belae IV. de an. 1256. et 1263. Ladislai IV. de an. 1289. ap. Pray cit. op. et parte, pag. 128. seq. g) Ex italico: *Pesetto*, pondusculum. h) Ex cit.

articulum vigesimum quartum anno 1791. conditum, iura Strigoniensis Archiepiscopi, et praerogativae, sua Maiestate Sacratissima annuente, pro confirmatis declarata fuerunt. Quibus gratia Caesaris Augusti Caroli VI. inde ab anno Domini 1714. Principis Sacri Romani Imperii honor specialis accessit, nihilominus Regni Hungariae statutis, iuribus, privilegiis, et consuetudinibus, in salvo relictis. i) Pro qua gratia status, ac ordines Hungariae, in Comitibus anno sequente congregati, aeternum sese obstrictos, ut contestarentur, huius rei memoriam, ad seram usque posteritatem transmittere voluerunt. k)

D 2

§. CCIII.

Belae IV. diplomatib. Adde multos articulos in iure Hung. quos videsis in cynosura: *Pisetarius*, Ex hoc Piseto Pazmannus cum Pontificis, et Ferdinandi II. Regis Hung. consensu, annua quinque millia transtulit anno 1624. ad honestam sustentationem nobilium invenum Hungarorum. Cuius litterae leguntur ad calcem operis inscripti: *Commentaria de Germania sacra restaurata*. Adde 1741. art. 43. i) Legitur Diploma ap. Laurentium Károlyi in speculo Ecclesiae Iaurin. pag. 117. k) Anno 1715. art. centesimo undecimo.

§. CCIII.

Iura Metrop. Coloc.

Colocensis Metropolitanus, iura sua habet in iis fundata, quae paulo superius adduxi. (§. CXCVIII. seqq.) Ius autem ipsius civile reperi in codice Iuris Hungarici, puta, in art. 25. anni 1464. quo indulgetur, ut in Bonis Eiusdem, Dominicis, Festisque diebus, Beatue Mariae Virgini sacratis, fora haberi possint. Supremi Comitum in Bachiensis Comitatu honos, gestus est per Antistites Colocenses, inde a Stephano de Wárda, et anno 1464. l) per Uladislaum II. iisdem *in perpetuum* collatus. m) Attamen filium praecidit in hac dignitate successioni Metropolitanis competenti, Regina Maria Theresia, quum anno 1774. declarabat: Supremorum Comitum honores, Archiepiscopis, et Episcopis conferendos deinceps neuiquam esse. n)

Qva-

- l) Vide Pray in specim. Hier. Hung. parte II. pag. 46. m) Vide inter epist. Petri de Warda, num. I. n) Resolutio Theresiana die 1. Maii, anno 1774. edita, sic ad verbum habet: „Firmum, decretum est, Supremorum Comitum honores Archiepiscopi - ac Episcopis imposterum non conferre; de-

Quare concluderis: et hanc, et alias quasque dignitates, quas *Baronatum Regni* nomine compellamus, solius Regum arbitrii, non haereditatis esse.

§. CCIV.

Requis. ad pot. Episcopalem.

Sequuntur Metropolitanos Episcopi Diocesani. Qui, ut multiplici, quam expone-
mus, praediti sint potestate, necessum est,
ut fuerint electi, vel postulati, aut certe nomi-
nati per eos, quibus hoc iuris competit, o)
et

„cedentibus itaque, qui in praesentiarum his Of-
ficiis praesunt, Episcopis, alia subiecta ex sae-
„culari statu, Supremos Comites nominabo. Ne-
„que Strigoniensis, et Veszprimiensis Archi-ac E-
„piscopi porro dignitatibus hisce investientur. Si
„qui nefors titulo oneroso, in praefatorum Mune-
„rum possessionem venissent, congruam, quae
„competere posset, indemnisationem petere, alio-
„quin non intermitterent“ Quaeris: Undenam scri-
pti huius Regii copiam obtinuerim? Respondebo:
aut Vindobonae, ubi tunc Theologicam cymbam
in altius iam pelagus provexeram: aut alibi, a vi-
ro, non sui tantum, sed etiam alieni profectus a-
mante. o) Espen iuris Eccl. univ. parte I. tit
13. cap. 1. seqq.

et a Pontifice Romano confirmentur. (§. CLXXXIII.) Nondum confirmati, de stylo Decretalium, *Electi* nominantur. p) Consecrentur postea vel a tribus Episcopis iuxta morem antiquissimum, q) vel ab uno, quem delegerint, Catholico Antistite, gratiam et communionem sedis Apostolicae habente; r) accitis, et assistentibus duobus, vel tribus Catholicis Archiepiscopis, seu Episcopis, eamdem gratiam habentibus. (§. CXCVII.) Qvod fieri oportet intra trimestre, ab obtenta confirmatione computandum. s) Nam confirmatio, tribuit quidem potestatem iurisdictionis externae; t) verum, quae sunt Ordinis, consecra-

- p) Espen ead. parte, tit. 14. cap. 4. num. 2. q) Ex epist. S. Cornelii Papae electi an. Christi 252. ad Fabium Antioch. data, et ab Euseb. hist. Eccl. lib. 6. cap. 43. relata, novimus, Novatianum Urbis Romae Episcopatum, adversus eundem Cornelium, nequiter ambientem, misisse, ut e vilissima Italiae parte venirent tres Episcopi, a quibus crapula oppressis ordinatus erat. r) Iuxta cap. 10. de off. iud. ord., et ex Bullae stylo. s) Can. 2. dist. 75. qui est canon Conc. Chalced. Trident. sess. XXIII. de ref. cap. 2. t) Espen parte 1. tit. 15. cap. 5. num. 3.

secrationem sequuntur. u) Praecedere debet consecrationem fidei Catholicae professio, et fidelitatis iuramentum, ipsi Bullae confirmatoriae insertum. Qvod cum iuramento legitimis terrae Principibus praestari solito, probe conciliari, vel hoc unum evincit, qvod cum illud possent impedire, nullatenus velint. v) Praeter haec omnia, iuramentum illud, consecrati manu signatum, uti et Annatarum taxa solita, w) Romam transmitti debet.

§. CCV.

Distinctio iurium.

Eam potestatem, quam Episcopi partim confirmatione, partim consecratione sunt consequuti, sequuntur I. Iura Ordinis, ex ipso nimirum caractere manantia. II. Iura iurisdictionis, quae consistunt in agendo, vel impertiendo. III. Iura Dioecesana, quae sunt po-

u) Ibidem num. 5. v) Espen cod. tit. cap. 2. Illustris Lakics in praelect. Canonicis *de legitimâ Epp. instituend. etc. ratione* §. 135. w) Taxationem proventuum Episcopaliū sub Corona H. existentium, in Camera Apost. dudum factam, lege ap. Szentiványi dissert. paralipom. catal. 38. et 74.

posita in accipiēdo. x) IV. Iura dignitatis, quae in splendore functionum sacrarum, et quorundam Insignium proprietate consistunt.

§. CCVI.

Iura Ordinis.

Ad classem primam refertur ius administrandi Sacramentum Confirmationis, et Ordinis; conficiendi oleum catechumenorum, infirmorum et chrisma; consecrandi Ecclesias, et pollutas reconciliandi. Benedicendi Abbates, ac Abbatissas, ceterasque virgines Deo per votum consecratas. Vasa item, vestimenta quoque, Divino cultui destinata; prout etiam campanas. Quorum pleraque, Presbyteris etiam delegari posse, Theologi tradunt.

§. CCVII.

x) Fundamentum est in cap. 18. de off. iud. ord. Aiunt, primum fuisse Iohannem Hugutionem glossatorem, qui novam distinct. excogitavit, inter legem *Dioec.* et legem *iurisdic.* quam primus adoptaverit Honor. III. Mentio est legis Dioecessanae can. 1. caus. X. qv. 1. item can. 34. caus. XVI. qv. 1. sed alio sensu; ut nempe sacram potest. per totam semet Dioec. extendentem significet.

§. CCVII.

Iura iurisd. a quo accepta?

Exposituro iura iurisdictionis, adhaerendum est in ea quaestione; num, stante hac veritate Catholica: quod Episcopalis iurisdictionis in Christi fundetur institutione, (§. XXVIII.) et ab Eo sumatur *radicaliter*, immediate nihilominus, et *formaliter*, a Pontifice Romano debeat obtineri? Disputatum est ea de re in Concilio Tridentino, mansitque lis indecisa. y) Didaci Lainez Praepositi Generalis soc. Iesu, qui sententiam ibi propugnatam consecretantur, hoc alterum asseverant ex eo potissimum capite, quod ipsum hoc affirmaverint: S. Cyprianus Episcopus, z) Vigilius, a) Nicolaus II. b) et Innocentius III. c) Pontifices Romani. Ex quorum dictis eruitur, particulares Ecclesias procedere ab Ecclesia Romana; Praesules earum vocatos esse

- y) Pallavic. Hist. Conc. Trid. Lib. XVIII. cap. 15. Lib. XIX. cap. 6. num. 3. Natal. Alex. in hist. saec. 16. dissert. XII. art. 13. num. 2. z) In tract. de unit. Eccl. sub. ann. 255. a) Apud Gratian. Can. 12. caus. II. qv. 6. b) Ibid. Can. 1. dist. XXII. c) Cap. 4. de auct. et usu pallii.

esse in partem sollicitudinis, non in plenitudinem potestatis. Addunt: iurisdictionem esse nullam sine populo; illam igitur ab eo conferri, qui hunc assignat. Quod fit utique a Pontifice Romano, cum nullibi praeceperit Christus Dominus, ut Episcopus isthic potius, quam alibi suo munere defungatur. d) Qui vero Petrum de Soto, ex Ordine S. Dominici Theologum, et in eadem Tridentina Synodo, sententiam oppositam propugnantem, sequi malunt: veteribus aiunt, hanc distinctionem prorsus ignotam fuisse. Imo didicisse illos a vetustissimis Ecclesiae Magistris, Episcopos non Romani Pontificis, verum ipsius Christi vices obire. Nam S. Ignatius Episcopus, et M. aiebat: *studeamus ergo Episcopo non resistere, ut simus subiecti Deo: et quanto quis humaniorem viderit Episcopum, magis eum revereatur. Quemcunque enim Paterfamilias misit ad gubernandam familiam suam, hunc ita accipere debemus, ut illum ipsum, qui misit. Manifestum igitur est, quod Episcopum respicere oporteat, ut ipsum*

d) Plura apud Remigium Maschat, in institut. Canon. Lib. I. tit. 31. num. 12.

ipsum Dominum. e) S. Ambrosius: Episcopus personam habet Christi, Vicarius Domini est. f) S. Augustinus: Antistitem Dei, puriorem ceteris esse oportet. Est enim Vicarius eius. g) S. Basilius: Nihil aliud est Antistes, quam is, qui personam Christi sustinet. h) Addunt: tredecim Ecclesiae Christianae saeculis, electionem, et consecrationem cuiusvis Episcopi, fuisse iuris Metropolitani, ceterorumque provinciae eiusdem Antistitum; ac saeculo demum quarto decimo, cum reservatione conferendorum Episcopatum, confirmationes quoque Antistitum, ad Romanum Pontificem transferri coepisse. i) Cetera inter, hoc etiam addunt: non potestatem Episcoporum, sed exercitium potestatis, restringi posse. Nam Princeps quoque, Iurisperito licentiam docendi potest, adimere, vel concedere, verum docendi habilitatem, doctrinamque dare ipsi, vel auferre non potest.

§. CCVIII.

- e) Epist. ad Ephes. num. 6. f) Commentar. in 1. ep. ad Corinth. cap. 11. v. 10. g) Quaest. vet. et nov. Test. cap. 127. h) In constitut. Monast. cap. 22. i) Espen Iuris Eccl. univ. parte 1. tit. 14. cap. 1.

§. CCVIII.

Extensa in non exemptos.

Illa igitur quaestione in salvo relictā, id, quod certius est, tractandum venit; de iurisdictione videlicet Episcopi in omnes Dioecesanos extensa, illis duntaxat exceptis, qui privilegio quodam exempti ab illa fuissent. Contestatus fuerat istud Bonifacius VIII. Pontifex, hisce verbis: *cum Episcopus in sua tota Dioecesi iurisdictionem ordinariam noscatur habere: dubium non existit, quin in quolibet loco ipsius Dioecesis, non exempto, per se, vel per alium possit pro tribunali sedere, causas ad Ecclesiasticum forum spectantes audire, personas Ecclesiasticas, cum earum excessus exegerint, capere, ac carceri deputare, nec non et cetera, quae ad ipsius spectant officium, libere exercere.* k) Ut adeo nulla, quantumlibet generalis cuiuscumque exemptio, subtrahat eundem a iurisdictione Episcopi in his, quae curam spiritualem plebis, et regimen Ecclesiae concernunt.

§. CCIX.

k) Cap. 7. de off. ordinarii in 6.

§. CCIX.

Certis modis exercentur.

Curam hanc, et regimen, cum ob multitudinem populi Christiani, per se immediate non possint exercere Praesules, verum indigeant subsidiariis Ecclesiae ministris, et pastoribus, relinquitur illis: I. potestas instituendi personas, quibus ministerii partem credere tuto possint. II. Ius ferendi pro sua Dioecesi constitutiones, tam in Synodis, quam per literas pastorales. Iudicandi quoque, et aberrantes puniendi. III. Quorumdam peccatorum absolutionem, sibimet retinendi. l) IV. Controversias Clericorum, et saecularium, tam natura sua spirituales, quam et civiles, attamen a saeculari potestate, ad spirituale forum translatas, decidendi. Id, quod intra biennium, a die citationis computandum fieri debet; alioquin iudex superior adeundus erit. m) V. In lege universali, circumstantiis ita exigentibus, dispensandi. (§. CLXIV.) Haec autem quantacumque potestas, exerceri potest duntaxat intra limites propriae Dioecesis,

l) Trid. sess. XIV. décr. de sacram. poenit. cap. 7.

m) Ead. Syn. sess. XXIV. de reform. cap. 20.

sis, ne secus fiat perturbatio in regimine Ecclesiarum. n) Potest nihilominus etsi absens ab Ecclesia sua Praesul, exercere iurisdictionem in suos; quae postmodum intra propriam Dioecesim executioni detur. Nam hoc pacto non laeditur ius Episcopi alieni. Qvisque autem Antistes, licet absens, iurisdictionem in suos non amittit. o)

§. CCX.

Iura Iurisd. in Eccl. Hung.

In hac patria, quam incolimus, ubi communes Ecclesiae leges, vigorem suum plerumque retinent, (§. CVIII.) Antistites, praeter communia iurisdictionis iura, quaedam singularia habent. Etenim teste Pazmano Archipraesule, *usus in Ungaria obtinuit, ut, quamprimum Regia Maiestas, aliquem Episcopum nominat, ea quidem, quae Ordinis sunt, nullo modo attingat, quae tamen ad iuris-*

- n) Ap. Grat. can. 8. et 9. caus. IX. qv. 2. Trident. sess. VI. de reform. cap. 5. o) Ap. Grat. can. 8. et 9. caus. 9. qv. 2. Trident. sess. VI. de reform. cap. 5. o) Espen Iuris Eccl. univ. parte I. tit. 16. cap. 5. et duob. seqv.

isdictionem spectant, omnia exequatur. Nam beneficia confert, redditus percipit, habitu Episcopali utitur, ab omnibus Electus Episcopus scribitur, locum, ac ordinem in sedendo, et sententiis dicendis, sicut in Comitibus Regni, sic et in Synodis habet. p) Imo Antonius Electus Nitriensis, anno 1494. Dioecesanam Synodum iure proprio convocatam, celebravit. q) Episcoporum praeterea iudiciis relinquunt leges nostrae Hungaricae, negotia mysteriorum Religionis, fidei, haereses; viduarum, et miserabilium personarum causas, dummodo non agatur de possessionibus, praediisque obtinendis; r) uti, et causam fidei violatae, periurii, et quaslibet alias, quarum finis ad correctionem spirituales tendit. s) Quemadmodum etiam causas censurarum; t) item causas matrimoniales, tum accessoria illarum. u) Et causae quidem sunt: sponsalia, impedimenta tam impeditia,

- p) Apud Péterffy in Conc. Hung. T. I. pag. 77. q) Acta leguntur nunc cit. Tomo pag. 258. r) Art. 3. 1462. s) Idem act. praeterea art. 9. 1458. a. 46. 1492. t) Omnes nunc cit. art. quibus adde art. 17. 1464. u) Ibid. art.

tia, quam dirimentia; causae item separationis a thoro, atque mensa. Matrimoniorum autem accessoria sunt, dotes, res paraphernales, et quartalitorum iura. Quae ceteroquin omnia, iure etiam communi Ecclesiastico, ad fora Episcoporum spectarent. v) Ad datur ius, de solemnitatibus testamentorum externis, sententiam proferendi. w) Quam in enumeratis modo negotiis legitime latam, iurisdictio saecularis, penes literas, quas dicunt *Compassuales*, exequi tenetur. x) Ius denique Praesulibus nostris est, per proprias literas, notoriis eorum sigillis munitas, procuratores pro parte sua constituendi. y)

§. CCXI.

v) Antea ad fora Episcop. tam ex usu, quam ex fundamento legum nunc adductarum, causae matrimoniales etiam Evangelicorum utriusque confessionis pertinebant. Sed iam ob articulum 26. anni 1791. desierunt eo pertinere. Nisi pars una sponsorum, vel coniugum Catholica esset. w) Praeter allegatas leges ann. 1462. 1464. 1492. adde art. 15. 1647. et art. 27. 1715. x) Art. 25. 1552. art. 29. 1662. art. 28. 1729. y) Tripart. parte 2. tit. 13.

§. CCXI.

Iura Dioecesana.

Inter iura Dioecesana, cunctis Praesulibus communia, refertur *Cathedraticum*; videlicet certa pensio, Praesuli Dioecesano solvenda quotannis, in signum subiectionis, et honorem Cathedrae Episcopalis; ac simul ad Eiusdem officii onera, facilius sustentanda. Quae cum praestaretur olim in Synodo, etiam *Synodaticum* adpellatur. z) Dein memoratur *collatio*, seu charitativum subsidium, quod in casum urgentis admodum necessitatis, Episcopo praestari posse, iura supponunt. a) Istiuc pertinet *procuratio canonica*, quae facienda supponitur in victu, et hospitio] a Parochis, Praesuli suo, canonicam visitationem actu peragenti. b) Reliquis praestationibus, quae apud nos ignotae sunt, c) omnimode praetermissis, commemorandae veniunt *deci-*

Pars Spec.

E

mae;

- z) Cap. 16. de off. iud. ord. Cap. 9. de censib. Bened. XIV. de Syn. D. lib. V. cap. 6. et seq. a) Can. 6. et 7. causa X. qv. 3. Cap. 16. de off. iud. ord. b) Trid. sess. XXIV. de ref. cap. 3. Espen Iuris Eccl. univ. parte I. tit. 17. cap. 2. c) Cit. cap. 16. de off. iud. ord.

mae; d) quae nominis virtute partem decimam fructuum Episcopo dependendam significant: sed cum hoc praestationis genus admodum variet, aptius dicitur, portio quaedam proventus, lege vel consuetudine determinata, quam Dominus proventuum praestare debet. Cum vero decimae sensu hoc intellectae, praestentur etiam aliis de Clero, sermonem de his, alteri loco reservamus.

§. CCXII.

In Eccl. Hung.

In Ecclesia Hungarica Dioecesani Praesules, cathedratum, synodaticum, et procurationem canonicam non habent. Collationis autem exigendae facultatem lex eis domestica, vice unica indulget, cum sunt persolvendae Romam annatae. e) Verum et haec

d) Cap. 20. et 31. tit. de decimis Ecclesiam Hung. nominatim adinet. Illud, pars est rescripti a Lucio III. an. 1181. ad Nicolaum huius nominis primum A. E. Strig. dati: istud Innocentii III. anno 1210. ad Robertum Vesprimiensem missi. e) Art. 69. 1498. a. 12. 1504.

haec desiit, postquam Episcopatus, Regum Apostolicorum liberalitate, dotatos videmus.

§. CCXIII.

Iura dignit. Sacrae.

Inter iura dignitatis Episcopalis, numeratur insignis in Hierarchia locus. Proprium ius quorundam insignium, quae per consecrationem obtinentur, videlicet: mitrae, baculi pastoralis, annuli, crucis pectoralis, chyrothecarum, dalmaticae, tunicellae, et sandaliorum. f) Facultas concedendi fidelibus indulgentias; g) die nimirum, quo dedicatur Ecclesia, unius anni, et quadraginta dierum, in anniversario dedicationis huius die. h) Datur illis praeterea occasione confirmationis Romanae, potestas largiendi quaspiam indulgentias, quae non in codice iuris Ecclesiastici, verum in speciali Pontificis indulto fundantur.

E 2

§. CCXIV.

f) Espen parte 1. tit. 15. cap. 3. Macri Hierolexicon, in his vocib. et laudatus alias RR. Tompa institut. de sacris Christ. Ritib. parte I cap. V. §. 30. g) Cap. 12. de excessib. Praelator. h) Cap. 14. de poenit. et remiss.

§. CCXIV.

In Ecclesia Hung.

Inter iura Praesulum Ecclesiae Hungaricae peculiaria, referri merentur, quae alias e Pazmanni testimonio recensui. (§. CCX.) Qvod autem recensebo, proprium est duntaxat uni. Ius pallii Archiepiscopalis, quod Calano Qvinqueecclesiarum Episcopo, sub finem saeculi XII. collatum est, sub Georgio Klimo, ad petitionem Augustae Mariae Theresiae, per Benedictum XIV. postliminio restitutum fuit, hoc pacto, ut idem Georgius Episcopus, et eius successores, Ecclesiae Qvinqueecclesiensis Praesules pro tempore existentes, de cetero perpetuis futuris temporibus sacrum pallium in solemnitatibus, et functionibus in Pontificali Romano descriptis, induere, et gestare, ac etiam crucem adinstar Archiepiscoporum ante se elevari, et gestari facere, in dicta Qvinqv. Civitate, et Dioecesi duntaxat, et non alibi omnino, sive in alienis Dioecesibus, sive in praedicti Hungarici Regni Comitibus, sive in quibusvis aliis locis Episcopo praefato non subiectis, etiamsi Ordinariorum locorum licentia ad id acc-

oederet, nec etiam in dicta Civitate, et Dioe-
 cesi Qvinqv. in praesentia alicuius ex S. R.
 E. Cardinalibus, vel Papae, et eiusdem se-
 dis Apostolicae ordinarii, vel extraordinarii
 Legati, seu Nuncii, vel Archiepiscopi Stri-
 goniensis, nisi de eorum respective consensu,
 sub gratiae et concessionis huiusmodi nulli-
 tate; et dummodo quoad pallium praedictum
 tam ipse Georgius, quam illius successores,
 Qvinqueeccl. Episcopi pro tempore futuri,
 illud ab eadem Apostolica sede, servatis de
 iure vel consuetudine servandis, et postulare,
 et consveto fidelitatis debitae iuramento edito
 recipere, aliaque in similibus observari solita,
 adimplere teneantur, nec ante acceptum pal-
 lium, erectae crucis gestationem sibi licitam
 esse noverint; utque demum, salvo in omni-
 bus iure Metropolitico Ecclesiae Strigonien-
 sis, illiusque Archiepiscopi pro tempore exi-
 stentis, et nihil immutato praecedentiae ordi-
 ne inter Episcopos Qvinqueecclesienses, alios-
 que Episcopos, sive eiusdem, sive alterius
 Provinciae, hactenus, de iure, usu, aut con-
 svetudine, in quibusvis functionibus, conses-
 sibus, aut Comitibus servari solito, huiusmodi
 Pon-

Pontificalis honoris insigniis uti libere, et licite possint. i) Cum porro hoc pallium, datur Episcopis non metropolitanis, in meram honoris significationem, nec peti illud debet, neque ex eius defectu, impedita est Episcopalis potestas. k)

§. CCXV.

Et iura dignit. Civil.

Inter iura dignitatis civilis, quibus Episcopi Ecclesiae Hungaricae gaudent, memorandum est imprimis illud, quod ex principio nuper commemorato, (§. CCII.) primum a Rege teneant locum, tam illo praesente, quam etiam in Comitibus Regni. l) Non modo titulum *Consilarii Regii*, plerumque in-

- i) Bulla haec data Kalen. Sept. 1754. praeterquam in Originali suo loco, etiam in Bullario Romano legitur Tomo XIX. pag. 113. edit. Luxemb. anni 1758. Adde Bened. XIV. de Syn. D. Lib. XIII. cap. 15. Item de Calano cap. 15. de praesumpt. et cap. 12. de purgat. canon. Denique RR. Koller in Epp. Qvinqv. T. I. pag. 236. seqq. et Pray in specim. Hier. H. T. I. pag. 236. seqq. k) Bened. XIV. de Syn. D. L. II. cap. 6. num. 4. l) Lege Tripart. parte I. tit. 2. Omnium praeterea

intimi status, verum et munus gerant, partim in Cancellaria Regia Hungarica, partim in Consilio R. Locumt. Hungarico, partim denique in Curia Regis, quae causas, litesque decernit. m) Et, cum ante hos octo supra viginti annos, plerique, supremi Comitís munere fungerentur, n) nuper Agriensis, Comi-

diplomatatum Regiorum, et plerorumque art. Dioecetali-
 talium clausulas. m) Adnotavit Pray in specim. Hier. H. parte I. pag. 149. petitionem Praelator. Hung. sequentem, una cum resolutione, nec tamen anno apposito: „Beatissime Pater! Quoniam „propter consuetudinem et morem patriae, Prae- „lati Regni Hung. debent, et tenentur interesse „iudiciis saecularibus, et nonnunquam etiam in „causis criminalibus, quamvis nulla dent vota, „tamen ut in conscientia sint tuti, supplicant Ve- „strae Sanctitati pro dispensatione, et absolutione, „ne interessendo huiusmodi iudiciis, incurrant a- „liquam suspensionem, irregularitatem, aut aliam „quamvis censuram Ecclesiasticam, et si incurris- „sent hactenus, petunt dispensationem, et abso- „lutionem, a praedecessoribus etiam Vestrae San- „ctitatis, semper habuerunt facultatem, et licen- „tiam. SS. Dominus annuit. C. Sancti Georgii.“ n) Episcopo Nitriensi Thomae, dignitatem Supremi Comitís eiusd. provinciae, confirmavit Mathys

mitatum Heves, et exterioris Szolnok articu-
lariter unitorum *supremus ac perpetuus Co-*
mes salutabatur. o) Zagrabiensis, hodieque
supremi ac perpetui Comitatus I. Comitatus de
Berzencze titulum gerit. p) Suos quoque ha-
bet nobiles *Praediales*, tam in Bonis Episco-
palibus, quam in Bonis Abbatiae B. M. V.
de Topuszká, eius Episcopatus, perpetuo u-
nita. q) Iaurinensis creat nobiles *Praediales*
in sede Vetse, et Tapolczafő; cuius una per-
petuus supremus Comes est, atque collator. r)

Epi-

Rex anno 1468. Rudolphus anno 1633. perpetuam
esse instit. Vide Schmitth in Epp. Agr. T. II.
pag. 80. Eundem in Com. Biharien. Episcopis
M. Varad. an. 1464. in perpetuum addixit Ma-
thias. De qua re Bonfin. rer. H. dec. 4. lib. 1.
Restituit Wladislaus anno 1494. Pray Hier. H.
parte II. pag. 151. Ganoczi in Epp. M. Varad.
parte 2. pag. 357. Amissum denuo, Augustinus
Benkovich Ep. M. Varad. anno 1687. iterumque
1697. revindicavit. Ganoczi cit. loco. Causam
cessantium eiusmodi honorum adduxi §. CCIII.
in nota. o) Fundamentum utique est in art. 56.
1514. p) Ex diplom. Lud. IV. de an. 1277. ap.
Kercselich in Hist. Eccl. Cath. Zagrab. pag. 89.
q) Docum. de utroque cit. nunc op. pag. 48. seq.
r) Vide P. Romani a S. Venantio Carmelitae

Episcopus Weszprimiensis Stephanus II. in eiusdem nominis Comitatu supremi, perpetuique Comitis dignitatem, anno Christi 1313. consequutus erat. s) A prima vero Ecclesiae Weszprimiensis fundatione, huius Praesul, munus atque titulum gerebat *Cancellarii Reginalis*; t) qui collatus aliquoties etiam aliis, u)
rur-

Syllabum Praesulum Iaurinen. pag. 99. item Orat. R.R. Mich. Paintner, die 7. Iunii 1791. dictam, dum idem Praesul muneris huius sui possessionem caperet; et alteram Comitis Antonii Amade de Várkony in ipso consessu in Tapolczafő recitatam. s) Vide Ioann. Róka in Epp. Weszpr. pag. 136. ubi MS. quo usus est, haec verba adducit: *Hic anno 1313. decimas suas de maiori insula dedit Carolo Regi, a quo in concambium accipit pro se, et successoribus suis Episcopis; honorem supremi Comitis, et fori tributum. etc.* t) Id testatur Ladislaus IV. anno 1274. quod integrum legitur ap. R.R. Ignatium Bärnkopf in *disquisitione de iure coronandar. Reginarum Hung.* pag. 23. u) Mihi in promptu sunt, sique locus admitteret, etiam documentis fulcirem: Akus Custos Albensis 1249. Ioannes Praep. Scepus. 1263. Philippus Vaciensis Episcopus 1272. seqq. Lucas Praep. Strigon. 1280. Thomas Ep. Vacien. 1281. Andreas Ep. Agrien. 1291. Paulus Praep. Scepus. 1309. Deinde repe-

rursum anno 1425. per Sigismundum Regem, pristino possessori reddebatur, cum iure quotannis 500. marcas, e Regali Tricesima Iaurinense percipiendi. v) Quamvis autem hoc emolumentum penitus desierit, nihilominus Antistes Weszprimiensis, hodie dum *Serenissimae Reginae Hungariae Aulae Cancellarius* nominatur. Cui praeterea, Eandem coronandi quoque honorem, a tempore fundati Episcopatus competere, Ladislaus IV. anno 1276. contestatus fuit. w) De iure autem un-

rio septem sibi succedentes Episcopos Weszpr. hoc titulo usos. At vero ad ann. 1384. comparet Nicolaus Praep. Scepus. Ad ann. 1388. et seq. Ioannes de Kanysa A. Ep. Strigon. Ad an. 1423. et seq. Ioannes Episc. Zagrab. Denū autem a restituta hac dignitate per Sigismundum, lego quinque Episcopos Weszpr. tit. hoc usos. Rursum vero hoc titulo usus est ad ann. 1525. Ioannes Gosthon de Szeleste Episcopus Iaur. postulatus Albensis Transylv. Plura me deficiunt usque ad Martinum Biró de Padany Ep. Weszpr. qui hoc titulo usus fuit. v) Fragm. diplomatis ap. Pray cit. toties op. parte I. pag. 284. integrum ap. RR. Bärnkopff cit. op. pag. 45. w) Diploma ibid. pag. 22.

ungendi sacro chrysmate Reginam occasione coronationis, quod Elisabetha Regina anno 1280. salvum omnino supposebat, x) tam anno 1437. inter Georgium de Paloez Strigoniensem, et Simonem de Rozgon Vesprimiensem: y) quam et anno 1792. exorta quaestio fuit. Cuius decidendae causa, non Romam, ut olim, z) sed ad Regis Aulam est recursus; atque feliciter, hodie regnantis Mariae Theresiae peracta unctio ab Archiepiscopo Strigoniensi, Corona vero domestica, eiusdem sacro vertici, per Episcopum Wespriemiensem imposita fuit. Una superest dignitas memoranda, quae solum uni Ecclesiae Hungaricae Praelato conferri potest: nimirum Praelatura Insignis Ordinis S. Stephani Regis Apostolici, die 6. Maii anno Domini 1764. per Apostolicam Reginam Mariam Theresiam instituti. Cuius excelsae constitutiones, capite XII. hoc modo decernunt: *ut autem haec Equitum societas, sua, pro instituti natura, habeat officia, hi, quae praecipui, per*
 Nos,

x) Diploma ibid. pag. 26. y) Apud Pray cit. op. et parte pag. 286. z) Docum. in cit. disquisit. pag. 15.

Nos, et Ordinis Ministerium constituti sunt: Praelatus Ordinis, qui ex viris in eminentiori Ecclesiastica dignitate constitutis, per Nos, quia Summum Ordinis Magistrum, nominabitur. Ad huius munia pertinet, cum Festum Ordinis agetur, consveta Sacrorum solemnia peragere. a) Hanc Dignitatem postremus tenebat Strigoniensis Archipraesul Iosephus e Comitibus de Batthyán, die 23. Oct. anno 1799. vita functus; cui in ista Praelaturae dignitate, nemo in hunc usque diem successit.

§. CCXVI.

Comm. Epp. obligat.

Expositis Episcoporum iuribus, munera quoque Illorum, praeteriri silentio non debent. Igitur secundum Pauli Apostoli doctrinam, a Domino constituti sunt, ceu Pastores et doctores *ad consumationem sanctorum, in opus ministerii, in aedificationem corporis Christi*; b) ceu Episcopi, ut et sibi attendant,

- a) Apud Carolum Seelmann in opp. Hung. de Ord. Equestr. Europae. Claudiop. 1793. pag. 160. b) b) Ad Ephes. IV. 12.

dant, et universo gregi, in quo illos Spiritus S. posuit regere Ecclesiam Dei. c) Nam, ut B. Augustinus aiebat: *Episcopi nomen est operis, non honoris. Graecum est enim, atque inde ductum vocabulum, quod ille, qui praeficitur eis, quibus praeficitur, superintendit, curam eorum scilicet gerens. Ut intelligat Apostolus, non esse Episcopum, qui praeesse dilexerit, non prodesse.* d) Quapropter Concilium Tridentinum aiebat, optandum esse, ut ii, qui *Episcopale ministerium suscipiunt, quae suae sint partes, agnoscant, ac se non ad propria commoda, non ad divitias, aut luxum, sed ad labores, et sollicitudines, pro Dei gloria vocatos esse, intelligant.* e)

§. CCXVII.

Singillatim enarratae.

Verum haec generalia sunt. Speciatim vero praecipit universalis Ecclesiae lex Episcopis I. ut obtenta sui confirmatione, intra tri-

c) Act. XX. 28. d) L. XIX. de civit. Dei, cap. 19. e) Sess. XXV. de reform. cap. 1.

trimestre consecrentur. f) II. Ut residéant in propria Dioecesi. *Cum enim docente sacra Synodo Tridentina praecepto Divino mandatum sit omnibus, quibus animarum cura commissa est, oves suas agnoscere, pro his Sacrificium offerre, Verbiqve Divini praedicatione, Sacramentorum administratione, ac bonorum omnium operum exemplo pascere, pauperum aliarumqve miserabilium personarum curam paternam gerere, et in cetera munia Pastoralia incumbere, quae omnia nequaquam ab iis praestari, et impleri possunt, qui gregi suo non invigilant, neque assistunt, sed mercenariorum more deserunt:* g) iam sua sponte consequitur necessitas residendi apud eam portionem gregis Christiani, quae cuivis a Domino credita fuit. Et quoniam illis, *qui legitimo impedimento, seu iustis et rationabilibus causis cessantibus*, per sex continuos menses extra suam Dioecesim commoraretur, certae poenae fuerant dictatae, h) ne quis decretum, in pravam detorquendo sen-

- f) Trident. sess. XXIII. de ref. cap. 2. g) Sunt verba ex Trid. sess. XXIII. cap. 1. de reform. h) Trident. sess. VI. de ref. cap. 1.

sensum, inferret, per menses quinque libe-
 ram esse absentiam: correxit hanc opinionem
 sacra Synodus, causam assignans licitae ab-
 sentiae, puta, *Christianam charitatem, ur-*
gentem necessitatem, debitam obedientiam, ac
evidentem Ecclesiae, vel Reipublicae utilita-
tem. Addens: *illud absentiae spatium singu-*
lis annis, sive continuum, sive interruptum,
extra praedictas causas nullo pacto debere
duos, aut ad summum tres menses excedere,
et haberi rationem, ut id aequa ex causa fi-
at, et absque ullo gregis detrimento. i) Obli-
 gatio hinc fluit, vitandi pluralitatem Ecclesi-
 arum Cathedralium, aut quorumvis Benefici-
 orum, quae curam animarum deposcunt, *cum*
valde felix sit ille censendus, cui unam Ec-
clesiam bene ac fructuose, et cum animarum
sibi commissarum salute, regere contigerit. k)
 IV. Obligatio, Deum precandi, ac incruen-
 tum Sacrificium, pro salute plebis suae Do-
 mino offerendi. *Omnis namque Pontifex ex*
hominibus assumptus, pro hominibus consti-
tui-

i) Idem sess. XXIII, cap. 1. de ref. k) Idem sess.
 VII. de ref. cap. 2. Adde can. 1. dist. 89. item
 cap. 1. de consuet. in 6.

tuitur in iis, quae sunt ad Deum, ut offerat dona et sacrificia pro peccatis. l) Idcirco scribebat Paulus Apostolus Colossensibus ad Christi fidem conversis: *non cessamus pro vobis orantes, et postulantes, ut impleamini agnitione voluntatis eius, in omni sapientia, et intellectu spiritali.* m) V. Obligatio dirigendi privatam populi atque publicam devotionem, ne quid superstitionem redolens irrepāt. Nam *quaecumque in Dioecesi ad Dei cultum spectant, ab Ordinario diligenter curari, atque iis, ubi oportet, provideri aequum est;* n) utque diligenter provideatur, exemplo docuit gentium Apostolus; quo cohortante in Ephesiorum urbe, multi veniebant confidentes, et annunciantes actus suos. *Multi autem ex eis, qui fuerant curiosa sectati, contulerunt libros, et combusserunt coram omnibus.* o) Idem Apostolus, praescribens observandum ordinem in conventu sacro, tandem addidit: *omnia autem honeste, et secundum ordinem fiant.* p) VI. Obligatio provi-

l) Ad Hebr. V. 1. m) Ad Coloss. I. 9. n) Trident. sess. XXI. de ref. cap. 8. o) Act. XIX. 19. p) 1. Cor. XIV. 40.

videndi, ut per Seminariorum institutionem, apti formentur animarum pastores. q) VII. Obligatio curandi, ut dignitates in Ecclesiis, praesertim Cathedralibus conferantur viris, *qui suo muneri respondere possint.* r) VIII. *Quia vehementer Ecclesiam Christi destruit, meliores laicos esse, quam Clericos:* s) curare debet Episcopus, ne inferiorum culpa redundent in ipsum; quod fit desidibus negligentibusque rectoribus, *qui multam saepe nutriunt pestilentiam, dum austeriorem dissimulant adhibere medicinam.* t) Ceterum, licet nonnumquam accidant, quae in Sacerdotalibus sunt reprehendenda personis, plus tamen erga corrigendos agat benevolentia, quam severitas, plus cohortatio, quam comminatio, plus charitas quam potestas. Sed hi, qui, quae sua sunt, quaerunt, non quae Iesu Christi, facile ab hac lege discernuntur: et dum dominari magis quam consulere subditis quae-

Pars Spec. F runt,

- q) Trid. sess. XXIII. de ref. cap. 18. r) Idem sess. XXIV. de ref. cap. 12. s) Ex S. Hier. apud Gratian. Can. 21. caus. VIII. qv. 1. t) Ex S. Leone M. ap. eundem can. 1. dist. 86.

runt, placet honor, inflat superbia, et quod provisum est ad concordiam, tendit ad noxam. u) Quare monebat Synodus Tridentina Episcopos, ut se pastores, non percussores esse, meminerint, atque ita praeesse sibi subditis oportere, ut non in eis dominantur, sed illos tamquam filios, et fratres diligant; elaborentque, ut hortando, et monendo, ab illicitis deterreant, ne, ubi deliquerint, debitis eos poenis coërcere cogantur. IX. Praesulis est obire creditas sibi Ecclesias, ut innotescat, quoniam sint tollendi abusus, et quae constituenda salubriter, ad promovendam Dei gloriam, et plebis Christianae salutem. Fecerat hoc Episcoporum exemplar Paulus Apostolus, qui Antiochiae commoratus aliquanto tempore, dixit ad Barnabam socium praedicationis: *revertentes visitemus fratres per universas civitates, in quibus praedicavimus verbum Domini, quomodo se habeant.* -- *Pereambulabat autem Syriam, et Ciliciam, confir-*

u) Ex eod. S. Leone ap. Grat. Can. 6. dist. 45. v) Trid. sess. XIII. de ref. cap. 1. Adde sess. XIV. de ref. cap. 4.

firmans Ecclesias, praecipiens custodire praecepta Apostolorum, et Seniorum. w) Ne quis autem ista consilii esse putaret, neuti-
quam praecepti, sacra Tridentina Synodus
cum alias non semel, x) tum vero sess. XXIV.
praeprimis, mandabat, Canonicam visitatio-
nem quotannis institui, et pro amplitudine
Dioecesis, vel quolibet anno, vel saltem in-
tra biennium, eandem terminari. y) X.
Praesulis Dioecesani obligatio est, Synodum
Dioecesanam celebrandi. (§. LXXXIX.) XI.
Obligatio eiusdem est, vitam moresque suos
exigendi ad eas leges, quas Beatus Paulus
Apostolus, Timotheo ac Tito discipulis, di-
ligenter observandas, inculcabat. z)

§. CCXVIII.

Desumtae e leg. domest.

Ex enumeratis Episcoporum obligationi-
bus, pleraeqve per Hungaricas etiam leges,

F 2 1795 222 tam

w) Act. XV. 36. 41. x) Trid. sess. VII. decreto
de ref. cap. 7. et 8. sess. XXI. de ref. cap. 8. Sess.
XXV. decr. de regular. et monial. cap. 11. y)
Decr. de reform. cap. 3. z) 1. Tim. cap. 3. et
ad Tit. cap. 1.

tam synodicas, quam politicas diligenter inculcantur. Cum nominati sunt, Regi fidelitatis iuramentum praestant. a) Primo quoque tempore, confirmationis Romanae, et consecrationis beneficium ut obtineant, curare iubentur. b) Verum ab onere petendae confirmationis, per Apostolicum Regem levantur, qui hanc a vetustissimis inde temporibus, nomine suo petit. c) Deinceps haec illis inculcantur: ut moribus, exemplo, doctrina, praedicatione, gregi Dominico praesint. d) Ut resideant. e) Prospiciant de Parochorum intertentione. f) Idoneos constituent Parochos, et Catholicae doctrinae magistros, g) neque tamen invitis Ecclesiarum Patronis. h) Erigant Seminaria Clero. i) Diebus

- a) Trip. parte I. tit. 12. b) Syn. Prov. Tirn. anni 1611. cap. 1. num. 1. c) Vide meas Amoenit. Hist. Eccl. R. H. fasciculo VI. num. 1. d) Art. 6. 1548. a. 13. 1550. e) Art. 55. 1723. et a. 16. 1741. f) Art. 71. 1723. g) Art. 6. 1548. a. 13. 1550. et a. 59. 1715. h) Art. 66. 1498. a. 26. 1504. et a. 100. 1647. i) Synodus provinc. anni 1611. cap. 1. num. 4.

bus festis offerant pro populo sibi credito Sacrificium. k) Synodos celebrent. l) Visitent Diocesim per se, vel per Archidiaconos, at vero non nisi Regiis Patentibus muniti. m) Vitia, abusus, et superstitiones tollant. n) Bona Episcopatus cum aedificiis conservent. o) Nequaquam oppignorent. p) Secundum Fer-

di-

k) Ead. Synodus cit. cap. num. 8. l) Art. 68. 1498. et a. 41. 1559. m) Art. 41. 1559. Syn. provinc. Tirn. 1611. cap. 1. num. 3. Syn. Nationalis Tirn. 1638. cap. 6. Patentium hic memoratarum, hactenus unicum inveni exemplum typis excusum, in *Relatione Actorum Generalis Canonicae Visitationis Dioecesis Weszprim.* Iaurini impressa anno 1760. Hae patentiales die 8. Dec. 1745. in favorem Martini Biró Episcopi Weszpr. datae, inscribuntur cunctis iurisdictionibus, praecipientes, ut, dum, et quando memoratus Episcopus in persona, vel medio Districtualium Archidiaconorum, cum praesentibus benignis Patentibus Literis Regiis, ad peragendam visitationem comparuerit, omnes, quae hae inscriptae sunt, liberum accessum praebere teneantur, imo eidem omni favore, ope, et auxilio assistere debeant, et teneantur. n) Cit. Syn. prov. cap. 1. n. 10. o) Art. 65. 1498. a. 31. 1567. a. 60. 1715. a. 71. 1723. p) Art. 31. 1567.

dinandi II. decretum anni 1625. partem substantiae relinqvendam habent pro erectione Seminarii, vel si hoc fuerit in statu perfecto ad meliorandas Parochias. q) Qvod decretum, qvamvis liberam Episcopis Ecclesiae Hungaricae, *de mobilibus suis disponendi, atqve etiam testandi facultatem, et potestatem* concedat; *eademqve facultate, et potestate, absqve omni impedimento, vel contradictione in hunc modum* (qvi scilicet mox praescribitur) *et hac praescripta ratione, et ordinatione, quiete, et libere uti, frui, et gaudere* illos posse declaret: praxis tamen, atqve experientia docet, qvemvis Episcopum, debere specialem ab Rege Apostolico testandi facultatem habere, Testamentumqve confectum, mox a morte testatoris, Regiae confirmationi subiacere. Qvorum utrumqve in articulo decimo sexto anni 1715. fundamentum habet. Nonnulla dispositioni testamentariae neqvaquam subiacent. Nam libros omnes Episcopus, pro erigenda in Capitulo Bibliotheca relinqvendos habet. Indumenta Sacerdotalia

et.

et ornatus altarium Ecclesiae Cathedrali; mensae vero, lecticae, scamna, hisque similia, in Episcopatu futuro successoribus, manere debent. r)

r) Syn. prov. Tirn. 1611. cap. 1. num. 14. Conventio Cleri cum Camera Caesareo-Regia, die 15. Iunii anno 1703. inita; quae legitur ap. Pray in specim. Hier. Hung. parte I. pag. 190. et apud Ioann. Bárdossy in Animadvers. de Insurrect. Nobil. editis ann. 1792. pag. 66.

CAPUT II.

De iuribus, et obligationibus eorum, qui
Episcopis auxiliantur in gubernando
Grege Dominico.

§. CCXIX.

Coadiutores Epp.

Inter eos, qui Praesulibus auxilio sunt in regenda plebe orthodoxa, primum tenent locum coadiutores, tam temporanei, quam perpetui, de quibus alibi iam sermo fuit. (§. XLVI.) Secundum ius commune, temporaneum assumere potest Episcopus, consentiente *saltem* maiore Capituli sui Cathedralis parte. Quodsi foret Episcopus ad consultandum inhabilis, ius hoc soli Capitulo reservatur. s) Si coadiutorem prorsus necessarium, Episcopus nolit assumere, consulatur Papa, qui

s) Cap. un. de cler. aegrot. in 6.

qvi renuentem cogere potest. t) Perpetuum coadiutorem, de lege communi, Pontifex Romanus designat. (§. CLXXXIII.) Utriusque confirmatio semper est ab eodem petenda; qvi titulum Episcopi *in partibus*, u) et suscipiendae consecrationis facultatem imperitur. Eadem proëdria coadiutor, cum Episcopo gaudet. Cuius potestatem oportet metiri ex literis Apostolicis, ex fine assumti coadiutoris, ex habilitate praeterea, vel inhabilitate coadiuti. Cessat hoc munus, abdicatione spontanea, vel munere defungentis inhabilitate. Causa cessante. Morte coadiuti. Tunc enim, perpetuus duntaxat coadiutor, in Ordinarii dignitate succedit.

§. CCXX.

Episcopi Auxiliares.

Auxiliares Episcopi, qvi vulgo *Suffraganei* dicuntur, haud sunt eos inter memorati, qvibus est propria, vel communicata exterior gubernatio; cum hi ob extensionem Dioe-

t) Cap. 5. eod. tit. u) Cap. 5. de elect. etc. in Clement. Bened. XIV. de Syn. Dioec. Lib. II. cap. 7.

Dioecesis, vel fractam Ordinarii aetatem, aut valetudinem constituentur, cum titulo Episcopi *in partibus*, illo duntaxat fine, ut eundem suppleant in iis, quae ad exercitium Ordinis spectant, absque ullo pro foro exteriori iurisdictione. Hi duntaxat a Pontifice dari possunt. v)

§. CCXXI.

Epipi Titul. in Eccl. Hung.

In sensu Tridentinae Synodi, Titulares Episcopi sunt, qui amissis Ecclesiis, in partibus infidelium olim existentibus, incertam habent sedem, ac sine proprii Ordinarii facultate, quemquam ordinare prohibentur. w) Apud nos vero *titulares* Episcopi dicuntur, quorum Ecclesiae sub Corona Hungariae dudum existentes, in manus deinde, vel Turcarum, vel Venetorum transierunt. Quorum nihilominus titulos, sub spe illas tamquam iniuria sibi ereptas, revindicandi, Reges Apostolici, hodieum conferre solent, nulla prorsus ad id Pontificis consensione petita: cum

v) Cap. 5. de elect. in Clem. w) Trident. sess. XIV. de reform. cap. 2.

cum virtute huius tituli spiritualis potestas nulla competat, verum distinctio quaedam in vestitus externi colore, ac praerogativa civilis, ut Episcopi titulares, in conclusione articulorum Diaetalium, ante Regni Barones nominentur; titulum habeant *Illustrissimi Episcopi*; ceterisque gaudeant praerogativis, Praelatorum Statui de lege patria competentibus, quae suo loco exponentur. In diversis Regni legibus, earum clausulis, aliisque documentis, aetate nostra hi nominantur: Almisiensis, Ansariensis, Arbensis, Bacensis, Belgradensis, Biduanensis, Bosonensis, Catiariensis, Corbaviensis, Corczolensis, Drive-stensis, Dulcinensis, Dulmensis, Makariensis, Noviensis, Pharensis, Pristinensis, Rosonensis, Samandriensis, Sardicensis, Scardonensis, Scopiensis, Scutariensis, Serbiensis, Sibenicensis, Stagnensis, Temnensis, Tinniniensis, Traguriensis, Tribunicensis, Vegliensis, et Vovadrensis. x)

§. CCXXII.

x) Videatur Schematismus I. R. Hung. partiumque eid adnexarum, typis R. Univ. Pestien. quotannis imprimi solitus. Lego alios etiam in periodica o-

§. CCXXII.

Archidiac. Iura.

Vices Episcoporum obeunt in externa Ecclesiae gubernatione Archidiaconi; (§. XLVII.) quorum ampla fuit olim iurisdictio, in iure scripto fundata: y) verum hodie nulla est ferme praerogativa, quam *Personalem* dicunt; potestas vero potius e consuetudine, tum ex literis, per quas creantur, cognosci debet. Etiamnum subsistit alicubi, munus Episcopo praesentandi ordinandos. z) Mittendi Parochos in corporalem Beneficii possessionem, quae apud nos, *installatio* nominatur. a) De triennio in triennium, habito Praesulis annutu, Archidiaconatum proprium canonice visitandi, *ubi hactenus visitationem exercere legitime consueverunt*; b) si id ab Episcopo nequeat praestari. c)

§. CCXXIII.

pella: Zeitschrift von und für Ungern. 1. Band. Sed ab iis memorandis, sponte abstinco. y) Can. 1. dist. XXV. Cap. 7. de off. Archid. Adde Espen Iuris Eccl. univ. parte I. tit. 12. cap. 1. z) Cap. 9. de off. Archid. a) Cap. 7. eod. b) Trid. sess. XXIV. de ref. cap. 3. c) Cap. 1. et 6. de off. Archid.

§. CCXXIII.

Iura, et oblig. eor. ap. nos.

Memorata[m] visitationis canonicae obligationem, leges nostrae pluries, et acriter inculcant; d) per se, et non per substitutos, sub amissione Beneficii adimplendam. e) Olim, ad visitandas Parochias, Regia Maiestas Archidiaconis mandatum expediebat. f) Quibus leges paulo vetustiores, *cathedratici* (§. CCXI.) desumendi facultatem concedunt. g) Hodie tamen passim, nec visitatio, neque cathedraticum viget.

§. CCXXIV.

Vicarii Gen. Ep. iura.

Quicumque Vicarius Generalis, seu Officialis, (§. XLVIII.) iuxta mentem Synodi
Tri-

- d) Art. 41. 1559. Conc. provinc. 1611. cap. 5. e) Conc. Nationale 1633. §. 4. Provinc. 1638. cap. 6. num. 14. f) Inter postulata Synodi provincialis anni 1611, haec leguntur: *ut move solito ad visitandas Parochias, sua Maiestas Archi-Diaconis mandata expediat.* apud Péterffy in Conc. Hung. T. II. pag. 218. g) Art. 53. 1498. a. 38. 1500. a. 43. 1569. Synodus prov. 1611. cap. 4. num. 4. Synod. national. 1633. num. 5.

Tridentinae, sit saltem in iure Canonico doctor, vel licentiatus, vel alias, quantum fieri potest, idoneus. h) In iis, quae iurisdictionis sunt, censetur una esse persona cum Episcopo, et idem est utriusque tribunal. Hinc a sententia Vicarii Episcopalis ad Metropolitanum appellatur; i) ipse quoque sub nomine *Ordinarii* est intelligendus. Quare subordinatur illi iurdictio quaevis, Episcopo subordinata, etiam Archidiaconorum; extenditurque potestas illius in omnia, quaecumque Episcopo ipsi, *ordinario* iure competunt, nisi per legem, aut per eundem Episcopum fuerint reservata: vel saltem propter sui gravitatem, in generali concessione non supponantur inclusa fuisse. k) Nominatim: Vicarius Generalis, licet insignitus Episcopali caractere, non potest exequi sine peculiari Praesulis consensu, quae spectant ad potestatem *Ordinis*; neque haec peragendi facultatem, alteri Episcopo largiri: quoniam in iurisdictionis tantum exercitio, vices eiusdem gerit.

h) Trid. sess. XXIV. de ref. cap. 16. i) Cap. 2. de consvet. in 6. Cap. 3. de appell. in 6. k) Bened. XIV. de Syn. Dioec. Lib. II. cap. 8.

gerit. Neque concedere potest literas dimissorias pro susceptione Ordinum, nisi fuerit Episcopus nimium remotus, nec sine magna difficultate conveniri possit. l) In materia quoque Beneficiali, quaecumque sunt merae liberalitatis, et gratiae, vel speciem habent liberalitatis, disponere nequit sine mandato speciali. Neque potest Beneficia conferre; aut certe ad illa, quae sunt Iurispatronatus Episcopalis, eligere Clericos, nominare, vel praesentare. Nam haec omnia redolent quamdam liberalitatem, ac donationem. m) Non potest Beneficia supprimere, unire, vel dissolvere unita; nam id quoque donationem sapit. Uti nec Beneficiorum resignationem admittere, sive simpliciter, seu ex causa permutationis; quoniam ius hoc, requirit potestatem destituendi, quae sine mandato speciali, ad Vicarium non spectat. n) Neque potest sine mandato speciali, quamvis pro foro conscientiae tantum, dispensare in irregularitatibus, et suspensionibus, ex occulto crimine

na-

l) Cap. 3. de tempor. ordinat. in 6. m) Cap. 3. de off. Vic. in 6. n) Cap. 2. de off. Vicarii in 6.

tis; uti nec absolvere in eodem perinde foro, a criminibus, Apostolicae sedi reservatis. o) Quibus utique sunt adiungenda, quaecumque Episcopus, non ut Ordinarius, verum ut sedis Apostolicae Delegatus disponit. p) Speciatim, Vicarius Generalis Metropolitani Prae-sulis, quamquam hoc a Provincia remoto, nequit afficere censura suffraganeos, id enim reverentia Episcopalis officii vetat. q) Neque Synodum Provinciale[m] convocare. Quemadmodum Vicarius Episcopi, sine Huius mandato speciali, Synodum Dioecesanam, indicare, aut celebrare nequit. An autem sine mandato speciali possit Vicarius praesentatos a Patronis, instituere, lis est inter doctores. Benedictus XIV. Pontifex, opinionem affirmativam, notat esse magis receptam; quoniam institutio, non est liberalitatis, et gratiae, verum necessitatis, ac iustitiae actus. r) Quantacumque autem sit Generalis Vicarii po-

- o) Trident. sess. XXIV. de ref. cap. 6. p) Tale est, quod adfert Trid. sess. VI. de ref. cap. 3. sess. VII. de ref. cap. 14. q) Cap. 1. de off. Ordinarii in 6. r) Bened. XIV. cit. superius libro, et cap. num. 2.

pōtestas, quae ex Episcopi cuiuslibet instructione colligi debet, omnimode expirat, renunciatione muneris; revocatione item, vel morte Praesulis. Qvo per sententiam ab executione muneris suspenso, Vicarii quoque potestas intelligitur esse suspensa.

§. CCXXV.

Requisita in ipso ap. nos.

Lex Hungarica forenses a munere Vicarii penitus removet, sub poena nullitatis sententiae per eos pronunciandae. s) Quicumque autem Vicarii et Officiales, causas ad forum non suum pertinentes, prohibentur tractare; t) imo has, receptis literis praecceptoriiis, ad forum competens remittere haud volentes, Beneficio Ecclesiastico privati declarantur; quod Regia Maiestas ipso facto alteri conferre possit. u) Ut autem Vicarii Generales periti sint patriarum legum, et Iuris Ecclesiastici, Synodus Provincialis Tirnaviensis anno 1639. celebrata, deposcit. v)

Pars Spec.

G

§. CCXXVI.

s) Art. 32. 1495. a. 35 1500. t) Eod. art. ultimo citato. u) Art. 46 1492. v) Cap. 10. §. 1. ap. Péterffy Concil. H. T. II. pag. 372.

§. CCXXVI.

Poenit. et Theol. Episc.

Tridentina vero praecipit, ut in omnibus Ecclesiis Cathedralibus, ubi id commodè fieri poterit, Poenitentiarius aliquis, cum unionè praebendae proxime vacaturae, ab Episcopo instituatur, qui magister sit vel doctor, aut licentiatus in Theologia, vel iure Canonico, et annorum quadraginta, seu qui aptior pro loci qualitate reperietur. Qui dum confessiones in Ecclesia audiet, interim praesens in choro censeatur. w) Alibi decernebat, ut in Metropolitanis et Cathedralibus, imo et Collegiatis, ubi numerosus fuerit Clerus, constituatur Theologus, qui Sacram Scripturam praelegat, teneatque in Capitulo praebendam, quae inde *Theologalis* est dicta. Hoc si fieri nequiret, Ecclesiae nihilominus saltem *magistrum* habeant ab Episcopo, cum consilio Capituli eligendum, qui Clericos, aliosque scholares pauperes grammaticam gratis doceat; ut deinceps ad ipsa Sacrae Scripturae studia, annuente Deo transire possint.

w) Sess. XXIV. de ref. cap. 2.

sint. x) Hoc autem docendi munus concre-
di iubet nonnisi doctoribus vel magistris,
aut licentiatis in sacra pagina, aut in iure
Canonico, et aliis personis idoneis, et qui
per seipsos id munus explere possint. y) Ve-
rum haec magis historice dicta sunt. Nam
Theologi, atque Poenitentarii, apud quasdam
Hungariae Cathedralis Ecclesias, ne quidem
adpellatio est in usu. In una Qvinqueecce-
siensi residuus est *Poenitentarii* titulus. Et
tam hic, quam in nonnullis praeterea Capi-
tulis, *Theologi*, *Scholastici*, *Magistri* no-
men, quamvis nudum, reperitur.

§. CCXXVII.

Iura Capit. qua Colleg.

Capitula Canonorum debent spectari,
velut collegia ab Episcopis separata: rursum-
que, ceu sacri Senatus, influentes in exter-
nam Dioecesis gubernationem, Episcopali se-
de tam plena, quam vacante. Quodlibet Ca-
pitulum, quatenus est universitas, habet di-
gnitates, officia, et personatus. (§. XLIX.)

G 2

At-

x) Sess. V. de reform. cap. 1. y) Sess. XXIII. de
ref. cap. 18.

Attamen est omnibus atque singulis idem ius, habendi vocem, et suffragium in Capitulo, quicumque fuerint in ordine subdiaconatus. z) Ad illum porro conventum, seu (ut nos dicere solemus) *Consistorium*, in quo de re communi, atque propria tractabitur, vocandi sunt omnes, iure suffragii gaudentes, per illum, ad quem istud de iure, vel consuetudine spectat. a) Attamen praesentium duntaxat est ratio habenda. b) Exceptis rebus summe arduis; item quibusvis, quae iuxta consuetudinem cuiuslibet Capituli, absentium quoque sensum, sententiamque deposcit. Rite vocati, si non compareant, vota praesentibus accrescunt. c) Qui neglectus est e praesentibus, queri potest de sui contemptu, et evertere, quod ceteri decreverunt. d) Quodsi Capitulo debite congregato, minor pars recesserit, maior in negotio procedat. e)

Cu-

- z) Cap. 2. de aet. et qualit. et ord. praef. in Clement. a) Trid. sess. XXV. de ref. cap. 6. b) Cap. 5. de his quae fiunt a Praelato sine cons. Capituli. g) Cap. 19. de elect. d) Arg. cap. 36. de elect. sub finem. Cap. 28. eod. tit. e) Cap. 48. de elect.

Cuius conclusa tenebunt, modo fuerint saniora; f) quae scilicet nec morum integritati, nec Ecclesiae, neque civilis reipublicae bono repugnant. Quae pro talibus reputentur, nisi probetur oppositum; ad quod comprobandum, illi pauciores admitti debebunt. g) Sed fallit haec regula in casu eligendi coadiutoris Episcopo deliranti. Tunc enim duae partes capituli debent in eundem consentire. h) In iis vero negotiis, in quibus agitur de iure singulorum amittendo, vel minuendo, vota omnium deposcuntur. Nam de communi regula iuris, *quod omnes tangit, debet ab omnibus approbari*. i) Tandem, ut acta Capituli retineant sui memoriam, debitamque auctoritatem, in scriptum sunt redigenda, muniendaque sigillo communi, et a maiore saltem capitularium parte subscribenda. k) Ius quoque est Capitulis condendi statuta, l) quae

- f) Cap. 42. eod. tit. g) Cap. 1. 3. 4. de his quae fiunt a maiori parte Capituli. h) Cap. 1. de Cler. aegröt. in 6. i) Ex reg. iuris 29. tit. de regul. iuris in 6. k) Cap. 5. de probationibus. l) Supponit cap. 6. de constit. Conc. Trid. sess. XXI. de ref. cap. 3. sess. XXII. de ref. cap. 3. sess.

tamen legi communi, m) vel alieno iuri n) ne obvient, sintque per Episcopum adprobata, cuius iudicio substerni debent. o) His munita cautelis, observanda erunt instar legis ab omnibus, per quos sunt condita, cum veterem Catonis sententiam: *Patere legem, quam ipse tuleris*, etiam Ecclesiae lex, observandam decernat. p) Illorum successores in Canonicatus honore, ad eadem statuta sancte observanda, cum ipso ad capitulum ingressu, iurando iure obstringuntur. q) Hi tamen communi consensu abrogare statuta decessorum possunt, eo, quod sint eiusdem cum antecessoribus iuris. Sed casum excipe iuramenti; et adprobationis Pontificiae, in forma, quam *specificam* adpellant, (§. CXXVII.) factae. Nam hoc modo, statuta eiusmodi

in

XXIV. de ref. cap. 12. post medium. sess. XXV. de ref. cap. 6. m) Trid. sess. XXIV. de ref. cap. 12. et 14. n) Cap. 6. et 12. de constitut. o) Cap. 9. de consvet. Conc. Trident. sess. XXIV. de reform. cap. 14. p) Cap. 6. de constitut. q) Merito expendendum, quod docet Van Espen Iuris Eccl. univ. parte I. tit. 7. cap. 5. item parte II. sectione 3. tit. IX. cap. 2.

in legem Pontificiam transmigrarunt. Denique Capitulo salva est, sine Praesulis influxu, bonorum suorum administratio, ac omnimode intacta. r)

§. CCXXVIII.

Iura Eorum sede plena.

Cum sit Capitulum cathedrale, Episcopi et Ecclesiae Senatus, unumque hoc nomine corpus efficiat cum Praesule suo: s) decernit lex, ut in quibusdam Episcopus, consilium Capituli poscat; in aliis paucos, verum necessario consulat; de quorum omnium, vel maioris eorum partis consensu decernatur. Sunt autem causae arduae, cum universo capitulo tractandae sequentes. I. Dum ipsius Capituli res adtinguntur; t) ut, si res Ecclesiae mobiles vel immobiles alienandae forent. u) II. In praesentatione, vel collatione Beneficii, utrique partium competente. v)

III.

r) Trident. sess. XXV. de ref. cap. 6. s) Cap. 4. de his, quae fiunt a Prael. sine cons. Cap. t) Cap. 4. et 5. cit. nunc tit. u) Cap. 1. et 8. eod. tit. Cap. 2. de donationibus. v) Cap. 6. de his quae fiunt. etc.

III. Si est Ecclesiae pensionis onus imponendum. w) IV. Si haec est in Monasterium convertenda. x) V. Quoties instituendi, vel destituendi sunt, ecclesiastica dignitate fulgentes. y) VI. Dum Capituli detrimentum vel commodum involvitur; ut, si agatur de augendo, minuendove numero Canonorum, aut dignitatum. z) VII. Quando eligendus venit Episcopi coadiutor. a) VIII. In inquirendis, puniendisqve gravioribus Clericorum delictis. b) At vero, duorum tantummodo capitularium consilio uti debet Episcopus, cum sunt piae foundationes commutandae. c) In publicatione Indulgentiarum, quae porrigenti manus adiutrices, promittuntur. d) In Seminariorum debita coordinatione. e) Haec tamen, aut ex his nonnulla, utrumne ita neces-

- w) Cap. 9. eod. tit. x) Can. 73. caus. XII. qv. 2. Cap. 9. de donat. y) Cap. 4. de his quae fiunt. etc. z) Arg. cap. 8. de constitut. Cap. ult. de verb. signif. a) Cap. un. de Cler. aegrot. in 6. b) Can. 6. caus. XV, qv. 7. Cap. 1. de excessib. Prael. et subditor. c) Trident. sess. XXV. de reform. cap. 8. d) Idem sess. XXI. de ref. cap. 9. e) Idem sess. XXIII. de ref. cap. 18.

cessario fieri debeant cum adsensu capitularium, ut absque hoc, etiam irrita sit Praesulis dispositio, locorum consuetudo consuli debet.

§. CCXXIX.

Et sede vacante.

Episcopali sede per mortem, vel translationem, aut aliter legitime vacante, succedit in iura spiritualia Capitulum Cathedrale cum *subsidiaria* potestate, eum in finem, ut ne populus cura spirituali destituatur. Quod vetustissimis Ecclesiae temporibus factitatum esse, alibi fuit insinuat. (§. LXX.) Et vero, cum Episcopus unum efficiat corpus cum capitulo: (§. praec.) uno membro deficiente, reliqua operantur. f) Exercitium itaque iurisdictionis Episcopalis, in quibuslibet casibus proprium est capitulo, quovisunque Ius positivum noluit exceptos esse. Exercitium Episcopalis Ordinis, natura sua est exceptum. Sed potestas exercendi Pontificalia munia, per capitulum indulgeri potest. Quamvis nequeat per annum, a die vacantis

Epi-

f) Cap. 11. et 14. de maior. et obed.

Episcopatus computandum, potestatem concedere impertiendi Ordines, aut elargiri dimissorias literas suscipiendorum Ecclesiae Ordinum causa, nisi quispiam fuerit Beneficio arctatus, quod certum Ordinem natura sua deposcit. g) Nulla quoque potestas est Capitulo post mortem Episcopi in his, quae illi velut delegato sedis Apostolicae competere lex indicat, aut quae ex privilegio habebat; qualis est collatio Indulgentiarum. h) Cumque lex sit irrestricta: *ne sede vacante aliquid innovetur*: i) totum illud prohibetur agere capitulum, quod vel statum vacantis Ecclesiae mutaret, vel iuribus Episcopalibus praeiudicium inferret. Qualis esset collatio Beneficii, quae ad solum Episcopum spectabat.

g) Trid. sess. VII. de reform. cap. 10. sess. XXIII. de ref. 10. Hinc derogatum est capiti 3. de temp. ordin. in 6. decernenti: *Sede vacante, capitulum, seu is, ad quem tunc temporis administratio spiritualium noscitur pertinere, dare possunt licentiam ordinandi*. h) Cap. 12. de excess. Prael. Adde Ben. XIV. de Syn. D. lib. II. cap. 9. num. 7. i) Libri III. Decretal. Greg. IX. tit. 9. inscriptio. Revoca in memoriam dicta §. CVI.

bat. Aliter enim se res habet, dum collatio simul ad Capitulum pertinebat. k) Vetatur etiam alienatio rerum Ecclesiae immobilium, ac etiam mobilium, quae conservari possunt, nisi adesset necessitas urgentissima, has alienandi. l) Prohibetur quoque unio, vel extincto Beneficiorum Ecclesiasticorum, nisi aequae necessitas urgeret; m) item eorum, quae spectant ad mensam Episcopi, translatio ad Capituli possessionem. n) Quaeritur vero: num Capitulum conferre possit Beneficia, quorum collatio, propter negligentiam Patronorum, ad Episcopum devoluta fuit? Quod cum in iure non sit exceptum, Capitulo adiudicandum esse videtur. Cuius tamen omnis potestas modo enarrata, in Vicarium transit. (§. LII.)

§. CCXXX.

- k) Cap. un. ne sede vac. etc. in 6. l) Can. 43. caus. XII. qv. 2. Item. arg. cap. 1. et 8. de his quae fiunt a Praelato etc. m) Cap. 1. ne sede vacante aliquid innov. et arg. Concilii Trid. sess. XXIV. de ref. cap. 15. n) Can. 38. 43. caus. XII. qv. 2. Cap. 9. de off. Ord. Cap. 40. de elect. et electi potest. in 6.

§. CCXXX.

Iura dign. cap. ap. Nos.

In capitulis Ecclesiae Hungaricae, *Præpositus Maior*, o) sicuti primum tenet locum, ita praecipuam habet curam temporalium ad iura capituli spectantium; quorum proinde causa, potest capitulum convocare. Huic amplior est, quam ceteris portio e proventu communi, pro consuetudine capitulorum. Sicubi vero privativa bona possidet, nihil hinc ceteris obtingit. *Lectoris* est custodire Tabularium capituli, ac documenta fidei Capituli per alios credita, simul cum sigillo capitulari. In Ecclesia vero Zagrabiensi, capitularis alter, votis ceterorum e gremio delectus, haec omnia custodit. p) Porro iubente articulo 39. anni 1723. universae expeditiones, in Capitulis conservandae, praeter referentes, etiam per Lectorem, vel hoc absente, per alium capitularem; non secus etiam authentica documenta, quae debent

- o) Causam huius *comparativi*, ut cum grammaticis loquar, reddet hic §phus L. p) Testis est Kerselich in hist. Cath. Eccl. Zagrab. pag. 96. et meamet experientia anni 1783. et seq.

bent extradari, cum nominis proprii appositione subscribenda sunt, et si eadem in vocalis quibusdam essent corrigenda, per subscribentem huiusmodi correctae voculae denotentur, et antequam fuerint extradata, praesente capitulo perlegantur. q) *Cantoris* munus est, Ecclesiastici cantus, officiorumque Divinorum in Ecclesia sua rite peragendorum, curam habere, r) et ita directioni chori sollicite intendere, ut nec circa libros, neque circa cantum, vel chori ministros, aliqui defectus committantur. s) *Custodis* est, Ecclesiae materialis custodiam, luminarium, totiusque sacrae suppellectilis curam habere. t) Atque hi sunt, e quorum numero unus, nomine et in persona capituli, dum agitur de iuribus possessionariis, in iudicio iurare debet. u)

§. CCXXXI.

q) Adde Szegedi in Tiroc. iuris Hung parte 2. tit. 13. Szörényi in manuali Canonorum cap. 10. r) Cap. unic. de off. primicerii. s) Synodus prov. Tirnav. anni 1638. cap. 2. num. 18. t) Cap. 1. et 2. de off. Custodis. u) Tripart. parte II. tit. 49. Ubi *Decanus* quoque memoratur, tamquam quinta in capitulo dignitas. Quintum revera locum Decanos Capitulorum Ecclesiae

§. CCXXXI.

Iura Capitulor. Hung.

Iura vero, quibus ipsa Collegia Canoniorum, iuxta patrias leges apud nos gaudent, ferme sunt isthic expressa. Possessiones private ad se pertinentes, absque Praesulis influxu tenent, atque in his disponunt. v) Capitulum quodvis, unum habet de lege scripta votum in Comitibus Regni. w) De more, bini plerumque mittuntur, per vota electi. Denique quibusdam, quae hactenus articulatim locis credibilibus adnumerata non sunt, cetera vocantur, suntque *Loca credibilia*, seu *authentica*; x) atque membra illorum, ad-

Hungaricae olim tenuisse, animadverteram ex documentis patriae, in meis Amoenit. Hist. Eccl. Hung. fasc. V. num. I. §. 25 et Num. II. §. 18. Munus vero ipsorum discimus e Verböczii citata parte, tit. 53. quod scilicet in medio Iobbagionum capitularium, autoritate capituli, temporalem exercuerint iurisdictionem. Hodiernum munus illorum expressi hic §. L. v) Art. 102. 1647. w) Art. 1, post coronat 1608. x) Tripart. parte 1. tit. 28. et 63. Parte 2. tit. 23. 57. Item art. 22. 1681. a. 9. 41. 42. 1723. art. 24. 1729. art. 25. 1741. art. 11. 1765.

pellantur *fidedignitates Regni*. y) Enimvero, cum testimonio capitulari, fiunt admonitiones, aestimationes, evocationes, inquisitiones, metarum reambulationes, oculatae, stationes, et restatutiones; apud capitula deponuntur pecuniae; coram illis peraguntur fassiones; constituuntur plenipotentarii, et procuratores. Interponuntur prohibitiones, protestationes, ac iuramenta. z) Haec autem omnia partim ab illis, partim coram illis peragi

y) Art. 8. 1435. a. 9. 1498. a. 9. 1723. a. 24. 1729.

z) Sigism. decr. I. de anno 1404. §§. 9. 15. et 17.

Eiusd. Decr. V. de an. 1435. art. 9. Item decr.

VI. anni eiusd. art. 4. 5. 8. 10. Alberti decr. de

an. 1439. art. 29. Mich. Szilágyi Gubernatoris

decr. de an. 1458. a. 8. Mathiae decr. I. de an.

1462. art. 1. Eiusd. decr. II. de ann. 1464. a. 12.

Eiusd. decr. VI. 1486. a. 8. 10. 14. 74. 75. 77.

Ulad. II. decr. I. de anno 1492. art. 14. 40. 53.

95. 97. Eiusdem decr. II. de anno 1495. a. 3. 9.

Eiusd. decr. III. de an. 1498. art. 8. Eiusd. decr.

IV. de anno 1500. art. 13. Eiusdem decr. VI. de

ann. 1507. art. 2. Item Tripart. parte I. tit. 60.

86. 127. 128. Parte II. tit. 16. 19. 21. 22. 27. It,

art. 3. 1608. post. coron. Item art. 74. 1609. Art.

15. 1622. Art. 31. 1638. Art. 78. 1647. Art. 18.

1659. Art. 29. 1662. Art. 22. 1681. Art. 24. 1729.

agi possunt intra Dioecesim, in cuius gremio sunt, et in Comitatus vicinis, usque dum per emendationem legum, classificatio Districtuum elaborari valeat, et ubi quod capitulum procedat, superinde provideatur. a) Porro capitularium in functione ex enumeratis una, actualiter et legitime procedentium detentores, arestatores, verberatores, aut vulneratores, poenam actus maioris potentiae incurrunt. b) Sigilla Capitulorum sunt authentica, fidem publicam habentia, quae confirmant relata in chartis, quibus appressa fuerunt. c) Sub iisdem sigillis, constituere sibi possunt procuratores, atque plenipotentarios, non tamen sibi ipsis dare testimonium, vel pro semet ipsis fassiones celebrare. d) Quamobrem, hac in parte derogatum est antiquo iuri. e) Sigillis huiusce modi authenticis,

ca-

- a) Art. 40. 1723. b) Art. 10. 1723. Incurrunt scilicet poenam amissionis bonorum vel capitis, iuxta art. 34. 1729. c) Tripart. parte II. tit. 13. 15. Item art. 44. 1492. d) Art. 41. 1723. e) Tripart. parte II. tit. 13. in fine ait: *iudices siquidem Regni ordinarii, ac ipsa loca testimonialia, sigilla authentica habentes, sub eorum sigillis tam pro-*

carent novissima Capitula: Albaregalense, Neosoliense, Rosnaviense, ac Soproniense Collegiatum. f) Sabariense vero non institutum noviter, verum e Collegiato, quod antehac *de Castro ferreo* dicebatur, Sabariae residens, ad Ecclesiae Cathedralis honorem evectum, et veterem fidedignitatem, g) et sigilli authentici ius retinuit, cum nova hac perigrapha:

euratores constituendi, quam etiam cunctas alias fassiones (rite tamen, et legitime) faciendi habent auctoritatem. f) In diplomate Regio anni 1800. in favorem Collegiati huius capituli edito, conceditur eidem publicum et authenticum sigillum, referens effigiem S. Georgii, cum perigrapha: *Sigillum Capituli Ecclesiae Sopron. indulgetur huius impofterum usus, hoc addito: ubi videlicet idem Capitulum (accedente Constitutione Regnicolari) inter loca authentica receptum, et fidedignitate publica provisum fuerit, ad normam aliorum - - Hungariae Capitulorum, in omnibus, et quibusvis literalibus instrumentis, expeditionibus, item functionibus capitularibus, interea vero tantum privatis suis capitularibus expeditionibus rubra cera signandis. Ex copia simplice, sed accuratissima, inter mea MSS. g) Consule art. 32. 1574. a. 46. 1587. a. 120. 1647.*

phe: *Sigillum Capituli Cathedral. Eccl. Sabariensis de Castro Ferreo.* h) Scepusiense quoque Capitulum, quod anno Domini 1776. e Collegiato in Cathedrale transmutatum est, retinuit cum authentico sigillo, pristinam fidedignitatem, quam habuisse, leges patriae testantur. i) Capitulum vero, Cathedralis Bosnensis, seu Diakovariensis, k) et Soproniensis Collegiati, sigilla fidem publicam non sunt hactenus consecuta.

§. CCXXXII.

h) Apud Schönvisner in antiquit. et hist. Sabarien. pag. 366. i) Vide art. 21. 1557. art. 12. 1608. post coron. item art. 49. 1609. k) Bosnense olim iuxta art. 12. 1498. et trip. parte 2. tit. 21. in quibuscunque executionibus, per totum Regnum Hung. et partes sibi subiectas procedendi habebat auctoritatem. De quo in Comitiis anni 1790. ex parte Regnorum Dalm. Croat. et Slav. haec est reflexio facta: „Capitulum Cathedrale Bosnense, „alias Diakovariense per Srenissimam Reginam „Apostolicam M. Theresiam collata Praepositura „S. Petri de Posega erectum, benigno privilegio „super publico et authentico sigillo effigiem S. Petri poenitentis Apostoli in se complectente, pro „faciendis publicis fidedignis expeditionibus dotatum, supplicat, reliquis articulatim receptis Capi-

§. CCXXXII.

Propria quorumd. Decora.

Praeter communia omnibus Ecclesiae Hungaricae Capitulis iura, sunt etiam peculiaria nonnullis decora, nunc a Pontifice, modo a lege patria, vel etiam a Rege specialiter obtenta. Metropolitanum Strigoniense Capitulum, ab anno Domini 1777. et die 15. octobris, defert e collo pendens ornamentum crucis aureae desinentis in angulos, cuius medium in adversa parte icon occupat S. Adalberti, Stephanum Geyzae filium sacro laticae tingentis, cum hac perigraphie: *Archidioecesis Strigoniensis Patronus*; et in aversa parte, nomen Mariae Theresiae literis duabus M. T. sibi invicem intextis. Cui scutum Hungariae impositum est, e rubra ligu-

H 2 la,

„tulis adnumerari, collatiqve authentici sigilli utsum in omnibus expeditionibus legalem reddi.“ Atqve legitur inter documenta Actorum Comit. huius anni pag. 312. Porro Capitulis adnumeratum est, nam inter ablegatos Capitulorum in comitiis anni 1792. locum habuere RR. Georgius Korpar, et Franciscus Monaldi, uti Acta perhibent anni huius, versionis latinae pag. XIII.

la, uti et crux ipsa dependens. l) Dein exactis Diaetalibus, et paulo vetustioribus monumentis, eruit Capitulum Strigoniense anno Domini 1790. receptum esse morem, ut crucem Regi Apostolico praeferat e gremio Capituli Strigoniensis iunior Canonicus, Episcopali ornatus titulo, delectus per Strigoniensem Archiepiscopum, et ab Rege pro hac functione confirmatus. m) Archipraesulem Ecclesiae Strigoniensis, Iosephum e Comitibus de Batthyán, imitatus Colocensis quoque Ar-

- l) Visitur eius forma in orat. quam hac occasione dum singulorum collo impositum est hoc ornamentum, dixit Ill. D. Comes Sigismundus Keglevich Metrop. huius Capituli Praepositus Maior.
- m) Ex Ephemerid. Budensibus latinis anni 1790. num. 17. ubi cum cetera isthuc spectantia, sint prolixiora, unicum profero breve documentum:
- „Eminentissime etc. Factae per Emin. V. in eo
 „propositioni, ut honor, tempore solemnis inau-
 „gurationis, praeferendae Apostolico Regi, cru-
 „cis, Archi-Capituli Strigoniensis Praeposito Ma-
 „iori, Episcopo Comiti a Keglevich obtingat, di-
 „gnata est sua M. sacratissima benigne annuere.
 „- - - Eminentiae V. Viennae 8. Maii 1790. Ob-
 „sequentiss. servus Com. Car. Pálffy m. p. “

Archiepiscopus, Adamus L. B. Patachich, suae Metropolitanae Ecclesiae Canonicis obtinuit ab eadem Regina Apostolica Maria Theresia, crucem coloris caerulei, e ligula perinde caerulea cum limbo coloris argentei, pendentem; cui Hungariae crux cum anchora, imminet. Pars adversa refert Astricum S. Stephano diadema offerentem, cum perigraphe: *Allatae S. Coronae memoria*. Pars autem aversa, elementa nominum Iosephi II. et Mariae Theresiae, cum hac perigraphe: *sub Augg. renovata*. 1779. Benedictus XIV. Pontifex anno 1745. concessit, ut dignitates Cathedralis Ecclesiae Iaurinensis, insignis Pontificalibus intra et extra eandem Ecclesiam uti possint, quovis tempore, et ubique locorum, etiam in Synodis quibuscumque, ac praesentibus quibuslibet, etiamsi Cardinales fuerint, aut sedis Apostolicae Nuncii, vel Legati. n) Eius insuper Capituli Praepositus Maior, sedis Nobilium de Bátsa, supremus ac perpetuus Comes est, atque collator. Successor Benedicti XIV. Clemens XIII.

Ca-

n) Legitur Pontif. Breve ap. Laur. Károlyi in speculo Eccl. Iaurin. pag. 139.

Capituli Weszprimiensis Collegium, simili decoravit honore, dum qvatuor huius Collegii *Columnis*, ut dicunt, Infularum insignia, usumqve, Pontificia liberalitate concessit. o) Peculiare decus consequutum est Capitulum Zagrabiense, cum Benedictus Vinkovich, eiusdem Praepositus, talem in Comitibus anni 1625. articulo 61. consequutus est declarationem: *ut imposterum futuris semper temporibus, Praepositus Zagrabiensis pro tempore existens, peculiaribus Literis Regalibus vocetur ad Comitibus, et inter Dominos Praelatos, Barones, et Magnates locum, et vocem habeat.* Mox ad petitionem Ferdinandi II. Pontifici Romano depromptam, idem Praepositus, per Bullam specialem, perpetuis temporibus valituram, Infula qvoque decoratus fuit. p) Postquam insuper anno 1632. eidem

Prae-

- o) Ita lego in oratione funebri dicta Martino Biró Episcopo Weszprimiensi 16. Kal. Oct. 1762. per Norbertum Conradi e scholis Piis, et typis Pestien. edita eod. anno, pag. 18. p) E diplom. Ferd. II. quod mihi anno 1785. Zagrabiae Theologiae Professori Regio, inspicere, et quaecumque sine possessoris praeiudicio exscribi poterant, in adversaria qvoque mea transferre licuit.

Praeposito Maiori Zagrabiensi, et per eum
faturis quoque, et cunctis Praepositis Maio-
ribus eiusdem Ecclesiae Zagrabiensis, ca-
strum Bela adpellatum, Ordinis olim Cruci-
 ferorum Prioris Auranae, in Regno Sclavo-
 niae, et Comitatu Varasdinensi existens, uti
 et universas possessiones ad idem spectantes,
 in perpetuum donavisset: q) successor Fer-
 dinandus III. Nicolaum Dianesevich aeqve
 Praepositum et Canonicum Ecclesiae Zagra-
 biensis, anno Domini 1652. *Prioratus Au-*
ranae Gubernatorem, et suos successores Prae-
positos Maiores Zagrabienses universos, in
veros et legitimos dicti Prioratus Gubernato-
res creavit. r) Cum igitur Auranae Prior,
 olim *privilegio Praelatorum uti gaudereque*
 consveverit, dictus Ecclesiastico more *Vene-*
rabilis, at simul more civili, tamquam Re-
 gni

q) Ex eod. r) Perinde ex originali. Hinc patet
 bonae memoriae Georgium Pray in dissert. *de*
Prioratu Auranae inscripta, pag. 100. imperfecte
 rem expressisse, cum scripsit, hodie titulum Gu-
 bernatoris Prioratus Auranae, penes Praepositos
 Capituli Zagrabiensis fere manere.

gni Magnas, titulo *Magnifici* honoratus: s) duplici iam nomine Praepositus Capituli Zagradiensis, inter Praelatos numeratur, et usitato hodie, *Illustrissimi ac Reverendissimi* titulo gaudet. Qvi praeterea ex speciali concessione Romana, sub Georgii Branyugh Episcopi gubernio obtenta, cum ceteris quibusque Cathedralis Capituli sui membris, adpellatione *Protonotarii Apostolici*, honoratur, t) Unum addo Capitulum Sabariense de Ca-

- s) Tripart. parte 2. tit. 54. Exempla vero ap. Steph. Kaprinai Hung. diplomat. etc. parte II. pag. 434. et 478. t) Ex relatione fidedigna Capitularium. Olim praeterea specialis fuit praerogativa huius Capituli, quam discere licebit e propositionibus statuum Regn. Dalm. Croat., et Slav. in Comitibus anni 1790. factis, quae inter Acta eorundem pag. 312. sic ad verbum habent: „Capitulum „Cathedrale Zagradiense, in possessione territorii „et fortalitii Dubicensis ab antiquo inde tempore „praefuit. Occasione factae anno 1750. Confinitii „Banalis regulationis, gremialis Canonicus in ca- „ractere Vice-Colonelli, cum salario fl. 900. ex „aerario Regio solvendo, Commendans constitu- „tus est. Cum autem eiusmodi Commenda sub- „lata haberetur, iustum esse cognoscitur, ut di-

Castro ferreo, quod per articulum 120. Comitiorum anni 1647. dignum esse ad id censebatur, ut a persolvendo domorum censu liberum existat.

§. CCXXXIII.

Requisita et oblig.

Ut Cathedralis Capituli membrum fieri quis possit, saltem sex antea mensibus, in Ordine sacro fuerit, est necesse. Ortus sit honestis parentibus; aetate, moribus, et scientia praeditus. u) Imo, ut in quibuslibet Capitulis dimidia saltem pars, e graduatis constet, Tridentina Synodus optat. v) Fidei Catholicae professionem negligenti, fructus Beneficii prorsus negandi decernuntur, w)
ex.

„ctum Capitulum ad usum iuxta privilegium reponatur, in 18000 fl. capitale, seu interusurii „900 fl. recipiat.“ Reipsa in schematismo I. R. H. anni 1764. legitur Nic. Sigism. Thanfzy Can. Zagrab. S. C. R. A. Maiest. Confinii Dubiczensis Commendans, et I. Banalis Confiniarii Kofztanicensis pedestris Regiminis V. Colonellus. u) Trid. sess. XXII. de ref. cap. 2. v) Idem sess. XXIV. de ref. cap. 12. w) Ibid.

exceptis distributionibus quotidianis, dum preces canonicas cum reliquis fratribus persolvit. x) Ad quas reverenter, distincte, ac devote, per seipsos, et non per substitutos, persolvere; tum Antistiti suo celebranti missarum sollemnia, aut alia Pontificalia exercenti, assistere iubentur. y) Sponte hinc sequitur obligatio residendi. Ut adeo Concilium Tridentinum, ultra tres menses per annum absenti poenas, z) et contumacia crescente, secundum iuris antiqui tenores, a) privationem quoque Beneficii comminetur. At usus obtinuit, a sacra Concilii Tridentini Interpretum Congregatione, die 17. Dec. 1718. probatus, ut is, qui non interrupto XL. annorum spatio, diligenter Ecclesiae, seu Cathedrali, sive Collegiatae deservivit, ab omni deinceps absolvatur Ecclesiae huius servitio, et ubicumque degens, etiam quoad distribu-

tio-

- x) Lege Bened. XIV. de Syn. Dioec. lib. V. cap. 2. nrm 5. y) Trid. cit. nunc sess. cap. 12. Adde ex iure vetere cap. 9. de celebr. Missar. z) Trident. cit. cap. a) Cap. fin. de cler. non resid.

tiones quotidianas, pro praesente habeatur. b) Veniunt autem distributionis istius nomine, *certa quaedam emolumenta, distribuenda iis, qui horis Canonicis intersunt.* c) Qveis tantum, neque aliis ista competere, dudum edixerat Bonifacius VIII. illis exceptis, *quos infirmitas, seu iusta et rationabilis corporalis necessitas, aut evidens Ecclesiae utilitas excusaret.* d) Qvam constitutionem non modo salvam esse voluit Concilium Tridentinum, e) at praecepit etiam, proventus capitularis partem tertiam, in distributiones huiusmodi necessario converti. f) Ubicumque sunt in
usu

- b) Vide Bened. XIV. de Syn. Dioec. Lib. III. cap. 5. num. 6. c) Bened. XIV. cit. op. Lib. XIII. cap. 12. num. 22. Adde Espen Iuris Eccl. univ. parte I. tit. VII. cap. 7. et 11. d) Cap. un. de Cler. non resid. in 6. adde cap. 15. x. eod. tit. et Bened. XIV. cit. op. Lib. IV. cap. 4. num. 1. e) Sess. XXIV. de ref. cap. 12. f) Sess. 21. de ref. cap. 2. et sess. XXII. de ref. cap. 3. Plura de his distrib. Bened. XIV. in Institut. Ecclesiasticis, Institutione CVII. §. 7. seq. Istiusmodi distributionum faciendarum obligationem, Capitulo Strigoniensi imponere voluisse magnae memoriae Archiepiscopum Franciscum Barkóczi, disco e repraesenta.

usu hae leges, ibi *Punctatores* reperiās, quorum est adnotare, quis, quando, et quibus

Di-

tionē Archicapituli, die 9. Iulii anno 1762. adornata, cuius accuratissima copia, haec notabilia, etiam reliquis Eccl. Hung. Capitulis forsā merito applicanda, continet: „Sed et distributiones quotidianae, quas Celsitudo Vestra exercendas benigne praecipere dignatur, haudquaquam in praesentem deduci poterunt. Nam, ut perbelle Celsitudini V. perspectum est, redditus nostri, in maxima parte in frumento, et vino consistunt. Vinea fere in toto decimalia, circa finem anni percipiuntur. Frumenti perceptio, prior quidem est, sed raro eodem anno adaequate a stramine sequestratur; neutrum vero anno, quo nascitur, divenditur. Unde poenus exigua, quae quandoque ex Dominiis affertur, fere semper ad annos praeteritos pertinet, interque eos partienda, qui annis praeteritis fructus suos fecerunt. His ita se habentibus, quomodo pro distributionibus quotidianis recens ad Capitulum venientes, in florenis 500. concurrent? si vero non concurrerint, quomodo de massa distributionum, quae ex fructibus antiquorum Canoniorum, superioribus annis eodē fructus suos facientium, in tali casu conflari deberet, portionem recipient, nihil prorsus iuris ad massam de aliorum redditibus conflata, habentes? etc.“

Divini officii partibus, semet subduxisset. g) Ulterior Canonorum obligatio est, subiici omnimode Praesuli suo: (§. CCVIII.) nisi privilegium exemptionis probetur; h) honorem, qui dignitati eiusdem convenit, exhibere, in choro, in Capitulo, in Processionibus, aliisque publicis actibus, et ad mandatum ipsius Conventum, qui domi nostrae vocatur *Consistorium*, celebrare. i) Denique Capitula, non obstantibus exemptionibus, consuetudinibus, aut concordiis, Episcopi visitationi subiacent, atque correctioni, toties, quoties ita res, ac necessitas feret. k) Adde obligationem, ex iure superius asserto (§. CCXXIX.) fluentem, Praesulis mortem Clero Dioecesano annunciandi. Item, sibi mox Vicarium eligendi, (§. LII.) atque hanc electionem notam reddendi.

§. CCXXXIV.

- g) Ben. XIV. de Syn. D. Lib. IV. cap. 4. num. 2.
 h) Cap. 13. de off. iud. ord. Cap. 13. de foro compet.
 i) Trident. sess. XXV. de ref. cap. 6.
 k) Idem sess. VI. de ref. cap. 4. Sess. XIV. de ref. cap. 4.

§. CCXXXIV.

In Hung. requis. et obl. Spir.

In Ecclesia Hungarica, honor Canonica-
lis conferri debet personis idoneis, l) quae
scilicet negotia etiam profana, ad mentem
legis patriae, executioni mandare possint.
(§. CCXXXI.) Collegium Canoniale de-
bet constare numero sufficiente. Hunc esse
quinarium oportet, ut fidem publicam habere
censeatur. m) Nominatus per quicumque,
canonice est instituendus; n) atque illi dein-
ceps incumbit, omnium horarum canonica-
rum devota persolutio. Nimis benigna Sy-
nodus Nationalis, anno 1633. Tirnaviae ce-
lebrata, deprecatur, ut choro *semper unus ad
minimum Canonici intersit*. o) Verum
Synodus provincialis anni 1638. hanc obliga-
tionem omnibus imponit. p) Synodus alia
provincialis anni 1611. praecipit, ut Cano-
nici Dominicis festisque diebus, pro se ac
populo Missas celebrent. q) Has ut per se-
riem

l) Art. 39. 1723. a. 16. 1741. a. 11. 1765. m) A.
41. 1552. a. 39. 1723. n) Syn. provinc. Tirn.
anni 1638. cap. 9. §. 3. o) §. 9. p) Cap. 2. §.
1. q) Cap. 1. num. 8.

riem decantent, illa anni 1638. mandat. r) Addit Forgáchiana anno 1611. celebrata, tum Nationalis convocata anno 1630. ut Canonici propter sacerdotum penuriam, Párochias administrent, sine proventuum suorum capitularium iactura, et, quin propterea Divini officii recitatio in Ecclesia intermittatur. s) Eadem nationalis, aeqvitati consentaneum esse affirmat, ut *opulentiores Canonici, semper aliquid pro sua quisque pietate, ac devotione, post decessum Seminario relinqvant.* t) Ceteras obligationes Canoniorum in Ecclesia Hungarica, non e iure communi, sed e propriis cuiuslibet Capituli statutis, discere oportebit.

§. CCXXXV.

Obligat. Civiles.

Civiles Canoniorum, seu potius Capitulorum Ecclesiae Hungaricae obligationes, ferme sunt, uti seqvuntur: defuncto Praelato, tres fidei probatae, per Capitulum e gremio suo debent eligere, quorum unus Regio nomine

r) Cap. 2. §. 9. s) Prior cap. 1. §. 7. posterior statuto 3. t) Statuto XV. Omnes ap. Carolum Péterffy in Concil. H. T. II,

mine deputetur, ad defuncti Episcopi funus curandum, inventarii confectionem, fidelemque omnium conservationem, et consignationem, sub periculo amittendi honoris, et reddendarum de cunctis rationum obligatione. u) Canonici, quatenus fidedignitates (§. CCXXXI.) sunt, ad iuramentum decretale praestandum obligantur; cuius vigore, omnes omnino, cuiuscunque demum speciei executiones peragere possunt. v) Tenentur Capitula, percepto *Mandato compulsorio* Regis, aut unius ex Ordinariis Regni iudicibus, w) testimonia sua mittere ad executiones. x) Exmissi vero, sub poena perdendi Beneficii, et perpetui carceris, relationem facere debent genuinam atque sinceram. y) Abstinen-

dum

- u) Ex diplom. Ferd. II. §. CCXVIII. cit. v) Art. 10. 1486. a. 50. 1559. a. 39. 1723. w) Sunt hi: Palatinus, Iudex Curiae, Summus Secretar. Cancellarius, aut suus Locumtenens, iudiciale sigillum portans, ut enumerantur art. 68. 1486. x) Art. 53. 1492. a. 29. 1543. y) Art. 8. 1435. a. 10. 1486. a. 43. 1492. Quid autem hic nomine executionum veniat, consule Szegedi tyroc. Iuris, parte II. tit. 21.

dum habent a literis falsis, authentico sigillo muniendis, sub poena, quae alias ob notam infidelitatis incurri consuevit. z) Tenetur Capitulum, Instrumenta literalia, ad mandatum requisitorium Ordinarii iudicis Regni, in ea forma, quae in articulo XLII. anni 1723. praescribitur, extradare, a) et quidem sub poena 500 fl. toties, quoties fuerit legi contraventum, incurrenda. b) Relatorias autem super qualibet executione, per Capitulares homines peracta, Capitulum tenetur partibus interessatis, intra spatium anni, sine mandato Requisitorio, sub poena refundendi damni, extradare. c) Taxa quarumlibet expeditionum legalis esto, sub poena amittendi sigilli. d) Quamvis hodie abolitis veteribus taxis, e) cum non adsit articularis taxatio,

Pars Spec.

I

quae

z) Art. 9. 1723. Non ergo stigmatizationis poena viget, de qua trip. parte II. tit. 16. et art. 14. 1498. a) Art. 43. 1723. b) Art. 11. 1765. c) Art. 58. 1550. a. 42. 1723. d) Art. 23. 1495. a. 56. 1523. e) De his Art. 21. 1351. a. 10. 1405. a. 32. 1439. a. 22. 1471. a. 16. 1481. art. 10. 74. 75. 1486. a. 95. 1492. a. 23. 1495. a. 36. 1546. a. 67. 1548. a. 74. 1609.

quae in articulo 34. anni 1723. promissa fuit, post Carolinam anno 1730. publicatam, f) illa hodie, quae anno 1770. Mariae Theresiae Reginae Apostolicae iussu edita fuerat, g) observetur. E pecunia, apud se tamquam locum Credibilem deposita, Capitulum nonnisi partem vicesimam desumere potest, ad rationes partis, quae causa fuit, ut pecunia sic deponi deberet, imputandam. h) Tenentur Capitula, quae fide publica gaudent, registrare Tabularia. i) Sed horum Acta, prohibentur aliter extradare, quam pro sola expeditione, et erga sequuturam immediate peracta expeditione, eorundem repositionem; et Notariis quidem eorundem Tabulariorum, ad eorum hospitia; aliis vero non secus, quam in praesentia duorum Capitularium volvenda, in-

f) Vide ap. Szegedi cit. op. parte II. tit. 21. §. 18.

g) Systema Taxarum adnexum est Corpori iuris Hung. et observari iubetur, per Resolutionem anni 1774. quam legito in Collectione B. normal. Resolut. T. I. pag. 45. h) Art. 74. 1609. art. 31. 1638. Proinde abrogati sunt art. 75. 1486. et art. 95. 1492. qui nonam ac decimam admiserunt.

i) Art. 11. 1765.

investigandaqve, k) Praeterea, universae expeditiones in Capitulis conservandae, uti et Authenticae extradandae, inserta habere debent in fine, singulorum Capitularium nomina; subscribenda, corrigenda, et perlegenda sunt eo modo, qui alias insinuatus fuit. (§. CCXXX.) Novum sigillum, vetere vel detricto, vel deperdito, peti quidem debet a Rege; in Comitibus autem produci, ut authenticum evadat. l) Canonico in emenda capituli convicto, m) nec habente bona separata, seu mobilia, sive immobilia, Collegium satisfacere obligatur. n) His adde obligationem, Vicarii Capitularis electionem Excelsae Cancellariae Hungarico-Aulicae, prouti etiam Excelso Consilio Locumtenentiali Hungarico, in omni submissione notam reddendi.

I 2

§. CCXXXVI.

k) Art. 25. 1741. l) Art. 46. 1587. a. 38. 1597. a. 38. 1598. a. 85. 1635. a. 39. 1655. a. 44. 1723. a. 7. 1751. m) Id est in fl. 400. iuxta trip. parte II. tit. 43. n) Idem eadem parte, tit. 47. Adde Szegedi cit. op. ad h. tit.

§. CCXXXVI.

Iura Vicarii Capituli.

Quoniam ius, quod obtinet Capitulum Episcopali sede vacante, (§. CCXIX.) mox in Vicarium suum transferre debet, (§. LII.) quaecumque agere poterat Capitulum de iure communi, ad eadem agenda extenditur, ac etiam restringitur Vicarii Capitularis potestas. Dubitant vero, num ille vi muneris agere possit, ad quae perficienda, Vicarius Episcopalis indiget mandato speciali. (§. CCXXIV.) Unus mihi suffecerit pro multis Benedictus XIV. Pontifex, qui hoc modo ratiocinatur: Voluit sacra Tridentina Synodus Vicarium a Capitulo eligi, ad evitandas Capitularium dissensiones, multaque praecavenda, quae doctae experientia, sequerentur, si Episcopalis iurisdictionis administratio, penes Capituli corpus resideret. Atqui haec non minus possent metui, quodsi constituto Capitulari Vicario, nihilominus Capitulum, suo iudicio illa reservaret, quae ceteroquin indigent speciali mandato. Quare sententia doctissimi Pontificis est, Vicarium Capitularem nullo indigere speciali mandato, ut ab eo Synodus

Dioecesisana convocetur, dummodo annus effluxerit ab ultima Synodo, per Episcopum celebrata. o) Qvo temporis spatio praeterlapso, Vicarium eundem, habere potestatem Canonicae Visitationis per Dioecesim, et in Capitulo peragendae, sacra Congregatio Concilii Tridentini Interpretum, anno 1721. die vero 13. mensis Septembris, declaravit. p) Utrum Indulgentias quoque largiri possit, quas concedere, Praesuli scriptum ius admittit? (§. CCXIII.) eruditi quaerunt. Sacra Congregatio, quam nunc memoravi, eatenus consulta, nolensque iuris controversiam decidere, anno 1688. die vero 13. Novembris, respondit: *Vicarius Capitularis se abstineat.* q) Quamvis autem Iurisdictio *radicaliter* sit penes Capitulum, et solum exercitium eius iurisdictionis penes Vicarium resideat: huius tamen revocatio non est arbitraria, sed fieri debet ex causa, quam sacra Congregatio Cardinalitia (§. CXXXII.) ratam habebit. r)

§. CCXXXVII.

o) De Syn. Dioec. Lib. II. cap. 9. num. 4. p) Ibidem num. 6. q) Ibid. num. 7. r) Ibid. num. 4. Adde Espen Iuris Eccl. univ. parte I. tit. 9. cap. 4.

§. CCXXXVII.

Reqv. et obl. Prael. Regul.

Ut Regulares Praelati, (§. LVII.) non modo suis, de quibus aget ius privatum, praeesse queant, verum ut influere quoque possint in externum Ecclesiae regimen, et agere omnia, quaecumque ipsis utriusque Rei-publicae leges concedunt, quaequam in illis requisita, et certae ab iisdem obligationes. deponuntur. Nimirum aetas maior annis viginti quatuor. s) In eo Instituto Regulari, in quo praeficiendi sunt, elicitā professio Religiosa. t) Confessio fidei Catholicae, quam Pius IV, anno 1564. praecepit. u) Suscepti minores saltem Ordines. v) Et cum illi quoque ceteris adnumerentur, qui Missae Sacrificium pro suis offerre debent, w) obligatio sequitur, quantocius Ordinem Presbyteratus suscipiendi. Intra annum a die electionis computandum, petere debent sui benedictionem;

- s) Cap. 1. de statu Monachor. t) Citato cap. item 37. de elect. cap. 28. eod. in 6. u) Legitur ad calcem Conc. Trident. et incipit: *Iniunctum Nobis.* v) Cap. 10. de aetate et qualitat. et ordine praeficiendor. w) Trid. sess. XXIII. de ref. cap. 1.

nem; x) ac de iure quidem communi, a proprio Antistite, non antea semet immissuri in officium: nisi ter rogatus Praesul, deferre petitioni nollet. y) Verum Archiabbas montis Pannoniae, qui hisce admodum diebus, ab Rege Apostolico Francisco, cum omni illo iure et privilegio, sicut tempore suppressionis anno 1786. praefuerat, restitutus est: z)

ex

x) Ex constitut. Bened. XIII. *Commissi nobis*. Adde Bened. XIV. de Syn. D. Libro II. cap. 11. num. 9. y) Cap. 1. de suppl. neglig. Praelator. z) Benignae Resolutionis, mecum liberaliter communicatae in Copia, primus §phus ita habet ad verbum: „Cum Benedictinos in Hungaria in integrum restituendos decreverim, suapte intelligitur, eos in plenum Archi et Abbatiarum suarum, actuque praeeexistentis fundi instructi Possessorium, cum omni illo iure, et Privilegio, sicut tempore suppressionis anno 1786. praefuerunt, reponendos esse, nihil enim ex iis, quae Proto-Regis D. Stephani liberalitas, Ordini huic pro meritis contulit, decerptum esse volo etc. - - - Qvqd vero concernit terminum Resignationis Bonorum, et introductionis modalitatem, hunc pro 25. Aprilis anni currentis (1802) defigo et pro Introductione A. Abbatis et Benedictinorum, pro Commissario meo A. Episcopum

ex indulto S. Stephani Regis, a quocunque Episcopo velit, sui benedictionem petere potest. a) Et quamquam Regulares generatim, ratione exterioris curae animarum, Synodis Episcopalibus iubeantur interesse: (§. XCI.) ab hac tamen obligatione idem Archi-Abbas exemptus est per sanctissimum Regem. b) Qui etiam

„Colocensem, aut hoc nefors valetudine impedito, Episcopum Albensem Milasin denomino.“

a) Ita enim in diplomate S. Stephani, quod legitur in novi Archi-Abbatis Ill. Chrisostomi Novák opere inscripto: *Vindiciae Diplomatis, quo S. Stephanus - - Monasterium S. Martini - - anno 1001. fundaverat*: habetur: „sit id ipsum monasterium ab omni inquietudine semotum, habeantque Monachi post transitum sui cuiusque Abbatis alium Abbatem securiter eligendi, et a quocunque velint Episcopo consecrandi eum“ etc. b) Quamvis enim id in memorato S. Stephani diplomate verbis expressis non dicatur, at vero Paschalis II. Pont. ann. 1103. sensui memorati diplomatis innixus aiebat: „Secundum praeceptum „B. mem. Stephani Pii Regis, per praesens privilegium confirmamus. - - Decernimus etiam ut „nulli Episcoporum liceat in iam dicto Monasterio ordinationes facere, - - - vel in Ecclesiis eidem Monasterio subiectis, sacerdotem excom-

etiam Abbati S. Mauritii de Beel, eiusmodi privilegium concesserat, ut nullius Episcopi subiaceat potestati, soliusque Strigoniensis Archiepiscopi Synodo generali assistat, ut ibi salutaria monita audiendo, se, suosque, salubriter instruere possit. c)

§. CCXXXVIII.

Iura e lege communi.

Praelati Regulares, per benedictionem (§. praec.) consequuntur ius Mitrae Episcopalis,

„municare, vel ad Synodum vocare, aut Abbat-
 „tes, vel Monachos.“ Integrum legitur ap. Ill. Novák, op. cit. pag. 9. Interfuerunt quidem anno 1263. nationali Synodo Budensi, Abbas montis Pann. et plures eiusd. ord. Abbates. Verum hanc convocaverat Angelus, Urbani IV. Pont. in Ungaria Nuncius. De qua Syn. in meis Amoenit. fascic. IV. num. I. paragrafo 4. c) Datum dipl. anno 1037. legitur apud Pray in dissert. de S. Dextera S. Steph. pag. 145. et apud Batthyán in legib. Eccl. R. H. pag. 385. In vectis exemptionibus, abolitae sunt obligationes Abbatum, quas legere est decr. S. Lad. libro I. cap. 21. 35. 36. et in Syn. Strig. an. 1114. cap. 37. et 38.

palis, d) et Ordines inferiores, quamquam propriis duntaxat subditis, e) conferendi potestatem. f) Alienis vero, neque cum proprii Praelati literis dimissoriis, conferre possunt. g) In Synodis, tametsi sequantur corpus Canonorum Cathedralium in sedendo: attamen singillative sumtos, tam hic, quam alibi praecedunt. h) Hisce Synodis interesse possunt mitrati, sic tamen, ut exempti quidem, mitris aurifrisiatis, absque laminis argenteis, aureis, vel gemmis: non exempti vero simplicibus, et albis utantur. i) Sed cum

- d) Cap. 6. de privil. in 6. e) Trid. sess. XXIII. de reform. cap. 10. f) Can. 11. dist. 69. Cap. 11. de aet. et qualit. et ord. praef. g) Sacra Congr. Conc. Trid. Interpr. sub Urbano VIII. ita decidit, teste Ben. XIV. de Syn. D. Libro II. cap. XI. num. 12. h) Ita Caeremoniale Episc. Lib. I. cap. 31. num. 15. „Dignitates, et Canonici Cathedralis Ecclesiae, cum Capitulariter procedunt, aut sunt, praeferuntur ceteris omnibus; alias Abbates Titulares, et habentes usum Mitrae praecedunt, et post eos Commendatarii, deinde Dignitates, mox Procuratores Capitulorum Ecclesiarum Cathedralium, deinde ceteri, pro cuiusque dignitate, et gradu.“ i) Cap. 6. de privil. et excessib. privilegiator in 6.

cum lex, privilegium hoc memoratos Regularium Praelatos, in provincialibus, et Episcopalibus Synodis habere dicat, utrum in Oecumenicis, quibus assidendi privilegium habent, ornamento hoc uti possint, decidere non ausim.

§. CCXXXIX,

Iura et oblig. Commendatar.

Quum leges nostrae magis refugiant, quam adprobent Commendatarios, (§. LVIII.) de his paucula dicam. Commendatarii partium est, onera ferre, reparationes suscipere, ornamenta Ecclesiae procurare, eleemosinas erogare. Ceteroquin proventibus libere utitur; de his disponit, sicut verus Abbas, quamvis alienare nec immobilia, neque mobilia possit. Collator fit Beneficiorum. Habet locum, atque honorem vero Abbati competentem. Quapropter etiam in Episcopali Synodo, proximum ab Abbatibus locum tenet. (§. praec.) Religiosi tamen permanent sub Regulari iurisdictione. k)

§. CCXL.

k) Vide Fleuri institut. Iuris Eccl. parte II. cap. 26. Es-
pen Iuris Eccl. univ. parte I. tit. 31. cap. 7. et 8.

§. CCXL.

Praelatorum Hung.

Nomine Praelatorum Hungariae, de quorum iuribus et oneribus, partim loqvuti, partim loqvuturi sumus, intellige non solum Archiepiscopos, et Episcopos, verum Abbates etiam, atqve Praepositos, tam saeculares, quam et Regulares. 1) Nam, etsi conditus anno 1608. post coronationem articulus primus, qvibusdam utatur circumscriptionibus: at vero par illorum per Literas Regales ad Regni Comitia fieri solita evocatio, docet, adversus quaspiam in ea lege factas expressiones, eo modo fuisse praescriptum, qvo contra articulum 8. anni 1439. et contra articulum 24. anni 1514. praescriptum esse, vetus experientia docet. Recentiore demum aetate, Praelatos inter, Barones, et Magnates, connumerati sunt: Praepositus Maior Capituli Zagrabiensis, (§. CCXXXII.) et Ordinis Praemonstratensium. Abbas Lucensis, qva per Hungariae Regnum perpetuus sui Ordinis Vicarius Generalis, et Praepositus S. Stephani de promontorio Varadiensi. m)

§. CCXLI.

1) Tripart. parte II. tit. 49. m) Art. 73. 1715. In

§. CCXLI.

Iura communia.

Praelatorum nostrorum singillative summorum iura spiritualia, atque civilia, suis iam lo-

continuationem adnotationis factae sub §pho LVII. et §. CCXXVII. memoratae B. Resoi. Regiae particulam, velut loco opportuno, hic adpono, quae sic habet: „Circa Praemonstratenses et Cisterci-
 „tas placent omnia, quae Cancellaria proponit
 „eo addito, ut, cum Soproniense Gymnasium Benedictinis assignaverim, Praemonstratensibus
 „Keszthelyiense substituatur. - - Pro Praeposito
 „Iaszoviensi Andream Zasio, pro Csornensi autem,
 „cum Türje, et Iánoshida Praepositis unita, Stephanum Harsányi, cum remissione taxae clementer denomino. Pro Pásztojensi autem Abbate, praestolor propositionem suae Celsitudinis Regiae Palatini, pro futuris vacantiarum casibus, idem apud Praepositas has obtineat, quod superius de A. Abbate constituiti.“ Adde notulae historicae adinstar: dudum Auranae Priorem, numeratum fuisse inter Hung. Praelatos. De quo Tripart. parte II. tit. 54. et Pray dissert. de Prioratu Auranae. Generalem Paulinorum ex art. 1. 1608. post coronat. et hic §pho LX. in nota. Imo etiam PP. soc. Iesu, quae Bonorum ad Abbacias et Praepositas pertinen-

locis enumeravi. Communia vero iura, ferme huc revocantur. Nihil obstantibus quibusdam Regni articulis, n) Praelati etiam mere Titulares, tam iuxta vetustiores, o) quam secundum recentiores Comitiorum leges, in Curia Regia iudices agere possunt. p) Imò in Tabula septemvirali, tres e Statu Praelatorum, debent locum et votum habere. q) Idem Praelati, separatum a Capitulo suo habentes possessorium, per annum a die electionis computandum, gaudent privilegio pupillari, ne in facto iurium possessionariorum respondere teneantur. r) Ceteroquin, quilibet Praelatus, Abbas, et Praepositus infulatus, et annulatus, ex officio, pro decem personis nobilibus, habet iurandi potestatem;

et

tium, actuales possessores, sessionem cum voto inter Status et OO. Regni habuisse, iuxta art. 73. 1715. Quem sibi honorem Regia scientiarum Universitas Hungarica, eodem ex fundamento conferri, nuper postulabat. n) Art. 6. 1608. ante coronat. item art. 99. 1647. o) Art. 2. 1498. a. 10. 1500. a. 3. 1507. p) Art. 13. 1557. a. 39. 1559. a. 24. 1563. a. 22. 1566. q) Art. 24. 1715. a. 24. 1723. a. 24. 1741. r) Tripart. parte II. tit. 50.

et quilibet horum in Ecclesia sua, coram testimonio alicuius Capituli vel Conventus per iudicem deputato, ad conscientiae puritatem fatetur, vel testimonium praebet. s)

§. CCXLII.

Et obligat. communes.

Communes autem Praelatorum Hungariae obligationes, in domestica lege fundatae, sunt ferme sequentes: Regi Apostolico fidelitatis iuramentum praestant. t) Extranei, Praelaturam in Ecclesia Hungarica consequuti pinguiorem, aureos mille: tenuiorem qui obtinuerunt, ducentos aureos ad cassam Regni persolvendos habent. u) Evocati ad Comititia, si nec ipsi compareant, nec per Ablegatum, florenos 600. persolvunt. v) Inde vero sine Palatini scitu recedentes, duplum prioris pendunt. w) Dudum abolita Praelatorum insurrectione personali, x) huius loco, aes, aut militem statuere debent. y)

§. CCXLIII.

s) Ead. parte tit. 40. t) Trip. parte I. tit. 12. u) Art. 26. 1687. a. 17. 1741. a. 70. 1791. v) Art. 1. 1498. a. 79. 1635. a. 53. 1662. w) Citatus ult. loco art. x) Merito de epocha cessantis mi-

§. CCXLIII.

Vic. for. et Decan. rur. iura.

Inter eos, qui Praelatis inferiores sunt animarum Pastores, memorantur Vicarii foranei, (§. LIII.) item rurales Decani, seu dicti more nostro, Vice-Archidiaconi. (§. LIV.) De propriis illorum seu iuribus, sive oneribus, nihil uspiam reperio praeceptum; nisi omnia haec nomina, cum interpretibus sacrorum Canonum, prorsus idem sonare dicam. z) Tunc enim praeceptum invenio, *ut singulae plebes Archipresbyterum habeant, - - - qui non solum imperiti vulgi sollicitudinem gerant, verum etiam Presbyterorum, qui per minores titulos habitant, vitam iugi circumspeditione custodiant, et qua unusquisque industria divinum opus exerceat, Episcopo suo renunciarent, - - nec aliquid contra eius decretum ordinare praesumant.* a) Ceterum, qvan-

- litiae ap. Praelatos Hung. legeris Ignatii C. de Batthyán, praemissam legib. Eccl. dissertationem, cap. XIX. §. 1. y) Art. 8. 1715. a. 63. 1741. z) Espen iuris Eccl. univ. parte I. tit. 12. cap. 2. Remig. Maschat. Instit. Canon. lib. I. tit. 23. a) Cap. 4. de off. Archipresb.

quanta sit hodie potestas ruralium Archipresbyterorum, aut, si dicere malis, Vice-Archidiaconorum, consuetudo locorum consuli debet. Nonnulla horum munera, domesticae leges, tam Ecclesiasticae, b) quam profanae, c) verum paulo vetustiores retulerunt.

E

b) Synodus Nitrien. 1499. cap. 31. ordinandos in absentia A. Diaconi, per V. Archid. praesentari iubet. Synodus Vesprim. 1515. mandat V. Archidiaconis, ut ter in anno, coram fratribus congregatis, huius Synodi constitutiones publicent. Ordinandos Episcopo, vel examineribus deputatis, per literas sigillis munitas repraesentent. Synodus provinc. Tirnav. 1611. cap. 5. idoneum V. Archidiaconum vult constitui. Dioecesana Agriensis celebrata Iaszoviae ann. 1635. cap. 7. §. 2. praecipit, ut ubi Archidiaconi visitationem peragere nequeunt, eam V. Archidiaconi peragant. Synodus Zagrab. anni 1669. cap. 3. decernit, ut Parochi obitum V. Archidiaconus significet. c) Artic. 39. 1439. Ne Archidiaconi pro funeribus interfectorum solutionem exigant. Art. 63. 1486. idem decernit. Art. 29. 1492. idem vetat. Art. 6. 1495. idem prohibet. Art. 60. 1514. Presbyteri non beneficiati, deferentes arma, ad V. Archidiaconum deduci iubentur. Art. 17. 1537. praecipit, ut Ple-

E recentioribus vero Praesulum nostratum statutis, tum ex literis Episcopalibus, virtute quarum, pro hocce munere destinantur, haec ferme iura ipsorum eruere licet. Existentes in Districtu Parochi, omnesque Curati debitam eis reverentiam, in iis vero, quae ad V. A. Diaconale munus pertinent, debitam quoque paritionem exhibere tenentur. Potestatem habent, Districtus suos frequentius visitandi. Congregationes Districtualibus fratribus indicendi. A recto tramite devios, privatim admonendi. Exigendi, revidendi, et singulis annis Ecclesiarum rationes. Defectus et errores, si qui irrepserint, corrigendi. Causas privatas cognoscendi, controversiasque componendi. Sacram suppellectilem, in qua non adhibetur unctio; item Instru-

men-

bani, Capellatum, et altarium Rectores, iuxta factam a V. Archidiaconis conscientiosam limitationem, pro intertentione militiae solvant. Art. 6. 1548. iubentur Episcopi mittere V. Archidiaconos ad docendam plebem. Et ibid. art. 10. decernit, ut V. Archidiaconi idiotas, et non sacerdotes con-
cionari vetent.

menta Ecclesiastica: veluti etiam statuas, cruces, et imagines, pro quarum conservatione, aut si eas desolari contingat, restauratione, dos competens fuerit assignata, intra Districtus sui ambitum benedicendi. A casibus Ordinario reservatis, in Sacro Tribunali absolvendi; atque hanc absolvendi potestatem, in particulari casu, moram atque recursum ad eundem Ordinarium, non admittente, intra Districtum suum delegandi. Obitum fratris sui Condistrictualis, mox referendi.

§. CCXLIV.

Et obligationes.

Quaecunque praeterea Hungariae Rex Apostolicus, seu communi illo supremis Potestatibus iure inspectionis, (§. CLXX.) vel Advocatiae: (§. CLXXII.) seu reservato iure Supremi Patronatus, (§. CLXXVIII.) decrevit, illa V. Archidiaconus communicata secum ex Officio Dioecetano, sine mora fratribus Condistrictualibus nota reddere obligatur. E districtu autem referenda habet sequentia: omni trimestri, quasvis intra Districtum suum factas noviter foundationes, seu

pia legata; d) imo et de harum non existentia, in forma, per Exc. Consilium R. Loc. Hung. praescripta. e) Qvolibet semestri scholastico, praescriptas de scholis nationalibus in Districtu suo existentibus informationes, non quidem Ordinario suo, verum Superiori earumdem scholarum Regio Inspectori. f) Qvovis anno, relationem tabellarem de prolibus, quae ex mixtis matrimoniis, per decursum illius anni, in districtu suo natae fuerunt. g) Eius praeterea muneris est, de fratrum Condistrictualium, qui ex fundo publico quidpiam annui participant, habitu, aditu, vel obitu, ad Regium Officium solutorium testari. h)

§. CCXLV.

Requis. ad off. Parochi.

Porro tam ab istis, quorum nunc memini, quam a ceteris, quatenus Parochi sunt, seu Plebani, (§. LV.) peculiaria quaedam po-

d) Intim. 24. Augusti 1793. e) Intim. 6. Febr. 1798. f) Int. 28. Aug. 1795. g) Int. 25. Iunii 1793. h) Int. 12. Martii 1799. Quae omnia in protocolis Parochialibus habentur.

poscuntur, suo ut munere defungi libere possint. Et vero, cum ars artium sit, regimen animarum, necesse est, ut, qui praeesse vult gregi Dominico, eam habeat scientiam, quatenus *potens sit exhortari in doctrina sana, et eos, qui contradicunt, arguere*; i) atque propter adnexa munera, quae duntaxat a Presbytero peragi possunt, eam quoque habere aetatem, ut Presbyteratus Ordinem, intra annum, a die obtenti Parochialis officii computandum, suscipere queat. k) Ne praeterea sumat quispiam temere sibi Pastoralis officii honorem, vestiganda est iussu Concilii Tridentini, cuiusvis aptitudo in concursu, per edictum publicum indicendo. l) Verum haec Tridentina lex apud nos hodie locum obtinet non alias, quam si Parochiale Beneficium Regio Patronatus iuri subsit. m) Ceteroquin in Ecclesia Hungarica Beneficium Parochiale obtinetur, vel per liberam Episcopi collationem; vel ab Ecclesiae Patrono vigore scripti il-

- i) Ad Tit. cap. I. v. 9. k) Cap. 7. de elect. cap. 14. cod. in 6. Cap. 2. de aetate etc. in Clem. Trid. sess. XXIII. de ref. cap. 12. et 14. l) Trid. sess. XXIV. de ref. cap. 18.

illius, quod *Praesentam* dicimus. Quamquam enim ius istud reputetur velut rei Spirituali adnexum, n) ideoque laicis incompetens: at tamen indulgetur iisdem, o) atque Concilium Tridentinum, ius hoc stare supposebat. p) Praesentatio tamen minime sufficit ad capeſſendum Parochiale munus; cum lex Ecclesiastica doceat, Beneficium Ecclesiasticum non posse licite sine Canonica institutione. q) Quam sicuti fieri debere, supponunt leges Hungaricae, tam Ecclesiasticae videlicet, r) quam civiles, s) ita, invitis Patronis attentari, vetant. t) Institutio haec, seu *Investitura*, spectat principaliter ad ius Episcopi, u) imo etiam Episcopalis Vicarii, nisi fuerit nomi-

mi-

- m) Intim. Exc. Cons. 12. Aug. 1800. n) Cap. 16. de iure patronat. o) Cap. 7. cod. tit. p) Sess. XXIV. cap. 18. de reform. q) Cap. 1. de reg. iuris in 6. r) Syn. Nitrien. anni 1494. cap. 23. Wefzpr. a. 1515. pag. 250. edit. Poson. Tyrnavienſis. anni 1560. cap. 24. §. 6. item altera 1630. statuto 8. Tum anni 1633. statuto 15. Denique anni 1638. cap. 9. §. 3. s) Art. 6. 1548. et art. 13. 1550. t) Art. 66. 1498. item a. 26. 1504. denique art. 100. 1647. u) Trid. sess. XIV. cap. 12. 13. Sess. XXIV. cap. 18. de ref.

minatim excepta. v) Episcopali sede vacante, mox in Capitulum devolvitur; w) protinus tamen, in eius Vicarium transit. (§. LII.) E privilegio, etiam aliis competere potest. x) Atque nuper admodum, illud Archi-Abbas de Sacro monte Pannoniae, velut iurisdictione *quasi-Episcopali* inde a primis Regni Hungarici incunabulis gaudens, in bonis ad Monasterium suum pertinentibus, gratia Regis Apostolici Francisci recepit. y) Cum Institutione coniungitur fidei Catholicae professio, intra bimestre ab obtento Beneficio, in manibus Episcopi, aut Eius Vicarii, seu Officia-

v) Cap. 3. de institut. w) Cap. 1. de institut. in 6. x) Cap. 6. de institut. y) In B. resolutione alias memorata: item in Diplomate S. Ordini Benedict. 12. Martii 1802. dato, haec leguntur: „Ut „A. Abbas, velut Episcopali Iurisdictione, inde „a primis Regni incunabulis, antequam ullus al- „ter in Regno praefuisset Episcopatus, in Bonis „gaudens, idoneis animarum Curatoribus Paro- „chias et Locales Capellanas in fundationalibus „Bonis, absque ullo fundi, sic dicti Religionarii „aggravio, providere, quin tamen ad requisitio- „nem cuiuscunque Episcopi, ad aliena Bona, Re- „ligiosum sui Ordinis exponere teneatur.“

ficialis, elicienda. z) Cui de more nostro, additur iurata promissio, cuncta diligenter observandi, quaecumque in Instrumento Investiturae sunt expressa. Post institutionem verbalem, praecipitur realis in possessionem Beneficii Parochialis introductio, quam domi nostrae *Installationem* dicunt. a) Haec de lege, atque de Stylo ad Archidiaconum spectat. b)

§. CCXLVI.

Iura intra Parochiam.

Cum sint determinati Parochiarum limites, c) sequitur, ea, quae sunt iurisdictionis Pa-

- z) Trid. sess. XXIV. de ref. cap. 12. a) Cap. 5. de elect. in 6. Cap. 18. de praebend. et dignit. in 6. b) Cap. 7. de off. Archid. Investiturae mihi die 7. Febr. an. 1798. extradatae, haec leguntur inserta: „Tibi praefatae Parochiae beneficium - - - conferimus, inque eodem Te canonice instituimus, ac in eius, et pertinentiarum eiusdem reale possessorium, vigore praesentium introducendum, RR. Domino Georgio Dervarics Archi-Diacono Simighiensi committimus.“ c) Can. 1. caus. 13. qv. 1. Can. 4. caus. 21. qv. 2. Conc. Trid. sess. XIV. de ref. cap. 9. Sess. XXIV. de ref. cap. 13.

Parochialis, neminem posse respectu alienorum Parochianorum exercere, absque Parochi proprii consensu, nisi urgeat necessitas praesens, quae nullatenus evitari potest. d)

§. CCXLVI.

L a b o r i o s a.

Porro cum praecepto Divino mandatum sit omnibus, quibus animarum cura commissa est, oves suas agnoscere, pro his sacrificium offerre, verbiqve Divini praedicatione, Sacramentorum administratione, ac bonorum omnium operum exemplo pascere, pauperum, aliarumqve miserabilium personarum curam paternam gerere: patet nimis quam aperte, Iura Parochialia, neūtiqvam voluptuosa, verum maximopere onerosa esse; neqve ad otium, sed ad labores atqve sollicitudines destinari. Quare non tantum residentia deponitur a Parocho; verum si ferendis laboribus impar sit, alius ei Sacerdos adiungi debet. e)

§. CCXLVII.

d) Cap. 2. de Parochiis etc. e) Trid. sess. XXI. cap. 4. et sess. XXIII. cap. 1.

§. CCXLVIII.

Circa baptismum.

Sacri baptismatis, proprius minister est Parochus. Neque tamen omnibus illud indifferenter, etiam in Parochia sua conferre potest. Regia namque Resolutio, anno 1775. die 30. Maii, per Exc. Consilium Hung. intimata volebat, ne proles Iudaicae impuberes, insciis, aut invitis parentibus, tutoribusve, et curatoribus baptisentur, nisi versentur in manifesto vitae periculo, vel fuerint derelictae. Casum in contrarium, proles tametsi illicite baptisata, abstrahenda est a parentibus, et impensis eius, qui hanc baptisavit, educanda. Hoc autem destitutum mediis, in Orphanotrophio tamdiu alenda, quoad artem discere possit. Rata vero illam concernens, a parentibus extradanda. Indulgetur ibidem, ut pars coniugum iudaicorum, Christianam Religionem amplectens, proles quoque suas, adhuc teneras, neque annos discretionis habentes, ad sacrum regenerationis lavacrum, deducere possit, quamvis invito coniuge, qui in iudaismo perseverat. Imo avo quoque paterno, maternove, ad Christianam

Re-

Religionem transeunti, quoad nepotes, ac nepotes, rationis usu necdum pollentes, eadem potestas adtributa fuit. Quod vero in eadem Resolutione disponitur, ut nimirum proles Iudaica, si iam annos discretionis assequuta, optaret Christiana fieri, citra difficultatem baptisetur: correctum est per novam Resolutionem anno 1791. die 16. Septembris publicatam, quae alteram anni 1789. Resolutionem stabiliendo, ne videlicet Iudaeus ante decimum octavum aetatis suae annum baptisetur, declarat: Suam Majestatem, dedisse potestatem Excelso Consilio Locumt. Hungarico, ut in casibus illis, ubi momentosae subversantur rationes, quoad baptisandas illas Iudaeorum proles, quae quartum decimum aetatis annum iam superarunt, et bonum a malo discernere valent, praeterea baptismum ipsae desiderarent, ac in desiderio perseverarent, dispensare possit. E principio articuli 26. §. 15. anno 1791. conditi, sequitur, proles e mixtis matrimoniis natas, dum pater Catholicus est, omnes in Ecclesia Parochiali baptisandas esse; quodsi mater duntaxat fuerit Catholica, solas foemellas debere illic sacro ab-

lui fonte. Liberum tamen est iuxta eiusdem articuli §phum sextum, Evangelicis opera Catholici Sacerdotis uti. Mox post collatum baptismum, arripiendus est liber, quem dicimus Matriculam, atqve huic inseratur annus, mensis, dies, nomen baptisati, patrini, parentes, baptisans, et locus natalis. Cetera ritualis liber edocebit. g) Regium vero mandatum, anno 1793. die 25. Iunii publicatum, decernit: Pro eo, ut prolium mixti matrimonii, quae catholice educandae sunt, tali educationi Parochi in suis Parochiis, et filiabus, mature, ac in tempore invigilare possint, separatam matriculam, aut regestum super mixtis matrimoniis, et ex his progenitis prolibus haberi debere. Matriculae, ad praecavendas fraudes (uti est correctio, aut evulsio foliorum) per Intimatum Exc. Consilii anno 1778. die 13. Februarii publicatum, sub clave custodiri iubentur. Aliud vero Intimatum, anno 1771. die 10. Maii editum, praecipit,

- g) Praecipit huiusmodi librum Syn. Trid. sess. XXIV. decr. de ref. matrim. cap. 2. Synodus provinc. Tirnavien. anni 1611. cap. 3. §. 8. Item Syn. Tirnav. dioecesana anni 1630. statuto tertio.

cipit, ut in testimonio Natalium, seu literis baptismalibus, matriculae verba, et apices, religiose observentur.

§. CCXLIX.

Circa Sacram. Confirmat.

Cum Sacramenti Confirmationis ordinarius minister sit Episcopus, h) atque hac aetate nostra, novem supra decem orthodoxi Praesules Latini ritus, in Ecclesia Hungarica numerentur; (§. XXXIX. seq.) nec illa proinde sit isthic terrarum necessitas, ob quam Romani Pontifices, quandoque secundi etiam ordinis sacerdotibus latini ritus, conferendi Sacramentum Confirmationis potestatem, concessisse leguntur: i) id unum competit, aut potius incumbit cuivis Parocho, ut de virtute Sacramenti istius oportuno tempore plebem suam edoceat, secundum ea praeprimis, quae in Catechismo Romano, k) atque in Synodis Ecclesiae Hungaricae l) leguntur.

§. CCL.

- h) Conc. Trid. sess. VII. de confirm. canone 3. i) Lege Bened. XIV, de Syn. Dioec. lib. VII. cap. 7. seq. lib. XIII. cap. 15. k) Parte II. cap. 3. l) Nitrien. 1494. cap. 2. Wetzprim. 1515. ap. Péterff.

§. CCL.

Circa Eucharistiam.

Eucharistiam fidelibus porrigendi, adeo proprium est ius Parochiali Presbytero, m) tit sacra Congregatio Tridentini Concilii interpretes, anno 1650. die 11. Iunii declaraverit, praecipi posse Regularibus, ut personis saecularibus die Paschatis non administrent Eucharistiar Sacramentum, etiamsi dictae personae, praeepto Ecclesiae annuam communionem inculcanti, iam satisfecissent. Qvod rursus anno 1682. die 31. Ianuarii repetitum fuit. n) Atque domestica Synodus provincialis, anno 1611. Tirnaviae celebrata, praecipit, ut *ubi monasteria habentur, moneatur populus, ut circa Pascha omnes in sua Parochia communicent.* o) Adnotavit nihilominus Ecclesiastici rigoris quam tenacissimus Antistes Ioannes Szili, primus Ecclesiae Sabariensis, Episcopus, anno 1799 vita functus, in

Hun-

T. I. Conc. Hung. pag. mihi 235. Tirnavien anni 1560. cap. 4. Item Tirnav, 1629. cap. 1. §. 3. m) Cap. 1. de privil. in Clem. n) Apud. Bened. XIV. de Synodo dioec. Lib. IX. cap. 16. num. 3. o) Cap. 3. §. 10.

Hungaria praecepto communionis Paschalis, etiam extra Ecclesiam Parochialem satisfieri; professus tamen est, se cupere, ut generalis lex communionis paschalis, p) in Parochia sua a quolibet perficiendae, in Dioecesim suam inducatur. q) Eucharistiam aegre decum-

p) Cap. 12. de poenit. et remiss. Cuius haec sunt verba nimis notabilia in rem nostram: „Omnis u-
 „triusque sexus fidelis, postquam ad annos dis-
 „cretionis pervenerit, omnia sua solus peccata
 „saltem semel in anno fideliter confiteatur proprio
 „Sacerdoti, et iniunctam sibi poenitentiam pro-
 „priis viribus studeat adimplere, suscipiens reve-
 „renter ad minus in pascha Eucharistiae Sacramen-
 „tum: nisi forte de proprii Sacerdotis consilio, ob
 „aliquam rationabilem causam ad tempus ab hu-
 „iusmodi perceptione duxerit abstinendum: alio-
 „quin et vivens ab ingressu Ecclesiae arceatur, et
 „moriens Christiana careat sepultura etc.“ q) In
 instructione Cleri Sabariensis, edita typis Vindob.
 anno 1777. cap. 8. Reperi quoque in Protocollo
 Parochiae meae literas Vicariales anno 1759. die
 18. editas, quae isthanc monitionem continent:
 „Cum autem et Confessionis Paschalis tempus iam
 „incoeptum sit, curandum est, ut Parochiani te-
 „stimonium Confessionis apud Regulares, vel ex-
 „tra Parochiam confitentes, exhibeant, ac saltem

cumbentibus porrigendi adinstar viatici, ius est parochiale, r) aut si mavis, obligatio quam strictissima, quamvis morbus sit aut pestifer, s) aut contagiosus. Ut autem pro dignitate sua excipiat tam Augustus hospes, Regina Maria Theresia dudum providit. Namque huius nomine, Excelsum Consilium Locumt. Hung. anno 1752. die 10. Aprilis praecipiebat: ut in civitatibus, et Praesidiis, sanctissimum altaris Sacramentum ad infirmos publice semper deportetur, et de casu in casum,

„ad Communionem paschalem, in propria Parochia peragendam, adstringantur.“ Quae salutaris monitio legitur in ipso Rituali Libro, titulo *de Communione Paschali*: neque, nisi pigritantibus animarum Pastoribus, displicere potest. r) Cap. 1. de privil. etc. in Clem. s) Legito hac de re Bened. XIV. aureum opus de Syn. Dioeces. libro XIII. cap. 19. Item Cl. viri Georgii Háizler medicinae Doctoris opus inscriptum: *Orvosi Munka*, editum Wetzprunii 1801. magno eruditionis adparatu, ordine singulari, sermonis Hungarici nitore. Cuius additio ad tract. de peste, Pastores animarum adinet. Precor, uti opus adeo praecellens, faventibus Superis, atque Moecenatibus, continuare possit.

sum, in locis Praesidiorum, sine praestandae Sanctissimo comitivae, Officiali in capitali vigilia existenti insinuatio praemittatur. Idem praeterea Exc. Consilium iussu Regio, haec anno 1772. die 21. Augusti praecepit, ut, quoad fieri potest, et media, ac locorum circumstantiae admiserint, Sanctissimum ad aegrotos, reflexe etiam ad praescriptum Ritualis Romani, omni cum decencia publice deferatur, invigeturque, ut imprimis in Civitatibus decencia debita observetur.

§. CCLI.

Circa Sacr. Poenit.

Sacramenti Poenitentiae administratio, sic est propria Sacerdoti Parochiali, t) ut asseruerint olim haud pauci, praecepto de Paschali Confessione dudum edito, haud satisfieri per Confessionem Sacerdoti Religioso factam. Quorum tamen assertio convulsa est a Pontificibus Romanis; atque imprimis a Clemente X. qui anno Christi 1670. declarabat: *Eos, qui dictis Religiosis, simpliciter approbatis, Paschali tempore confessi fue-*

Pars Spec.

L

rint,

t) Cit. alias cap. 12. de poenit. et remiss.

rint, constitutioni, quae incipit: omnis utriusque sexus etc. quoad Confessionem dumtaxat satisfecisse censendos. u) Ut proinde, nonnisi testimonium Confessionis peractae, apud nos exigere iubeatur. v) Dum porro haec Paschalis Confessio, atque etiam alias, peragenda est a captivis, observetur praeceptio Regia, anno Domini 1772. die 30. Novembris publicata, ut nimirum, ob reverentiam Sanctissimo Eucharistiae Sacramento praestandam, adhibita omni securitate, captivis toties, quoties Sacramentis uti voluerint, vincula singillative, si plures fuerint, deponantur. Qvodsi Confessionem Sacramentalem more Catholico peragere velint illi, qui ex acatholicis parentibus nati sunt: iuxta benignum Regis mandatum, quod anno 1797. die 2. mensis Octobris publicatum est, ad unguem observari debet normalis Resolutio, anno 1782. die 21. Maii edita, secundum cuius declarationem, ut manifestatus ex parte eiusmodi prolis ad Sacra Catholica trans-
eun-

- u) Vide Bened. XIV. de Syn. Dioec. lib. XI. cap. 14. num. 2. et tribus seqq. v) Constitutiones Dioecesanae. Item praxis.

eundi animus attendi, factaque idcirco eiusmodi declaratio acceptari valeat, certi aetatis anni praefigi in antecessum, determinarique nequeunt, cum ad ipsius intellectus lumen, rerum temporumque adiuncta, clarum rei conceptum, perfectam in hoc libertatem, non praemissa illicia, aut minas, poenarumque terrores, vel denique quampiam a vocatione aversionem, qua remotissimas etiam causas inclinatae determinataeque voluntatis, eodem tempore diligenter adverti oporteat. Qvodsi proinde in praemissa, praesentibus parentibus, consanguineis, nonnullisque Religionis eiusdem asseclis, solerter investigatum, cunctaque ita se habere compertum, evolutoque sêmentri spatio, comprobatum denovo fuerit, adtunc proles eiusmodi, ut primum transeundi ad Sacra Catholica animum manifestaverit, nullo habito ad aetatis annos respectu, ad eadem suscipi, et in his instrui, initiarique non modo poterit, sed debet. E converso autem, si vel unica e praemissis reflexionibus desiderata fuerit, proles eiusmodi quaecunque aetatis annum agat, ut primum sui iuris non est, parentibus,

bus, ac consanguineis suis, ob defectum verae vocationis, eripi, aut detineri nullo modo poterit.

§. CCLII.

Extr. unct. et matrim.

Extremae quoque unctionis proprius minister est Parochus; w) uti etiam Sacramenti Matrimonii; x) ut adeo sine Ordinarii, vel Parochi expressa facultate, alius Sacerdos invalide coniungat sponso, et poenam suspensionis incurrat. y) Neque tamen liberum est Parocho, quoslibet intra terminos Parochiae suae degentes, ad nutum copulare. Enimvero, sicuti iam anno 1786. et hunc praecedentibus, autoritate Regia mandatum fuerat, z) ita rursum praecipiebatur die 19. Iulii anno 1796. ne Germanicarum haereditariarum suae Maiestatis provinciarum subditi, ad Regnum Hungariae immigrantes, quin

con-

- w) Cap. 1. de privil. etc. Clem. Rituale. x) Conc. Trid. sess. XXIV. decr. de ref. matrim. cap. 1. y) Ibidem. z) Leguntur Resolutiones illae, in collectione normalium Resolut. iussu Exc. Consilii edita, tomo II. pag. 363. 371. 376. 380. 382.

concessum eatenus indultum, immediatae Superioritatis suae dimissorialibus, ac concernentis Gubernii, et armorum Praefecturae authenticis testimonialibus adaequate legitiment, ad incolatum isthic assumendum, seu etiam ineundum matrimonium admittantur. Secundum Intimatum Excelsi Consilii die 6. Maii anno 1771. publicatum, Officiales militares, ad statum pensionis reducti, licentiam pro ineundo matrimonio, a suprema illius provinciae, aut regni, in quo domicilium tenent, aut matrimonium inire intendunt, armorum Praefectura petere debent; atque illos, veluti ad forum militare spectantes, absque productione supradictae licentiae, Parochi copulare vetantur. Eadem est Regia dispositio, de quibuslibet emeritis militibus stipendiatis, quos dicimus *Patentales*, ut legere est in Intimato 19. Sept. 1771. item 4. Iunii 1772. praeterea 4. Ian. 1793. et 10. Martii 1799. Insuper anno 1765. 16. Septembris, ac rursum 31. Ianuarii anno 1771. praeceptum fuit, ne Parochi, personas militares, citra praescitum et indultum Regiminum suorum, Capellanorumque castrensiarum annuum,

tum, copulare ausint. Iam anno 1775. die 6. Iulii dispositum fuit, ut Zingari, aliter *neo-coloni* dicti, non secus copulentur, quam si concernentis Iudicis Nobilium testimonium produxerint, quod mediis licitis uxorem ac proles alere possint. Fixum est, atque per articulum 26. anni 1791. decretum, ut mixta matrimonia, semper coram Parochis Catholicis ineantur. Atque etiam causae huiusmodi matrimoniorum, spiritualibus Catholicorum Sedibus maneant reservatae. Dudum quidem, puta anno 1768. die 25. Iulii constitutum fuerat, ne mixta matrimonia secus permittantur iniri, quam si pars acatholica Reversales literas dederit, quod proles suae utriusque sexus in Catholica Religione sint educandae; verum anni 1791. articulus 26. declaravit: proles e mixtis matrimoniis ortas, dum pater Catholicus est, eius sequi Religionem debere, si mater sola fuerit Catholica, ad suscipiendam huius Religionem, foemellas adstringi. Quemadmodum autem anno 1762. 25 Februarii per Decretum speciale cautum fuit, ne matrimonialis coniunctio ex hoc solo capite impediatur, quod pars una sponsorum
nata

nata esset ex parentibus Catholicis; ita rursus id ipsum inculcatum fuit novo decreto, die 16. Ianuarii anno Domini 1766. promulgato: atque demum communi etiam Regni lege, utpote articulo 26. anni 1791. Quæ omnibus accessit Intimatum Excelsi Consilii Locumt. Hungarici die 31. Augusti, anno 1792. declarans, Maiestatem Regiam decrevisse, ne Parochi Catholici, in casibus ineundi inter sponsores diversae Religionis mixti matrimonii, quoad copulationem eorum, præcise sub spe et scopo, sponsum vel sponsam Evangelicae confessionis, ad amplectendam Religionem Catholicam permovendi, nisi aliae legales reflexiones, et obstacula subversentur, impedimenta ponant, vel plane impedian. At ne libertati quoque per legem concessae, proles in Religione Catholica educandi vulnus infligatur, provisum est Decreto die 12. Februarii anno 1793. per Exc. Consilium R. Hungaricum publicato, ubi præcipitur nomine Regio, ut, si proles catholice educandae, in fide Catholica non educarentur, occurrentes eiusmodi specifici casus, et impedimenta circa talem educationem

nem subversantia, repraesententur, ut vi supremae legum executivae potestatis, Maiestati Sacratissimae competentis, remedium fieri possit. a) Liber copulatorum, iuxta praescriptum legis Ecclesiasticae; b) matricula vero prolium e mixtis matrimoniis natarum, subindeqve in Catholica Religione educandarum, iuxta Regium mandatum, anno 1793. die 25. Iunii publicatum, praesto sit, oportet. Dum nata est quaestio, utrumne proles vigore specialium Reversalium, catholice debeat educari? iuxta memoratum superius Mandatum, quod die 12. Februarii 1793. editum fuit, huiusmodi quaestio Regiae Maiestatis decisioni substerni debet. Unicum superest, quod hic addendum habeo; iuxta Intimatum Excelsi Consilii, die 27. Oct. 1777. et alterum 31. Octobris 1791. editum, quilibet intuitu dispensationis ad ineundum matrimonium, necessariae, semet immediate

ad

- a) Frustra Resolutionem hanc quaesieris in protocollo Parochiali; quam ego peculiari cura ex Archivio I. Com. Welzprim. sum consequutus. b) Trident. sess. XXIV. decr. de ref. matrim. cap. 2.

ad concernentem suum Ordinarium convertere debet. c)

§. CCLIII.

Circa Sacramentalia.

Sunt praeterea quaedam, nomine *Sacramentalium*, a Theologis vocitata, eo quod efficaciam non ab intrinseco, veluti Sacramenta, sed ab extrinseco habeant, puta ex intentione Ecclesiae; tum operantis, atque precantis Ministri dignitate. Veluti sunt variae benedictiones, et orationes, in Rituali cuiuslibet Dioecesis libro Parochis praescriptae. Circa fidelium sepulturam nonnulla sunt notanda, quae in eo libro frustra quaeres. Regium namque Mandatum est anno 1777. die 21. Septembris publicatum, quo sequentia de cryptis, pro sepultura fidelium destinatis praecipiuntur. Ut harum videlicet portae, dum sine capitalis muri detrimento fieri potest, ab extus fiant. Singulis tumbis, singulae parentur cellulae: postquam cadaver aspersum cal-

e) Hoc quoque Intimatum frustra quaesitum in Parochiali protocollo, ex archivio largi Praesulis obtinui.

calce, impositum fuit, caemento obturandae, cum inscriptione nominis sepulti, mense item, die, et anno. Dein ante 30. annorum effluxum, cellulam huiusmodi cautum sit reserare. Peste infecti eo inferendi non sunt; cavendumque, ne inde exhalationes fiant. De coemeteriis vero iam anno 1775. die 17. Iulii, dispositum erat, ut haec videlicet extra locorum ambitum transferantur, et cincta, ne pecoribus, pecudibusque patere possint, conserventur. Repetitum anno 1777. die 21. Septembris Decretum, plura etiam addebat; ut nimirum scrobes, continuata ordinis serie fodiantur, nulla opulentiae, parentelae, consanguinitatis, alteriusve nexus cum antea sepultis, habita reflexione; utque ante triginta annorum effluxum haud reserentur. Ideoque iubentur Parochi diem, mensem, et annum adnotare, quo primum cadaver in novo coemeterio sepultum fuit. Decernebatur praeterea, ut efformato novo coemeterio, in altero, quod intra loci ambitum exstiterat, nemo deinceps permittatur sepeliri, verum illud absque omni fodicatione, aut structura aedificii, pro usibus in superficie exercendis,

relinqvatur. De ipsa tandem sepultura, Regum Apostolicorum autoritate, qvaedam praecepta habemus. Decernitur enim in illo anni 1775. Mandato, ut cadavera mortuorum ultra biduum intecta non servantur; verum quo citius tumbae imposita, inclaventur, neque funeris occasione ad Ecclesiam, verum directe ad coemeterium deferantur, terrae profundius illico mandanda. Haec tamen funeratio institui prohibetur ante 48. horarum effluxum, nisi sepeliendus, morbo contagioso laborasset, iuxta Intimatum Excelsi Consilii Hungarici die 21. Septembris 1777. publicatum; quod revocatur in memoriam, atque denuo inculcatur die 18. Decembris, anno 1795. iterumque die 5. Aprilis 1796. cum istiusmodi declaratione: posse recedi a termino 48. horarum, si vel certo constet, epidemico, aliove contagioso morbo, defunctum laboravisse: vel si in ipso cadavere evidentialia putredinis iam invalescentis signa praesto fuerint. Quae tamen praevia per medicum, aut chyrgum artis peritum, pro talibus recognita esse debent. Id quod denuo inculcatum est die 1. Augusti anno 1797.

reddita quoque praeceptionis causa; ut tali nimirum ratione, infelices illi casus, dum homines semivivi, aut tales, de quorum morte, certa indicia haud adfuerant, sepulti referuntur fuisse, quantum humanitus possibile est, praecaveantur. Praeter haec, memoratum anni 1775. Decretum praecipit, ut funeris occasione conviviiis, et reliquis huiusmodi consuetudinibus supervacaneis, et caeremoniis, plebi penitus interdictis, necessarii solum, et inevitabiles sumptus, qui Parocho, Ludimagistro, et campanatori competunt, admittantur; sed et hi superfluo campanarum pulsu non augeantur. Denique Decretum die 23. Februarii anno 1794. editum declarat: Maiestatem Regiam, ad praecavendas in futurum quoad communem coemeteriorum usum, inter Catholicos, et Evangelicae confessioni addictos exoriri queuntis dissensiones, seqvens principium stabilivisse: Ut in locis illis, ubi id situs physicus admitteret, et incolae diversae Religionis in communi usu coemeterii convenire non possent, et causa ad utriusque partis contentum accomodari nequiret, pro cuiuslibet Religionis incolis

colis coemeterium distinctum exscindatur. De reliquo vero ordines de dato 12. Augusti 1788. quam exactissime observentur; puta: ut incolis eiusdem communitatis, de tertia quadam Religione, qui proprio coemeterio provisi non sunt, liberum sit ad illud, ad quod exoptant, ex praeexistentibus coemeteriis sepeliri, quin ad unum vel alterum sint alligati; utque vicinior Curator illius Religionis, in qua defunctus erat, munere suo defungatur; qui si tempori adesse nequiret, in loco existens, funus debeat comitari. Cuique liberum sit decernere, ut cum publica solemnitate, Religioni suae propria sepeliatur, eriganturque supra eiusdem sepulcrum insignia, apud istius Religionis asseclas usitata, quin illa vel prohiberi, vel tolli possint. Ut, si novum coemeterium defigendum sit pro communitate, quae partim Catholicam, partim ab hac diversam Religionem profitetur, Comitatus iurisdictio provideat, ut, nisi maior communitatis pars, vel situs loci aliud deposceret, commune coemeterium erigatur. Ut erecto communi coemeterio, liberum sit pluribus Religionum partibus, vel illud inter

se dividere, vel sine Religionis discrimine, in eo sepeliri velle. Ut, si quis ex defectu coemeterii propriae Religionis, ad vicinum eiusdem Religionis cupiat sepeliri, neutiquam impediatur. Peregrini quoque Religionum, quae in Regno hoc vigent, in praehabito caemeterio, sive illud commune sit, sive cuipiam Religioni addictorum particulare, sepeliantur. Necrologium in quavis Parochia haberi, Ritualis liber praescribit.

§. CCLIV.

Circa ext. Dei cultum.

Parochi quoque munus est, exteriorum Dei cultum sedulo promovendi. Hic vero imprimis exhibetur per incruentum Missae Sacrificium. Cuius iccirco peragendi obligationem, proque suis ovibus offerendi necessitatem, omnibus animarum Pastoribus inculcavit Synodus Tridentina; d) cunctos autem Dominicos, festosque dies, ad executionem huiusce muneris, Benedictus XIV. Pontifex destinavit. e) Quamquam hoc iam in Sy-

no-

d) Trid. sess. XXIII. de reform. cap. 1. e) Constitut. quae incipit: *Cum semper*. data die 19. Aug.

nodo nationali Tirnaviensi, anno Christi 1638. celebrata, praescriptum legatur. f) Unde vicissim inculcant sacri Canones, g) atque inculcandum est a Parochis, ut fideles iisdem diebus intersint Missae Parochiali, atque hoc pacto suam, cum Pastoris intentione coniungant. Quamquam sit minime dissimulandum, Leonem X. Pium V. et Clementem VIII. declaravisse, praecepto Ecclesiae fieri satis, dum Missa memoratis diebus in Ecclesia Regularium auditur. h) Dies illi, quibus animarum Pastores pro populo Missam celebrare, populus vero hanc audire de praecepto debet, in patria nostra, secundum Breve Apostolicum Clementis XIV. anno 1771. die 22. Iunii datum, sunt sequentes: dies Resurrectionis Dominicae cum sequenti, et Pentecostes cum sequenti, aliique per annum dies

Do-

1744. Quam non modo in Bullario, recentioribusque Canonistis, sed etiam in protocolis Parochialibus reperire licet. f) Cap. 2. §. 6. g) Cap. 2. de Parochis et alienis parochianis. Cap. 2. de Trenga et pace. Conc. Trid. sess. XXII. decr. de observ. et evit. in celebr. Missae. Sess. XXIV. de reform. cap. 4. h) Bened. XIV. de Syn. Dioec. lib. XI. cap. 14.

Dominici, nec non Nativitatis D. N. I. C. Circumcisionis, Epiphaniae, Ascensionis, et Corporis Christi; tum quinque dicati B. Mariae virginis honori, scilicet Purificationis, Annunciationis, Assumptionis, Nativitatis, et Conceptionis. Praeterea Sanctorum Apostolorum Petri, et Pauli, omnium Sanctorum, S. Stephani Protomartyris, et unius tantum principalis Patroni. Qui cum tam Augustae Mariae Theresiae Reginae Apostolicae voluntate, quam et omnium Ungariae Praesulum votis, delectus fuerit S. Stephanus Rex Ungarorum: iussu Regio, medio Excelsi Consilii Regii Hungarici, anno 1774. die 8. Augusti declaratum fuit cunctis Ecclesiae Hungaricae Praesulibus, ne alium Patronum in sua Dioecesi cum obligatione audiendi sacri, et abstinendi a servilibus laboribus, celebrari admittant. Liberum nihilominus cuique loco sit, ut Patroni sui festivitas in loco illo, solemniter quidem in Ecclesia propria, absque tamen obligatione Sacri audiendi, et abstinendi a servilibus laboribus, celebrari possit. Dum his, ceterisque diebus Missae Sacrificium celebratur, in Canone facienda est post
Epi-

Episcopum, mentio Regis Hungariae legitime coronati, secundum Breve Clementis XIII. Papae, quod anno Domini 1761. die 5. Maii editum fuit. i) Porro, quemadmodum memorata nunc festa populo annunciare, sic etiam curare debet sedulo Parochus, ut fideles a Domino sibi crediti, hisce diebus ea, quae Divina et Ecclesiastica lege praecepta sunt, diligenter adimpleant; et, ne tam hi, quam alii quicumque, intra Parochiae ipsius terminos, diebus iisdem agere talia ausint, quae per legem patriam, vel per Mandata Regum prohibentur. Qvare habebunt prae oculis anni 1791. articulum XXVI. k) Re-

Pars Spec.

M

giam-

i) Verba, quae huc faciunt, sunt sequentia: „De „benignitate pariter Apost. permittimus - - ut „legitimi successores tui in praedictis Hungariae „et Bohemiae Regnis etc. nullo tamen addito Con- „iugis nomine - - per haec tantum verba: Pro „Rege nostro, si fuerit masculus, pro Regina no- „stra, si fuerit foemina, in eod. Canone Missae „nominari possint.“ k) Huius §pho 17. haec habentur: „Festivitâtes Catholicorum nunc usitatas „qvoad forum externum, non tamen in privato „(ubi, praeter strepitosos, quivis alii labores „peragi poterunt) ad evitandas publicas offen-

giamque huius articuli declarationem, quae
anno 1793. die 25. Ianuarii publicata fuit; 1)

item

„siones, Augustanae, et Helveticae Confessionis
„addicti, observandas habebunt, eo addito, ut
„Dominis Terrestribus, cunctisque patribus fa-
„milias, sub actione fiscali interdictum sit, sub-
„ditos, ac servitores suos, seu Catholicos, seu
„Evangelicos, ab observatione festorum, suique
„ritus, ac devotionis impedire.“ 1) Quam cum
frustra quacres in protocolis Parochialibus, ex O-
riginali ad I. Com. Wetzpr. misso, et mecum li-
beraliter communicato, pro necessaria directione
habeto; „Relate ad quaestionem illam, qualiter
„festivitates Catholicorum per Augustanae, et
„Helv. Confessionis addictos observari debeant,
„in diverso sensu obmotam, et altissimae deci-
„sioni substratam; siquidem totum substratam eo
„recredat, ut parte ex una Divina Catholicorum
„non turbentur, parte vero ex altera, publicae
„offensiones evitentur; Sua Mai. Sacr. altissimam
„suam mentem in eo aperuit: Praeceptum articuli
„26. 1791. pure intravillanum ambitum ipsarum
„Possessionum concernere, adeoque in talibus
„locis, ubi Ecclesiae Catholicorum existit, in
„qua Divina peraguntur, per Augustanae, et Helv.
„Confessionis addictos, diebus festis Catholicorum
„in privato omnes labores, exceptis strepi-

item decretum illud , per qvod die 12. Novembris , anno 1799. inculcatur aliud multo vetustius , utpote die 15. Decembris anno 1772. editum ab Augusta Maria Theresia mandatum , declarans , qvud agendum sit festis diebus , et a qvibus abstinendum. m) Aget

M 2

etiam

„tosis, extra ambitum vero Possessionum, seu
 „ruri, ne strepitosus quidem exceptis, irrestri-
 „ctim exerceri posse; in locis vero talibus, ubi
 „nulla adest Ecclesia Catholica, Evangelicis in-
 „tegrum esse, omnes labores indiscriminatim ex-
 „ercere, tanto magis, qvod hac ratione Divina
 „Catholicorum tam parum, ac per non unitos tur-
 „bentur“ etc. m) Qvamvis illud prolixius, o-
 pusculo etiam meo, inscripto: *Officia hominis Ca-*
tholici erga Deum, edito Budae 1783. insertum sit,
 gratum erit lectori, si hic inseratur, qvod sic ha-
 bet: „I. Dom. et festis dieb. nemo servilib. ma-
 „nuum laborib. aut artium suarum exercitatio-
 „nib. vacet. Omnis autem pro ratione Religio-
 „nis suae Divinis officiis - - interesse studeat, et
 „neqve citra legitim. impedimentum negligere,
 „aut plane contemnere, vel etiam in tabernis tem-
 „pore Divinorum officior. commensationib. com-
 „potationib. aliisq. incongruis actionib. semet de-
 „tinere; aut clamores, tricas, et contentiones ex-
 „citare, sub poena arbitraria per concernentes

etiam verbis efficacibus Pastor animarum, ut
in Parochia sua diligenter observetur Manda-
tum

„iurisdict. Magistratus pro qualitate delicti con-
„travenientib. dictanda, et effective desumenda,
„audeat. - - II. Iisd. Dom. et fest. dieb. specta-
„cula theatral. ante horam 7. amphitheatralia ve-
„ro ante horam 4. pomer. non inchoentur. Mu-
„sica vero seu in tabernis, et popinis, seu etiam
„in domib. priv. et quidem in Civitat. ante hor.
„3. pomer. vetita sit; sed neque in popinis, do-
„mib. crematoriis, et cerevisiariis ante hor. 4.
„extra urbes autem ante hor. 3. pomer. clamo-
„rosus otiosor. concursus admittatur. Itinerantib.
„tamen esca, et potus praebere possit. Lusus de-
„nique omnis generis, incluso etiam Billiard, seu
„in domib. Caffeariis, seu popinis, et aliis eiusmod.
„locis, usque 4. pomer. interdicantur, et ultra
„10. aut 11. noctis nullibi protrahantur. III. Dom.
„et Fest. dieb. graviore onere currus non oneren-
„tur, praevie autem oneratis, in Urbib. ante ho-
„ram 9. matut. extra has autem, ante persoluta
„Divina motus interdicatur; subinde vero prog-
„redientib. in prosecutione itineris, nullibi impedi-
„mentum ponatur; quin, si currus reparandus
„foret, sine difficult. eidem auxilium admittatur.
„IV. Omnes fornices mercantiles, aromatici, ta-
„bacarii, et alii eiusmodi, tota die occlusi mane-
„ant, et sub poena amissionis rerum, nullibi prae

tum die 8. Augusti 1774. publicatum, quo
nundinae qualescunque, Dominicis festisque
diebus celebrari vetantur. Praeter solitas, et
in

„foribus Ecclesiar. forniculae aperiantur, ut rosa-
„ria, oratiunculae, et his similia, dieb. Dom. et
„festis publice distrahantur. Fornices nihilominus
„Capillamentar. usque horam 9. antemerid. tonso-
„rum autem, apothecae, et balneator. domus, si-
„ne restrict. apertae tolerantur. Dulciariis deni-
„que, et ceroplastis, cerae et dulciarior. distra-
„ctio, finitis Divinis libere admittatur. Smigma-
„tores nihilominus, in hyeme ante hor. 4. in ae-
„state vero ante 6. pomer. materiale suum vendere
„prohibeantur. Mechanici porro contubernales,
„coetus suos a meridie finitis duntaxat Divinis ser-
„vare, relinquantur. V. Ultra haec, sicut aliar.
„rer. ita esculentor. quoque in foris, plateis, et a-
„liis fornicibus publica venditio Dom. et festis
„dieb. prohibita intelligatur. Carnium tamen e-
„macillatio, prout, et piscium, panis, fructuum,
„et lacticinior. publica distractio, in Civitat. us-
„que hor. 9. matut. extra Urbes vero, ubi ante
„Divina tres pulsus campanae praemitti solent,
„usque ad secundum pulsum libere admittatur,
„idque cum restrictione, ut lac, et fructus non
„publice in plateis, sed lac sub portis domor. fru-
„ctus autem in cellariis, et repositoriis in ipsa
„clausura vendi possint.“

in Rituali libro praescriptas processiones, si quando e speciali devotione duxerit ad locum remotiorem, eodem die populum reducere satagat, cum autoritate Regia praeceptum sit die 8. Augusti, anno Domini 1774. ut eiusmodi processiones, quae emansionem per noctem exigunt, penitus tollantur. In quibuslibet vero devotionibus, ac processionibus duo adhuc habebit cavenda Parochus; ne in his videlicet circumferantur statucae vel imagines, habitu indecoro vestitae: n) ne item explosiones tormentorum, mortariorum, vel scloporum fiant, ubi vel minimum adest incendii periculum, quemadmodum adhuc anno 1775. die 12. Octobris, a Regia Maestate, via Excelsi Consilii Locumtenentialis, edictum fuit. Necesse praeterea est, ut decorem Domus Dei, magnopere diligat Presbyter Parochialis; curet idcirco, ut templum, et sacristia non instar harae sordibus ac pulvere obsitum, sed nitidum, ac mundum conservetur. o) Eucharistia illic semper
sic

- n) Conc. Trid. sess. XXV. decr. de venerat. etc. SS. It.
Synodus prov. Tirn. 1638. cap. 3. §. 7. o) Syn. prov.
Tirn. 1611. cap. 3. §. 4. item antea citata cap. 2. §. 19.

sit praesto, ad succurendum infirmis; p) et sacra olea mundo conserventur loco. q) Ne quid tamen nimium in curando Ecclesiarum decore fiat, anno 1770. die 17. Maii iussu Regio edictum fuit, ut nulla Ecclesiae aedificatio permittatur, quam remonstrato aedificationis fundo; vel, si hic penitus deesset, Ecclesiae tamen adesset necessitas, priusquam inchoetur aedificium, id ipsum cum delineatione, et sumptuum proiecto, in antecessum via Consilii Locumtenentialis Hungarici, Regiae

Laudabat B. Hieronymus epist. ad Heliodor. scripta, Nepotianum Presbyterum, quod sollicitus esset, si niteret altare, si parietes absque fuligine, si pavimenta tersa, si sacrarium mundum, si vasa luculenta essent. p) Syn. provinc. Tirn. 1611. cap. 3. §. 5. q) Ead. Syn. eod. cap. §. 6. Praesens paragraphus suo iam erat loco, dum novum supervenit Intimatum die 17. Martii 1802. congruens Resolutioni anni 1770. quo declaratur: ut Parochi a ponendis quibuslibet, cum primis autem ex cassa Ecclesiarum suscitandis aedificiis, sine Patroni, et Ordinarii annutu, sique subsidia e fundo Relig. postularentur, etiam sine Exc. Cons. annutu, sub responsionis, ac bonificationis onere, prohibeantur.

giae Maiestati demisse repraesentetur. Nec tamen quemvis Ecclesiae fundum attingere liberum est. Enimvero anno 1792. die 27. Iulii medio eiusdem Excelsi Consilii, praecepit Maiestas Regia, ne ullo sub praetextu, sub onere secus praestandae refusionis, Depositarios, et respective Curatores mansuro, Legata, aut foundationes pro dote Ecclesiarum destinatae, citra Benignum indultum Regium, in alios usus convertantur. Fundamento autem art. 74. 1715. et art. 70. 1723. conditorum, Apostolici Regis nostri iussu, tam anno 1797. quam et anno 1801. praeceptum est, ut status activi, et passivi Ecclesiarum, certa determinataque methodo deducti, cum fine cuiuslibet anni militaris, Excelso Consilio Locumtenentiali Hungarico substernantur.

§. CCLV.

Circa instit. plebis.

Parochi praeterea munus est, oves sibi creditas, pascendi praedicatione Verbi Divini. r) Atque huius potissimum audiendi causa, frequentationem Ecclesiae Parochialis exoptant

r) Conc. Trid. sess. XXIII. de ref. cap. 1.

ptant sacri Canones. (§. praec.) Attamen Benedictus XIV. Pontifex, eodem iure Parochianos ab obligatione audiendi Verbi Divini in propriis Parochiis, absolutos esse affirmat, quo sunt ab auditione Missarum absoluti. s) Verum Parochi nullo modo dispensati sunt ab annunciandis veritatibus Evangelicis, quolibet Dominico et Festo Die; t) imo tempore quadragesimae, et Adventus Domini, tres saltem in hebdomada dies ad hoc munus consecrandi sunt, dum id fieri oportebit. u) Ut praeterea plebs orthodoxa, ea intelligat, quae in Missa aguntur, praeceptum est, ut Parochi frequenter, Missarum inter solemnia, vel per se, vel per alios, ex iis, quae illic leguntur, et aguntur, nonnulla explanent. v) Haec est legis Ecclesiasticae dispositio. Regis autem Apostolici ea mens est, medio Exc. Consilii Regii Hungarici, die 30. Octobris 1798. declarata, ut populus ad Divina diligenter frequentanda, sacrasque institutiones

- s) De Syn. Dioec. lib. XI. cap. 14. t) Trid. sess. V. de ref. cap. 2. Syn. prov. Tirnav. 1611. cap. 3. §. 4. u) Trid. sess. XXIV. de ref. cap. 4. v) Idem sess. XXII. decr. de Sacrif. Missae cap. 8.

nes excipiendas, etiam cum concursu auctoritatis publicae, disponatur. Insuper, ad avertenda frequentia nimis latrocinia, furtaque, de benigno iussu Regio, die 3. Aprilis, anno 1795. publicata, eo singularis cura iubetur ab animarum Pastoribus converti, ut rudis plebs, et imprimis pastores campestres, quoad officia et obligationes Christiani, bonique civis, plene informentur. Ad impediendam vero Catholicae Religionis desertionem, Rex Apostolicus, medio Excelsi Consilii sui Hungarici die 12. Februarii anno 1793. illud desiderium suum manifestabat, ut Clerus, pro munere sibi alioquin incumbente, omnes suos conatus eo convertat, ut non solum Catholicos pastoralis curae suae conceditos, principiis Religionis Catholicae fundate imbuendo, in hac firmos conservet, sed aliam quoque Religionem profitentes, exemplari praesertim vivendi ratione, de puritate, et Divinitate Catholicae doctrinae convincere possit. Unde eventurum est, ut casus defectionum a Religione Catholica, rarius emergant. Atque mox, puta die 26. Aprilis eiusdem anni significabatur: non posse suam

Maiestatem Sacratissimam, frequentes a fide Catholica transitus indifferenti oculo spectare; atque ideo Clerum Catholicum, monendum praecepisse, ut populum pastorali suae curae creditum, maiori cum sedulitate, principiis Catholicae Religionis fundate imbuat. Quodsi nihilominus quispiam pertinaciter Catholicam Religionem deserere meditetur, eius causa, ad altiorem potestatem spectabit. Ne enim huiusmodi desertio temere fiat, decernit articulus 26. anni 1791. ut occurrentes eiusmodi casus, ad Sacratissimam suam Regiam Maiestatem referantur. Quae si decreverit instructionem catechetica huiusmodi homini, Religionis Catholicae desertionem meditati, prae oculis erit habendum, quod die 1. Iulii anno 1794. publicatum est, Regis Apostolici mandatum: ut nimirum instructioni subiiciendus, semper cum testimonio localis Iudicis, duorumque Seniorum instructioni sistatur; pro casu autem, quo eandem instruendus interrumperet, interruptionem talem, mox idem, cui instructio delata est, proximiori Magistratuali notam reddere; hic vero, nisi quaestio sit altioris indaginis, me-

medelam ponere, ac ita omnem quae circa tempus obversari posset, difficultatem, praecoccupare valeat; ad obtinendam vero eatenus securiorem certitudinem, Parochi medio Dioecesanorum eo invientur, quo Diaria, quibus dies datae, a Catholica Religione deficere volentibus, instructionis, exacte inse-
rendi erunt, servant, et eosdem per loci Notarium, aut aliam fide dignam personam, separatim adnotari faciant. Quae porro cura deponitur a Parochis, ne fiat Religionis Catholicae desertio, eadem ipsos manet, ne ab ea seductio, per quospiam attentetur. Quamobrem alta retineant mente Regis mandatum, die 25. Septembris 1792. publicatum; w) legem-

w) Ad rem praesentem, haec verba Decreti sufficiant: „Sua Maiestas Sacrat. altissime decrevit, ut „omnes, et singuli, qui absque obtento altissimo „indultu, aut quin institutionem, per suam Ma- „iest. ordinandam subeant, desuperque coram Mi- „nistris exhibenda testimonia accipiant, ad Ora- „torium sine cultus Religionarii, vel participandae „communionis accedere, aut seu Catholici, seu „Protestantes, proles suas Catholice educandas, „vel quoscunque alios Catholicos ad Oratoria ad- „ducere, aut eorum imperiose mittere, vel etiam

gemque Regni decernentem anno 1791. art. 26. ut iniungatur sub severa poena, ne quis-
cunque demum, ullum Catholicum, ad am-
plectendam Religionis Evangelicae professio-
nem, quocunque praesumat allicere medio.

Apa-

„Oratoria accedere volentes, pro obligamine suo
„non impediverint, aut quava demum ratione se-
„ducere praesumpserint, Nobiles quidem actione
„fisci Magistratualis, poena pecuniaria, ignobiles
„vero pari itidem fisci Magistratualis actione, poe-
„na carcerum, imo pro ratione circumstantiarum tam
„hi, quam illi, gravioribus etiam poenis, ob trans-
„gressionem legis, et Benignarum ordinationum Re-
„giarum, in exemplum etiam aliorum puniantur.
„Praeterea autem in Ministros illos, quorum prae-
„textuata ignorantia, ex confrontationibus, et in-
„vestigationibus, aut plane, aut quasi cum prae-
„sumptione evenerit, tanto gravius animadverten-
„dum erit, quanto difficilius est, dolosam, et in-
„elusionem Altissimarum ordinationum Regiarum
„tendentem, eiusmodi simulatam, ignorantiam re-
„monstrare. Sed et illi quoque pro demerito poe-
„nae subiiciendi erunt, quicquid liberum esse a Re-
„ligione Catholica deficere vulgaverint, vel hac
„ratione quempiam ad deficiendum persvadere ten-
„taverint, aut etiam obtrusione librorum, Catho-
„licos depravare nihili duxerint.“

Apage vero cum Atheis, Indifferentistis, aliisque Religionis expertibus, quos neque lex nostra patitur, x) neque Rex Apostolicus tolerat. Atque idcirco iam anno 1770. die 17. Septembris praeceptum fuit autoritate Augustae Mariae Theresiae, ut huiusmodi sectariis invigiletur, omnibusque modis efficaciter obvietur.

§. CCLVI.

A c p u b i s.

Ut praeterea Parochi teneram pubem, Dominicis, festisque diebus fidei rudimenta, et obedientiam erga Deum, et parentes edoceant, lex Ecclesiae decernit, y) atque nuper admodum Rex Apostolicus, peculiari decreto, die 17. Martii hoc anno 1802. medio Excelsi Consilii Hungarici, id ipsum inculcabat. Cui additum est novum Decretum die 23. Iunii publicatum, praecipiens, ut parentes sub poena per publicam Iurisdictionem infligenda, proles suas pro recipienda Religio-

x) S. Steph. decr. lib. 1. cap. 2. Art. 5. et 6. 1548. Art. 31. 1563. pluresque. y) Conc. Trid. sess. XXIV. de ref. cap. 4 Syn. Tirnav. prov. 1611. cap. 3. §. 12. Nationalis 1638. cap. 1. §. 2.

gionis doctrina solerter mittant. Ac pro illis quidem, qui fortiori indigent esca spirituali, deserviet catecheticus liber, quem dicimus *Romanum*; 2) pro tenerioribus vero, qui lacte indigent doctrinae, Catechismus, quem *Normalem* compellamus, à cunctis Ecclesiae Hungaricae Praesulibus anno 1779. adoptatum. a) Vigilandum quoque est Parochis, ut proles, quae seu iuxta art. 26. 1791. seu vigore specialium Reversalium (quae per Decretum anno 1792. die 25. Septembris editum, in salvo relinquuntur) more Catholico sunt educandae, hoc pacto reipsa educentur; cui negotio sua Maiestas Regia praecipit accuratius invigilari, iniungendo, ut mox, atque

2) Commendat hunc Clemens XIII. Constitut. quae incipit: *in Dominico*. data 14. Iun. 1761. et praefixa legitur eidem Catechismo edit. Tirnav. 1775. ubi etiam historia legitur eius Catechismi edita a Petro de la Haye. Cui addi potest dissert. Antonini Reginaldi de catech. Rom. autoritate. Quae est inserta Supplemento ad Historiam Natalis Alexandri. a) Huius prolixior explanatio, e Germanico in Hungaricum versa, prodiit Vaci 1800.

que huiusmodi proles recipiendae institutionis in Fide Catholica capaces fuerint, seu, ubi septimum aetatis annum agere coeperint, si in Fide Catholica non instituerentur, necessaria eatenus per talium prolium (si id circumstantiae exigent) etiam autoritate Magistratuali procurandam ademptionem, mox disponantur. Additum est anno 1793. die 12. Februarii, ut si proles Catholico more educandae, hoc pacto non educarentur, occurrentes eiusmodi specifici casus, et impedimenta circa talem educationem subversantia, Regiae Maiestati repraesententur, ut vi supremae legum executivae potestatis eidem competentis, remedium fieri possit. Quoniam pacto agendum sit cum illis, qui ex parentibus acatholicis nati, ad Sacra Catholicorum transire cupiunt, alibi dictum fuit. (§. CCLI.) De prolibus vero parentum, a fide Catholica desciscentium, illa est Regiae Maiestatis voluntas, die 9. Novembris, anno 1792. medio Excelsi Consilii Regii Hungarici declarata, ut normalis Resolutio, die 22. Augusti 1785. edita, et 14. Septembris eiusdem anni, omnibus Regni Comitatibus intimata, deinceps

ceps etiam observetur. b) In cuius nexu, meminisse oportet animarum Pastorem reg-

b) Praecipua sunt in rem nostram sequentia: „Clementer admittit sua M. ut proles, quae XII. aetatis annum nondum attigerunt, aut in fide Catholica nondum eousque instructae sunt, ut ad Poenitentiae, et Altaris Sacramentum admissae fuerint, patriam potestatem, adeoque Religionem, quam pater finita sex hebdomadarum instructione, se confiteri velle declarat, sequantur. Longe aliud tamen ratione matris observari vult, iubetque Sacr. sua Maiestas, ut, quamvis mater a Religione Catholica deficiat, proles tamen Religionem patris sequantur, cum potestati patris subesse debeant. Mandat praeterea Aeternitas sua Maiestas, ut matre quoque, aut in viduitatem recidente, aut ad secunda vota transeunte, proles, utpote sub publica tutela constitutae, in Religione Catholica educantur. Semper tamen parentes de congrua, et statui commensurata intertentione usque ad aetatem 18. discretionis utpote annum, providebunt; ad quem si pervenerint, parentibus suis, ut in eadem cum illis domo degere valeant, extradare possunt, cum praesumendum sit, eas, utpote solida iam instructione suffultas, neutiquam seductionis periculo ampli-

centioris mandati, die 23. Iunii 1801. ad omnes perinde Comitatus dimissi, quo praescribitur modus agendi cum prolibus minorenibus, in Religione Catholica, quam de lege seqvi deberent, neutiquam educatis. c)

§. CCLVII.

„us exponi; ea nihilominus semper cum invia-
 „tione: ut prolibus his etiam, anteqvam deci-
 „mum octavum aetatis annum adtingant, matrem,
 „vitricum, fratres, sorores adire, cumque illis
 „conversari integrum sit. Qvodsi vero eiusmodi
 „proles duodecimum aetatis annum implevissent,
 „atque usus Sacramentorum eisdem concessus fu-
 „isset, usque ad aetatis decimum octavum, ut-
 „pote discretionis annum, in fide Catholica edu-
 „candae erunt, cum iudicio discretivo, pro eli-
 „genda alterutra Religione adhuc destitutae, sex
 „hebdomadarum instructionem assequi non va-
 „leant.“ c) Cum illud via solita non obtine-
 rim; Spect. D. Ign. Márkus I. C. Wetzprim. Ord.
 Notarius et Assessor, pro sua erga me amicitia,
 ex Archivio Comitatus, per se authenticatum, ex-
 tradedit. Pro quo erga Publicum studio, Cleri
 ruralis nomine, publicas isthic gratias reddens,
 Intimatum ipsum ad verbum refero: „Illustrissi-
 „mi etc. Complures profugarum a Catholica in-
 „stitutione prolium casus, Magistratuales perso-
 „nas continuis perquisitionibus et resignationi-

§. CCLVII.

S c h o l a s t i c a e.

Meminerit idem Pastor animarum eius
mandati, quod die 16. Octobris 1793. Su-

N 2

per-

„bus occupantes, ac perpetuis remonstrationibus
„ansam praebentes, aperte evincunt, eam insti-
„tutionem in principiis fidei Catholicae, ad quam
„proles minores, quacunque de causa in Cath-
„Rel. quam de lege sequi deberent, haud edu-
„catae relegantur, passim cum ea, quae Perso-
„nis, discretionis annos ingressis, et transitum
„e Catholica Religione ad Evangelicas confessio-
„nes petentibus praescribitur, confundi, hincque
„evenire, quod prioris cathedrae proles a pa-
„rentibus avulsae, et Parochis sine institutionis
„resignatae, post expletas in catechisatione sex
„hebdomadas, ad patrios lares redeant, aut ali-
„orsum profugiant, operose perquirendae, ea fal-
„sa opinione imbutae, sibi exercitium alterius
„Religionis iam liberum esse. Hinc praet. DD.
„VV. hisce committitur, ut occasione translatio-
„nis similium prolium, concernentes partes di-
„serte edoceant, institutionem istiusmodi, sex
„hebdomadis haud circumscribi, sed eousque pro-
„trahi debere, donec tales Catholicam Religio-
„nem professae fuerint. Parentes demum, aut
„quoscunque pro abducendis a simili institutione

perintendentibus Augustanae, ac Helveticae
 Confessioni addictorum cautelas enumeravit,
 cum quibus Catholicae proles, Eorum scho-
 las frequentare permittuntur; d) huic etenim
 mandato penitus insistendum esse, alterum,
 die

„prolibus comparentes, aut easdem, omni Paro-
 „chorum vigilantia elusa, ad fugam disponentes,
 „severae animadversioni subiectum iri.“ d) Prae-
 cipua verba haec sunt eius Decreti: „Ad prae-
 „cavendam defectionum a fide Catholica occasio-
 „nem, sua Maiestas Sacr. docentes Scholarum
 „Evangelicae Confessionis, in eo inviari clemen-
 „ter praecipit, ut, si ad eosdem seu ob defectum
 „scholae Catholicae, sive aliam quancunque cau-
 „sam, proles Catholicorum, vel e mixtis quidem
 „Matrimoniis progenitae, sed Catholice educan-
 „dae, sine capiendae institutionis mittantur, ta-
 „les per eosdem occasione praelectionum, et exa-
 „minum e doctrina Religionaria instituendorum,
 „ex Schola dimitti debeant, ac eiusmodi proles
 „per magistros Evangelicos, nec ad Ecclesiam
 „nec ad Divina, minime vero ad Communionem
 „Evangelicae confessioni addictorum seu ducan-
 „tur, seu ire permittantur; cum secus iidem, si
 „per id prolem aliquam a fide Catholica deficere
 „contigerit, qua allectores, ad sensum articuli
 „26. 1791. puniendi sint.“

die 5. Februarii 1799. via Excelsi Consilii Regii Hungarici publicatum, edixit. Qvivi praeterea Parochus, localis Director est scholae trivialis in Parochia sua existentis, iuxta intimatum 28. Augusti 1795. ideoque usque decimam Aprilis, et decimam Septembris, informationem de schola sua, in Tabella praescripta deducendam, transmittere debet V. Archidiacono, qvi hanc scholarum nationalium Inspectori mittendam habet. Qvae autem obiecta, qvave methodo sint in talismodi scholis tradenda, docebit ubertim Instructio, iuxta quam scholae triviales vernaculae administrandae sunt, anno 1801. iussu Exc. Consilii Loc. Hungarici typis vulgata. In hisce scholis Magister alius esse nequit iuxta Intimatum 18. Sept. 1795. editum, quam a Superioritate Scholastica ope testimonii approbatus, et iuxta aliud die 8. Nov. 1799. publicatum, a Districtuali Scholarum NationaliumInspectore confirmatus. Cum videlicet officium magistri vacabit, Parochus, qva localis scholae Director, habito cum iis consilio, qvibus scholae procuratio, sumtumque omnium, ac aedium administratio incum-

cumbit, Candidatum Inspectori Regio proponet, ab eodem adprobandum, aut in casu defectus Candidatorum pro tali munere, hunc ab eodemInspectore missum, acceptabit. Porro, iuxta Intimatum Excdlsi Consilii Hungarici hoc anno 1802. die 23. Iunii editum, Regiae Maiestatis haec est voluntas, ut, ubi quinquaginta proles scholas frequentandi capaces adsunt, ibi scholae vernaculae iuxta hactenus praescriptum modum aperiuntur, imo etiam, ubi pauciores existunt proles, dummodo sufficiens dotatio adsit. Ubi scholae normali locus esse nequit, talis a Parocho deligatur Ludimagister, qui Catholicus, et moriger sit, ad fidei Catholicae professionem eliciendam cogendus. f)

§. CCLVIII.

Circa pauperes.

Dixeram superius (§. CCXLVII.) Parochi munus praeterea esse, ut et exemplo pascat suos Christifideles, et pauperum curam paternam gerat. Sed haec oportunius tunc tra-

e) Citata instructio de Scholis trivialibus §. 9. f)

Synodus provincialis Tirnav. 1611. cap. 3. §. 13.

tractabuntur, cum de communibus Cleri obligationibus agam. At vero istud fraternae caritatis officium, Parochis impositum, omitti hic minime debet; ut illorum videlicet, qui post defensam armis Religionem aut Patriam fractis iam viribus, amissove membro, annum ab Rege pensum meruerunt, et *Patentales Invalidi* compellantur, promte lubenterque signent Chyrographa, quae nobis *Quietantiae* audiunt, signato habitationis loco; quod ceteroquin Decreto Excelsi Consilii Hungarici, die 3. Septembris 1799. dato, facere iubentur.

§. CCLIX.

Iura Paroch. utilia.

Cum porro dignus sit operarius mercede sua; et eum, qui altari servit, de altari vivere oporteat: Parochi cum oneribus, iuribusque onerosis, etiam utilia habent. Enimvero iure gaudent exigendi a Parochianis quasdam praestationes in operis, frugibus, ac aere, secundum cuiuslibet loci contractum, vel oblationem Patroni. Quod postea redigitur in Scriptum, confirmatur Praesulis Dioc-

Dioecesani autoritate, et ab eo tempore *Visitationis Canonicae* nomen adipiscitur. Huic more nostro, inseritur *stola* etiam, ut vocant, sive honorarium, quod occasione quarumpiam functionum sacrarum datur. Oblatum sponte, sacri Canones minime reprehendunt. g) Exactionem, et extorsionem damnant. h) Status quoque Regni Hungariae articulo 12. 1751. sic obtestabantur: *Sacratissima Sua Maiestas, auditis praevis audientis, universalem normam in re Stolari ponere dignabitur, hocque modo clementer providere, ut excessibus, qui in exigendis stolis hactenus evenerunt, remedium adferatur.* Re ipsa Mandatum Regis Apostolici, die 7. Septembris anno 1792. publicatum, stolae Baptismalis desumptionem vetat; novum vero die 26. Ianuarii anno 1796. editum, declarat, constantem esse Maiestatis Sacratissimae intentionem, ut exactio stolae Baptismalis et Coledae apud animarum Curatores serio, et sub responsionis onere prohibeatur, at vero si sponte offeratur, acceptari possit. Et vero,

cum

g) Can. 1. et 4. causa 1. qv. 2. h) Cap. 42. de Simonia etc.

cum habeat Ecclesia Bonorum abundantiam, e quorum sana distributione, Ministros suos alat; sique non haberet, Civilis Reipublicae intersit, ita his prospicere, ut Divinae etiam legi, paternam miserabilium personarum eis curam iniungenti, (§. CCXLVII.) satisfacere possint: plenissime confidimus, futurum esse, ut in Regni Comitibus, dum ista scribo, feliciter inchoatis, Episcopi, et Ecclesiarum patroni, memores articuli 71. anno 1723. conditi, de Parochorum futura deinceps intertentione, ita provide sapienterque in medium consultant, ut tam dantium, quam et acceptantium quverimoniis indesinentibus, aeternum omnino silentium imponatur. Evangelici utriusque Confessionis, a quacunque solutione Parochis Catholicorum facienda, iam per articulum 26. 1791. redditi sunt immunes, nisi velint eorum opera sponte uti, quo casu stolam cum Catholicis aequalem persolvere tenentur. Ceterum Parochi pluribus in casibus, patriae legis tutamen habent. Nam articulus 71. 1723. decernit, ut illis *sedecima* decimarum ubique, et etiam octava, ubi antehac fuit in usu, dependatur. Praecipit articu-

ticulus 53. 1498. ut ab illis Archidiaconi titulo Cathedratici, ultra florenum exigere non possint. Deinde articulus 10. 1557. Ne bona Parochorum, seu testati decesserint ex hac vita, sive intestati, occupent Episcopi, vel Patroni. Tum articulus 95. 1647. ne a Parochiarum pertinentiis, a primaeva earum fundatione possessis, decima desumatur. Denique art. 11. 1557. Ut Bona Ecclesiastica, ab Ecclesiis avulsa, per Parochos, iisque non valentibus, per Episcopos, etiam iuris ordine ac via, revindicari possint. Pro huiusmodi Beneficiis ac utilitatibus, ut gratitudinem quampiam ostendant Parochi, nimis est decorum. Synodus vero Nationalis anno 1633. Tirnaviae celebrata, etiam praecepit, ut *Parochorum, qui ab intestato moriuntur, libri, et sacra supellex propria, maneat templo Parochiali, in qua moritur. Monentur vero Parochi, ut etiamsi testamentum condant, haec talia Parochiis legare pro animae refrigerio teneantur.* i)

§. CCLX.

§. CCLX.

Vicarii perp. iura et oblig.

Pauca nunc de Vicariis Parochialibus habeo dicenda, alias commemoratis. (§. LVI.) Ille, qui *perpetuus* in iure dicitur, assumendus est, cum principalis Rector propter Beneficiorum pluralitatem, omnibus satisfacere nequit, et, si Beneficium est Patronatus iuri obnoxium; non sine Patroni consensu. Quod si negligat ius suum Patronus, in solum devolvetur Ordinarium. k) Portio illi congrua per principalem Rectorem assignari debet. l) At vero plures nequit habere Vicarias, m) et residere instar pastoris ordinarii debet, n) quin alium perinde perpetuum sui loco substituere possit. o) Novum adeptus Beneficium, priori debet renunciare. p) Verbo: quaecunque dicta sunt de spirituali Parochorum

- k) Cap. 1. de iure patron. in Clem. Trid. sess. XXV. de ref. cap. 16. l) Cap. 12. et 33. de praeb. et dign. Cap. 1. de iure patron. in Clem. Trident. cit. cap. m) Cap. 2. et 3. de off. Vic. n) Cap. 6. de off. Vic. o) Cap. 4. eod. tit. p) Cap. 1. eod. tit. Cap. 27. de rescript. Conc. Trid. sess. VII. cap. 4. sess. XXIV. cap. 17.

rum obligatione, Vicariis quoque sonant. q) Principali tamen Rectori incumbit Ecclesiae, atque iurium Parochialium protectio, ac tutela. Exspirat munus Vicarii perpetui, privatione, morte, resignatione, translatione, ipsius Principalis. r)

§. CCLXI.

Et Vicarii Amovibilis.

Vicarius amovibilis, qui num talis esse debeat, Episcopus decernendum habet, s) dandus est, cum Ecclesia Parochialis vacat; t) dum abest Rector ex causa, per Episcopum adprobata; u) vel praesens licet, usque adeo est literis vacuus, ut munus pastorale exequi haud possit. Cui Ius Ecclesiasticum indulget assumptionem Vicarii, dummodo ruditatem vitae innocentia compenset. v) Per se intel-
ligi-

- q) Cap. unico de off. Vic. in Clem. r) Remigii Maschat. Institut. Canonic. Lib. I. tit. 28. num. 3. Espen Iuris Eccl. univ. parte II. sect. 4. tit. 3. cap. 1. s) Trid. sess. VII. de ref. cap. 7. t) Idem sess. XIV. de ref. cap. 18. u) Idem sess. VI. de ref. cap. 2. sess. XXIII. de ref. cap. 1. v) Idem sess. XXI. de ref. cap. 6.

ligitur, ius Vicarii huiusmodi ad illa extendi, quorum imprimis causa datus, assumtusve fuit.

§. CCLXII.

Capellani Localis.

Iuxta recentissimum in hac patria morem, constituuntur *Capellani Locales*; in illis videlicet locis, quae ab Ecclesia matremimum dissitae, Catholicis abundant. Hi iuxta mandatum Augustae Mariae Theresiae die 8. Augusti anno 1774. publicatum, Parocho, eiusque vigilantiae subiiciuntur. w) Habentur nihilominus ceu Beneficiati Curati. x) Quamquam eorum subsistentia e publico Religionis fundo, non autem de mensa Parochi principalis desumatur. y)

§. CCLXIII.

w) Frustra requiras illud in Parochiali protocollo; legitur vero in collect. Resol. in materia Commiss. Eccl. interventarum T. I. pag. 60. x) Ex Decr. Ios. II. dato 7. Oct. 1783. quod legitur in collectione Germanica Ordinationum in publ. Eccl. parte 3. pag. 1. y) In ead. collect. parte 1. pag. 305. 308.

§. CCLXIII.

Cooperatoris.

More loqvendi dudum apud nos recepto, *Capellani*, 2) hodierno autem *Cooperatores*, nominantur illi Sacerdotes, qvi propter multitudinem plebis orthodoxae, fractasve Parochi vires, ab Ordinario assignantur. Facultas eorum, praedicandi, docendiqve, et Sacramenta populo rite, promteqve administrandi, ab Episcopo est; si matrimonium demas. a) Cui nihilominus, iuxta declarationem S. Congr. Concilii Trid. Interpretum anno 1581. factam, valide assistet Cooperator, prohibente assistentiam Episcopo, sed indulgente Parocho; cum prohibitio Episcopalis, dirimens impedimentum haud inducat. b)

§. CCLXIV.

Regularium.

Regulares quoque Viri, qvos *Religiosorum* compellamus nomine, eo, qvoti Deo
per

- 2) Adpellationis istius originem legito in meis Amoenit. Hist. Eccl. H. fascic. I. num. 3. . a) Trid. sess. XXIV. de ref. matr. cap. 1. b) Bened. XIV. de Syn. Dioec. Lib. XIII. cap. 23. num. 1. et 3.

per tria vota sese consecraverint, in Ordine per sedem Apostolicam adprobato: c) tametsi vi status sui ad Regimen Ecclesiasticum haud influant, quia nihilominus a Praelato suo moniti, sacros Ordines recipere debent, d) ac hodie, deantis quam paucissimis, etiam solent, fiuntque isto nomine participes Ecclesiastici regiminis, hac de causa, tractatio de illis fieri debet.

§. CCLXV.

Iura resp. sui ipsorum.

Habent illi iura quaedam respectu sui ipsorum, ac praerogativas. Nam alii, omniumque primi, sunt *Canonici Regulares*, qui in communi sub Praeposito vivunt, praestitoque paupertatis voto, regulam S. Augustini profitentur. Sequuntur *Monachi*, verius Coenobitae e) qui sub Abbate, commune incolunt domicilium, orationi, rerumque Divinarum contemplationi, praeprimis intenti. f)

De-

c) Cap. un. de voto etc. in 6. d) Cap. 1. de statu monach. in Clem. e) Vide Macri Hierolexicon voce: *Coenobium*. f) Alia nunc instituti Monastici facies est, in Ecclesia Hungarica. Cum

Deinde *Eqvites*, et *Hospitalarii*, occasione cruciatarum expeditionum, partim ad levamen aegrotorum, partim pro defensione Christianorum ad Loca Sacra commeantium, instituti. *Mendicantes* postea, atque *Eremitae* Ordinis Augustiniani, ad haereses, Divini Verbi gladio prosternendas, et in subsidium curae spiritualis collecti. Denique *Regulares Clerici* in specie dicti; quorum aliis incumbit iuventutis literariae institutio; aliis restitutio disciplinae, emendatioque morum. g) Hos inter si nascatur lis de praecedentibus

Monachi Ord. S. Benedicti ea cum obligatione restituantur vitae pristinae, ut in Civitatibus per Maiestatem Regiam designatis, scholas doceant. g) Egregie de his Ordd. tractavit Paul. Ios, a Riegger Institut. Iurisprud. Eccl. parte III. §. 522 — 560. Olim in Patria nostra vigentes enumeravit Petrus Pazmányus in append. II. ad Synodum anni 1629. ap. Péterffium in Concil. Eccl. Hung. parte 2. faxint superi! ut proxime lucem publicam aspiciat, solertissimi Viri, D. ac Patris Damiani Fuxhoffer Ord. S. B. *Monasteriologia R. H. in qua Originario - diplomatice describuntur omnia singulorum Religiosorum Ordd. Monasteria, quae unquam ab ingressu Hungarorum in Pannoniam fundata fue-*

cedentia, in publicis supplicationibus, aut funeribus tenenda, iudex Episcopus erit. h) Si vero lites occurrant de iuribus atque privilegiis, Sacra Congregatio, quae negotiis praeest Episcoporum, et Regularium, (§. CXXXVI.) decernet.

§. CCLXVI.

Ius exemptionis.

Praecipuum est eorundem Regularium ius *exemptionis*; quo nomine intelligitur *independentia a potestate ac iurisdictione Ordinarii, cum immediata erga sedem Apostolicam subiectione.* i) Huius fundamentum videtur pendere ab ea quaestione indecisa: A quonam *immediate* accipiant Episcopi suam iurisdictionem? (§. CCVII.) Ferme prae ceteris Scriptoribus, Exemptionum progressionem enarravit Van-Espenius; k) aequitatem propugnavit Benedictus XIV. Pontifex Maximus. l)

Pars Spec.

O

Lex

runt. Ad quod opus, si ego tantillam contuli symbolam, Publico gratulabor. i) Espen Iuris Eccl. univ. parte III. tit. 12. cap. 4. k) Idem eod. tit. l) De Syn. Dioec. lib. I. cap. 4. et lib. IX. cap. 15.

Lex autem Ecclesiae decrevit, libertatem, quam nonnullis Apostolica sedes, per privilegia exemptionum indulsit, sic integram observari, ut et illam alii non infringant, et ipsi eius limites non excedant. m) Idcirco monuit idem Pontifex, illam Concilii Tridentini Sanctionem: *ut omnes Regulares, tam viri, quam mulieres, ad regulae, quam professi sunt, praescriptum, vitam instituant, et componant*; n) per Episcopos in Synodis ab se celebrandis, totidem plane verbis renovari posse, cum sint ipsi in sua Dioecesi Canonicarum sanctionum praecipui custodes; ne tamen videatur ordinaria in exemptos iurisdictio exerceri, monuit idem Pontifex, sacram Congregationem Tridentini Concilii Interpretum decrevisse, ut Episcopi abstinentes a verbo: *Praecipimus*; aut: *Statuimus*, hoc modo Tridentinas praeceptiones inculcent: *intelligant Regulares, se teneri ad regulae, quam professi sunt, praescriptum, vitam instituere.* o)

§. CCLXVII.

m) Cap. 1. de privil. in 6. n) Sess. XXV, de Regular. cap. 1. o) Lib. IX. cap. 17. num. 1.

§. CCLXVII.

Non tamen omnimodae.

Illam vero consuetudinem improbavit Pontifex idem, quod Antistites Ecclesiarum plerique, in Synòdis de Regularibus ne verbum iniiciant; cum plurima sint, in quibus illi, quantacumque fruuntur exemptione, subiiciuntur Episcopo, velut sedis Apostolicae Delegato; cuiusmodi subiectionis ne obliviscantur, oportet eam quandoque refricari; id quod opportunissime per Synodales constitutiones fieri potest. p) Quemadmodum id cum laude praestiterunt Ecclesiae Hungaricae Praesules: Nicolaus Olahus, q) Petrus Pázmány, r) et Martinus Borkovich, Ecclesiae Zagrabienensis Antistes. s) Imo iuxta declarationem S. Congregationis Concilii Tridentini Interpretum, die septima Februarii 1632. factam, Episcopus viros Regulares, ad ea rite implenda, in quibus de iure communi competit ipsi, in

p) De Syn. Dioec. lib. IX. cap. 15. num. 2. q) In Syn. anni 1560. cap. 35. r) In Syn. anni 1629. cap. 3. et in Syn. 1630. statuto 10. s) In Synodo 1669. cap. 8. et 1673. cap. 3.

eosdem potestas, etiam per censuras Ecclesiasticas, compellere potest.

§. CCLXVIII.

Nempe circa Sacramenta.

Sunt autem, in quibus Regulares, Episcoporum iurisdictioni subiiciuntur, ferme haec, quae sum enarraturus: I. Chryisma et Eucharistiam, iuxta legem Ecclesiae t) sub fidei custodia non tenentes, quemadmodum a S. Congregatione, quae negotiis Episcoporum ac Regularium praeest, die 8. Ianuarii 1724. declaratum fuit, per Episcopum plecti possunt. u) II. Saecularium, etiamsi Sacerdotum, v) uti et Monialium confessiones, sine adprobatione Ordinarii nequeunt audire. w)

III.

- t) Cap. 1. de custodia Euch. u) Ap. Bened. XIV. de Syn. D. lib. IX. cap. 15. num. 4. v) Conc. Trid. sess. XXIII. de ref. cap. 15. w) Ex constitut. Gregorii XV. quae incipit: *Inscrutabili*, data 5. Febr. 1622. Quam citat Remigius Maschat Institut. Canonic. parte I. elencho VI. num. 4. Item, Prosper Lambertinus, postmodum Bened. XIV. Institut. Eccl. XXIX. post init. Adde eiusd. institut. 86.

III. Assistentes matrimonio, sine Ordinarii vel Parochi facultate, ab suspensionis censura, quam hoc pacto incurrerunt, duntaxat ab Episcopo sponsorum, absolvi queunt. x) IV. Eiusdem correctioni subsunt; in cuiuscumque Sacramenti administratione graviter delinquentes. y)

§. CCLXIX.

Circa publ. cultum Dei.

Plura quoque sunt ad exteriorem Dei cultum spectantia, quae nihilominus viri Regulares, absque Praesulis annutu, vel eo contradicente, neutiquam agere possunt. Etvero

I. Praevaricantes ea, quae praecepta sunt atque prohibita in Concilio Tridentino, circa Missarum celebrationem, Episcoporum correctioni subiiciuntur. z) II. Iuxta declarationem S. Congr. Concilii Trid. Interpretum die 17. Augusti 1630. factam, Regularibus non

li-

x) Trid. sess. XXIV. decr. de reform. matr. cap. 1.

y) Ex citata Greg. XV. constitut. ad quam provocat Ben. XIV. de Syn. Dioec. lib. IX. cap. 15. num. 9. et 11. z) Trid. sess. XXII. decr. de observ. etc. in celebr. Missae.

licet Sacramentum Eucharistiae, etiam in propriis eorum Ecclesiis adorandum exponere, nisi fuerit causa publica, per Ordinarium recognita; ob causam vero privatam sic licet, ut e Tabernaculo Sanctissimum non protrahatur; sitque insuper velatum, ne sacra hostia videri possit. a) III. In Ecclesiis, ubi curam animarum ex officio exercent, ad praedicandum verbum Dei, etiam per censuras compelli possunt. b) IV. Etiam in Ecclesia proprii Ordinis, ad praedicandum ceteroquin a legitimo superiore probatus, ab Episcopo illic praesente benedictionem petere debet; c) atque isto contradicente, nec in sui Instituti Ecclesiis annunciare Verbum Dei potest; d) ut vero in aliis non sui Ordinis Ecclesiis munere hoc defungi licite queat, ultra licentiam proprii Superioris, etiam Episcopalem habere debet. e) V. Si Regularis etiamsi exemptus ab Episcopi iurisdictione, annunciet populo quospiam errores, aut quaedam scandalosa

dis-

- a) Apud Bened. XIV. de Syn. D. lib. IX. cap. 15. num. 3. b) Trid. sess. V. de ref. cap. 2. c) Trid. cit. cap. d) Trid. sess. XXIV. de ref. cap. 4. e) Idem sess. V. de ref. cap. 2.

disseminet pro concione, non modo interdici illi praedicationem Episcopus, verum contra eum procedere quoque potest. f) VI. Regulares, vocati ad publicas Processiones, venire debent. g) VII. Festa per Episcopum annunciata, per quoslibet, ceteroquin exemptos, de lege observanda sunt. h) Ieiunia per eum indicta, vitandi scandali causa, congruit, ut cum ceteris observent. i) VIII. Nemini, quamvis exempto, licet ullibi, etiamsi in exempta Ecclesia, insolitam exponere imaginem, nisi per Episcopum fuerit approbata; neque nova recipere miracula, novasve Reliquias, nisi eodem recognoscente, et approbante Episcopo. k) IX. Regulares publice docturi, Catholicae fidei professionem elicere coram Episcopo debent, secundum formam a Pio IV. Pontifice praescriptam. l)

§. CCLXX.

f) Trid. ibid. g) Trid. sess. XXV. decr. de Regular. cap. 13. h) Trid. cit. nunc decr. cap. 12. i) Bened. XIV. de Syn. D. lib. XIII. cap. 4. num. 7. k) Trident. sess. XXV. decr. de invocat. venerat. et reliqv. Sanctor. et sacr. imag. l) Vide eandem ad calcem Conc. Trid. et adde Ben. XIV. de Syn. Dioec. lib. IX. cap. 15. num. 11.

§. CCLXX.

Circa curam animarum.

Cum praeterea Synodus Tridentina, æquum esse agnoverit, ut, quaecumque in Dioecesi ad cultum Dei spectant, *ab Ordinario diligenter curentur, atque iis, ubi oportet, provideantur*: m) constituit etiam, ut Beneficia quaevis Ecclesiastica monasteriis unita, ipsaeque Personae Regulares, in monasterio degentes, quibus incumbit animarum cura, subsint immediate in iis, quae ad dictam curam, et Sacramentorum administrationem pertinent, iurisdictioni, visitationi, et correctioni Episcopi, in cuius Dioecesi sunt sita. n) Ne autem hoc decretum sinistris explanationibus maneret obnoxium, Gregorius XV. Pontifex providit. o) Praeterea negligentiam,

m) Trid. sess. XXI. de ref. cap. 8. n) Trid. sess.

VII. cap. 7 Sess. XXI. cap. 8. Sess. XXIV. cap.

9. Sess. XXV. decr. de Regul. et monial. cap. 11.

o) Citata superius constitut. *Inscrutabili*. Cuius haec sunt ad rem praesentem verba: „Ut deinceps tam „Regulares, quam saeculares quomodolibet ex- „empti, sive animarum curam personarum saecu- „larium monasteriis, seu domibus regularibus, „aut quibusvis aliis Ecclesiis, vel Beneficiis, sive

in collatione Beneficiorum Ecclesiasticorum a Regularibus commissam, Episcopus, quae sedis Apostolicae delegatus, habet supplendi potestatem. p)

§. CCLXXI.

„saecularibus, sive regularibus incumbentem ex-
 „erceant, sive alia Ecclesiastica Sacramenta, aut
 „unum ex illis ministrent, praevia Episcopi licen-
 „tia, et approbatione, sive quovomodo in di-
 „ctae curae exercitio, aut in eorumdem Sacramen-
 „torum, vel alicuius ex illis administratione de fa-
 „cto, absque auctoritate se ingerant in his, quae
 „huiusmodi curam, seu administrationem concer-
 „nunt, omnimodae iurisdictioni, visitationi, et
 „correctioni Dioecesani Episcopi, tamquam sedis
 „Apost. delegati, plene in omnibus subiiciantur.
 „Ad haec tam Regulares, quam saeculares huius-
 „modi nullis privilegiis, aut exemptionibus tueri
 „se possint, quominus, si deliquerint circa per-
 „sonas intra septa degentes, aut circa clausuram,
 „vel circa bonorum administrationem monasterio-
 „rum monialium, etiam Regularibus subiectarum,
 „ab Episcopo loci similiter tamquam ad hoc sedis
 „Ap. delegato, quoties, et quando opus fuerit,
 „puniri, et corrigi valeant.“ p) Cap. un. de sup-
 plenda neglig. Praelator. in Clement.

§. CCLXXI.

Circa iurisd. Epp.

In cuius personam delinquentes Religiosi, et eius impedire volentes iurisdictionem, hoc etiam nomine, illius subsunt correctioni; quemadmodum a S. Congregatione Concilii Tridentini interpretum, fuisse olim declaratum, Benedictus XIV. Pontifex maximus adnotavit. q) Iidem literas dimissorias pro suscipiendis Ordinibus concedere: vel Ordines, propriis quidem subditis, at minime Regularibus, conferre haud possunt. r) Censuras ab Ordinariis promulgatas, ad eorundem mandatum, (salvo Regis Apostolici in isthac materia iure, inferius commemorando) promulgare, et observare; s) uti etiam ad Synodum Episcopalem, (§. XCI. seq.) nisi specialiter exempti ab hac obligatione fuerint. (§. CCXXXVII.) de lege communi debent. Episcopi praeterea visitationi subiacent Monasteria *commendata*, qualitercumque exempta, in quibus non viget disciplina regularis.

- q) De Syn. D. lib. IX. cap. 15. num. 11. r) Trid. sess. XXIII. de ref. cap. 10. s) Trid. sess. XXV. de regul. cap. 12.

ris. t) Neque Religiosae domus erigi possunt, absque Praesulis, in cuius Dioecesi erigendae sunt, licentia speciali. u) Ordinationis praeterea gratiam petere ab Episcopo loci, in quo degunt, de iure communi obligantur. v) Nam facultates concessas recipiendi Ordines a quocumque Praesule, Concilium Tridentinum hoc pacto restrinxit, ut illae non suffragentur, nisi legitimam causam habentibus, ob quam a proprio Episcopo gratiam ordinationis petere non possint, in literis exprimendam; et neque tunc ordinentur ab alio Praesule, quam in sua Dioecesi residente, aut ab eo, qui huius loco Pontificalia exercet; et examine praemisso. w) Hoc autem examen a proprio Episcopo institui debet. x) Indulserat quidem Pius V. ut Religiosi mendicantes, irrequisito Ordinario, per alie-

- t) Idem sess. XXI. de ref. cap. 8. u) Idem sess. XXV. decr. de regular. cap. 3. Adde merito Ben. XIV. de Syn. D. lib. IX. cap. 1. num. 9. v) Trid. sess. XXIII. decr. de ref. cap. 8. et 10. item cap. 3. de temp. ord. in 6. w) Trid. sess. VII. de ref. cap. 11. x) Idem sess. XXIII. de ref. cap. 3.

alienum Antistitem possint ordinari; y) At vero hanc facultatem Gregorius XIII. revocavit. z) Sacra insuper Congregatio Concilii Tridentini Interpretum, anno 1596. die 15. Martii declaravit, non licere Praelato Regulari, literas dimissoriales concedere suis Regularibus ad suscipiendos Ordines a quocumque Antistite, verum teneri illas dirigere ad Antistitem Dioecesanum; qui si abfuerit, vel non est celebraturus Ordinationem, posse dimitti subditos ad alium Praesulem, dummodo studiose concessio dimissorialium literarum non fuerit ad illud tempus dilata, quo praevidebatur Episcopus vel futurus absens, vel ordinationem habiturus non esse. a)

§. CCLXXII.

Circa privatas act.

Sunt praeterea Regulares. quamvis exempti, quoad nonnullas actiones privatas, iuris-

- y) Constitut. quae incipit: *Et mendicantium*. z) Constitutione: *In tanta*. Ad quas provocat Espenius Iuris Eccl. univ. parte II. sectione 1. tit. 9. cap. 2. num. 37. a) Apud. Bened. XIV. cit. op. libro IX. cap. 17. num. 2.

jurisdictioni Praesulum subiecti. Nam degentes extra monasterium, si deliquerint, ab Ordinario loci, veluti super hoc a sede Apostolica delegato, secundum canonicas sanctiones visitari, puniri, et corrigi possunt. b) Quo iure potest uti Ordinarius in illos, qui studiorum causa mittuntur ad Universitates Literarias, nisi in domo regulari commorentur. c) In claustris vero degentes, verum extra haec delinquentes cum populi scandalo, nisi ad Episcopi postulationem a Praelato suo, intra praefixum tempus fuerint puniti, per Ordinarium corrigi iubentur. d) Ratione contractuum, mercedumque debitarum, extra claustrum degentes, Episcopi subsunt jurisdictioni. e) Quicumque item Confraternitatibus laicorum, hospitalibus, et quibuscumque piis locis praesunt. f) Praeterea, qui

- b) Trid. sess. VI. de ref. cap. 3. c) Idem sess. XXV. decr. de regular. cap. 4. d) Cit. nunc decr. cap. 14. Adde Espen Iuris Eccl. univ. parte III. tit. 12. cap. 6. num. 17. e) Cap. 1. de privil. in 6. Trid. sess. VII. de ref. cap. 14. f) Cap. 2. de relig. domib. in Clem. Trid. sess. VII. cap. 15. Sess. XXII. cap. 8. et 9. Sess. XXV.

qvi e Regularibus cum facultate Superiorum, testamenta exeqvuntur, rationem peracti officii reddere tenentur Episcopo, siqve in illo deliquerint, per eundem Episcopum puniri quoque possunt. g) Prouti etiam illi, qvi Monialium turbant clausuram. h) Qvi a suis Conventibus recedunt, etiam praetextu ad Superiores eundi, sine horum mandato, in scriptis obtento, ubicumqve reperti, ab Ordinariis locorum, tamqvam Ordinis sui desertores puniri possunt. i) At vero S. Congregatio Concilii Tridentini interpretum anno 1624. declaravit, qvod fugitivi et apostatae, sive habitum regularem deferant, sive non, possint ac debeant ab Episcopo loci, ubi moram trahunt, in carceres coniici, ac superioribus Regularibus consignari, ut secundum regulam Ordinis sui puniantur. k)

§. CCLXXIII.

cap. 8. Adde Bened. XIV. de Syn. Dioec. lib. XIII. cap. ult. num. 6. g) Cap. unico de testam. in Clem. h) Cap. un. de statu monach. in 6. Conc. Trident. sess. XXV. de regular. cap. 5. Adde Bened. XIV. cit. op. lib. IX. cap. 15. num. 7. i) Trid. sess. XXV. de regular. cap. 4. k) Apud Bened. XIV. cit. op. lib. XIII. cap. 11.

§. CCLXXIII.

Conventus in sensu leg. Hung.

Qvaedam contubernia Religiosorum, partim subsistentia, partim restituta postliminio, qvaedam vero quantum ad sui ordinis viros, penitus abolita quidem, sed superstitute authentico sigillo, tabulario, et fidedignitate virorum, qui iureiurando obstricti, curam istorum gerunt, *Conventus* vocantur in patria lege, numeranturque hodie sequentes: S. Adriani de Szalavár, l) S. Benedicti de iuxta Gron, m) S. Martini de sacro monte Panno-

num. 14. Plura de restrictis exemptionibus, Conc. Trid. sess. XXIV. decr. de reform. cap. 11. Item Espen in repagulo canonico adversus nimiam exemptionum a iurisdictione Epp. extensionem, Opera tom. VI. ultimae edit. Venet. l) Est Ord. S. Ben. in Com. Zalad. Dioec. Wefzpr. fundatus per S. Steph. Regem ante ann. 1024. uti huius anni diploma ostendit, productum a RR. Steph. Katona, hist. crit. R. H. T. I. pag. 313. et alterum diploma S. Ladislai Regis anni 1091. quod legitur ap. eund. Katona cit. op. T. II. pag. 565. Coniunctus cum Monasterio Gottwicensi in Austria, anno 1715. De illo art. 52. 1609. m) Olim perinde Ord. S. Bened. in Comit. Barsiensi, Dioecesi

noniae, n) S. Crucis de Lelesz, o) S. Ioannis Bapt. de Iászov. p) B. Mariae Virginis de

Strigon. Iuxta Petri Pázmány notationem in append. II. ad Synodum anni 1629. fundatus a Geysa I. anno Christi 1075. Nunc sub dominio, et cura V. Capituli Strigoniensis. n) Cum in titulari Calendario dicitur S. Benedicti, Ordo intelligendus est, pro quo in honorem S. Martini fundatum est monasterium a S. Rege Stephano, et privilegio singulari donatum anno 1001. In Comitatu, et Dioecesi Iaurinensi situm. Fidedignitas ei restituta fuit art. 44. 1723. o) Ordinis Praemonstratensium in Comitatu Zemplin, et Dioec. Agriensi, fundatus a Boleslao Episcopo Vaciensi; quem in Testam. a. 1214. condito locupletavit. Legitur ap. Katona Hist. crit. T. V. pag. 181. Amisam iniuria temporis Praeposituram, Augustinus Benkovich Ep. M. Varad. an. 1700. Praemonstratensibus resignavit; et facta inter Abbates ac Praepositos Ord. huius conventionem, Praepositura haec anno eodem, Conventui Lucensi in Moravia cessit. Confer Pray in specim. Hier. Hung. parte I. pag. 35. et meas Amoenit. hist. Eccl. Hung. fascic. VI. num. II. §. 9. Mentio conventus Lelefsziensis habetur art. 21. 1557. art. 49. 1559. art. 49. 1609. et sigillum eius renovari iubetur art. 103. 1655. p) Fundatorem, et annum foundationis non adno-

de Thurocz, q) et S. Michaelis de Csorna. r) Qvicumqve in istis munere funguntur, *Con-*
ven-

tavit Pazmannus in cit. superius append. Est autem Ord. Praemonstratensium. De quo faciunt leges patriae mentionem, utpote 1557. art. 21. 1609. a. 50. situatur in Dioec. Agr. et Comit. Abaujvariensi: q) Olim aeqve Ord. Praemonstr. fundatus a Bela quarto Rege anno 1252. uti docent eius literae fundationales, ap. Laur. Károlyi in speculo Eccl. Iaurinensis pag. 45. Bona eius anno 1586. a Rudolpho Imp. ac Rege consequuti erant PP. soc. Iesu: Amissa temporum iniuria, denuo receperunt. Spectant hodie ad generalem fundum studiorum, in Dioccesi Neosoliensi, et Comitatu Thurocziensi sita: Tabularii Thurocziensis, viciniore Parochi curam gerunt, sub *Conventualium* adpellatione. De Praepositura Thurocziensi plura leges in meis Amoenit. fascic. VI. num. II. §. 10. r) Ord. Praemonstr. scribitur fundatus esse circa ann. Christi 1180. Huius Praepositura fuit suo restituta Ordini anno 1694. et incorporata Conventui Pernecensi. Qui illam anno 1711. cessit Moravico Conventui Gradecensi: Vide amoenit. Hist. Eccl. R. H. cit. fasc. num. II. §. 9. Fit istius Conventus mentio in legibus Hungaricis, nimirum 1613. a. 32. 1647. a. 121. 1655. a.

ventuales personae audiunt, iisque hoc nomine eadem sunt iura, eademque onera, quae Capitulis, velut locis credibilibus, iuxta legem patriam esse, loco opportuno (§. CCXXXI.) dixeram, cum leges domesticae, de utrisque idem decernant.

§. CCLXXIV.

Clericorum in genere.

Quoscumque hactenus enumeravi, ceu ad Ecclesiae gubernationem aliquomodo influentes, expositis eorundem tam iuribus, quam obligationibus, *Clerici* sunt, personae videlicet, cultui Divino, muneribusque sacris, per ordinationem specialem destinatae. Haec adpellatio, quemadmodum est vetustissima, s) ita memoratis dumtaxat propria personis; sumta nimirum a voce graeca *kléros*, id est, *sors*: vel quia de sorte sunt Domini, vel quia ipse Dominus sors, id est, pars Clericorum est, veluti S. Hieronymus advertit. t) *Ceteri*

39. situatus est in Comitatu Soproniensi, et Diocesi Iaurinensi. s) Legitur in epistolis S. Cypriani, pag. 61. 110. 140. editionis Tarnav. t) In epist. ad Nepotianum.

teri enim quique Fideles *laici* sunt, sive populares, ita dicti, a Graeca rursum voce: *laos*, quae populum designat.

§. CCLXXV.

Iura sustentationis.

Clericis titulo sacri ministerii, quod gerunt, a populo deberi alimenta, lex Evangelica docet; u) et Paulus Apostolus operose demonstrat, sibi ac Barnabae praedicationis consorti, ius fuisse victui necessaria sumendi a Corinthiis, noluisse vero ad evitandam offensionem. Primum sumit argumentum e ratione naturali, quotidianis exemplis illustrata, dum utitur exemplo militum, vinicolarum, ac pastorum, quaerendo: *quis militat suis stipendiis unquam? quis plantat vineam, et de fructu eius non edit? quis pascit gregem, et de lacte gregis non manducat?* v) Progreditur, sumto argumento a lege veteris testamenti, quae praecipit, ut bovi trituranti os ne obturetur, w) et quaerit: *numquid de bobus cura est Deo? an propter nos utique*

P 2

hoc

u) Matth. X. 9. 10. Lucae VIII. 2. Lucae X. 7.

v) 1. Corinth. IX. 7. w) Deut. XXV. 4.

hoc dicit? nam propter nos scripta sunt; ac sequens interrogatio illius, conclusio est argumenti: si nos vobis spiritualia seminavimus; magnum est, si nos carnalia vestra metamus? Urget argumentum, a veteris testamenti Sacerdotibus petatum, quaerens: nescitis, quoniam qui in sacrario operantur, quae de sacrario sunt, edunt: et qui altari deserviunt, cum altari participant? ne enim lex ista mere caerimonialis fuisse putetur, ideoque sublata, protinus concludit: ita et Dominus ordinavit iis, qui Evangelium annunciant, de Evangelio vivere. x) Non probat assertum hoc noviter Apostolus, sed firmum stare supponit, Timotheo discipulo, atque iam Episcopo haec talia scribens: qui bene praesunt Presbyteri, duplici honore digni habeantur: maxime qui laborant in verbo, et doctrina. Dicit enim Scriptura: non alligabis os bovi trituranti. Et: Dignus est operarius mercede sua. y) Haec ipsa fuerat primis illis, beatissimisve temporibus, Christianorum sententia. Nam Beatus Cyprianus, postquam retulisset, solam Leviticam tribum

in

x) Cit. cap. v. 9 — 14, y) 1. Timoth. V. 17. 18.

in divisione terrae promissae, nihil de illa divisionis portione percepisse, idque factum fuisse Divina auctoritate, ut scilicet, *qui operationibus Divinis insistebant, in nulla re avocarentur; nec cogitare, aut agere saecularia cogerentur*: Mox subiecit: *quae nunc ratio, et forma in clero tenetur, ut qui in Ecclesia Domini, ordinatione clerica promoventur, in nullo ab administratione Divina avocentur, nec molestiis, et negotiis saecularibus alligentur, sed in honore sportulanti-um fratrum, tanquam decimas ex fructibus accipientes, ab altari, et sacrificiis non recedant, sed die, ac nocte coelestibus rebus, et spiritualibus serviant.* z) Assertionem, quam id aequum esset, quod et Paulus, et Cyprianus voluere, firmabat consuetudo. Tantis quippe proventibus abundare coepit Ecclesia, ut sub finem quinti post natum Christum saeculi, Simplicius, Gelasius, et Gregorius Romani Pontifices, quatuor ex iis proventibus iusserint fieri partes, quarum una Praesuli, altera Clericis Ecclesiae servientibus, tertia pauperibus, quarta fabricis Eccle-
sia-

z) In epist. ad Cler. et plebem Furnitanorum.

siarum applicaretur. a) Et quamvis quadripartita subdivisio haec, circa saeculi IX. exordium, antiquata fuisse scribatur, b) erigi nihilominus coeperunt specialia pro Clericis Beneficia, quae in hodiernum usque diem perseverant.

§. CCLXXVI.

Nec tamen ut mercedis.

Neque tamen illud, quod Clericis titulo sacri muneris obtingit, mercedis adinstar, verum uti stipendium, quo deficiente, sacrum non posset impleri Ministerium, spectari debet. Secus committetur simoniae peccatum, repugnans Christo dicendi: *gratis accepistis, gratis date.* c) Quam in rem apte Gregorius Magnus: *considerandum est, quod uni numero operi duae mercedes debentur: una in via, altera in patria; una quae nos in labore sustentat, alia quae nos in resurrectione remunerat. Merces itaque, quae in*
prae-

- a) Can. 23. 25. seqq. caus. 12. quaest. 2. Adde Espen Iuris Eccl. univ. parte II. sect. 4. tit. 1. cap. 6. b) Lege Claudii Fleuri Institut. Iuris Eccl. parte II. cap. xl. c) Matth. X. 8.

praesenti accipitur, hoc in nobis debet agere, ut ad sequentem mercedem robustius tendatur. Verus ergo quisque praedicator non ideo praedicare debet, ut in hoc tempore mercedem recipiat, sed ideo mercedem recipere, ut praedicare subsistat. Quisquis namque ideo praedicat, ut hic vel laudis, vel muneris mercedem recipiat, aeterna proculdubio mercede se privat. Quisquis vero per ea, quae dicit, ideo placere hominibus appetit, ut dum placet propter quod dicitur, per eadem dicta non ipse, sed Dominus ametur; vel idcirco terrena stipendia in praedicatione consequitur, ne a praedicationis voce per indigentiam lassetur; huic proculdubio ad recipiendam mercedem nihil obstat in patria, quia sumptus sumpsit in via. d)

§. CCLXXVII.

Ius immun. person.

Est praeterea Clericis commune ius immunitatis personalis, cuius praesidio, a communi laicorum subiectione ac foro, et a com-
mu-

d) S. Aug. lib. 2. de sermone Domini in monte cap. 16.

muni onere personali, sunt exempti. Dum haec immunitas, asseritur esse Divini iuris, merito assentiendum est, quoties onera civilia, a Sacro illos munere vel magnopere impediunt, vel penitus avellunt. Salva libertate Ministrorum Ecclesiae, quae Principum Christianorum favore concessa est, salva quoque manere debet Patrum doctrina. (§. CLXVII.) Ceteroquin superflua videtur esse apud nos indagatio, in originem eius exemptionis, dum novimus, Clericos illa hic terrarum atque gentium, e mutua utriusque potestatis, sacrae nimirum, e) atque profanae, f) suavi consensione, ferme penitus gaudere. Cui facta renunciatio, firmata licet iurando iure, neutiqvam valet. g) Imo Concilium Tridentinum, quamlibet immunitatem, rerum atque personarum Ecclesiasticarum, velut *Dei ordinatione, et Canonicis sanctionibus constitutam*, exacte ab omnibus observandam decrevit. h) Quae tamen expressio, latius puta-

- e) Cap. 4. 8. 17. de iudiciis. Cap. 2. de foro comp. Cap. 4 de immun. Eccl. in 6. f) Istud quintus abhinc §phus demonstrabit. g) Cap. 12. de foro compet. h) Sess. XXV. de ref. cap. 20.

tatur sumenda; quatenus videlicet consona est haec immunitas iis, quae de sacerdotum immunitatibus, in Codice saero leguntur. i)

§. CCLXXVIII.

Ab iriuria corporali.

Specialis Clericorum immunitas est, quam adpellamus *privilegium canonis*, in eo situm, quod svadente diabolo manus iniiciens in Clericum, anathematis vinculo subiaceat, et excepto mortis periculo urgente, a nemine Episcoporum absolvi possit. k) Qvi canon, cum non tam in favorem Clerici, quam totius ordinis Clericalis fuerit conditus, nemo illi renunciare potest. l) Sed non incurrit poenam hanc percutiens laedensve Clericum, ex animi levitate, vel ioco; m) aut ex munere, in correctionem; n) repellens item in continente vim, a Clerico sibi illatam. o)

Ne-

- i) Gen. XLVII. 22. 26. Esdrae VII. 24. k) Can. 29. caus. XVII. qv. 4. Cap. 9. de vita et honest. Cler. Cap. item 3. de sententia excomm. l) Cap. 36. de sent. excomm. m) Cap. 1. de sent. excomm. n) Cap. 1. 15. eod. tit. Cap. 15. eod. tit. in 6. o) Cap. 3. eod. tit.

Neque etiam, percutiens Clericum turpiter conversantem actu, cum propria cognata; p) aut Divina turbantem; q) vel post tertiam admonitionem Praelati, sine tonsura et habitu Clericali incedentem. r) Uti nec is, qvi bona fide ignorabat esse Clericum, qvem percussit; s) imo etsi ratam habuerit factam ab alio percussionem, dummodo in eam non influxerit. t) Non incurrit praeterea excommunicationem, qvi Clericum percussit tabernarium, macellariumve, simul, non obstante trina admonitione, laicorum more vestitum; u) aut propria indutum veste, nihilominus bigamum; v) aut eum, qvi non virginem duxit; w) aut per annum in theatro histrionem egit. x)

§. CCLXXIX.

p) Eod. cap. q) Cap. 16. eod. tit. r) Cap. 45. eod. tit. Adde Ben. XIV. de Syn. D. Lib. 12. cap. 6. num. 4. s) Cap. 4. eod. tit. t) Cap. 23. eod. tit. in 6. u) C. 1. de vita et honest. Clericorum. v) Cap. un. de bigamis in 6. Conc. Trid. sess. XXIII. de ref. cap. 6. w) Cit. cap. un. de big. in 6. x) Eod. cap.

§. CCLXXIX.

Ius immunit. realis.

Iidem Clerici gaudent iure immunitatis realis, quatenus Bona, quae titulo muneris Ecclesiastici possident, quamvis origine spectata, Civili Reipublicae subsint, (§. CLXVIII.) nihilominus, primum favore Christianorum Principum, y) postmodum lege communi Ecclesiastica ab oneribus publicis fuerunt exempta. z) Quodsi refrices declarationem Tridentinae Synodi, (§. CCLXXVII.) hanc quoque immunitatem ad ius Divinum referre oportebit; quatenus prohibetur ea proventuum Ecclesiasticorum subtractio, ex qua sequi deberet rerum sacrarum neglectus; et quatenus istius quoque immunitatis, in iure Divino testamenti veteris, exempla reperiuntur, paulo superius adducta. Denique Bona Ecclesiastica hac quoque gaudent immunitate, quod alienari minime possint. a)

§. CCLXXX.

- y) Vide Espen Iuris Eccl. univ. parte II. sect. 4. tit. 3. cap. 4. z) Cap. 4. et 7. de immun. Eccl. Cap. 6. de censib. in 6. a) Can. 1. caus. 10. qv. 2. Can. 13. caus. 12. qv. 2. Item Cap. 1. seqq. usque 12. de reb. Eccl. non alienandis etc. Cap.

§. CCLXXX.

Benef. competentiae.

Asseritur praeterea Clericis *beneficium competentiae*, ut vocant, quo Clericis non habentibus, unde creditoribus plene satisficiant, salvam nihilominus retinent ratam, ex qua congrue subsistant. b) Sed cum ex ea lege, quae hanc in rem adducitur, sola immunitas ab excommunicatione erui possit, propter impotentiam solutionis incurrenda: rectius utique ab usu diuturno desumendum est *competentiae beneficium*. Quod tamen haud praestat tutelam, si debitor occultet possessa; cum citata lex faveat Clerico, qui *propter rerum inopiam solvere non valet*. Item, si impotentia solvendi nata fuerit ex delicto; quoniam inopibus, non vero delinquentibus iura favent. c) Neque competit pervicaciter in iudicio debitum neganti. d) Nec denique recusanti praestare cautionem, de persolvendo, si ad pingviorem venerit fortunam. e)

§. CCLXXXI.

2. eod. in 6. Cap. un. eod. in extrav. comm. b) Citatur cap. 3. de solutionibus. c) Argum. cap. 5. de dolo et contumacia. d) Idem. e) Idem ca.

§. CCLXXXI.

Cleri Hung. iura.

Quamvis pleraque ex assertis Clero iuribus, etiam in Ecclesia Hungarica locum habeant, sunt nonnulla tamen, quae salva legum patriarum libertate, sustineri apud nos minime possunt; quin ideirco Ecclesiasticae posestati omnimode independenti, (§. CLXV.) quippiam derogetur. Quemadmodum id ex antehac assertis patet. (§. XV.) Sed ad rem: omnes personae, ad ministerium Clericale, per Ordinationem sacram ab Orthodoxo Antistite suscepti f) destinatae, simul sumtae, *Venerabilis Cleri* nomine compellantur. g) Eadem praerogativa, libertateque cum ceteris Regni Hungariae Nobilibus gaudent. h) Quare tam hoc nomine, quam quod insuper pri-

put. Adde Ioann: Szegedi tripart. Iuris Hung. Tyrocinium parte II. tit. 45. f) Qvoad ceteros regulam teneo S. Pauli Ap. 1. Cor. V. 12. Illi quoque suas iam habent praerogativas ex art. 10. 1792. et ex B. Resol. Regia, die 21. Ian. 1794. via Exc. Cons. Locumt. Hung. publicata. g) Art. 16. 1715. h) Trip. parte I. tit. 2. et 12. Item parte II. tit. 11. et 44.

privilegium Canonis (§. CCLXXVIII.) leges quoque domesticae manuteneant, i) Clericum verberare cautum est, sub poena in foro spirituali pronuncianda. Ad nullius quoque instantiam, vel accusationem in persona capi, detinerive, aut damnari possunt, ordine iudiciario non condemnati. k) Nihilominus in casu criminis laesae Maiestatis Regiae; notae infidelitatis; deliberati praeterea homicidii aut latrocinii, subiacent foro, et processui cum saecularibus aequali; atque convicti per sententiam, praemissa degradatione, poenam capitis luunt. l) In ceteris namque delictis personalibus, suorum Ordinariorum iudicio subiiciuntur. m) Quamvis igitur secundum patriae legis assertum, persona spiritualis, et Ecclesiastica, contra saecularem, et e converso saecularis adversus spirituales, aequali poenae, et gravamini subiaceat. n) Nihilo-

- i) Art. 3. 1462. et art. 17. 1764. k) Andr. II. decr. de an. 1222. art. 2. item Trip. parte I. tit. 9. Art. 5. 1723. l) Trip. parte II. tit. 44. m) Colom. decr. lib. I. cap. 5. 6. 14. item ab opposito partis I. tit. 44. n) Art. 38. 1439. Trip. parte II. tit. 44. Item art. 16. 1647.

minus ob reverentiam Sacrorum Canonum, obtinuit apud nos consuetudo, ut ob quamcunque violentiam Clericus, non citetur ad forum saeculare, verum Praelato suo denunciatur, qui servatis de iure servandis, satisfactionem impendet. o) Insuper, quamvis privilegium illud, iurandi duntaxat *in puritate conscientiae*, solum de Praelatis in lege nostra sonet: p) de more tamen, quoties iurandum est in iudicio, ad inferiores etiam Clericos illud extendi, experientia docet. q) Exceptis criminibus antea commemoratis, propter cetera delicta, per articulum 10. anni 1723. recitata, Clerici non poenam capitis, sed emendae capitis poenam, r) subi debent. s) A militum condescensione; t) a solutione teloniorum, u) et a praestatione da-

o) Consule Szegedi tyroc. iuris parte 2. tit. 44. §.

1. p) Trip. parte II. tit. 49. q) Consule Sze-

gedi cit. op. ad hunc tit. r) Haec est respectu

Praelator. et Baronum in 400. respectu nobilium

in 200 florenis iuxta Trip. part. 2. tit. 43. s)

Trip. parte II. tit. 42. Constitut. Nobil. Slav.

art. 10. 1538: denique art. 10. 1723. t) Art. 58.

1618. Item a. 46. 1635. a. 44. 1638. a. 43. 1715.

u) Art. 10. 1458.

datiarum, collectarum, tributorum, vectigaliumque, per legem patriam sunt immunes. v)

§. CCLXXXII.

Et Cleri Graeco - Cathol.

Iura nunc enumerata, Graeci quoque Ritus Clero Catholico, speciali Regum Apostolicorum favore competunt. Clerici enim hi ac Sacerdotes, postquam redierunt ad obedientiam Romani Pontificis, w) utpote solis iam ritibus externis a Clero Latino discrepantes, in Synodo Nationali, anno 1648. per Georgium Lippai de Zombor Strigoniensem Archiepiscopum Tirnaviae celebrata, *pro veris membris Catholicae Ecclesiae agniti, et admissi sunt, et consequenter privilegiorum, ac libertatum aliorum Catholicorum Sacerdotum participes effecti.* x) Postmodum

v) Titulo scil. communis praerog. nobilitatis iuxta Trip. parte I. tit. 9. Item per leges speciales, utpote art. 10. 1458. et art. 83. 1492. w) Huius rei exordia et progressum, vide in mea hist. Relig. et Eccl. Christ. vol. II. periodo ult. §. XXV. seq. x) Ita legitur in gravaminibus anno 1659. occasione Comitiorum Leopoldo I. Regi porrectis,

dum anno 1692. die 23. Augusti, rursumque anno 1693. die 14. Aprilis Leopoldus I. Rex datis ad Gubernium Transylvanicum Literis, promittebat: *qui ex sacerdotibus Graeci ritus apud Catholicos cum agnitione summi Pontificis se declaraverit. iisdem prorsus iuribus, privilegiis, exemptionibus, ac immunitatibus frui, et gaudere debeat, quibus Sacerdotes Romano-Catholici, sive Ritus Latini, iuxta Sacrorum Canonum sancita, et Divorum Hungariae Regum statuta, frui, ac gaudere di-*

nomine Ruthenorum Catholicae Religioni unitorum. Inter MSS. Petri Szirmay volum. II. quae hodie possidet Antonius Szirmay, laudatus propter haec in vestigiis Comitiorum ap. Hung. praefat. pag. XIV. et in Instituto Diplomatico historico I. R. Hung. pag. 75. Quae mecum etiam fuere liberaliter communicata. Citatae in §pho Synodi decreta, lucem publicam nondum viderunt. Exstant vero propositiones factae in illa Synodo ap. Péterffium Con. Hung. T. II. pag. mihi 377. inter quas vicesima tertia, illud agendum optat, ut Sacerdotes Rutheni ad gremium Ecclesiae Catholicae reduces, privilegiorum Status Ecclesiastici, ac libertatis participes efficiantur.

dignoscuntur. y) Qvam Augusti Principis declarationem Leopoldus a Kollonits Archiepiscopus Strigoniensis, die 2. Iunii anno 1698. Graeci Ritus Valachis Sacerdotibus, per Hungariam, Transylvaniam, partesque eidem adnexas, existentibus, per literas publicas notam reddebat. z) Dictis immunitatibus Clerum Graeci Ritus Catholicum perinde frui debere, supponebat articulus 69. anni 1723. decernens: *ut unitorum Graeci ritus Sacerdotum filii, in Presbyteratu nati, in statum, et conditionem colonicalem non reducantur, talesque praevis capacitati, et eruditi, in Presbyteratum assumi, et ordinari possint. Qui vero Presbyterorum filii in fundis colonialibus residerent, a talibus fundis iuxta initam, vel ineundam cum dominis terrestribus conventionem, in, et ab iisdem contribuere, ac ad communia onera concurrere debeant.* Pro immunitatibus denique Cleri

Ri-

y) Ita legitur ap. Franc. Fasching in *Nova Dacia* parte I. pag. 23. et in op. Andreae Illia, inscripto: *ortus, et progressus variar. in Dacia gentium, ac Religionum.* §. 3. z) Leguntur ap. Laur. Károlyi in *speculo Eccl. Iaur.* pag. 113.

Ritus Graeci Catholicorum, ab opposito licet argumentari, ex ea Reginae Mariae Theresiae declaratione, die 27. Nov. 1767. publicata, per quam praeceptum fuit: ut illi, qui recenter sine annutu Episcopi Munkacsiensis, in Rascia, et Moldavia, modo plane a saceris quoque Canonibus summe vetito, Presbyteratum susceperunt, ab omni functione Sacerdotali, sub gravissima animadversione illico inhibeantur, *et nihil suffragantibus praevia ratione susceptis Ordinibus, adinstar aliorum colonorum, communi, et proportionato oneri contributionali subiiciantur.* a) Postremum argumentum est, quod eorum Episcopi Comitii Regni inter Praelatos perinde assistentes, observato consecrationis susceptae ordine, una cum iisdem, in conclusione articulorum Dioetaliu nominati legantur.

§. CCLXXXIII.

Oblig. spir. ob sustent.

Ex iis, quae hactenus enumeravi, iura Clericorum, quaecunque utilia sunt, idcirco

Q 2

sunt

a) Legitur hoc mandatum, inter Resolutiones iussu Excelsi Consilii typis editas, T. II. pag. 315.

sunt collata, ut hi sacro ministerio possint absque impedimento, atque debeant etiam fideliter deservire. (§. CCLXXV.) Quapropter B. Gregorius M. expendens verba Christi asserentis, dignum esse operarium mercede sua, haec subiecit: *quid nos o Pastores! qui, et mercedem consequimur, et tamen operarii nequaquam sumus? Fructus quippe S. Ecclesiae in stipendio quotidiano percipimus, sed tamen pro aeterna Ecclesia minime in praedicatione laboramus. Pensemus, cuius damnationis sit, sine labore hic percipere mercedem laboris. Ecce ex oblatione fidelium vivimus, sed quid pro animabus laboramus? Illa in stipendium nostrum sumimus, quae pro redimendis peccatis suis fideles obtulerunt; nec tamen contra peccata eadem, vel orationis studio, vel praedicationis, ut dignum est, insudamus.* b) Bernardus vero Abbas Clarae-vallensis, ita exclamavit: *vae, vae tibi Clerice! mors in olla, mors in olla carnum, mors in eiusmodi deliciis, non modo, quia secus introitum delectationis posita esse cognoscitur, sed ob id maxime, quia constat, po-*
pu-

puli esse peccata, quae comedis. Sumptus Ecclesiasticos gratis te habere reputas. Cantando, ut aiunt, Bona tibi provenire videntur. Sed bonum erit magis, fodere, aut etiam mendicare. c) Notissimum quippe est iuris Ecclesiastici principium: *Beneficium dari propter officium*; d) quod nimirum beneficiatus Ecclesiae praestat, et propter quod revera dici potest *operarius, dignus mercede sua.*

§. CCLXXXIV.

Temp. erga indigentes.

Dictum praeterea vetus est: *res Ecclesiae, vota esse fidelium, pretia peccatorum, et patrimonia pauperum.* e) Quia scilicet offerentium praecipua fuit voluntas, illa Deo vovendi; et quia res Ecclesiae datae sunt instar eleemosynae, pro redemptione peccatorum, iuxta id quod apud Osee dixit Dominus de Sacerdotibus suis: *peccata populi mei comedent*; f) quatenus comedunt, quod populus pro expiatione peccatorum offert.

Et,

c) In declamat. in Evang. §. 16. d) Cap. ult. de rescript. in 6. e) Can. 59. caus. 16. qv. 1. f) Osee IV. 8:

Et, cum Deus sibi factum fuisse contestetur, quod factum est ex minimis fratribus uni: g) idcirco res datae Ecclesiis, patrimonium pauperum, et adpellantur, et sunt. h) Non quid fiat, verum quid fieri voluerint antiquissimi, et Sanctissimi Ecclesiae Patres, expendamus, quicumque in sortem Domini sumus vocati. Narrabat S. Iustinus, sub annum Christi 166. pro eiusdem Religione Martyr: *qui copiosiores sunt, et volunt, pro arbitrio quisque suo, quod visum est, contribuunt, et quod ita colligitur, apud Praepositum deponitur: atque ille inde opitulatur pupillis, et viduis, et his, qui propter morbum, aut aliquam aliam causam egent; quique in vinculis sunt, et peregre advenientibus hospitibus, et ut simpliciter dicam, indigentium is omnium curator est.* i) Tertullianus Carthaginense Presbyter, sub annum Christi 216. mortuus, Christianam consuetudinem sic narrabat: *Modicam unusquisque stipem menstrua die, vel cum velit, et si modo velit, et si modo possit,*

- g) Matth. XXV. 35. seqq. h) Lege Espen Ius. Eccl. univ. parte II. sect. 4. tit. 1. cap. 3. num. 5. seqq. i) Apol. secunda.

sit, apponit. Nam nemo compellitur, sed sponte confert. Haec quasi deposita pietatis sunt. Nam inde non epulis, nec potaculis, nec ingratis voratrinis k) dispensatur, sed egenis alendis humandisque, et pueris, ac puellis re, ac parentibus destitutis, iamque domesticis senibus, item naufragis, et si qui in metallis, et si qui in insulis, vel in custodiis, duntaxat ex causa Dei sectae alumni confessionis suae sunt. l) S. Cyprianus Carthaginensis Episcopus, et Martyr Christi anno 258. illum, qui paupertatis levandae causa, histrionem egerat, reprehendens, addebat: quodsi penuriam talis, et necessitatem paupertatis obtendit, potest inter ceteros, qui alimento Ecclesiae sustentur, huius quoque necessitas adiuvari. m) Alias praecepit, viduis, aegrotis, peregrinis, et omnibus egenis dari sumtus, de pecunia ipsius, apud Rogatianum Presbyterum relictis. n) Distabat

k) Vocis huius significatio ap. Macri in Hierolexico legitur, et significat *carnivororum*. l) Apologetici cap. 39. m) Epist. ad Euchratium pag. 23. edit. Tirnav. n) Epist. ad Clerum ibid. pag. 147.

bat ab eo Praesule, S. Hieronymus Presbyter, uno atque dimidio saeculo, quippe mortuus anno Christi 420. verum de proventu Ecclesiastico, id ipsum sensit. Aiebat enim: *Gloria Episcopi est, pauperum inopiae providere. Ignominia Sacerdotis est, propriis studere divitiis. - - Turpe est, ante fores Sacerdotis Christi crucifixi, et pauperis, et qui cibo quoque vescebatur alieno, lictores Consulum, et milites excubare, iudicemque provinciae melius apud te prandere, quam in palatio. Quodsi obtenderis, te facere haec, ut roges pro miseris, atque subiectis: Iudex saeculi plus deferet Clerico continenti, quam diviti, et magis sanctitatem tuam venerabitur, quam opes; aut si talis est, qui non audiat Clericos pro quibuslibet tribulatis, nisi inter phylas: libenter carebo huiusmodi beneficio, et Christum rogabo pro iudice, qui magis et citius subvenire potest, quam iudex. o)* Sed haec forsitan pro aetatis duntaxat ingenio, atque rigore, tam

o) In epist. ad Nepotianum edit. Tirnæv. lib. 2. pag. 158. et ap. Gratlanum can. 71. caus. 12. qv. 2.

tam rigida? Igitur transcurramus ad laxiorem multo aetatem, qva vivebat S. Bernardus, anno post Christum natum 1153. mortuus; qvi tamen ad Fulconem nomine, antehac Regularem, nunc vero saecularem Canonicum, cetera inter, haec scripsit: *quia surgis ad vigili-
as, vadis ad Missam, horis chorum nocturnis diurnisque frequentas, bene facis. Sic Ecclesiae praebendam gratis non accipis. Dignum est, ut, qvi altario deservit, de altario vivat. Conceditur ergo tibi, ut, si bene deservis, de altario vivas; non autem, ut de altario luxurieris, ut de altario superbi-
as, ut inde compares tibi froena aurea, sellas depictas, calcaria deargentata, varia, griseaqve pellicea, a collo, et manibus ornatu purpureo diversificata. Denique quicquid praeter necessarium victum, ac simplicem vestitum, de altario retines, tuum non est, rapina est, sacrilegium est.* p) Addere liceat S. Thomam de Aquino Doctorem Ecclesiae, mortuum anno 1274. qvi causam reddebat, cur tanta Bona Clericis data essent. *In nova inquit, lege, decimae dantur Clericis, non*

so-

solum propter sui sustentationem, sed etiam, ut ex iis subveniant pauperibus; et ideo non superfluunt, sed ad hoc necessaria sunt, et possessiones Ecclesiae, et oblationes, et primitiae simul cum decimis. q)

§. CCLXXXV.

D e l e g e E c c l .

Qvodsi in eam delabaris cogitationem: dixisse nimium sanctos licet viros; tales quippe ut essemus cuncti, voluisse, quales et ipsi erant: leges proferam Ecclesiae, quibus obstrepere non licebit. Apostolicos quidem, uti vocantur, adducenti Canones, vereor, ne quis litem moveat, propter alibi dicta; (§. XCIV.) verum testantur saltem illi perpetuum Ecclesiae spiritum, et quicumque ex his adoptati sunt a Gratiano, per illum, suam consequuti fuerunt autoritatem. (§. XCVIII.) Inter hos igitur trigesimus septimus, iuxta alios octavus, inquit: *omnium rerum Ecclesiasticarum curam Episcopus gerito, et eas dispensato, quasi inspectante Deo. Non licitum autem ei esto, quippiam ex iis sibi tanquam*

quam

q) In 2. secundae qv. 87. art. 3. ad 1.

quam proprium assumere, aut cognatis suis
 elargiri, quae Deo dedicata sunt. Quodsi
 pauperes illi sint, ut pauperibus subministra-
 to: non tamen horum praetextu, res Eccle-
 siae venundato. Canon 40. sive 41. a Gra-
 tiano adductus, inquit: praecipimus, ut in
 potestate sua Episcopus Ecclesiae res habe-
 at. Si enim animae hominum pretiosiores
 illi sunt creditae, multo magis oportet eum
 curam pecuniarum gerere, ita, ut potestate
 eius, indigentibus omnia dispensentur per
 Presbyteros, et Diaconos, et cum Dei timo-
 re- et omni sollicitudine ministrentur. r) Prae-
 ter haec, Simplicius Pontifex anno Christi
 475. scribebat quibusdam Episcopis: de re-
 ditibus Ecclesiae, vel oblatione fidelium, quid
 deceat, nescienti nihil licere permittat: sed
 sola Episcopo ex his una portio remittatur;
 duae Ecclesiasticis fabricis, et erogationi pe-
 regrinorum, et pauperum profuturae, a Bo-
 nagro Presbytero, sub periculo sui ordinis
 ministrantur; ultima inter se Clericis, pro
 singulorum meritis dividatur. s) Similia scri-
 psit

r) Caus. XII. qv. 1. can. 24. s) Causa XII. qv.
 2. can. 28.

psit Gelasius Pontifex anno 494. t) Nostras quoque Synodus, a Laurentio Strigoniensi Archiepiscopo, ad ann. Christi 1114. celebrata, hoc pacto decernebat: *Episcopus si tres partes de acquisitis, ad utilitatem Ecclesiae fideliter intulisse videatur, licet ei agere de quarta, quod voluerit.* u) Concilium Lateranense III. anno 1179. celebratum, anathemate ferit laicos, qui onera sua fere universa imponunt Ecclesiis, et quaelibet sibi arbitrantur agenda, *de Bonis Ecclesiarum, et pauperum Christi usibus deputatis.* v) Quapropter Concilium Tridentinum praecipiebat Episcopis, ne ex redditibus Ecclesiae consanguineos familiaresque suos augere studeant, cum et Apostolorum (ita illi) Canones prohibeant, *ne res Ecclesiasticas, quae Dei sunt, consanguineis donent, sed si pauperes sint, iis, ut pauperibus distribuant; eas autem non di-*

t) Ibid. can. 26. et 27. u) Cap. 12. ap. Péterffy T. I. Conc. Hung. pag. 56. Ap. Pray in diatribe ad dissert. de S. Ladislao p. 214. ap. Koller in hist. Epp. Qvinqv. T. I. pag. 383. v) Can. 19. qui legitur in Decretalib. Greg. IX. cap. 4. de immun. Ecclesiarum etc.

distrahant, nec dissipent illorum causa; imo quam maxime potest, eos Sancta Synodus monet, ut omnem humanum hunc erga fratres, nepotes, propingvosque carnis affectum, unde multorum malorum in Ecclesia seminarium exstat, penitus deponant. Quibus ita graviter expositis, illico haec subiiciebat: quae vero de Episcopis dicta sunt, eadem non solum in quisuscunque Beneficia ecclesiastica, tam saecularia, quam regularia obtinentibus, pro gradus sui conditione observari, sed et ad S. R. Ecclesiae Cardinales pertinere debere. w)

§. CCLXXXVI.

E s u p e r f l u i s.

Sed quoniam Clerici Ius habent vivendi de altari, cui serviunt: (§. CCLXXV.) obligatio illa, pauperibus succurrendi ex fructibus Beneficii Ecclesiastici, restringitur ad superfluos proventus, qui nimirum a congrua Clerici beneficium tenentis sustentatione reliqui sunt, eius spectata conditione, ac dignitate. Quantum sit porro, quod ad congruam

w) Trid. sess. XXV. decr. de ref. cap. 1.

am sustentationem cuique sufficiat, qui defuerit, magnus mihi erit Apollo. Adiuncta temporum, atque locorum, perpetuis mutationibus obnoxia; mos patrius vivendi; et praxis piorum, atque timoratorum, consuli debent. In ista regione, quam nos incolimus, cum de lege municipali, Nobilium iuribus fruatur Clericus, (§. CCLXXXI.) et in civili consortio, veluti unus e nobilioribus honoretur: quicumque Ecclesiastico fruitur Beneficio, ceu vir nobilis decore, et observata, quam lex Tridentina praecepit, frugalitate, x) in seipsum, ac sibi necessarios, quibus videlicet aegre nonnisi careret, Beneficii Ecclesiastici proventus impendere salva conscientia potest; proque casibus fortuitis, non quidem imaginariis, qui forsitan evenire possent, verum pro illis, qui evenire solent, nummos in arca repositos habere.

§. CCLXXXVII.

Ob sacr. munus obtentis.

At vero statuunt quidam, non modo illa Clericorum Bona eximi ab onere distributionis,

x) Sess. XXV. decr. de reform. cap. 1.

nis, quae ipsi titulo *mere civili* tenent, y) verum *industrialia* quoque, transeunter scilicet obtenta, per munus aliquod sacrum, veluti per Missae celebrationem, dictionem sacram, et quaecumque hisce similia occurrunt. His addunt *parsimonialia*, quae frugalius vivendo Clericus, de sustentatione congrua subtrahit. Verum, si legum Ecclesiasticarum apices, spiritumque expendas, ne ista quidem a facienda in egenos distributione, videntur exempta esse. Nam, si Clericus abstulit ea, quae sibi necessaria fuerant, iam reliqua portio, sua non est, sed pauperum, et Ecclesiae; cuius mens fuit semper haec, non ut redundaret Clericus, sed ut ne egeret, et egens a ministerio sacro, ad profanum abstraheretur. Arguebat sane Gregorius Magnus Ecclesiarum Antistites, qui acquisita post veteres redditus Ecclesiae, velut *industrialia*, communi distributioni haud subiecerunt. z) Et vero, eodem fine dantur ea, quae transeuntis ministerii causa praestantur, quo

y) Can. 2. caus. 12. qv. 3. Item can. 4. caus. ead. qv. 5. Praeterea cap. 9. de testam. z) Ap. Grat. can. 29. caus. 12. qv. 2.

qvo dati sunt Beneficii fructus *grossi*: nam dono præcise dati non fuerunt; sed neque ut laboris merces, qvod simoniacum esset. Sicut igitur fructus grossi subiacent distributioni, ita hi quoque *manuales*; praesertim, qvod primis illis, beatissimisqve Ecclesiae Christianae temporibus, Beneficia Clericorum, plerumqve fuerint manualia, singulis allata diebus, qvorum tamen distributionem fieri oportebat. (§. CCLXXXIV.) Nulla quoque autoritas eximit Clericum ab onere distribuendi pauperibus, ex illis Beneficii fructibus, qvos parsimonia fuit lucratus. Nam si ex illis tantopere subtrahit, ut in sui Status confusionem, vixerit etiam indecore, haud aequum est, ut ex delicto referat fructum, et fraus illi, dolusqve patrocinetur; qvod si vero prudenter subtrahit, ut nihilominus vixerit decore, qvaecumqve supersunt, iam redundant, pauperibusqve cedunt. Hanc ipsam ob rem, et qvod praeterea Ministrorum Ecclesiae sustentatio, non velut merces laboris, sed tamquam necessarium vitae medium instituta sit, (§. CCLXXVI.) probi quidam, doctique viri hinc arguunt, Cleri-

cum

cum domi divitem, non posse Beneficii Ecclesiastici fructus consumere, ut ceteris parcat: sed cum domestici fructus ad congruam vitae sustentationem omnimode sufficiunt, Beneficiales pie impedendos esse. Haec si delicatis nimium auribus molesta sunt, audiant Augustinum docentem, Ecclesiae Bona, et pauperum esse, et Episcoporum, dum hi quoque indigent; sin vero, procurationem solam habere illos Ecclesiae proventum, pauperum, et indigentium causa. a) Habet quidem opposita sententia patronos. Sed cum agitur de alieno reddendo, quod tutius est, nos sequi oportet; falluntque animam suam, qui cum in saeculo Bonis abundant, Clerici fiunt hoc solummodo fine, ut obtenturi pingve Beneficium Ecclesiae, iam e duobus coniunctis, eo lautius splendidiusque epulentur, atque in curribus, et eqvis, non autem in nomine Iesu Christi ambulantes, panem eius devorent otiosi. b)

Pars Spec.

R

§.

a) Ap. eund. can. 3. caus. 23. qv. 7. b) Espen
Iuris Eccl. parte II. sect. 4. tit. 1. cap. 5.

§. CCLXXXVIII.

Non sunt eor. Domini.

Eorum fructuum, qui sunt Clerico Beneficiato, a necessitate superflui, ac resultantes, eundem non esse dominum, sua iam sponte videtur sequi. *Dominium* quippe est, ius disponendi de re quapiam veluti sua, proprio videlicet nomine, ac arbitrato. At vero de iis, quae Beneficiato, e Bonis Ecclesiasticis redundant, pro arbitrato disponere, haud esse liberum, leges Ecclesiae asseverant. Expendatur in Decretalibus ipsa Tituli inscriptio: *de peculio Clericorum*, quae meam confirmare videtur assertionem. Enimvero in Iure Civili, illud nomine peculii intelligitur, *quod servus domini permissu, a rationibus separatum habet*; c) quodque suis cum fructibus post obitum servi ad dominum redit. d) Recte vero hoc vocabulum ad Ecclesiam fuit translatum, eo, quod Clericus transeat in peculiarem Ecclesiae potestatem,

(§.

c) Lib. XV. ff. seu pandectarum cap. 4. pag. 419. edit. Francof. ad Moenum 1663. quae utor. d) Institut. Iustiniani lib. II. tit. 9. §. 3. pag. 48. cit. edit.

(§. CCLXXIV.) atque partem duntaxat consequatur Beneficii curae suae commissi; quod isthic demonstrare, superfluum esset; sed neque dispositionem eius, mortis causa faciendam, prorsus liberam esse, lex publica Ecclesiae clamat. e) Et vero, per sacros Canones absolutum Clero dominium in Ecclesiastica Bona, haud permitti, usque adeo non dubitarunt in Synodo Tridentina congregati Praesules, ut sess. XXV. decr. de reform. cap. 1. interdicentes Episcopis, ne ex redditibus Ecclesiae consanguineos, familiaresque suos augere studeant; simul addiderint: *Episcopos proventuum Ecclesiasticorum dispensatores tantum esse.* Quamvis autem ad Petri Guerreri Granatensis Archiepiscopi, et quorundam praeterea cohortationem, postrema haec pericope fuerit omissa propter Scholasticos, quorum non pauci oppositum defensabant: f) spiritus tamen Patrum, sensusque verborum e contextu decreti

R. 2

era-

e) Can. 1. caus. 12. qv. 3. Item cap. 1. et seq. de pecul. Clericor. f) Vide Pallavicini Hist. Concilii Trident. Libro XXIV. cap. 3. num. 4.

erasorum, lucet in verbis praecedentibus, quae fuerunt in salvo relictæ. g)

§. CCLXXXIX.

Testari de his non licebat.

Si ultima hæc propositio firma stat, demtis, quæ Clerici alio possident titulo, quam intuitu Ecclesiae, de ceteris in fines mere profanos condere testamentum videntur neutiquam posse. Nam præcisissimis ambagibus testamentum est ultima voluntas, directam continens institutionem hæredis, seu illius, qui in ius defuncti succedit. h) Non est autem Clericus superfluum Dominus, quæ ex primæva institutione, hæreditas pauperum sunt, etiamnum vivente illorum dispensatore; ut post huius proinde mortem, alius hæres institui neutiquam possit. Hæc usque adeo fuerant indubia vetustis temporibus, ut ne potuerit quidem condere Clericus testamentum, de Bonis intuitu Ecclesiae possidentibus,

- g) Lege Bened. XIV. de Syn. D. Lib. VII. cap. 2. num. 14. et ult. h) Desumpta est definitio ex lib. 50. ff. seu Digestorum tit. 17. de diversis regulis iuris, regula 59.

sis, quamquam in sanctissimos ea fines ad-
plicare vellet. i) Ita scilicet bona mater Ec-
clesiae, volebat alienare Clericorum corda, ab
accumulandis opibus, excitareque ad res suas
in vita, pios in usus convertendas.

§. CCXC.

Alia sensim praxis.

Discedi a pristino rigore sensim coepit,
postquam Alexander III. Pontifex annuit,
ut a Clerico de bonis mobilibus Ecclesiasti-
cis, pauperibus, et religiosis locis, et aliis,
qui viventi servierant, sive sint consangvi-
nei, sive alii, aliqua iuxta servitii meritum
conferantur. k) Quamvis enim idem Ponti-
fex, non multo post tempore mentem suam
aperte declarasset: *quod Clerici de mobilibus,
quae per Ecclesiam sunt adepti, de iure te-
stari non possunt: viventes tamen, et sui
compotes, moderate valent aliqua de bonis
ipsis non ratione testamenti, sed eleemosynae
intuitu, erogare in aegritudine constituti;* l)
haec

i) Grat. Can. 19. et duob. seqq. caus. 12. qv. 1.

Item cap. 1. 7. 9. 12. de testam. et ult. volunt.

k) Cap. 12. de testam. l) Cap. 8. eod. tit.

haec tamen declaratio Pontificis, ad dispositiones de rebus Beneficariis tam mobilibus, quam immobilibus, etiam mortis causa faciendis, extensa fuit; m) quamquam non sine omnimoda contradictione. Cum enim Rogerius Spalatensis Archiepiscopus anno 1266. defunctus, testamento reliquisset nepotibus, et servientibus, argentum, libros, ac vestes; duo autem vascula argentea, et duos annulos aureos Ecclesiae ob memoriam sui; Capitulo scyphum unum argenteum deauratum, et quosdam lebetes de metallo, nonnullamque pecuniam pro anima sua; iussisset denique fruges, vinum, equos, et reliqua quae remanserant, vendi, et debita quaedam sua expungi: prohibebat id fieri Archidiaconus, eo quod Praelatus de iure testamentum condere nequeat, *nisi de rebus duntaxat non ratione Ecclesiae acquisitis.* n)

§. CCXCI.

- m) Vide Espen iuris Eccl. univ. parte II. sectione 4. cap. 7. num 18. n) Thomas Archidiac. Spalaten. Hist. Salonitanac cap. 57. et ex illo Katbna hist. erit. Reg. Hung. tom. VI. pag. 458.

§. CCXCI.

In Eccl. Hung.

Invaluit nihilominus in Ecclesia quoque Hungarica mos testandi de bonis, intuitu Ecclesiae obtentis. Quem stare supposebat Ladislaus IV. Rex Hungariae, cum anno 1274. Parochos provinciae Scepusiensis contra violentiam Comitis de Scepus autoritate Regia tuitus, iisdem dato diplomate concedebat, *ut quilibet Plebanorum testandi, seu legandi liberam habeat facultatem, et huiusmodi testamenta, seu legata, secundum testantis voluntatem, et testamenti ordinem, finem, et effectum debitum sortiantur.* o) Morem quoque

o) Ap. Wagner analect. Scepus parte 1. pag. 262.

Esse autem hic sermonem de Bonis titulo Beneficii Ecclesiastici obtentis, docet expositio quærimoniae: „Qvod Comes de Scepus pro tempore constitutus, in perniciem Ecclesiasticae libertatis, ipsis „Plebanis, volentibus in ultimo suo voluntatis Eulogio, de sibi propriis bonis, suis laboribus, et „Ecclesiasticis beneficiis acquisitis condere testamentum, vel aliquibus personis sibi famulantibus, vel propingvis, aut Ecclesiis intuitu pietatis, religionis, vel cognationis amore aliqua relinquere, vel legare, sicut iuris, et moris est Ec-

que condendi per Ecclesiasticos de rebus Beneficialibus testamenti, supposebat Thomas Archiepiscopus Strigoniensis, cum anno 1312. inter immunitates Parochorum terrae Scepusiensis, in Districtu de Tharcza degentium, hanc quoque salvam esse voluit, *ne bona decedentium Sacerdotum per laicales manus, seu potentias saeculares, contra ultimam voluntatem eorum distrahantur.* Qvod postea Boleslaus perinde Strigoniensis Archiepiscopus anno 1322. confirmabat. p) Chanadinus quoque de Thelegd aeqve Strigoniensis Archipraesul, restaurans anno 1337. Capitulum S. Georgii Martyris de Strigonio, concedebat, ut Canonicus Ecclesiae huius domum Canonicalem ab se emptam vel constructam, *virtute testamenti ab se condendi, cui maluerit, donandi, vel legandi liberam habeat facultatem;* et anno 1478. Sixtus IV. Pontifex, consuetudinem testandi in Capitulo Strigoniensi receptam, confirmabat. q) Tum
an-

„clesiasticae libertatis - - huiusmodi testamenta,
„vel legata post testantis obitum procedere non
„permittit.“ p) Cit. op. pag. 311. q) De Cap.
Collegiato, vide Schmitth in Epp. Agr. T. I. pag.

anno 1500. Rex Uladislaus, cum protegebat Capituli Zagrabienſis illud privilegium, ut Canonicoꝝ ſine teſtamento ex hac vita de- cedentium ſubſtantia tres in partes dividatur, unaqve cedat Eccleſiae, altera pauperibus, tertia vero conſangvineis defuncti, ac ſervi- entibus: r) proculdubio morem condendi te- ſtamenti ſupponebat. Etvero in promptu mi- hi ſunt exempla teſtamentorum ab Eccleſia- ſticis noſtratibus inde ab initio ſaeculi XIV. ad annum uſqve Chriſti 1560. conditorum. s)

Qvo

276. De Capitulo Metrop. Strig. vide Koller hiſt. Epiſcopatus Qvinqv. T. IV. p. 177. r) Ap. Kerſelich in hiſt. Cath. Eccl. Zagrab. pag. 204. s) An. 1301. Kiliani Canonici Albae Tran- ſilv. ap. Szeredai in hiſt. Epp. Tranſilv. p. 57. — An. 1426. Blaſii Can. Strig. in Epp. Agr. T. I. pag. 369. — An. 1433. Ioannis de Alben Epiſc. Zagrab. ap. Koller in Epp. Qvinqveeccl. T. III. p. 347. — An. 1452. Ioannis Stock Praeſoſiti Sce- pus. Capituli ap. Wagner analect. ſcep. parte 3. pag. 63. — An. 1489. Caſparis Back Praep. Sce- pus, ap. Wagner cit. op. et parte, pag. 71. — An. 1496. Georgii Lewdeſchit Cantoris et Can. Scepus. cod. op. parte 1. pag. 353. — An. 1522. Chriſto- phori de Zemenchen Lectoris, et Can. Scepus. cit. nunc op. et parte, pag. 375. — An. 1539. Georgii

Qvo anno Nicolaus Olahus Strigoniensis Archimysta in Synodo ita decrevit; *Clerici, si testamentum condere voluerint, de iis duntaxat, quae ex patrimonio, aut consanguineorum, atque amicorum liberalitate possident, testari, et disponere possint: de illis quoque rebus, quae aliunde intuitu personae, illis forte obvenerunt, aut quas honesta ratione, ac via optima acquisiverunt, cuicunque relinquere voluerint, libera eis facultas, a sacris Canonibus impenditur; secus autem de iis, quae intuitu Ecclesiae adepti sunt. Nam si etiam ea legaverint, nullum firmitatis robur obtinebunt: sed illius Ecclesiae erunt, cui praefuerunt, aut in quo Beneficium habuerunt; aliena enim nemo debet, neque potest alicui legare. Verumtamen cum iustitia, et*

ae-

de Palocz Archiep. Strig. ap. Wagner cit. opere parte 3 pag. 45. — An. 1542. Iacobi Fritsch Parochi in Scepus. ap. Wagner cit. op. parte 2. pag. 230. — An. 1543. Francisci de Frangepanibus Archiep. Coloc. ap. Pray in specim. Hier. H. parte 2. pag. 79. — An. 1560. Blasii de Pétervárad Episc. Vac. et Praepositi Scepus. ap. Wagner cit. op. parte 1. pag. 381.

aeqvitas neque humanis legibus, neque sacris canonibus contravenire dignoscatur, quamvis Clerici de mobilibus, quae intuitu Ecclesiae sunt adepti, de iure testari non possunt, vi-ventes tamen, et sui compotes, aliqua de bo-nis ipsis, non ratione testamenti, sed intuitu eleemosynae, moderate erogare in aegritudine constituti, valent. Et licet Clerici mobilia per Ecclesiam acquisita, de iure in alios, pro morientis arbitrio transferre non possint, consvetudinis tamen non est improbandae, ut pauperibus, et religiosis locis, et illis, qui viventi servierant, sive consanguinei sint, sive alii, iuxta servitii meritum, aliqua de his rebus conferantur. Ceterum, ut superius dictum est, quae ex haereditate, aut artificio, aut servitio, aut doctrina proveniunt, distribuuntur pro arbitrio decedentis. t) Haec scilicet ipsis par-tem maximam vetusti iuris apicibus expressa fuerunt. u) At vero, si consvetudinem ad il-lud usque tempus a viris doctis probisque ob-servatam expendas, rigide nimis. Enimve-ro,

t) Cap. 35. §. 2. ap. Péterffy Cont. H. T. II. pag. 126. u) Citantur ibid. ad calcem paginae cap. 5. 7. 8. 9. et 12. tit. de testam.

ro, si unum fortassis odiosum *Testamenti* vocabulum fuisset ablatum, quod plenum rei testamento relictæ dominium in disponente supponit, non erit improbanda consuetudo, ut res in causas pias ab obitu Beneficiati per alios distribuendas, ipsemet, qui earum gerebat curam, disponderet; utpote habens prae quovis alio perspectas necessitates Ecclesiarum materialium curae suae creditarum, uti, et pauperum, miserabiliumque personarum, intra ambitum Ecclesiae suae degentium; ac forsitan etiam propingvorum suorum, qui secundum naturae ordinem, ceteris egentibus sunt anteponendi, non ut abundant quidem, sed ne cogantur egere. Meam hanc sententiam firmare videtur Synodus Weszprimiensis, anno 1515. celebrata, quæ sic multo lenius decernebat: *Sacerdotes Clerici condentes testamentum, disponere non possunt de Bonis intuitu Beneficii acquisitis, absque licentia superioris Beneficiati, et in Ecclesia, et Dioecesi Weszprimiensi, prout iura volunt.* v) Tum Synodus nationalis a Petro Pázmány anno 1630.

ce-

celebrata, quae hoc modo praecipiebat: *qui Ecclesiasticorum ex consuetudine, et usu antiquo testari in Ungaria consueverunt, eorum testamenta Ordinario ad confirmandum offerantur. Ordinarius autem ea confirmet, nisi legibus contraria, aut manifeste sint inofficiosa. - - Opulentiores Canonici semper aliquid, pro sua quisque pietate, ac devotione, post decessum Seminario relinquant.* w) Quare post rigidam quoque declarationem Olahi, conditae ab Ecclesiasticis viris tabulae testamentariae super beneficiali proventu, supersunt, x) usque ad desideratissimi Praesulis mei

w) Ap. eund. T. II. pag. 341. x) Anno 1584. Ioannis Monoszlói Episc. Zagrab. ap. Kerceselich cit. op. pag. 259. — An. 1660. Benedicti Kisdi Ep. Agriensis ap. Schmitth cit. op. T. III. pag. 266. — An. 1675. Leonardi Szegedi perinde Agriensis, ap. Schmitth cit. op. et tomo, pag. 289. — Georgii Bársony Episcopi aeqve Agr. an. 1678. apud Schmitth cit. op. et tomo, pag. 303. et ap. Wagner anal. Scep. parte III. pag. 118. — An. 1685. Petri Korompai aeqve Episcopi Agr. ap. Schmitth T. cit. pag. 319. — Anno 1723. 24. Martii, Ignatii Koller de Nagy-Mánya Episcopi Wefzpr. cu-

mei Iosephi Bajzáth de Peszak, Episcopi Weszprimiensis Testamentum, die 30. Ianuarii, anno 1798. conditum; cui anno 1801. die 17. aprilis codicillum adiunxit.

§. CCXCII.

Principia eius domest.

Qvod in Ecclesia-Hungarica generalibus Ecclesiae legibus, quae Beneficiatis testamenta prohibent, minime stetur, fundamentum est, privilegium Nobilitare, quod Clerus noster participat; (§. CCLXXXI.) cuius proinde favore, de bonis per se acquisitis, liberam habet disponendi facultatem. y) Nisi quispiam reponat: aliam esse rerum Ecclesiasticarum naturam; (§. CCLXXXV.) atque istud innuisse Ferdinandum II. Imp. Regemque Hungariae, dum anno 1625. decernens, qualiternam Praelati nostrates de una parte rerum mobilium disponere debeant, mox addidit: de alia huiusmodi mobilium parte, licere Praelatis *iuxta Sacrorum Canonum*
prae-

ius et funeri interfui, et Testamenti eius apographon possideo. y) Trip. parte I. tit. 5. et 43.

praescripta testari. z) Leges Regni, puta articulus 10. anni 1557. a) et articulus 102. anni 1647. b) Clericos Beneficiatos, de rebus suis plenam testandi habere libertatem, omnimode supponebant. Verum reponet non-nemo: hoc modo, novum testandi ius minime conferebant, sed removebant duntaxat iniuriosa testamentorum exeqvutioni dandorum, impedimenta. Ut non defuerint proinde, qui receptum nobis testandi morem, nuperis diebus, palam, aperteque improbarint;

- z) Ap. Péterffy Conc. Hung. T. II. pag. 434. et ap. Pray in specim. Hierarch. Hung. parte I. p. 185.
- a) Cetera inter habet: „Plebanis etiam, et aliis „Eccl. personis cuiuscunque status, libertas sua „in omnibus observetur: ac inter alia, ne post „mortem illorum pro se occupent, vel accipiant „patroni res, et bona illorum, sive testati, sive „intestati decesserint; sed neque etiam Praelati, „fratribus superstitionibus eorum, qui decesserint, „bona huiusmodi pro se occupent.“ b) Decernitur ibi alia inter, ut Georgius Draskovich Episcopus Iaurin. in bonis acquisitiis Canonicorum ab intestato decedentium, nullam dispositionem habeat, - - neque testamenta ipsorum mutet etc.

rint; c) quamvis defensantem nos habeamus patriam legem: quae non adprobat omnia, quamquam illa gravibus de causis debeat tolerare. Imo neque id totum, quod de testamentis in Ecclesiastico iure statutum legitur, suo relinquit loco. d) Neque illa praeceptio canonica valet hic gentium, quae ratum habet testamentum absque restrictione, quod coram loci Parocho, duobusque praeterea testibus conditum fuit. e) Enimvero die 27. mensis Maii anno 1774. speciali mandato fuerat per Apostolicam Reginam M. Theresiam Clero Hungariae denunciatum: Parochis, et Beneficiatis medio testamenti de rebus suis disponendi libertatem illimitatam manere; atvero Clericum seu saecularem, seu regularem,

c) Pauli Ios. a Riegger Institut. Iurisprud. Eccl. parte 3. §. 399. edit. Vienn. anni 1780. Item Ios. Ioann. Nep. Pehem Praelect. in Ius Eccl. Univ. parte II. §. 367. d) Tenendus est ap. nos art. 27. 1715. Item art. 24. 1729. Statuens, ut, si extra regnum Hung. conderetur testam. valeat, dummodo factum fuerit iuxta solemnit. ibi consuetas, desuperque testimonium abinde praestetur. e) Cap. 10. de testam.

rem, quoties idem, aut eius Ecclesia, vel domus religiosa pro legatario instituitur, ad confectionem, vel authenticationem Testamenti, sub nullitate actus adhiberi neutiquam posse, cum is praemisso in casu, velut interessatus, testem in propria causa, agere legaliter minime possit. f)

§. CCXCIII.

Quid cum subst. ab intest. relicta?

Quid agendum sit cum substantia Clerici, qui sine testamento decessit, leges patriae non decernunt. Qualiter vero illa secundum Ecclesiasticae legis spiritum distribuenda sit, vetus privilegium ab Uladislao Rege datum Capitulo Zagrabiensi, (§. CCXC.) satis docet; uti etiam constitutio Synodi nationalis anno 1630. Tirnaviae celebratae; quae posteaquam de testamentis Cleri decrevisset, (§. CCXCI.) illico adiecit, ut de rebus eorum, qui intestati decedunt, quidquid exolutis debitis, famulorum servitiis,

Pars Spec.

S

et

f) Legitur inter intimata typis Vaciens. edita pag. 279. Item in collect. B. norm. Resolut. edit. Pestanae T. I. pag. 56.

et honesta sepultura superfuerit, habita etiam condigna ratione maxime egentium consanguineorum, reliquum ordinarius cum Capitulo in pios usus, alumnorum praesertim intertentionem convertat. Verum ab illa inde aetate, novis, iisque Regiis praeceptionibus est obsequendum; quae tam id decernunt, per quos tractanda sit absque testamento mortui Clerici substantia: quam et illud, quos inter dividenda. Iuxta Resolutionem videlicet Regiam, die 13. Febr. anno 1776. alteram vero die 15. Iulii anno 1779. editam, cum aliquis Ecclesiasticorum intestatus decederit, mors eiusdem proximo Regio fiscali Procuratori, vel salis, aut tricesimae Officio insinuanda est; inventariumque rerum, per Dioecesanum hominem, in praesentia Comitatus, et Cameralis (si hic ad manum haberi commode possit) conficiendum. Iuxta Resolutionem die 27. Maii, anno 1774. editam, substantia ab intestato decedentis, in tres est dividenda partes, quarum una Ecclesiae, altera pauperibus, tertia propingvis consanguineis, et si hi pauperes essent, secunda quoque tertialitas iisdem cedat. Non exstantibus

tibus autem cognatis, qui ab intestato succederent, tertia pars remanentis substantiae, iuxta dispositionem articuli vigesimi sexti anno 1715. conditi, fisco Regio addicenda erit. Nata quaestione, die 26. Martii, anno 1776. declaratum est, quod successio cognatorum collateralium, usque ad decimum agnationis, et cognationis gradum inclusive extendatur; alii autem remotioris gradus collaterales, a talismodi successione simpliciter sint excludendi. Anno 1796. die 26. mensis Iulii Regis Apostolici nomine declaratum est, aliam Benignam resolutionem, die 21. Februarii anno 1792. datam, quae de Religiosorum ceteroquin testamenti condendi incapacium, sed in cura animarum ex hac vita decedentium substantia, sic disposuerat, ut pars eius cederet Ecclesiae, in qua serviverat, pars cognatis, pars denique pauperibus, omnimode revocari: decretumque, ut talium substantia, concernenti Religioso Ordini, supputatis praevisis e caduca substantia omnibus oneribus, per decedentem Religiosum post se relictis, attribueretur eiusdem substantia ab omni passivo decedentis statu depurata, subinde per

Dioecesanum Episcopum, concernenti Provinciali Religiosi Ordinis resignetur, qui pro exigente necessitate unius, aut alterius Conventus sui Ordinis, in emolumentum Instituti, substantiam eiusmodi applicabit.

§. CCXCIV.

Comm. pietas in Patriam.

Postquam singulae Clericorum classi, propria asserui iura, suasque recensui obligationes, ut iam generales etiam, totique Clero nostrati communes obligationes referam, ipse rectus ordo a me poscere videtur. Prima itaque memoretur pietas, quam dulci Patriae debemus. In qua dum Clerici perinde sunt cives, Bonaque illorum, ac Iura Ecclesiastice atque civilia, sub eiusdem protectione (§. CLXXI. seq.) non obstantibus quibuslibet immunitatibus, atque praerogativis, alioquin maximam partem, a Suprema potestate civili obtentis, (§. CCLXXXI.) ut in evidentibus, publicisque necessitatibus, eidem Patriae succurratur, est necesse; cum praeter id etiam, propter intimum utriusque Reipublicae nexum, (§. CLXIX.) damna unius, in alte-

ram non possint non redundare. Quapropter Synodus III. Lateranensis, tametsi nimias exactiones ab Ecclesiis, et Ecclesiasticis fieri vetuerit sub anathematis poena: succurri tamen voluit Reipublicae, dum Episcopus, et Clerus ad relevandas communes utilitates vel necessitates, ubi laicorum non suppetunt facultates, subsidia per Ecclesias existimabunt conferenda. g) Idem repetebat Concilium Lateranense quartum; addebat nihilominus, ut Romanus Pontifex prius consulatur. h) Ultro iam progressus Bonifacius VIII. non modo renovabat hoc Lateranense decretum, sed spontaneam quoque oblationem, absque scitu sedis Apostolicae, Clero vetuit faciendam, sub anathematis poena. i) Sed poenam hanc revocavit successor Benedictus XI. k) Clemens vero quintus, Bonifacii constitutionem penitus abolevit. l) Firmam stare nihilominus, Lateranensis quartae Synodi constitutionem Hungaria, aetate paulo ve-

- g) Cap. 4. de immunit. Eccles. h) Cap. 7. eod. tit. i) Cap. 3. de immunit. Eccl. in 6. k) Cap. unico eod. tit. extrav. comm. l) Cap. un. eod. tit. in Clem.

vetustiore, neutiquam dubitabat. Cum enim in Bachiensibus Regni Comitibus anno 1518. constitutum esset, ut beneficiatus quisque Clericus, pro recuperatione castrorum finitimorum, proventus annui partem decimam offerat Regi Ludovico, m) idque Rex de novo literis urget: n) ad Papam recursum est per Status Regni, obtentumque anno sequente a Leone X. Breve Apostolicum, quo Clerici omnes, alias ad statuenda Banderia non obligati, partem annui proventus in Comitibus postulatam, sub excommunicationis poena contribuere iussi fuerunt. o) Rursum anno 1526. cum Turca immineret Hungariae, Rex idem thesauros Ecclesiarum, bona Clementis VII. Papae venia, colligi iussit. p)

In

m) Non exstat in codice Iuris Hung. sed legitur apud solertissimum Kóvacsicsium in vestigiis Comitior. ap. Hung. p. 487. n) Auctor chronici Scepusiensis apud Wagnerum in analect. Scepus. parte II. pag. 192. o) Legitur Breve Apost. ap. eund. Wagnerum cit. op. et parte, pag. 198. et in meis amoenit. Hist. Eccl. Hung. fasciculo IV. num. II. §. 5. p) Ex Literis Ludovici, quae leguntur ap. Pray in diss. de S. Dextera D. Stephani, pag. 54. et in cit. meo opere §. 6.

In Comitibus anni 1537. Praelati partem decimam decimarum; Plebani vero, Capellarum, et Altarium Rectores, per tres florenos contribuere sunt iussi; q) Rex tamen Ferdinandus I. id quod lege praescriptum erat, Apostolica ad hoc obtenta prius licentia, colligi praecepit. r) Carolus quoque VI. obtenta anno 1716. Clementis XI. venia, ad sarcendam aerarii penuriam, ab Ecclesiasticis decimam proventuum partem exegit; s) et quam ex Piseto fecerat oblationem Archiepiscopus Pazmannus, pro Nobilium iuvenum contubernio Tirnaviae instituendo, hanc a Pontifice ratihabendam esse, putatum fuit. t) Unde reverentia Hungarorum erga leges Ecclesiae, Romanumque Pontificem; Cleri autem ad succurrendum publicae necessitati, utilitatis tam promptitudo, quam, et agnita obligatio resultat. Ceterum stabilito principio, quod

q) Art. 15. et 17. Comitior. eius anni. r) Ex literis Pauli de Wárda A. Ep. Strig. ap. Wagner cit. op. et parte, pag. 219. Item in citato meo op. et diss. §. 7. s) Timon in chronologica epitome rer. Hung. ad hunc, ann. t) Lege art. 43. 1741.

quod alibi fixum a nobis est, (§. CLXVIII.) Ecclesiastici viri, sub Sacra Regni Hungariae Corona, fruenter beata pace, libertateque, nullo iam recurso Romam facto, cum sic publica deposceret necessitas, anno 1741. 1791. 1792. et 1796. poscentibus Regni legibus, et anno 1800. solo postulante Apostolico Rege; ceteroquin etiam titulo nobilitaris praerogativae, cum Regni statibus promte, alacriterque, symbolam quisque suam contulerunt. Ecclesiasticae libertati nimio opere metuentibus, evulsit scrupulum doctissimus Transylvanien- sium Praesul, Comes Ignatius de Batthyán, anno 1798. vita functus, hac argumentatione brevicula: si possint Episcopi singuli conferre subsidia pro necessitatibus publicis, posse illos utique communi voce, in Comitibus Regni congregatos, ad haec praestanda consentire. u)

§. CCXCV.

Communia onera profana.

Consenserunt iidem, consentiuntque, in plura quoque onera mere profana, quae di-
ver-

u) In praevia dissert. ad leges Ecclesiasticas Regni Hung. cap. 18. §pho 2.

versis temporibus Clero Hungariae per sanctionem legis patriae, imposita fuerunt. Enimvero: ratione bonorum, debitorum, damnorum, violentiarum, aliorumque inde emergentium negotiorum, eidem processui iuridico stare tenentur. v) Ad mandatum compulsorium alicuius ordinarii Iudicis Regni, perhibere testimonium debent. w) Ob debita, damnaque aliis illata, si secus nolint, vel non possint facere satis, de Bonis illorum Ecclesiasticis, per iudicem satisfieri oportet. x) Unde videtur sequi, beneficio competentiae (§. CCLXXX.) locum apud nos neutiquam esse. Praeterea, quicumque contra statuta, decretaque Regni palam, et aperte ageret, Beneficio suo Ecclesiastico, decernitur privandus. y)

§. CCXCVI.

- v) Trip. partis I. tit. 2. et 12. Part. II. tit. 45 - 51. 53. 54. denique art. 16. 1647. w) Trip. partis II. tit. 28. item art. 81. 1563. a. 49. 1635. Denique stylus Mandati Compulsorii, quem vide ap. Hufzti Iurisprud. practicae lib. I. tit. 52. x) Trip. parte II. tit. 45. y) Art. 8. 1508. ,

 §. CCXCVI.

Comm. privatae actiones.

Quamquam singulae Clericorum classi, propriae sint actiones implendae, proprio ut muneri satisfaciant; verum ut huic ipsi liberiorius possint vacare, impleantque mensuram nominis, quod gerunt, (§. CCLXXIV.) habent etiam privata quaedam officia, quae nihilominus communia sunt omnibus, quicumque hoc nomine censeantur. Qui cum a rebus saeculi in altiorem sublatis locum conspiciantur, in eos tanquam in speculum reliqui oculos coniiciunt, ex iisque sumunt, quod imitentur. Quapropter sic decet omnino Clericos in sortem Domini vocatos, vitam, moresque suos componere, ut habitu, gestu, incessu, sermone, aliisque omnibus rebus, nihil nisi grave, moderatum, ac Religione plenum praeseferant: levia etiam delicta, quae in ipsis maxima essent, effugiant; ut eorum actiones cunctis afferant venerationem. z)

§. CCXCVII.

- z) Con. Trid. sess. XXII. de ref. cap. 1. Synodus Tirn. 1560. cap. 23. §. 1. Altera Tirn. 1611, cap. 2. Zagrab. 1687. cap. 7.

§. CCXCVII.

Vitatio convers. susp.

Illa igitur, quae oculos aliorum imprimis feriunt, praecipue vitet Clericus. Quae inter est numeranda praesertim, cum sexu muliebri conversatio: quod Hieronymus pridem animadvertit, a) et experientia docet. Quare conclamatum est a sacris Canonibus contra habitationem Clerici cum muliere, in quam suspicio mala cadere possit. b) Ipsum vero scelus incontinentiae, lex naturalis, Evangelica, et humana, sicuti ceteris quibusque, sic etiam Clericis maximopere vetant. Contra detestandum vero Cleri concubinatum,

a) Epist. ad Nepotianum Presb. b) Can. 16. dist. 32. Can. 1. dist. 34. Cap. 1. 2. 9. de cohabit. Clericor. et mulierum. Synodus Buden. 1279. cap. 13. Scephusien. 1460. can. 33. Nitrien. 1494. cap. 18. Wesprimien. 1515. tit. de concubinariis. Tirnaviensis 1560. cap. 23. §. 2. Item Tirnav. 1611. cap. 2. Item Tirnav. 1629. cap. 3. Zagradiensis 1669. cap. 4. Zagrab. 1687. cap. 6. deniq. Zagrab. 1690. cap. 7. Adde S. Lad. decr. Libro I. cap. 2. et 4. item Bened. XIV. Institut. Eccles. 82. et 83.

tum, leges Ecclesiasticae, tam universales, c) quam domesticae, non desinunt clamare. d)

§. CCXCVIII.

Item occasionum peccandi.

Propter externam quoque sanctimoniam vitae, quam in Clericis refulgere necessum est, quaeque vetantur iisdem, quorum nonnulla haud sunt omnimode, suaque natura peccaminosa, attamen occasionem praebere peccato, et possunt, et solent. Prohibetur scilicet alearum lusus, quisque nimirum, qui ab eventu fortuito, vel a solertia pendet quidem, sed lucris solius gratia exercetur. e) Deme^o lusum ab industria pendentem, qui fuit

- c) Can. 5. 6. 11. distinct. 32. Item cap. 3. 4. 6. 7. 8. de cohabit. mulier. et clericor. Trident. Conc. sess. XXV. decr. de ref. cap. 14. d) Synodus Poson. 1309. cap. 5. Scepusiensis iam citata can. 33. seqq. et ante has, Strigoniens. 1114. cap. 56. Denique Tirnav. 1629. cap. 3. e) Cap. 15. de vita et hon. Cler. Trid. sess. XXII. decr. de reform. cap. 1. Syn. Buden. 1279. cap. 8. Syned. Scepus. 1460. can. 31. Tirnavien. 1560. cap. 23. Zagrabien. 1669. cap. 6. Adde artic. 31. Comitior. 1791.

fuit susceptus, ut animus ad peragenda negotia, multo aptior fiat. f) Tabernas quoque Clericis adire nefas, excepta necessitate, in itinere constitutis. g) Ne sic detur scilicet occasio potationi, et crapulae, quae Clero, ceu aliorum fomes vitiorum, exaggerando prohibetur. h) Cui praeterea interdicitur chorearum, et spectaculorum frequentatio. i) Huic recte addideris Regis nostri Apostolici Mandatum, die 23. Iulii anno 1799. publica-

f) Lege Bened. XIV. de Synodo Dioec. Lib. X. cap. 2. Libro XI. cap. 10. g) Can. 4. dist. 44. Item cap. 15. de vita, et hon. Cler. Syn. Bud. 1279. cap. 8. Synodus Sceps. citata can. 32. Syn. Zagrabien. citata cap. 6. Domi vero habere tabernas Clericos, omnino turpe est, a quo vetitum, in cit. Synodo Budensi constit. 5. In Synodo Strigon. 1493. ap. Péterffy tom. I. Conc. pag. 227. h) Can. 1. 3. 7. 8. dist. 35. Cap. 14. de vita, et honest. Cler. i) Can. 19. dist. 34. Can. 37. dist. 5. de consecr. Cap. 15. de vita, et hon. Cler. Conc. Trid. sess. XXII. decr. de ref. cap. 1. Syn. Bud. citata cap. 8. Syn. provinc. Tirn. 1611. cap. 2. §. 2. De choreis praeterea lege Bened. XIV. de Syn. Dioec. Lib. XI. cap. 10. num. 11. et eiusdem Institut. Eccl. 37. et 76.

catum, quo praecipitur cuilibet Episcopo, ut is serio invigilet, ne per excessiva Clericorum Beneficiatorum debita, creditores defraudentur; hinc si quempiam observaverit, redditibus suis abuti, ac per id onera, absque fundo exolutionis contrahere, sequestrum decernendo, de oportuno medio provideat, sub onere etiam refusionis, si quis ad notitiam Praesulis onera contraheret, quibus exolvendis ipse non sit. Armorum quoque gestatio prohibetur Clericis, nisi habeant necessitatem, vel in itinere sint constituti. k)

§. CCXCIX.

Vani ornatus.

Insuper vetantur nonnulla Clericis eam ob rem, quod saeculi vanitatem sapere in illis

vi-

k) Cap. 2. de vita, et hon. Cler. Cap. 1. eod. tit. in Clem. Synodus Budensis citata cap. 11. Tirnaviensis 1560. cap. 23. altera Tirn. 1611. cap. 2. Item art. 60. 1514. Proculdubio latus erat hic art. ob Clericos, qui se rebellibus rusticis adianxerant; qualis fuit Laurentius Czeglidiensis Sacerdos. De quo Istvánfi Libro V. pag. 66. edit. primae.

videantur. Proinde iubentur habere vestitum Clericalem, qui sit cui uslibet statui consonus, non diversi coloris, neque apertus, nec a nimia sive brevitate, seu longitudine notandus. 1) Accessit Regis Apostolici decretum, anno 1799. die 4. Iunii, via Excelsi Consilii Regii Hungarici promulgatum, ac praeci- piens, ut abusus, qui in deferendis rubris cingulis, palliorum exposituris, et tibialibus, in vicem violacei cinguli, et expositurae, irrepsit, e vestigio tollatur, et altissima Ordinationo Regia anno 1787. die 31. Augusti publica- ta, exacte observetur. Porro illa sic ad verbum decreverat: ut ruber color in cingu- lis, tibialibus, pileorum dependentiis, prorsus abrogetur; violaceus color vero in cingu- lis ac pileorum dependentiis, praeter Episco- pos,

- 1) Can. 22. dist. 23. Can. 8. dist. 41. Cap. 15. de vita, et hon. Cler. Cap. 2. eod. tit. in Clem. Conc. Trid. sess. XIV. decr. de ref. cap. 6. Synod. Buden. anni, 1279. cap. 2. 3. 6. Nitrien. 1494. cap. 17. Tirnav. 1560. cap. 23. §. 2. alia Tirnav. 1611. cap. 2. §. 1. Colom. decr. Lib. I. cap. 70. Lege praeterea Bened. XIV. de Syn. D. Lib. XI. cap. 8. et Institutione LXX.

pos, infultosque Praelatos, quibus tibialia quoque eiusdem coloris portare convenit: tantummodo Canonicis, et actualiter fungentibus Districtualibus Decanis, sive Archidiaconi, sive Vice-Archidiaconi, et Vicarii foranei, vel Decani vocentur, admitti debeat. Sed neque tonsura licet Clericis carere; m) neque comam saeculari more, vel barbam nutrire, aut calcaria habere deaurata, vel annulos, nisi hos Ecclesiastica dignitas admittat. n) Modestiam clericalem dedecere visa est etiam coma ficta, quam dicunt *peruccam*, tum quod ornatus fuerit muliebris dudum, et a mollibus duntaxat viris, postmodum adhibitus, o) tum quod illicitum esse putetur

iis

- m) Can. 22. dist. 23. Cap. 7. et 15. de vita, et honest. Cler. Cap. 2. eod. tit. in Clem. Trident. sess. XXIII. decr. de ref. cap. 6. Synodus Budensis citata, cap. 8. Tirnav. 1560. cap. 23. Tirnav. item 1611. cap. 2. Wetzprim. 1515. cap. 18. n) Cap. 5. et 7. de vita, et hon. Cler. Cap. 2. eod. in Clem. Syn. Buden. citata cap. 3. et 4. o) De mulieribus Martialis lib. XII. epigr. 23. *Dentibus, atque comis, nec te pudet, uteris emptis: quid facies oculo, Laelia? non emitur.* De viris, Rufus Festus Avienus, Poeta Christianus, S. Augustino

his capillitium alienum, qui sacram amplexi militiam, crines proprios absciderunt; tum denique, quod clericalis tonsura per huiusmodi comam exolescat, et sacri canones, qui comam prohibent nutriri, prorsus eludantur. Quare prohibitionem comae fictae, per quosdam Praesules factam, Sacra Congregatio Concilii Tridentini interpretum, anno 1722. die 8. Augusti, penitus adprobavit; p) ac usum illius non esse permittendum ab Episcopo, monuit Benedictus XIV. Pontifex, nisi talis fuerit, quae nullam prae se ferat vanitatem, verum ita sit modesta, palam ut adpareat, solius hanc necessitatis causa adhiberi. q) Quae tamen facultas non extenditur ad illud tempus, quo Missa est celebranda. Cum enim Sacra Rituum Congregatio, die 31. Ianuarii anno 1626. et rursum die

Pars Spec.

T

34.

coëvus: Calvus eques capiti solitus religare capillos, atque alias nitido vertice ferre comas. Huius ab adverso Boreae spiramina praestant ridiculum, populo conspiciente caput. Nam mox deiecto nituit frons nuda galero, discolor, apposita quae fuit ante, Coma. p) Teste Bened. XIV. de Syn. Dioec. Lib. XI. cap. 9. num. 1. q) Idem ibid. num. 5.

24. Aprilis eiusdem anni decrevisset, ut nemo audeat uti pileolo in celebratione Missarum, sine expressa licentia sedis Apostolicae; r) quaesitumque esset in particulari Congregatione ab Alexandro VIII. anno 1690. deputata, utrum nomine pileoli comprehendatur etiam coma ficta? responsum fuit: comprehendendi. Quapropter Innocentius XII. per Apostolicos Nuncios moneri iussit locorum Ordinarios, ne quemquam permitterent, Apostolico haud munitum privilegio, cum coma ficta Missam celebrare. s) Nihilominus decretum hoc, in regionibus septentrioni vicinioribus, arduum est ad unguem observare.

§. CCC.

Vel quae munus impediunt.

Vetantur insuper nonnulla Clericis, eo, quod animum a praecepto illis munere nimium avocent, vel abripiant multa temporis momenta, quae studiis consecranda forent.

Ta-

- r) Fundam. prohibitionis est can. 57. dist. 1. de consecr. s) Teste Bened. XIV. cit. op. libro, et cap. num. 5. et antea in Institut. Eccl. XXXIV. et XCVI.

Talia sunt vilia quaedam officia: puta, macellariorum, et tabernariorum; t) item ioculatorum. u) Venatio quoque Clericis non modo regularibus, v) verum saecularibus quoque w) prohibetur. Quamvis autem nulla sit in iure distinctio venationis: hanc tamen commentatores in *clamorosam* dividunt, et *quietam*. Prior duntaxat videtur illis esse vetita, quae scilicet cum magno armorum, canumve adparatu suscipitur, ad capiendas maiores feras: non etiam altera, quae cum retibus, laqueis, vel etiam cum armis, paucis tamen adhibitis canibus exercetur, ad occidendas minores duntaxat feras. Lis est indecisa. x) Olim tamen dixit incertus auctor: *Esau venator erat, quoniam peccator erat. Et penitus non invenimus in Scripturis sanctis, sanctum aliquem venatorem, piscatores invenimus sanctos.* y) Non licet praeterea

T 2 Cle-

- t) Cap. 1. de vita, et hon. Cler. in Clem. u) Cap. un. eod. tit. in 6. v) Cap. 1. de statu monach. in Clem. w) Cap. 1. et 2. de Cler. venatore. Trid. sess. XXIV. decr. de ref. cap. 12. x) Legge Bened. XIV, de Syn. Dioec. Libro XI. cap. 10. num. 8. y) Ap. Gratianum can. 11. dist. 86.

Clericis, in sententia sanguinis, aut mutilationis partem habere, z) vel semet expeditionibus bellicis miscere; a) aut agere procuratorem in foro civili, nisi propriam causam, vel Ecclesiae suae fuerint prosequuti, aut miserandarum forte personarum, quae proprias causas administrare non possunt. b) Et, ne occasione capiendarum scientiarum, mundanis involvantur nimium actionibus, primum Clericis Regularibus, c) deinceps etiam saecularibus, medicinae, iurisqve civilis studium vetabatur. d) Quaecunqve causa fuerit legis istius condendae, legum sane studium Clero nostrati perutile est: (§. CLXXVI.) artis vero medicae studium, non obstante lege,

ma-

Restringitur respectu omnium venatio in patria nostra, per art. 22. 1729. z) Cap. 5. et 9. ne clerici vel mon. etc. Cap. 3. eod. tit. in 6. Synodus Bud. 1279. cap. 9. a) Can. 5. dist. 50. Can. 6. caus. 23. qv. 8. Syn. Bud. cit. cap. seu constitut. 7. b) Cap. 1. de postulando. Et generatim procuratio negotior. saecul. vetatur, ap. Grat. plur. canon. dist. 88. item cap. 1. 2. 4. 8. ne cler. vel mon etc. Conc. Trid. sess. XXII. decr. de ref. cap. 1. c) Cap. 3. ne cler. vel monachi etc. d) Capite 10. eod. tit.

magno in pretio habebatur. e) Cum praeterea dixerit Apostolus: *Nemo militans Deo, impli-*

e) Forsitan non ero ingratus, si hic illos enumerem, quos mihi licuit invenire. Sed ne sim provocationum multitudine, lectori molestus, atque etiam typothetae, vadem pro illis interpono celeberrimum Stephanum Weszprémi, qui hos in *succincta Medicor. Hung. et Transylv. Biographia*, adnotatis fontibus, enumeravit. Sunt vero sequentes: Petrus Comitum Kitilen filius, ab an. 1187. Archiep. Coloc. qui scribitur eruditus fuisse in scientia physicali. — Ioannes Canonicus Coloc. et Physicus sub an. 1332. — Iacobus Longobardus, seu de Placentia dictus, ex Praeposito Posson. Episcopus Chanad. ac subin Zagrab. ab an. 1333. Caroli Regis Physicus. — Ladislaus Ep. Varad. Sigismundi Regis ad an. 1378. Physicus. — Nicolaus Canon. Strig. Physicae doctor 1418. — Ladislaus de Deménd, Praep. et Vicarius Colocen. Physicus Sigismundi Regis ad an. 1419. — Michael AA. LL. magister, et medicinae doctor, Canon. Zagrab. ad an. 1422. — Thomas decretor. Professor, et Archidiaconus Nitrien. item Ioannes artium Professor, et Archidiaconus Honten. ambo Canonici Strigon. ambo medicinae doctores ad an. 1425. — Ioannes Stock Praep. Scepus, medicinae doctor, Sigismundi Regis ab an. 1435. dein Al-

plicat se negotiis saecularibus, ut ei placeat, cui se probavit; f) vetita est Clericis negotia-

berti quoque Physicus, et Consiliarius. — Ioann. Megerlin, medicinae doctor, Plebanus in villa Humperti ap. Saxones Transylv. — Marquardus Canon. Zagrab. Ladislai posthumi ad ann. 1453. medicus. — Wolfgangus Canonicus Poson. medicinae doctor. ad ann. 1458. — Ioannes de Leonibus, Capuanus Praesul, in aula Regis Mathiae Corvini medicus, post ann. Christi 1476. — Michael Váradi Paulinus floruit in arte oratoria, et medica sub ann. 1484. — Martinus artium mag. et medicinae doctor, Plebanus maioris Ecclesiae B. M. V. Budensis, anno 1485. — Georgius Wirth medicinae doctor, Ludovici secundi Regis confessarius. — Adrianns Archidiaconus de Dobóka Transylv. Dioec. Archiater Ioannis de Zapolya, intra annos 1538 — 43. — Ioannes Betha, Abbas S. Gotthardi in Hungaria, et Regis Maximiliani Physicus intra annos 1550 — 6. — Nicasius Ellebodius, post traditam Patavii Philosophiam, ac Medicinam, Canonicus Posonien. et in Syn. Tirnav. a. 1561. orator. — Franciscus de Strigonio, AA. LL. et Medicinae Doctor, cui an. 1563. Nicol. Olahus Strig. A. Ep. honorem Custodis in Albensi Ecclesia conferebat. Valeat horum enumeratio, ut os obtundamus illis, qui

tiatio quaestuosa, quam dicunt *emptionem rei, cum intentione eandem integram, et non mutatam vendendi, vel permutandi cum lucro.* g)

§. CCCI.

Inter quae coniugium est.

Propter allata Pauli Apostoli verba; et quia insuper, eodem Apostolo asseverante: *qui sine uxore est, sollicitus est, quae Domini sunt, quomodo placeat Deo. Qui autem cum uxore est, sollicitus est, quae sunt mundi, quomodo placeat uxori, et divisus est;* h) quaecumque fuerit vetustissimis Ecclesiae temporibus, quoad coelibatum Cleri disciplina, i)

sa-

deploratam nonnisi ruditatem, in Hungaria perpetuo grassatam, somniant. f) 2. Tim. II. 4. g) Can. 2. et 9. dist. 88. Can. 1. caus. XIV. qv. 4. Cap. 1. et 6. ne Cler. vel monachi etc. Cap. 1. de vita, et hon. Cler. in Clem. Synodus Weszpr. 1515. Bened. XIV. constit. quae incipit: *Apostolicae servitutis.* 25. Febr. 1741. quam ap. Moralistas passim reperies. Adde cit. Benedictum XIV. de Syn. Dioec. Libro X. cap. 6. num 2. seqq. h) 1. Cor. VII. 32. 33. i) Qui recentius hac de re typis prodire tractatus, adnotati sunt a me in hist. Relig. et Eccl. Christ. periodo ult. §. LXXI.

sane illa, cui hodie obsequimur, decernit, ut Subdiaconi, serius inter Clericos maiores numerati, k) et reliqui deinceps in superioribus constituti Ordinibus, perpetuo maneant continentes. l) Verum Graeca Synodus quinisexta, Constantinopoli anno Christi 706. celebrata, canone 13. reprehensis Latinis, quod Presbyteris, ac Diaconis uxorem vetarent, declaravit, ut quicumque dignus fuerit inventus, nullo modo prohibeatur a suscipiendo Subdiaconatus, Diaconatus, atque Presbyteratus Ordine, *pro uxoris suae legitimae cohabitatione; nec etiam tempore ordinationis suae profiteri cogatur, quod abstinere debeat a legali propriae uxoris familiaritate.* m) Qua
 Sy-

- k) Can. 4. dist. 60. Cap. 5. de aetat. et qualit. et ord. praeficiend. l) Can. 1. 8. dist. 27. Can. 1. seqq. dist. 28. Can. 1. seqq. dist. 31. Can. 1. 3. 4. dist. 32. Can. 40. caus. 27. qv. 1. Item cap. 1. de cler. coniug. Cap. 1. et 2. qvi Clerici, et voventes etc. Conc. Trid. legem firmam stare supponit sess. XXIII. de cr. de ref. cap. 13. Coloman. de cr. Lib. II. cap. 9. Synodus Strigon. 1114. cap. 32. Synodus Tirn. 1560. cap. 23. Altera Tirn. 1629. cap. 3. m) Legitur ap. Grat. can. 13. dist. 31.

Synodi huius indulgentia, hodieque utuntur ritus orientalis Clerici, communionem habentes cum Ecclesia Latina, numquam eapropter ab Latinis reprehensi; quorum potius hac in re consuetudinem Innocentius III. Pontifex salvam esse agnoscens, declaraverat, natum ex Sacerdote Graeci ritus, posse in Ecclesia Latina licite ordinari. n) Secundum cuius Ecclesiae disciplinam, licet in Ordinibus maioribus constituti, matrimonium ne valide quidem contrahant: o) constituti nihilominus in quocumque minore Ordine, non valide tantum, sed etiam licite illud contrahere possunt. p) Beneficii tamen Ecclesiastici prorsus incapaces fiunt. q)

n) Cap. 6. de Clericis coniug. o) Trident. sess. XXIV. de Sacram. Ord. can. 9. p) Cap. 1. de Cler. coniug. q) Cap. eod. et seq.

CAPUT III.

De iuribus, et obligationibus supremæ
Potestatis civilis, respectu Religionis,
et Ecclesiae Christianae.

§. CCCH.

Ius supr. Pot. civil.

Ne sit ius tam Supremæ Inspectionis, (§. CLXX.) quam Advocatiæ Ecclesiasticæ, nudum sine re nomen, oportet ambo in actum deduci, cum ita prosperitas Religionis, et salus Reipublicæ deprecatur. Multa quidem utriusque huius potestatis obiecta, commemorantur hac ætate nostra: verum a me, qui memor sum duntaxat Regionis in qua scribo, haud omnia proferri debent; eam quoque ob rem, quod sint non pauca, in quibus Rex noster Apostolicus, exercendæ potestatis non habet necessitatem, cum tales de-

deligat Ecclesiis Episcopos, qvì iuxta Deo debitam, Regiqve iurando iure praestitam fidem, qvaecumqve ad rem sacram, suoqve creditam muneri spectare noverunt, solerter executioni mandant. Qvodsi vilescente propter aetatis impietatem, autoritate sacra, civilis quoqve potestatis intercedat autoritas, perbene est; nam antiqui dixere: potestatem Regibus non solum ad mundi regimen, sed etiam ad praesidium Ecclesiae fuisse collatam. Sunt autem nonnulla, soli Regiae Maiestati apud nos propria: quorum a ceteris, quae Huic cum Regni Statibus communia sunt, discrimen, enarratio singulorum ostendet.

§. CCCHI.

Relig. protegendi.

Is, qvi cum professione Religionis verae, coniunctam habet in Republica civili supremam potestatem, ex causis alibi redditis (§. CLXX. seq.) doctrinam, progressumqve Religionis verae, propriis etiam edictis iuvare potest, cumqve fuerit ita necessum, debet. Fluit hinc ius, et stricta obligatio coërcendi homines malevolos, qvi sancti-

ctitatem Religionis ita proterve impugnant, ut hinc vel dissidium inter concives, aut corruptio morum seqvatur. Ius item scripta quaevis Religioni perniciosa vetandi.

§. CCCIV.

Disciplinaria inspiciendi.

Porro cum lex mere Ecclesiastica, salvis nonnisi cuiuslibet iuribus, sit salva: (§. XV.) possit autem illud evenire, ut Ecclesiasticus legislator, qvi consvetudines, iuraque omnium regionum, cunctorumque in iis civium nec potest habere cognita, neque debet, qvippiam constituat illis adversum: relinqvitur supremæ in quavis provincia potestati, pro munere *supremæ inspectionis*, ius dispiciendi, num constitutio Ecclesiastica, cuiuscunque nominis illa fuerit, salvis iuribus, quæ nunc memoravi, possit stare, sique nullam reperiat offensionis causam, obligatio illi est, *placitum* suum addendi. Quo novum robur nequaquam addet Ecclesiasticæ constitutioni, quæ a saeculari minime dependet, (§. CLXV.) nec illi decerpit quicquam, sed publicum, et fide dignissimum

prae-

praebebit testimonium, obstare nihil publicae rei, quominus illa constitutio vigorem suum consequatur. r) Si forte quaeras: eccurnam legum civilium non sit eadem conditio, cum, et illae complecti quaedam possint, Ecclesiae Christi iuribus adversa? Respondebunt: Istam habere praesidium a Christo promissum, ut nec portae inferorum possint adversus illam praevalere; s) qualis promissio Reipublicae profanae cum nusquam sit facta, huic noceri facilius posse. Addunt etiam istud: ab illis, qui praesunt profanae Reipublicae, cognosci haud difficulter posse legitima Ecclesiasticae potestatis iura, cum haec toto terrarum orbe, sint ferme communia; proinde periculum esse longe minus, ut potestas civilis, dum sua exercet iura, spiritualibus adferat detrimentum. Qvodsi tamen propter consilia malignantium, lex civilis, aut quaevis constitutio, vulnus infligeret Ecclesiasticae potestati, tunc haec sane posset do-

r) Plura ap. Petr. de Marca de concord. etc. lib. II. cap. 10. 16. Lib. IV. cap. 6. Espen tract. de promulg. legum Eccles. parte 2. et 3. s) Matth. XVI. 18.

dolere, posset flere, posset gemere; nam contra quasumque iniurias, arma Ecclesiae, preces sunt, et lacrimae. Resistere autem illi externa vi, datum non est, cum non Respublica in illam, sed ipsa in Rempublicam sit recepta; eiusque adminicula, suam tuendi potestatem, atque vindicandi, temporalia non sint. (§. XII.)

§. CCCV.

Atque urgendi.

Quia vero ad conservandam in Ecclesia Christi unitatem, illud quoque pertinet, ut universalis lex ab omnibus, peculiariter non exemptis, observetur: (§. XIII.) summa potestas civilis, tamquam Ecclesiae Advocatus; et, si non observantia turbas daret in Regno vel Provincia, qua supremus etiam Inspector, potest, ac etiam debet, huiusmodi legem Ecclesiasticam, ceteroquin neque suis, nec alienis iuribus adversam, novis praeceptionibus adurgere. 1) Qvodsi tamen leges quaequam disciplinares circa obiecta ver-

t) Legi hic meretur Petr. de Marca de concord. Sac. et Imp. lib. IV. cap. 1. et 2.

versentur, libera potestatis saecularis concessione, ad forum Ecclesiae translata; potest eadem potestas iustis gravibusque de causis, exercitium huiusmodi legibus innixae potestatis, subtrahendo illi obiecta, transferendoque ad proprium forum, penitus impedire. Neque enim irrogabitur iniuria hoc modo Ecclesiae, cuius propria obiecta, spectato institutionis fine, (§. II. et VIII.) sunt spiritualia duntaxat. (§. VII. et IX.)

§. CCCVI.

Ius circa Personas Eccl.

Quum porro illi, quibus est potestas Ecclesiastica, sint una cives Regni, vel provinciae: si ex neglecto spiritualis potestatis exercitio, detrimentum in Ecclesiam, atque hinc in rem civilem redundet: ut hac sua potestate utantur Ecclesiastici, commonefacere illos, suprema potestas saecularis, ex iure supremae inspectionis potest, imo debet. Quodsi autem in certis casibus, perinde sit civitati, defungantur Clerici suo munere, vel illud negligant: cum tamen ille neglectus vergat in detrimentum Ecclesiasti-

cae unitatis, cuius gratia ministri in Ecclesia constituti sunt: eadem potestas commonefaciendi Clericos, velut ex iure Advocaciae profluens, in hoc etiam casu, locum habet. Ex altero hoc iure, sequitur novum ius onerosum, Altaris ministros, adversum quaslibet iniurias, dictis, vel factis, scriptisve calumniantibus, aut contumeliosis illatas, protegendi, et quantum per supremam potestatem stat, necessarium illis honorem procurandi. Nam de honore Religionis actum est, postquam in contemptum eius ministri abiverunt. u) Et quoniam ex natura summae potestatis consequitur obligatio, quemvis civem proprium ab iniuriis, iniustisque gravaminibus tuendi: iam, et hoc sequitur, posse optimo iure, ac debere supremam potestatem, Ecclesiasticae iurisdictionis abusum, quo cives gravarentur, aut violarentur eorumdem iura, penitus impedire. Solo praeterea favore, atque gratia summae potestatis, conc-

u) Legito hoc exaggerate demonstratum in meo opusculo, inscripto: *Officia hominis Catholici erga Deum, rebus domesticis illustrata*, cap. 3. §. 4. et in consecrariis ad idem caput, §. 3.

cessam in quibusdam rebus ac negotiis immunitatem statui Ecclesiastico, eadem suprema Potestas, minuere potest, modo sic adiuncta omnimode poscant, neque id cum certo detrimento necessariae statui Ecclesiastico potestatis, autoritatisve contingat. Ita enim, tuendo iura supremæ inspectionis, adversus obligationem supremi Religionis Advocati peccaretur. Utroque iure, summa in Regno potestas, clericalia gesturis munera, præscribere potest necessarias dotes, cum sine his, nec cives bonos, neque probos Christianos formare possint. Quorum ambo eadem potestas, curare magnopere debet.

§. CCCVII.

Et Regulares.

Praeter iura hactenus commemorata, passim tribuitur hodie supremæ potestati saeculari ius aetatem definiendi, quæ semet Religioso statui addicere quis possit; suaque illud efficiendi praeceptione, ut contra hanc facta professio religiosa, prorsus irrita sit, ac nulla. Quod ius cum inde ab anno 1770. exercent Apostolici Reges nostri, studiosae

merito arguerer dissimulationis, nisi huius quoque iuris, e suprema inspectione saeculari proficiscentis, principia, in medium proferrem. Ex ipsa, inqviunt, v) notione Reipublicae, constat, singulis civibus esse obligationem, quae conscientiam stringat, illa praestandi, agendique, quibus promovetur salus publica, vitandique omnia, quae huic obesse queunt. Obligationis istius obiecta sunt: Operae, Bona, Munera, et pericula vitae, pro salute publica, dum id necessum est, subeunda. His itaque nemo civium semet subducendi ius habet, nisi consentiat ille, qui Reipublicae summa cum potestate praeest. Qui sicut immunitatem ab istis oneribus concedere, vel negare potest, sic etiam conditiones apponere, sub quibus tantum, nec al-

- v) Post Boutignii Iurisconsulti Galli dissertationem Parisiis editam anno 1669. apud nos fuit primus, Stephanus Rauttenstrauch Benedictinus Brzevnoviensis, subinde eiusd. Monasterii Abbas, qui anno 1773. Pragae iussit excudi *Diatribam de iure Principis praefigendi maturiorem professioni Monasticae solenni aetatem*. Quam cum plausu fuisse exceptam, probe recordor.

liter quispiam liber evadat. Cum igitur per professionem claustralem ab enumeratis oneribus maximam partem eximantur cives: inferunt, huic per supremam potestatem, adfigi certam conditionem posse, qua non stante, nemo, quamquam professus, ab illis oneribus liberetur. Addunt insuper: professionem religiosam, implicitum continere cum Republica civili contractum, vi cuius, quicumque profitetur in clauistro, spondet simul eidem Reipublicae, cuiuslibet haereditatis, et quorumvis civilium contractuum, atque negotiorum se deinceps fore prorsus incapacem; et illa vicissim tacite promittit, liberum fore hunc Religiosum ab onere civili, militia, iurisdictione saeculari; futurumque participem immunitatum, quibus Clerici fruuntur. Cum igitur supremae potestati civili ius esse contractibus legem ponendi, sit in vulgus notum; suapte iam id aiunt consequi, ut haec ipsa, religiosae professioni, quae plures involvit contractus, aetatem praefigere possit. Quam in rem, utuntur praeterea pupillorum, et minorennium exemplo; qui nondum assequuti a lege civili praescriptam aetatem, con-

tractus celebrare, sine tutorum annutu, minime possunt; et sicut horum contractus aliter celebrati, sunt prorsus nulli: sic religiosam quoque professionem aliter, quam summa potestas voluerit, celebratam, perinde nullam esse; velut contractum illa conditione destitutum, qua nonnisi stante, in hunc suprema potestas consensit. Ex cuius conditionis defectu, contractus ille factus est turpis, utpote praeiudicium inferens potestati supremae. At vero iura Ecclesiastica ingeminant: *in malis promissis rescinde fidem. In turpi voto muta decretum. Qvod incaute vovisti, facias: impia enim est promissio, quae scelere adimpletur.* w) Qvodsi praeterea, in iuramento quovis, debet intelligi ius Superioris exceptum, in cuius praeiudicium si factum fuerit, neutiquam tenet: x) eamdem ob causam, nec votum stare potest, quamvis solemniter elicited, utpote depromptum contra legitima summi Superioris iura. Tandem addunt: per invalidationem huiusmodi professionis religiosae, non id agi per sum-

w) Can. 5. caus. 22. qv. 4. x) Cap. 19. de iureiurando.

summam potestatem saecularem, ut declararet, ex illo voto, quod Deus ratum habet, nullam obligationem sequi, nam hoc ad interna hominis officia spectat, potestati humanae numquam obnoxia: verum declarari, legitimam potestatem in votum illud non consentire. Sine quo consensu, votum in seipso nullum est, neque Deo gratum.

§. CCCVIII.

Eorumque nexum.

Tametsi concedant praeterea, Ecclesasticae potestatis esse ius dispiciendi, num societates Religiosae legibus regantur Orthodoxae fidei consonis: cum tamen e nexu extrinseco domesticarum eiusmodi societatum cum extraneis, alio sub regimine civili degentibus, quodpiam detrimentum profluere in bonum civile possit, quando subditi alieni vires nostras in numero habent, nostris fruuntur bonis, de illisve disponunt: ex iure supremae Inspectionis fluere aiunt potestatem eiusmodi nexum extrinsecum penitus rescindendi, salvis eorum *precibus sacris*, et *suffra-*

fragilis, ad quae sese mutuo per professionem in eodem Ordine elicitam obstrinxerunt.

§. CCCIX.

A c n u m e r u m.

Cum insuper, tanto minor sit operantium in Republica, et militantium pro eadem numerus, quanto maior est Regularium multitudo: statuunt, ad supremam potestatem saecularem spectare, ut admittat novas Regularium Societates in Provinciam aut Regnum, vel non admittat. Imo hoc, iure non minus Supremae Advocatiae, fieri posse dicunt, stantibus causis, propter quas etiam sacri Canones, multiplicari Religiosos Ordines vetabant. y)

§. CCCX.

y) Cap. finale de Relig. domibus. Haec habet: „Ne
 „nimia religionum diversitas, gravem in Eccle-
 „siam Dei confusionem inducat, firmiter prohi-
 „bemus, ne quis de cetero novam religionem in-
 „veniat: sed quicumque ad religionem converti
 „voluerit, unam de approbatis assumat,, etc.
 Adde cap. unic. cod. tit. in sexto. Per quod prior
 Constitut. adprobatur.

§. CCCX.

Circa Bona Eccl.

Est quoque ius potestati supremæ civili, serio præcipiendi, ne personæ Ecclesiasticæ Bona Ecclesiastica dissipare audent; proinde ius exigendarum quoque rationum, et ponendi, si excessum fuerit, sequestri. Nam quatenus Bona hæc data fuerunt pro sustentatione ministrorum altaris, ex illorum dispendio, patitur detrimentum Ecclesia, cuius est suprema civilis potestas, iure proprio Advocatus. In quantum vero eadem Bona, Reipublicæ subiacent, (§. CLXVIII.) suntque una patrimonium pauperum: (§. CCLXXXIV. seqq.) supremæ inspectionis iure, dissipatio Bonorum eorundem ac proventuum, impediri non solum potest, sed etiam debet. Hanc ipsam ob causam, Ecclesiastica Bona, quamvis gaudeant immunitate: cum suprema potestas civilis, necessitati publicæ succurri desiderat, salva portione, quæ necessaria est ad sustentationem ministrorum, (§. CCLXXV.) in promptu esse debent. (§. CCXCIV.) Siqve ministrorum altaris ac Evangelii, iuxta principium alibi

memoratum, (§. CCLXXXVI.) revera competens est subsistentia: ius habet suprema potestas civilis, Ecclesiasticorum proventus *manuales*, dum propter horum exactionem, plebis a Pastoribus suis aversio, vel diffidentia sequitur, temperandi, aut penitus tollendi. Hoc enim ius fundatur in obligatione, deducta e supremo Patronatu, ministris sacris honorem necessarium procurandi. (§. CCCVI.) Qvi sane vapulat, quoties alieni sunt animi hominum Christianorum a Pastoribus suis. Denique, propter mala, in Ecclesiam ex eo redundantia, quod unus plura Beneficia Ecclesiastica retineat, cum illa curam deposcunt animarum: z) ius habet suprema potestas, malum hoc impediendi. Posita quoque debita ministrorum Religionis provisione, ius esse aiunt supremæ potestati civili, velut ex iure supremæ inspectionis deductum, ferendi legem illam, quæ ignoto in lege Hungarica *amortizationis* nomine compellatur; quæque temperat quantitatem nummo-

mo-

z) Leges illa verbis grandibus expressa Ioannis XXII. in Extrav. comm. tit. de præb. et dign. cap. 4. .

morum vel rerum, Ecclesiis, personisque sacris donandarum. a) Ad felicitatem enimvero Publici spectant: contributio; familiarum robur, et incrementum; commercia rerum; varietas artificiorum, et artificum. Qvodsi autem sit irrestricta facultas Bona, resque transferendi in Ecclesiasticos homines, et Ecclesias, ceu in *manus mortuas*, a quibus iam haec alienari minime possint: (§. CCLXXXVIII.) talibus Reipublicae commodis permultum derogari potest. Qvòd ne fiat, curae eius intererit, qui civilem Rempublicam summa cum potestate gubernat. Nec vero cultui Divino per id derogabitur quicquam, si ceteroquin ei prospectum sit aliunde; sed nec eius ministris; ut illis minime derogatur, cum superflua pauperibus erogare ipsi debent, vel necessitatibus Reipublicae, de suamet penu subvenire.

§. CCCXI.

- a) Espen Iuris Eccl. parte I. tit. 29. cap. 3. et 4. Vocabulum sumtum est e Gallico *Amortissement*, quod translationem Bonorum ad manus Ecclesiasticas factam, significat.

§. CCCXI.

Circa loca sacra. .

Inter iura supremæ Inspectionis, numerant ius immunitatem concedendi, quam *asylum* vocant, cuius intuitu locus sacer, aut Religiosus, præbet securitatem illis, qui propter laesam gravi crimine Rempublicam, essent vitam amissuri. Quamvis enim leges canonicae, b) pluresque Romani Pontifices, c) minime dubitaverint, huius concedendae plenam propriamque potestatem apud Ecclesiam residere: huius tamen originem, a potestate civili dimanavisse, passim hodie propugnatur, isto imprimis, quantum mihi licuit as-

se-

- b) Can. 6. dist. 37. Item can. 6. 8. 10. 11. 19. 20. 21. 35. 36. caus. XVII. quaest. 4. Item cap. 6. et 9. de immunit. Eccles. c) Legi possunt horum constitutiones apud Prosperum de Lambertinis, postmodum Benedictum XIV. Pont. in Institutione Eccl. 40. et 41. Qui ipse dedit de hac materia Bullas, alteram an. 1750. quæ incipit: *Officii nostri ratio*. alteram an. 1752. quæ incipit: *detestabilem*. Prolixè de Asyilis Espen, in dissert. canonica de intercessione sive interventione Epp. pro reis ap. Principes, et Magistratus etc. inserta opp. T. IX. edit. Venetae anni 1782.

seqvi, argumento: quod asyli concessio, sit quoddam ius *adgratiandi*: porro istud, veluti pars iuris illius, quod *ius vitae, et necis* compellant, soli competat supremæ potestati civili; nec quicquam commune possit cum illo iure, Christi Ecclesia habere, quæ tam fine, quam mediis differt a potestate sæculari. Unde sequitur, sicubi hactenus Pontificum constitutiones, de sacrorum locorum immunitate decernentes, obtinuerunt, id ex libero supremæ potestatis civilis assensu factum esse; in cuius arbitrio manet, novos asyis præfigere limites, vel illa penitus abrogare; cum obiectis mere civilibus, ad forum suum reductis, nullum Ecclesiasticæ potestati vulnus eapropter infligatur. (§. CCCV.)

§. CCCXII.

Ap. nos Relig. protegit.

Enumeratis, quæ summæ cuivis potestati sæculari competunt, iuribus Religionem, et Ecclesiam adtinentibus, quam sancte, seduloque fuerit apud nos usa hactenus, suprema, legislativaque potestas, (§. CLXX.) exponere pergo. Ante Pacificationem Vienne-

nensem, anno 1606. initam, c) duntaxat Religionem Catholicam civitate donavit. d) Per hanc ipsam vero Pacificationem, e) ac semper deinceps, ita sapienter, sancteqve providit, sua ut libertas Augustanae, et Helveticae Confessioni salva sit, absqve praeiudicio Catholicae Romanae Religionis: salvisqve legibus municipalibus Regnorum Dalmatiae,
Cro-

- c) Legitur illa in corpore Iuris Hung. ad quam plenius intelligendam, multum sane confert edita a Nicolao Sinai anno 1790. Sylloge Actorum publicorum, quae Pacificationis Viennensis historiam illustrant. Nomen editoris prodidit Martinus Schwarmer, in statistica Regni Hung. germanice edita, pag. 292. d) Lege S. Steph. decr. Lib. I. cap. 1. item 1548. art. 5. et 6. 1550. art. 12. 13. 1557. a. 10. 1563. a. 31. e) Legitur enim puncto 1. cetera inter: „Omnibus praedictis Statibus, et Ordinibus, liber Religionis ipsorum usus, et exercitium permittetur: absqve tamen praeiudicio Catholicae Romanae Religionis, et ut Clerus, templa, et Ecclesiae Catholicorum Romanorum, intacta, et libera maneant, atqve ea, quae hoc disturbiorum tempore, utriusqve occupata fuere, rursum eisdem restituantur.“

Croatiae, et Sclavoniae, f) in quibus Religio Catholica dominatur. Praelatos, et Verbi Divini precones afficere contumeliis, aut Ecclesias Catholicorum, vel sacras imagines quaque ratione profanare nefas. g) Nulla quoque in Religionem Catholicam scommata, nullique sarcasmi libris inseri permittuntur. h) Quaecunque praeterea, in Catholicae Religionis protectionem, specialibus Regum decretis constituta sunt, propriis illa locis enumeravi, tamquam sequelas executivae potestatis, quae ad Regem nostrum privative spectat.

§. CCCXIII.

Quaed. proprio restituit foro.

Insuper legislativa potestas, dum vult causas Ecclesiasticas secundum Canones tractari: (§. CVIII.) iuxta principium alibi memoratum, (§. CCCV.) nonnullas earum, quae libere ad forum Ecclesiasticum translatae fuerant, ad proprium reducit. Nimirum accessoria matrimonii, utpote causas dotis, pa-

f) An. 1687. a. 23. 1715. a. 86. 1741. a. 46. 1791. a. 26. §. 14. g) An. 1553. a. 7. h) An. 1591. art. 26. §. 5.

paraferni, et iuris quārtalitii, spectantes olim ad iudicium Ecclesiae, patriae leges ad saeculare forum transtulerunt; prouti etiam causas testamentorum; i) sola revisione solemnitatum, foro spirituali relictā. k) Causae quoque decimarum ad Ecclesiasticos spectantium, a foro eorundem l) traductae sunt ad civile. m) Denique matrimoniales causae, inter Evangelicos ortae, ab anno 1791. ad saeculare forum spectant. n) Nec vero causas, seu hoc modo abstractas ab Ecclesiasticorum foro, sive numquam eo pertinentes, sub poena amittendi Beneficii Ecclesiastici, o) tractare in foro Ecclesiastico licet.

§. CCCXIV.

i) 1458. a. 9. 1462. a. 3. 1464. a. 17. 1492. a. 46.

k) 1647. a. 15 et 16. item 1715. a. 27. l) Decr.

S. Steph. Lib. II. cap. 52. item 1458. 9. 1462. 3.

1492. 46. m) 1608. art. 5. post coron. 1613. a.

19. 1635. a. 23. 1647. a. 16. 1715. a. 28. n) 1791.

a. 26. §. 11. o) 1492. a. 46. 1500. a. 33. Trip.

parte II. tit. 52. item 1618. art. 70. Adde isthic

§phum CCXVII.

§. CCCXIV.

Exercet ius circa pers. Eccl.

Eadem legislativa potestas, iure sibi proprio (§. CCCVI.) Episcopos admonet officii. (§. CCXVIII.) Protegit eorundem, ceterorumque Ecclesiasticorum auctoritatem. p) Sed excessum quoque illorum in exercitio auctoritatis, vetat. Nominatim prohibet abusum in ferendis censuris. q) Personalem immunitatem, quibusdem in casibus, haud stare decernit. (§. CCLXXXI.) Qualitates certas in Vicariis Ecclesiasticis, (§. CCXXV.) et in Canonicis depōscit. (§. CCXXXIV.) Pluraque decernit, iam in decursu operis commemorata. Executiva quoque potestas, muneri tam excelso nequaquam deest. Suo enim ut Ecclesiastici rite fungantur munere, praecipit, (§. CCLV. seq.) abusum proven- tus, (§. CCXCVIII.) excessumque in habitu externo, vetat. (§. CCXCIX.)

§. CCCXV.

p) 1551. a. 19. 1552. a. 7. 1553. a. 7. q) 1351. a. 1. 1481. a. 2. et 9. item 1486. a. 28. 1498. a. 61. et 69. denique 1504. a. 23.

§. CCCXV.

Et Regulares.

De Regularibus quoque personis, decernit apud nos legislativa potestas, modo, quatenus sunt *Conventuales*, (§. CCLXXIII.) nunc autem, quatenus peculiarem condunt in Regno societatem; cuius liberam esse tam admissionem in societatem Hungaricam, quam et exclusionem, leges nostrae supponunt. Nam articulus 20. 1657. decernit, ut Religio Societatis Iesu, ad resolutionem Suae Maiestatis, et ad factam coram Statibus petitionem, pro recepta, et stabilita habeatur. Articulus 102. 1715. recipit FF. Camaldulenses, Trinitarios, et Clericos Regulares piarum Scholarum, sine tamen voto, ac sessione, et cum iure, Bona duntaxat titulo pignoris possidendi. Addit vero sequentia: *amodo autem imposterum, Collegia, et Claustra quorumvis Religiosorum, sine necessitate Reipublicae, et benigno Regiae Maiestatis assensu, non augebuntur.* Anno 1723. art. 96. cum enumeratis iam declarationibus, et cautelis recipit Crucigeros Hospitalarios cum rubea stella; Capucinos; Fratres misericordiae; Servitas;

tas ; Carmelitas ; Paulanos ; et Moniales Ursulinas. Articulus 50. 1729. Augustinianos Eremitas, absque tamen voto, et sessione, et, ut in signum gratitudinis, duodecim Missas pro Regis, et Regni huius Apostolici incolumitate, incremento, et prosperitate, singulis annis, in perpetuum dicere, et celebrare teneantur. Articulus 65. 1741. sub eadem cautela non habendi in Comitibus voti, Praedicatorum Ordinem; et articulus 42. 1765. Ordinem Fratrum Minorum Conventualium, iam anno 1715. admissum, nunc pro recepto declarabat. Seqvens autem articulus 43. Congregationem Monialium Virginum *de Nostra Domina* dictarum, pro articulariter recepta, sed possidendorum bonorum incapace declaravit. Felices sacri Ordines, Benedictinorum, Praemonstratensium, et Cisterciensium; quos nuper Apostolicus Rex Franciscus, non solum ad vitam revocavit, sed etiam pristino restituit decori.

§. CCCXVI.

Circa Bona Eccles.

Iuxta principium alibi memoratum, (§. CCCX.) potestas legislativa Hungarica, sapienter illud quoque disposuit, ne bona Ecclesiastica dissipentur, vel oppignorentur, r) neve in his per usurpatores praescribi possit. s) Nec obstare videtur assertio Stephani Werböczi, qui spatio quadraginta annorum, in istis praescriptionem firmari asseverat. t) Nam obstant eius assertioni tot leges; sed nec ipsum decernere hac de re voluisse, eiusmet verba docent. u) Insuper cavent leges nostrae, Beneficia Ecclesiastica,

eo-

- r) 1567. art. 31. s) S. Steph. decr. Lib. II. cap. 1. S. Lad. decr. L. I. cap. 24. Colom. L. I. cap. 1. Item 1435. a. 21. 1486. a. 71. 1498. a. 55. 65. Trip. parte II. tit. 51. item 1536. a. 13. 1542. a. 3. 1543. a. 8. 1550. a. 17. et 20. 1567. a. 31. 1647. a. 17. 1715. a. 16. t) Trip. parte I. tit. 78. u) „In foro autem *inquit*, Ecclesiastico, praescriptio aliter allegatur: sed quia non est mei instituti, aliquid de Ecclesiastico foro disserere, illud silentio pertranseo, et quibus interest, limitandum committo.“

eorumque bona, forensibus ne conferantur. v) Vetant Beneficia Ecclesiastica per unum plura teneri. w) Temperant quantitatem rerum, Ecclesiis, et Ecclesiasticis, vel Religiosis, tam personis, quam locis a quopiam donandarum, vel alio titulo in eas transferendarum. x) Non minus executiva legum, supremaque potestas, iam anno 1774. die 8. mensis Augusti, medio Excelsi Consilii sui Locumtenentialis Hungarici, cautionem in articulo 71. anni 1715. quoad inferenda ad monasterium sapientissime factam, denuo confirmabat. y) Prospexit etiam securitati bonorum, et proventuum ad Ecclesias, et pia loca pertinentium, de utrisque annuas rationes exigendo. (§. CCXLIV. et CCLIV.)

X 2

De-

v) 1458. a. 7. 1495. a. 30. et 31. 1498. a. 56. 1741. a. 15. w) 1439. a. 8. 1471. a. 13. 1498. a. 56. 1500. a. 31. 1507. a. 13. 1514. a. 59. 1518. a. 15. 1647. a. 98. 1723. a. 55. x) 1498. a. 55. et 65. 1647. a. 17. 1715. a. 16. 71. Consule hic Batthyán dissert. de Synodis Regiis cap. XIX. §. 3. y) Prolixum est, legiturque in collectione B. Norm. Resolut. iussu Exc. Consilii Typis edita T. I. pag. 52. seqq.

Denique, iuxta principium alias commemoratum, (§. CCCX.) poscente necessitate publica, partem proventus Ecclesiastici, lex patria, et in seqvelam huius, Rex Apostolicus exigere consuevit. (§. CCXCIV.)

§. CCCXVII.

Circa loca sacra.

Commisso gravi crimine, ad loca sacra confugientibus, vetustissimae leges nostrae concesserunt immunitatem. Enimvero S. Ladislai decretum sequentia pronunciavit. *Placuit quoque, ut ipse fur, nisi ceciderit in Ecclesiam, suspendatur, et omnis facultas eius depereat. Et si imprudentia eius, qui ceperat eum, evaserit in Ecclesiam, vel in Curiam Regis, vel ad pedes Episcoporum, careat, qui non cavit vendicatione furti. z)* Quibus persimilia decernit lex immediati successoris Colomani. a) Hinc, si quid ego video, colligi posse videtur, iam primos Reges nostros, cum Statibus Ordinibusque Regni, ius concedendi asyli, ob fundamentum alias insinuatum. (§. CCCXI.) ad forum su-

um

z) Decr. lib. II. cap. 1. a) Decr. lib. I. cap. 84.

um pertinere, haud quaquam dubitavisse. Sed cum ageretur de reverentia templi, antiquae obiecti spiritualis, causae asylorum ad forum spirituale, sensim traductae fuerunt. b) Verum anno 1723. articulo 113. pronunciatum est: *asylla, quibus suffragari debeant, cum stante praesenti Diaeta, ob brevitatem temporis elaborari non possit, saepedictum Consilium Regium Locumtenentiale elaborabit, et Suae Maiestati Sacratissimae submittet, ac in proxime futura Diaeta, ut ibidem determinari possit, referet.* Iterum anno 1765. conditus articulus 27. haec enunciavit: *negotium asyli, in quantum casus eiusdem elaborati nondum essent, ut pro effectu articuli 113. anni 1723. per Consilium Locumtenentiale Regium post Diaetam praesentem, pertractetur, inque primitus celebranda Regni Diaeta referatur, ibidem revideatur, et inarticuletur, Status, et Ordines Regni cum benigno suae Maiestatis Sacratissimae assensu denuo concludunt.* Et vero, pertractatum est isthoc negotium, et peculiari Decreto, per Excelsum Locumtenentiale Consilium, an-

b) Lege Szegedi Tyroc. Iuris Hung. parte 2. tit. 51.

anno 1776. die quinta Decembris publicato, declaratum, quibusnam in casibus, asyli privilegio locus deinceps futurus non sit. In legibus autem Regni publicatis ab eo tempore, nihil legimus definitum. c)

§. CCCXVIII.

Rex inspicit discipl.

Praeter illa, quae hactenus enumeravi, communia Regi, Statibusque legitime congregatis iura, respectu Religionis, et Ecclesiae Christianae: quaedam sunt Apostolico Regi specialiter reservata. (§. CLXXV.) Haec inter numeratur ius, latus in foro Ecclesiastico sententias examinandi, priusquam executioni mandari possint. Connexum est ius istud, cum supremo inspectionis iure; (§. CLXX.) salvumque volebat illud articulus primus anno 1351. conditus, qui Ecclesiasticos lite pendente, ipsos inter ac Nobiles exorta, ad interdicti, vel excommunicationis procedere sententiam, *absque scitu,*
et

c) Citata B. Resolutio legitur in protoc. Paroch. et in meo opusc. inscripto: *Officia hominis Cathol. erga Deum.* p. 55.

et notitia Regiae Maiestatis vetabat. Peculiaris quoque hanc in rem est articulus 28. anno 1486. conditus, qui hoc modo decernebat: quia inter Praelatos ceterosque viros Ecclesiasticos, ac Nobiles nonnunquam lites, et controversiae suboriri consueverunt, et pars partem omni via, modo, et arte gravare laborat. Pro tranquilliori igitur statu, et comodo Regnicolarum, ne scilicet pars in partem, in hoc casu habeat imperium, statutum est: quod si Praelati, et alii Ecclesiastici, contra Nobiles, in praesentia cuiuscunque iudicis, litem moverint, pro re, et causa, pro qua scilicet agetur, lite ipsa pendente, sine certa scientia Regiae Maiestatis, interdictum in eos ponere, vel contra ipsos sententiam excommunicationis ferre non debeant, ne potius ex passione, quam aequitatis amore tulisse eam videantur. Quare ius istud vindicavit regnans feliciter Franciscus I. cuius nomine anno 1793. die quarta Ianuarii praeceptum est, ut pro interimali in causis Excommunicationum universis observanda provisione, Benigna Ordinatio Regia, die 20. Aprilis 1784. data, clarisque verbis continens,

nens, ut causae eiusmodi, ante publicationem, et executionem sententiae, ad cognoscendum, num factum veritate nitatur, altifatae Suae Maiestati Sacratissimae, pro impertiendo Placeto Regio, cum tota processus serie submittatur: pro cynosura sumatur, et ab omnibus foris spiritualibus utriusque Ritus Catholici, exacte observetur.

§. CCCXIX.

Iure utitur Placeti.

Ex allato iam fundamento, tum ex altero quoque principio perinde fixo, (§. CCCIV.) Reges nostros, ius Placeti suae potestati vindicare, allatum postremo decretum, satis ostendit; quae vero prolaturus sum exempla, penitus demonstrabunt. Ius enimvero istud sibi competere, contestatus est Imperator, et Rex Hungariae Sigismundus, cum anno 1404. decrevit, ut nulla rescripta cuiuscunque tenoris, Legatorum, Cardinalium, Auditorum, ac Iudicum, Officialum, et Executorum, quorumcunque, sive in Romana Curia, sive extra eandem, cuiuscunque tenoris, roboris, firmitatis, et continentiae existant - - - eman-

ta, vel obtenta valeant; auctoritate Regia irritum decernens, et inane, si quid contra haec per quempiam scienter, vel ignoranter contigerit attentari. d) Exercuit ius Placiti Leopoldus I. anno 1671. cum Bullam Romanam, qua Priori Generali Paulinorum, concedebatur ius creandi in Ordine suo Theologiae Doctores, effectui mandari permisit. e) Eodem iure fuerat usus anno 1791. Leopoldus II. de cuius mandato, Excelsum Locumtenentiale Consilium, die 31. Octobris eiusdem anni, cunctis Praesulibus imponebat, ut, quoties dispensatio petenda erit ex Urbe Ro-

d) Legitur ap. Pray in Specim. Hier. Hung. parte I. pag. 95. e) Verba Regii diplomatis in hanc rem sunt sequentia: „Memorati Ordinis Generali, (Ioanni Kéri, qui tunc erat) eiusque „successoribus, vel aliis ad hoc delegandis, dictam Bullam in Regnis, et Ditionibus nobis „subiectis, actualiter exercendi facultatem, et auctoritatem nostram Caesaream clementer imper- „tiri, et dare volumus, quemadmodum vigore „praesentium impertimur, damus, et concedimus „ Legitur ap. Nicolaum Benger in Annalib. Eremitar. S. Pauli I. Eremitae pag. 3.

Romana, pro relaxando matrimonii impedimento, quod propter primum, et secundum affinitatis, vel etiam secundum consanguinitatis gradus existit, praevis negotium referatur Maiestati Regiae, et ab hac indultum faciendi recursus obtineatur. Hodiernus quoque Rex noster Franciscus I. ius hoc suum, ut manuteneret, medio Excelsi Consilii die 25. 1794. significari voluit Ecclesiarum Praesulibus, ut, quoniam nonnulli Regulares, subreptitie, et citra placetum Regium Romanam ab Ordine suo dispensationem consequuti essent, ad exhibendas eiusmodi in originali dispensationes, dispensationumque motiva adstringantur. Eo clementer addito, ne Dioecesani imposterum, si fors per illos in eadem causa Romam faciendus esset recursus, hunc sine praevio indultu Regio facere ausint. Mox vero usus est iure hoc placeti Rex idem Apostolicus, dum anno eodem die 30. Decembris, notum reddi iussit: ne Bulla Pontificia, quoad Synodum Pistoiae celebratam, recentius edita, et diversa iuribus terrae Principis derogatoria principia continens, in Regnum hoc Hungariae, partesque ei ad-

ne-

nexas inferri, aut in iisdem imprimi, vel absque placito Regio publicari permittatur. Rursus vero die 30. Iunii 1795. Excelsum Consilium Locumtenentiale, cunctis Praesulibus notum reddebat, quod sua Maiestas Sacratissima, quibusdam Religiosis, qui absque annutu superioritatis suae Roma saecularizationem sui impetrarunt, velut benigno placito Regio destitutis, idem placitum ea conditione clementer impertiri dignata sit, ut in quantum ii nec in cura animarum, nec in educatione iuventutis constituuntur, per respectivos Dioecesanos ad curam animarum, qua Cooperatores applicentur. Propter id autem, quod Dispensationales Roma citra indultum, clancularie, et insciis suis Superioribus impetratas, benigno placito Regio illico substernere neglexerint, negata iisdem testandi facultate, caduca eorundem suo tempore substantia, ita trifariam dividatur, ut una tertia cognatis, altera pauperibus, postrema denique illi Religiosae Domui, cui postremo adscripti erant, in sortem praestitae ipsis educationis, et intertentionis, cedat. Istud quoque famigerato huic iuri accenseatur,

tur, quod Rex Apostolicus, Vicarii Capitularis electionem sibi notam reddi, dudum postulet; (§. CCXXXV.) ac eam more quidem novissimo, verum iure fixo firmoque, (§. CCCIV. et CCCVI.) per Decretum speciale confirmet.

§. CCCXX.

Professione Rel. aet. praefigit.

Secundum principia superius adducta, (§. CCCVII.) Reges nostri praefigunt aetatem Professioni Religiosae. Quod enim pro ditionibus Austriacis adhuc anno 1770. die 17. Octobris dispositum fuerat, f) id extensum est die 27. Maii 1774. ad ditiones Hungaricae Coronae subiectas: ut videlicet nemo suae Maiestatis subditorum utriusque sexus, cuiuscunque status, et conditionis sit, ante completum XXIV. aetatis suae annum, seu Clericus, seu laicus conversus, seu laica, seu Choralis Monialis, Ordinis Religiosi professio-

f) In idiomate Germanico legitur ad calcem dissertationis, a Stephano Rauttenstrauch, de iure Principis, praefigendi maturiorem professioni monasticae aetatem.

sionem, vel solennia Religionis vota depone-
 nere audeat. Ad quod omnes non solum sae-
 culares, sed et cuncti Religiosi, quomodo-
 cunque exempti obligantur. Si quis autem
 Religiosus superior, aut superiorissa, vel Re-
 ligiosa Communitas, benignum hoc manda-
 tum transgrederetur, et quempiam ante ae-
 tatem decretam, ad professionem admitteret,
 eorum pro quovis Candidato, taliter profes-
 so, Provincia in communi, aut domus Reli-
 giosa, ad quam professio facta est, in par-
 ticulari, ipso facto in poenam pecuniariam
 3000. flor. pro intertentione pauperum, di-
 spositione Regia applicandorum, ex quibus
 unam tertiam, factum tale denunciatio obti-
 nebit, incidat. - - - Insuper contra prohi-
 bitionem hanc ad professionem admissus,
 subito ad saeculum remittatur, quoadusque
 praescriptam aetatem non adtigerit, et ordo
 statutae poenae non satisfecerit. Declarat
 praeterea sua Maiestas, quod praevaricatio-
 nem huius constitutionis suae, severe punire
 velit, iubetque superiorem Religiosum man-
 datis iterato contravenientem, e Ditionibus
 haereditariis Augustae Domus Austriacae, mi-
 gra-

orare; Religiosam vero Domum, adtenta circumstantiarum gravitate, si transgressio repetita fuerit, sublationem sui debere praestolari. g) Usus quoque est nuper admodum iure hoc aetatis praefigendae Rex noster Apostolicus, cum Ordini Benedictino ab se in pristinum statum reposito, benigne concessit, ut eius Clerici, qui futuri sunt, vigesimo primo aetatis anno pleno completo, solemniter profiteri possint. Id quod solemniter Diplomate, hoc anno 1802. die 12. Martii signato declaratur. Eadem gratia in reliquos etiam Ordines Religiosos actu superstites, die 13. Iulii extensa fuit.

§. CCCXXI.

Succedit in Bonis Eccl.

Ex natura insuper Hungarici Regiminis, quemadmodum saecularia quaevis bona, haerede legitimo carentia, h) sic bona etiam Ecclesiastica legitime vacantia, ad Regem Apostolicum recidere, domestica lex hisce de-

cla-

g) Legitur in collectione B. norm. Resolut. iussu Exc. Consilii edita, Tomo I. pag. 48. h) Trip. parte 1. tit. 13.

clarat: cūctorum quoque Dominorum Praelatorum, et virorum Ecclesiasticorum, Princeps ipse noster, verus pariter, et legitimus successor est, non quantum ad Bonorum, et Iurium possessionariorum ab Ecclesia ablationem, et sequestrationem, sed quantum alteri (vacantibus Praelaturarum sedibus, et Ecclesiarum Rectoratibus) ad gubernandum cum Ecclesia collationem. i) Eapropter, ut Praelatus condere Testamentum possit, opus illi est Regis indulto. (§. CCXVIII.) Cuius insuper approbationi, post obitum testatoris omnimode substerni debet. Ipse quoque, decedentibus Praelatis ab intestato, in tota per eos acquisita substantia, ex eodem legis patriae fundamento: si alii de statu Ecclesiastico ita decedant, in tertia parte succedit. (§. CCXCIII.)

§. CCCXXII.

Confert Praelaturas.

Iure praeterea specialissimo, Rex noster velut Supremus Ecclesiarum Patronus, (§. LXXVIII.)

i) Trip. parte 1. tit. 10.

LXXVIII.) Praelaturas confert. Quodquamvis aliud agendo, e publicis Regni legibus, et contestationibus Regiis, demonstratum fuerit alibi, (§. CLXXXVI.) nihilominus, ut radix quoque iuris tam excelsi, et fundamentum isthic depromatur, est necesse. Tribonianus itaque noster, Stephanus Werböczi, ius hoc Regibus nostris competere ait: *primo ratione foundationis Ecclesiarum. Quia Reges Hungariae cum soli fuerint omnium Ecclesiarum, et Episcopatum, Abbatiarumque, et Praepositarum in hoc Regno fundatores, per eiusmodi foundationem, omnem facultatem Iuris Patronatus, nominationis, electionis, ac collationis Beneficiorum, sibi ipsis acquisierunt, et vendicarunt. Qua ex causa, iuris videlicet Patronatus ratione, pertinet semper ad Reges nostros hoc in Regno, Beneficiorum Ecclesiasticorum collatio. Secundo, ratione susceptae Christianitatis: quia Hungari non per praedicationem Apostolicam, vel Apostolorum, - - - sed per institutionem proprii Regis eorum, Sanctissimi videlicet Stephani Regis, - - - conversi sunt ad Catholicam fidem - - - Tertio ratione legitima*

mae praescriptionis , k) quoniam Reges Hungariae a tempore regiminis eiusdem Beatissimi Stephani nostri Regis - - ad haec usque tempora semper in reali, et pacifico usu, ac possessione collationis huiusmodi Beneficiorum Ecclesiasticorum, plusquam per quingentos annos persistentes, l) tempus praescriptionis iurium Ecclesiasticorum, etiam Sanctae Sedis Apostolicae, iteratis vicibus dudum transcendunt. Quarto, quia ista libertas Regni, quantum ad Beneficiorum collationes, olim, tempore Domini Sigismundi Imperatoris, et Regis nostri, una cum quamplurimis libertatibus huius Regni, in generali, ac celebri Concilio Constantiensi - - - corroborata, iurisque iurandi religione firmata fuit. m) Ex quo iure fluit potestas transferendi; constituendique dignum quempiam, Episcopi Coadiutorem, cum successionis iure. (§. XLVI.)

Pars Spec.

Y

At-

- k) Quo pacto fuerit haec tempore imprimis Ferdinandi II. vellicata, docebunt meae Amoenit. Hist Eccl. R. H. fasciculo VI. num. I. §. 10. l) Facta iurius istius, citatus nunc fasciculus enarrat, m) Tripart. parte I. tit. XI.

Attamen salva penitus, quae Pontifici Romano competit, nominatum confirmandi potestate.

§. CCCXXIII.

Quandoque cedit iuri.

Praelaturarum Episcopatu inferiorum collationem, Reges Ungariae, vetusta aetate, non Episcopis duntaxat, verum saecularibus quoque viris, in patria conspicuis, indulgere solitos, et articulus nonus in Comitiis anni 1553. conditus, et adducta per me ipsum exempla, demonstrant. n) Hodie, cum ista scribo, nullus iam Ecclesiae Hungaricae Praesul, huiusmodi facultate pollet, eos si demas, quorum non personis, verum Episcopali Cathedrae collata fuit. Enimvero confert Zagrabiensis Episcopus non modo Canonicatus, verum Praeposituram quoque, Collegiatae Chasmensis Ecclesiae. Iaurinensis, Praeposituram de Pápocz. In Ecclesia vero Agriensi, Capitulum eligit e sui gremio, Praepositum B. M. V. de Castro Agriensi, Episcopus confirmat. Sunt etiam Abbates quidam ac Praepositi, quos dicimus *Reales*,
gra-

gratia Regum, a particularibus Patronis nominati. Namque Abbatem B. M. V. de Csátár nominat maiorennis lineae iunioris Comitum ab Erdöd, qui Dominium *Botfa* tenet. Abbatem S. Margarethae de Hahót Comes Festetics, Oppidi Keszthely dominus. Praepositum S. Mariae Magdalенаe de Felső-Örs Princeps de Batthyán. Praepositum B. M. V. de Rátóth Princeps Eszterházi, quae Domini Csobáncz possessor. Praepositum S. Stephani Regis, et Sanctae Radegundis Virginis de Höfflein, vel, ut nunc scribitur, de arce Kiss-Martonyiensi, renunciat arcis eiusdem Dominus, Princeps Eszterházi. Praepositum B. M. V. de Vágh Újhely, nominant septem compossessores Domini Beczko in Comitatu Nitriensi existentis. o) Nuper vero Rex Apostolicus Franciscus, cum restitueret suo vigori Monasticum S. Benedicti

Y 2

Or-

- o) Communicaverat mecum ista more suo quam liberalissime RR. D. Michael Paintner Praepositus Rátótiensi, inserta mox cit. fasciculo, et num. §. 14. Nuper vero ipsemet inserta voluit periodico opusculo, inscripto: *Zeitschrift etc.* 1. Band. pag. 70. seqq.

Ordinem, pro futuris temporibus declarabat, Archiabbatum nominationem Regiae Maiestati ea lege reservari, ut, Conventus Montis Pannoniae, tres Candidatos, praevia cum humillima supplicatione, eidem Maiestati proponere possit. Filiales autem Abbates ad Tihany, Bakonybél, et Dömölk, pro futuro etiam, dum adiuncta talium nominationem svaserint, Archi-Abbas, consultis tamen semper praevie Conventualibus, constituat, et Regiae praesentet confirmationi, quae nonnisi obtenta, Beneficium poterunt adire. p) q)

§. CCCXXIV.

Limites Dioec. defigit.

Limites Provinciis Ecclesiasticis defigendi potestatem, alii ad Iura Maiestatica referunt; sed id quomodocumque se habeat a libi gentium: Reges Hungariae, titulo Legationis Apostolicae, non semel ius istud exercue-

- p) Ex Copia Diplomatis accuratissima, quam nuper obtinui. q) Simile fecerat indultum Uladislaus II. anno 1500. quod legitur ap. Ill. Chrysostomum Novák in vindiciis Diplomatis etc. pag. 131. et ex illo in meis Amoenitat. citato fasc. et numero. §. 6.

cuerunt. Quamvis enim Sanctus Rex Stephanus id egerit, nondum missa Romam legatione: at postquam in decem Episcopatus divisit Regionem, et Strigoniensem Ecclesiam, constituit Magistrum ceterarum, atque Metropolim: mox Astricum dimisit Romam, ut facti huius confirmationem obtineret; obtinuisseque, et testatur Carthuitius, r) et noverat Bela Rex quartus, qui haec anno 1238. scribebat Gregorio IX. Papae Romano: *petimus, ut officium legationis non alii, sed nobis in Terra Asani, s) committatur: ut habemus potestatem limitandi Dioeceses; distinguendi parochias: et in hac prima institutione potestatem habeamus, ibi ponendi Episcopos, de consilio Praelatorum, et virorum Religiosorum, quia haec omnia beatae memoriae antecessori nostro S. Stephano sunt concessa. t)* Iure hoc sunt usi reipsa, huius Sancti Regis
no-

r) In vita S. Steph. edit. Prayanae pag. 130. s) Rex Bulgarorum erat, fautor Patarenorum, contra quos Tribunal Inquisitionis erectum fuisse, docent meae Amoenitates hist. Eccl. R. H. fascic. III. num. II. §. 2. t) Apud Pray annal. R. H. parte I. pag. 249. ap. Katona hist. crit. R. H. T. V. pag. 821.

nostri successores. Id quod exemplis probare tanto magis necessarium est, quod ante me factum esse, haud sciam. Sanctus Rex Ladisláus, litem de limitibus Dioecesanis inter Stephanum Qvinqueecclesiensem, et Desiderium Colocensem exortam, per delegatos iudices diremit, dato diplomate anno 1093. quo referente, iudices fuerunt istius controversiae, Kázmér, tum Capellani Regis Timotheus, et Laurentius; denique Aulici ministri, Petrus, et Simon. u) Rex Emericus intra annos 1196. et 1200. iudicem in pari causa egit. Nam cum Nicolaus Iadrensis Archi - Episcopus, Scardonensem, atque Nonensem Episcopum, a Spalatensi avulsos Metropoli, suae vellet subdere iurisdictioni: Rex Episcopo Scardonensi mandabat, Iaderam iret, sique e tabulis eius Ecclesiae comperiret, huic Ecclesiae suam perpetuo fuisse obnoxiam, eidem pareret. v) Verum a Canonicis Spalatensibus, vacante tunc eiusdem civitatis sede Episcopali, abundanter edoctus,

Ia-

u) Ap. Koller in hist. Epp. Qvinqv. T. I. pag. 171.

ap. Pray in specim. Hier. Hung. parte I. pag. 233.

v) Ap. Katona cit. op. T. IV. pag. 472.

Iadertini Metropolitae postulatum; nec tabulis, neque consuetudine ullatenus niti, scripsit Spalatensibus, Capitulo videlicet, et totius Urbis Conventui, iura illorum ab se totaliter confirmari, Regia praecipiens auctoritate huius Ecclesiae Suffraganeis, ut debitum honorem, et reverentiam Spalatensi Ecclesiae exhibeant, et nullius nova suggestionem a fide, qua eidem Ecclesiae tenentur, debeant exorbitare. w) Andreas III. quaestionem suscitavit inter Episcopum Agriensem, et Transylvaniensem, ad cuiusnam iurisdictionem spirituales pertinere deberet provincia Maramarosiensis: facta diligenti inquisitione, Agriensis primum Antistitis iurisdictioni, deinde aliter edoctus, Transylvanensi, dato diplomate anno 1299. Regia auctoritate subiecit. x) Exstant quoque Sigismundi Regis literae, anno 1398. feria 4. post festum Pentecostes exaratae, in quibus memorato iure serio fuit usus, talia scribens Magnificis Stephano, et Joanni, filiis quondam Stephani Bani, et Sigis-

w) Idem ibidem. x) Ap. Pray annal. parte I. pag. 367. et in specim. Hier. H. parte I. pag. 200. Ap. Szeredai in serie Epp. Transylv. pag. 53.

gismundo filio Ladislai de Lindva: datur nostrae intelligi Maiestati, quomodo vos quosdam Plebanos vestros ad Dioecesim Ecclesiae Zagrabiensis semper, et ab antiquo pertinentes, ab eadem Ecclesia Zagrabiense sequestrando, ad Dioecesim Weszprimiensem conferre niteremini, et velitis, in dispendium salutis animae vestrae, valde magnum. Unde nos ipsam Ecclesiam Zagrabiensem suis iuribus destitui non volumus. Igitur Fidelitati Vestrae firmiter praecipiendo mandamus, quatenus praefatos plebanos vestros transmuranos, qui alias ad praedictam Dioecesim Zagrabiensem pertinuisse, et spectasse debebant, vos a praelibata Dioecesi Weszprimiensi penitus removentes, et sequestrantes, iustam ad obedientiam, et debitam subiectionem praetitulatae Ecclesiae Zagrabiensi exhibendam compellatis, et astringatis, iustitia svadente, et aliunde sub gravi animae vestrae perditione, non ausitis intermittere. y) Eodem iure usus fuit Uladislaus II. dum per literas anno 1513. die 9. Februarii scriptas, exprobravit Thomae Bakocz ab Erdöd, Archiepiscopo Strigo-

y) Ap. Kercselich in hist. Cath. Eccl. Zagrab. p. 35.

goniensi, quod Saxonicales civitates Cibinium, et Brassoviam cum suis districtibus, alias ad Dioecesim Milkoviensem pertinentibus, Ecclesiae suae Strigoniensi per sedem Apostolicam uniri, et annecti procurasset, sine Regis, *utpote omnium Ecclesiarum huius Regni Hungarici, et perinde eis subiectarum generalis Patroni consensu.* Addebatque, ut Archiepiscopus *de huiusmodi unione patientiam habere, nihilque contra libertatem, et antiquas consuetudines ipsorum Plebanorum, et Saxonum innovare velit.* z). Viciniore nobis aetate, usus est simili iure Leopoldus I. cum litem exortam inter Episcopos, Nicolaum videlicet Plumbeum, seu de Olovacz Bosnensem, et Stephanum Selischevich Zagrabiensem de iurisdictione spirituali, in partibus Sclavoniae inferioris exercenda, Paulo Széchényi Colocensi Archiepiscopo, ceteroquin amborum Metropolitano decidendam commisit. Quia vero Bosnensis causam suam Romae persequutus est: Leopoldus datis ad Cardinalem Ioannem de Goës, Episcopum Gurcensem, et nationis Germanicae Romae Pro-

tectorem, literis, iubebat significari Episcopo eidem, *ut eo facto, a praedeclarata intentione sua, tanquam Maiestati, legibus, et privilegiis Regni, et Sacrae eiusdem Coronae, summe praeiudiciosa, et derogatoria, absolute supersedeat.* Ipse vero Gurcensis, *apud suam Sanctitatem efficere velit, ut idem Episcopus Bosnensis, quoad praetensam causam suam ad Se, tanquam Regem Apostolicum, per Eundem decidendam relegetur.* a) Et vero, hoc pacto fuit causa haec decisa, et Episcopo Zagrabiensi, die quinta mensis Iulii, anno 1701. penitus adiudicata. b) Fuit

usa

- a) Leguntur hae Literae apud Péterffy in Concil. Hung. T. I. p. 80. b) Retulit hoc die 6. Iulii Ladislaus Mattyasovszki Episcopus Nitriensis, ad Zagr. Episcopum, talibus verbis: „His brevibus „significare volui, quod Processus Ill. ac RR. „Dominationis vestrae in prima Instantia conclusus, hesternae die per nos Referendarios, finaliter relatus sit; ac sententia primae Instantiae Iudicis, prout in possessorio, ita, et petitorio sit confirmata. Ne autem Nunciatura aliquod impedimentum faciat, ipse Eminentissimus eatenus supra se assumpsit Negotiationem.“ Retulit has Kercselich cit. superius loco.

usa memorato iure, desideratissima nobis Augusta Maria Theresia, cum anno 1777. novos instituendo Episcopatus, iure Apostolico, veteres dismembravit; c) ne porro etiam diceretur, quod diu antehac ingeminatum fuit: *parvuli petierunt panem, et non erat, qui frangeret eis.* d)

c) Diploma instituti novi Episcopatus Sabariensis id demonstrabit, quod legitur ap. Steph. Schönvisner in antiqvit. et hist. Sabarien. pag. 345. d) Threnor. IV. 4.

E X P L I C I T

MDCCCLII.

DEO REGI PATRIAE

s a c r u m.

Supplementum.

Ad §. CCXXXII. Capitulum M. Varadi-
nense Latini Ritus, die 4. Octobr. 1802.
ornamentum pectoris consequutum est, cuius
pars adversa, S. Ladislai Hung. Regis effi-
giem: aversa vero, Augg. Francisci, et Ma-
riae Theresiae Coniugis nomina refert.

Ad §. CCXXXV. et CCLXXIII. Per
articulum Dioetalem 15. anni 1802. Cathe-
drale Capitulum Neosoliense, in vicem Con-
ventus B. M. V. de Thurócz, in locum cre-
dibilem, est evectum. Per art. vero 16.
Conventibus, S. Montis Pannoniae, Iaszo-
viensi, item Lelesziensi, et Chornensi, iure
postliminii, pristina credibilitas est restituta.

ERRATA.

- Pag. 27. not. s. loco §. XXXI. lege §. LXXXI.
— 44. — existit — exstitit.
— 147. not. i. — pag. 237. — 317.
— 199. lin. 9. — §. XC. — CX.
— 231. not. h. — pag. 27. — pag. 211.
— 272. post adtinent lin. ult. ponatur: tam antiquorum.
— 284. not. e. loco Praganae lege Prayanae.
— 298. not. u. — cap. 16. — cap. 15.
— 319. post w ponatur III.
— 329. loco IX. lege X.
— 360. not. p. loco Lud. 4. lege Lad. 4.
-

BX
1937
H9S88

Szvorenyi, Michael
Ius publicum commune

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

UTL AT DOWNSVIEW



D RANGE BAY SHLF POS ITEM C
39 14 . 11 03 07 014 7